




NÁRODNÍ KNIHOVNA  
V PRAZE  
ČESKÝ JAZYK

29541

Mag. St. Dg.

PI







29541

II











*Inven* *sim*  
**MAGNALIA  
DEIPARÆ,** 0182

*A D*  
**Imaginem Zdzieszouiensem  
Penes Oppidum Borek  
Celeberrimam,**

**DIOECESIS POSNANIENSIS  
Gratijs & Miraculis innumeris  
CORVSCANTIA,**

*Prævio Discursu de Cultu & antiquitate*  
**7 MAGINVM,**  
Gratitudinis ergò.

A quodam DEIPARÆ Cliente ibidem multa  
Beneficia experto,

**EVVLGATA.**

*Anno à Partu Virginis M: DC. LXXXII.*

**C R A C O V I Æ,**  
Typis FRANCISCI CEZARY, S. R. M. nec non Illustrissimi  
& Reuerendissimi Episcopi Cracovi Ducis Salleria Typogr.

*Ex Libris M. S. B. Sh. D. S. C. H.*  
78





Imag. o Miraculosa B. Marię Viro insin. Zdziesz  
ante BorckM aioris Polonie

29541. II.

BIBLIOTHECA  
UNIV. J. WELL.  
ONACOVIA



Perilluſtri & Reuerendiſſimo Domino,

D. I O A N N I  
R Y C H T E R,

Dei Gratiâ Ducalis Monafterij Lu-  
benſis, ad Oderam Sacri Ordinis

Ciſterciensis

A B B A T I,

Per Sileſiam Commiſſario Generali,

*Ac Sacra Caſarea Regiâq; Maiestatis*

*INTIMO CONSILIARIO,*

Domino & Patrono.



Cceptiſſimū pridem Deiparæ IOANNIS  
Nomen eſt Perilluſtris & Reuerēdiſſime Do-  
mine; cuius Tutelâ à Moriente Domino, ſuoq;  
Vnigenito conſignata, Vicarium Obedientiæ  
(quam Chriſtus in vitâ factus ſubditus illi exhibuerat) Lucæ 2.  
in Adoptiuo Filio reperit: & felici ipſius Erymi proludio,  
Mater Gratiæ, ad Gratiſſimū Chriſti Discipulū, Teſta-  
mentariâ ordinatione declinauit: Neq; enim (inquit S. Am-  
broſius) Mater Dñi niſi in Poſſeſſionē Gratiæ migraret. S. Ambr.  
in Cap. 19  
Hoc praduſce incitati exemplo, non diu in ancipiti haſimus, S. Ioan.  
quò eadem Sacraſſima Virgo, in ſua Zdzieſſouienſi Imagi-  
ne verè Admirabilis, deducētib; nobis cor in grave debe-  
ret: ſiquidem traſſū à Gratijs Nomen Tuum, Inſignem tot  
Gratijs & Portentis Dominam, non alibi niſi apud Te Per-  
illuſtris



*illustres & Reuerēdiss: Dñe collocari exigebat; & congruū  
 omninò erat, vt allecta officioso Deuotionis Tuæ cultu De-  
 para, cum Magnalibus ad Te diuerteret; ad quam Tu quouis  
 Anno, nullis longinqui itineris remorantibus impedimentis,  
 cum magno Pietatis sensu, & spectatū adificatione diuer-  
 tere venerabundus consueuisti. Reciproca proinde dile-  
 ctionis Excursu, certat Tecū Mater pulchræ Dilectionis,  
 practicādo illud Salomonis calamo exceptū promissū, Ego  
 Dilecto meo, & ad me conuersio eius; ardentissimūq; in  
 venerādā Imagine suā zelum Tuū, non internis solum Grati-  
 arū cōpensare appromittit argumentis, vt secundū No-  
 men Tuū sit Laus Tua; verum etiā externis hisce, per Nos  
 Ecclesia Zdzieſouiēſi cultuiq; suo specialiter mancipatos, e-  
 xaggerat testificationib; dum amicas & notas Perillustres  
 & Reuerēdiss: Dñationis Tuæ cōcedit in ades; minimè ambi-  
 gens, quod Dilectus Ioannes, iterū ex illa horā accipiet  
 illam in sua. Inueniet enim uero Hospitalis ista Gratia, D.  
 T. sueta ac solennis, magnū impensi affectus premiū; quan-  
 do hos MARIANÆ Potentiæ, per varia ad Imaginem  
 Zdzieſouiēſe edita Prodigia ac Beneficia clarescētis, bre-  
 ues Fastos, beneuoto excipiet cōplexu; quorū idem ille deuo-  
 tus Cliens Pax magna fuit, qui euulgandis calamū Stylūq;  
 sacrauit; Confidimus enim quia veniēte ad Inclitum Cele-  
 berrimūq; Asceteriū Tuum Deiparā, per scientiā experi-  
 mentalē discet Perillustres & Reuēdissima Dñatio Vestra,  
 & cum Salomone accinet; Venerūt mihi omnia bona pa-  
 riter cum illā. Quod Nos dum plenis apprecamur Vobis si-  
 mul manemus.*

*Perillustres & Reuēdissima Dñationis Vestra,  
 Deuotissimi Exoratores*

*S. IOSEPHI ad eandem Aedes B. M. V. Capellani.*



AD LECTOREM.



Elebre olim Athenis exti-  
tisse Delubrum D E O C L E-  
M E N T I Æ Sacrum memorat Statius,  
in quo Ignotum illud verum in commune  
Beneficium residens Numen, obuiâ liberalitate suppli-  
catum necessitatibus occurrebât; & nullo cuiusquam  
adeuntis repudio; Dona sua ad mensuram Votorum,  
per confluentes populos partiebatur; de hoc Delu-  
bro eleganter Poetarum vertex.

*Urbe fuit mediâ nulli concessa potentum.*

*Ara Deum; Mitis posuit Clementia sedem,*

*Et miseri fecere sacram; sine supplice nunquam.*

*Ulla nouo, nullâ damnauit vota repulsâ,*

*Auditi quicunq; rogant; noctesq; diesq;*

*Ire datum, & solis Numen placare querelis.*

Par imò felicius multò Templum sisto Tibi ante o-  
culos Amice Lector; in quo verè D E V S Clementissi-  
mus, & PATER MISERICORDIARVM, quem ignorantes  
colebant Gentiles ( vii inquebat S. Paulus ) à concur-  
rentibus populis debitam recipit Venerationem: &  
simul MATER MISERICORDIÆ, in cuius visceribus ea quæ  
ex Deo est Misericordia nouem Mensibus corporaliter requie-  
uit. Hic enim uero liber cuique patet aditus; & nul-  
lum Magna DEI CLEMENTIÆ ac totius Consolationis Ma-  
ter, fastuoso vel fastidioso dedignatur supercilio; sed  
Omnibus Clementissimam ( vt ait S. Bernardus ) omnibus  
exorabilem se præbet, & omnium necessitatibus amplissimo  
quodam miseratur occurſu. Habent non dubiam optatæ  
Misericordie tesseram venientes supplicum turmæ,  
dum.

Statius lib. 12.  
Thebaidos.

1. Cor: 1.

S. Bernardus.

1. Cor: 1.

S. Bernar: Ser-  
mone Signum  
magnum.



# AD LECTOREM.

dum prostantem in Effigie Virginis, & ipso gratiosissimi oris propylæo legunt Clementiam: plenamentum Votorum satietatem spondet precantibus, vel Primus Partheniæ Faciei intuitus; quæ nullas contracta in nubes, ita Maiestatem effulгурat, ut scintillantis & benigno oculorum flexu delinimenta Mansuetudinis non imminuat. Reperit profecto post subductam, Deiparam, non modicum solitudinis suæ solatium, orphanus inferior mundus; quia cum pasci voluptate suauissimi illius vultus nequeat, qui (S. Damiano teste) *Naturam etiā Angelicam sollicitat ad videndum*, attamen in Iconibus Virgineis cupitas prælibat delicias. Queri alias meritò de illarū iniuriā, & Raptoris cæli auaritiā iustissimā accusatione percellere potuisset; quòd nobilissima Beatæ Animæ MARIANÆ ditatum possessione, Deifici saltem corporis thesaurum sibi negasset; nisi & piæ huius rapinæ inuidiam, & iacturæ suæ acerbicatem, relictarum Imaginum Fructio leniuisset. Equidem Mellifluus Abbas satis coræquatam esse Terrestrium cum Cælestibus sortem credidit, quando absentiam receptæ à superis Deiparæ, obtenta suauissimi Nominis ipsius cum pleno usufructu hæreditas abundè suppleuit; sic enim ille, *Facunda Virginis amplectitur Calum presentiam, Terræ memoriā veneratur*, sic nimirum totius boni illuc exhibitio, *hic tenuis quadam libatio Primitiarū; ibi Res & hic NOMEN*. Verum tametsi opulentum satis pignus in Sanctissimo Nomine MARIÆ tenere Nos fateamur; accumulatur tamen insuper damni Nostri compensationē Deipara, quādo subtractos ex oculis Mortaliū vultus (quos nunc liquidò contueri non licet) per sacras Effigies ostentat; & gratissimo illicio animos spectantiū rapit. Triplicem Institutionis Imaginū, in Ecclesijs Catholicis rationē fuisse docuit S. Thomas. *Primo ad instructionē rudī; qui eis*  
*tanquam*

S. Damianus  
Serm. de Assumptione.

S. Bernardus  
Sermone de Aquæ ductu.



# AD LECTOREM.

tanquam quibusdā Libris edocentur: Secundo ut Incarnationis  
Mysterium & Sanctorum exempla magis in memoriā essent, dum  
quotidie oculis representantur: Tertiō ad excitandum deuotionis  
affectum, qui ex visis efficacius excitatur quā ex auditis. Tales  
flagrantissimæ Deuotionis Affectus quamuis per omnia  
Catholicorum Tempia, incolendā Dei Genitrice cer-  
rent; specialiter tamen BASILICA ZDZIESZO-  
VIENSIS, Augustā Imagine illius nobilitata, affectuo-  
sis hisce feruet studijs: ad quam innumerabiles confluen-  
tium turmæ, Beneficentiā Virgineā (quæ illic clariori-  
bus argumentis per experimenta noscitur) pellectæ, iu-  
ges eiusdem personant laudes, ac perceptas Gratias, me-  
ritarum repēdunt persolutione gratiarum; recogno-  
scentes verbis Regij Psaltri: *Suscepimus ō MARIA Mife-*  
*ricordiam tuam in medio TEMPLI TVI.* Et sanè Mife-  
ricordia Dei paræ vix alibi copiosiori restagnat eluuiē,  
atque in Templo ZDZIESZOWIENSI; vbi nullus  
labitur dies, quem insigni aliquo Miseris exhibito Fa-  
uore, non insigniat; vt meritō cum Claræ Vallis Abba-  
te affirmare audeam; quia Illic *Omnibus Omnia facta est,*  
*omnibus copiosissimā ebaritate debitoricem se fecit, Omnibus*  
*Misericordie sinum aperuit, vt de plenitudine eius accipiant*  
*uniuersi.* Hoc vt Tibi plenius constet Beuēole Le-  
ctor, percurrere pauca hæc verū selectiora ex Authen-  
ticis præfatæ Ecclesiæ Monumentis excerpta MARIA-  
NÆ VIRTVTIS Prodigia, per quæ Imagini suæ  
venerationem intendit: & benedic Omnipotentem  
tantæ Matris Filium, qui Arnoldo Carnotensi at-  
testante *Gloriam suam cum Matre non tam*  
*communem esse voluit quā eandem.*

V A L E.

AP.

S. Thom: in.  
Tert: Senten:  
Distin: 9. Art:  
2. Responso-  
ne ad Q. 92.

Psal: 47.

S. Bern: Serm:  
Signum magn.

Arnold: Car-  
noten: Tract.  
de Laud: Vir-  
ginis.



MS)(+)(SC) MS)(+)(SC)  
A P P R O B A T I O  
L O C I O R D I N A R I I.

**L**ibrum cui Titulus MAGNALIA  
DEIPARÆ, de Imagine Miraculosâ  
Beatissimæ MARIÆ Virginis in Eccle-  
siâ Zdźieszouienſi ante Oppidum Borek,  
Historiam continentem, Authoritate Of-  
ficij nostri approbamus & typis imprimi  
permittimus, Dat: Posnaniæ die 4 Se-  
ptembris 1678.

*Albertus Dobrzelonſki, Archid: & Officialis Poſna: Generalis mpp.*

Approbatio Magnifici Rectoris Academiæ  
Cracouiensis.

**M. SIMON STANISLAVS MAKOWSKI**  
S. Theologiæ Doctor & Professor, Studii Vniuerſita-  
tis Cracouiensis Generalis Rector, lecto diligenter &  
attentè Libro hoc, MAGNALIA DEIPARÆ com-  
plectente, viſâque Originali Cenſurâ, dignum luce iu-  
dicat, & dat facultatem imprimendi. Datum Cra-  
couiæ Anno Domini 1681. die 1. Nouemb. mpp.

CAPVT



# MAGNALIA DEIPARÆ.

## CAPVT I.

De Vfu & Cultu Imaginum con-  
tra Heterodoxos, Discursus ex  
Ratione & Scripturâ petitus.



**I**maginum Vfus & Cultus, tantis olim veterum Iconoclastarum agitatus æstibus, nouitio etiamnum, Sectariorum vrgetur odio : E quibus, Alij totam, ex integro quarumuis Effigierum, nauseant proscribiq̃ue cupiunt seriem, & Idola ac Imagines, impudentissimo conuicti-  
andi conuoluunt genere, pariq̃ue Numinis interdicto subesse clamant: Alij quibus euident inter hæc discrimen, Politicum quidem seu Ciuilem, Imaginum vsum tolerant, & memorandis saltem mysterijs, ac rudioribus per externa gestorum lineamenta instruendis, vtcunq̃ue suffragari fatentur; nullo tamen dignandas Hono-

Odium hæreticorum aduersus Imagines Sacras.

A

re ac



Imago nō est  
idē quod Ido-  
lum contra  
Caluinum.

Alias Verbum  
quod est Ima-  
go Patris, esset  
Idolum Patris.

1. Theffalo-  
nic: 1.

Ioann: 14.

re ac Veneratione, & ad solos spectantium intu-  
itus, non autem Cultus proflare debere, obsti-  
natissimè contendunt. Et illos quidem, qui te-  
merario nexu, Iconas compingunt Idolis, DEVS,  
Natura, & Ratio, validissimis conuincunt argu-  
mentis: In his enim cū tanta effulgeat Ima-  
ginum fertilitas, quis nisi emotæ mentis, vberri-  
mani Sensibilem ac Intelligibilem specierum  
sobolem, inter detestanda Idolorum numeret  
propudia? Coæternus ante omnia DEO ipsi,  
Imaginum partus est; qui licet totā retrò æter-  
nitate, in vnam duntaxat, sese digelsit Imagi-  
nem, dum Consubstantiali totus refulsit in Filio,  
*ea tamen Inuisibilis huius Diuinæ Imaginis* (vti à  
S. PAVLO nominatur,) vis est, vt non modo  
principium originis suæ, nempe Patrem, plenè &  
integrè referat; *Qui enim videt me, videt & Pa-  
trem meum*, inquebat ipse D. PHILIPPO;  
sed totius mundi seriem, & stantium iuxta ac  
possibilem, Creaturarum formas, exactissimā  
repræsentatione in se veluti Archetypo exhibe-  
at. Vident gaudentque hoc spectaculo Beatæ  
mentes, dum in VERBO, illā nempe expres-  
sissimā, & res omnes planissimè referente Ima-  
gine, pro captu statuque suo, tantò plura deli-  
bant; quantò puriores, & à noxarum labe ma-  
gis illimes visus, in illud Diuinæ Sapientiæ The-  
atrum, Generalemque Idearum omnium officii-  
nam,



nam, è terris intulerint. Et quis CALVINI-  
 A NO afflatus falcino obgannire audebit, &  
*Splendorem gloria ac Figuram substantiæ Patris,*  
 ad infanda Idolorum commercia detrudere?  
 certè Primum Idolatram, fateri is cogetur, Pa-  
 trem æternum, qui *cum iterum introduceret Fili-  
 um suum in mundum,* illam nempe Increatam sui  
 Imaginem, omnes Spirituum Ordines, Cultui  
 ipsius mancipavit, cum dixit; *Et adorent eum om-  
 nes Angeli eius.* Iam si ad externa, quæ Di-  
 uinæ ambitu non clauduntur naturæ, opera fle-  
 ctamus aciem, occurret potissimus è Creatis  
 Homo, Opificis sui Imagine Nobilis; quæ si ex  
 arbitrio vertiginosi Nouatorum cerebri, cum  
 Idolo coincidit, D E V S bone, quàm ferax ab  
 ipsâ omnipotentis manu, in Protoplasto Idolo-  
 rum sparsa sementis! quanta etiamnum conti-  
 nuâ fecunditate eorundem luxuriat propago!  
 dum, quot homines, tot secundum Apostolum  
*Dei Images,* secundum CALVINI placita,  
 Idola terris sæculisque inerrant. Satis profectò  
 iniurium in humanum genus format D E V M,  
 qui illum tot minis edictisque vetita Idola pri-  
 mum effinxisse, & in suâ Imagine, quam huma-  
 nâ impressit menti (si Imago eadem, cum Idolo  
 est) orbi inuexisse asserit.

Verùm prodeat Natura, & furiosas voces,  
 toto operationum suarum, castiget robore: hæc

A 2

enim,

Hebr: 1.

Id: Hebr: 1.

& homo ad i-  
 maginem factus  
 Dei, esset Ido-  
 lum Dei,

1. Corinth: 11  
 ver: 7.

Species quoq;  
 sensibiles ac in-  
 telligibiles es-  
 sent idola.



Etiam in An-  
gelis species  
habentibus co-  
ncreatas,

Idolum est  
species rei fi-  
ctæ, imago  
veræ.

Plato in The-  
æt;

enim, cùm in nullos Animalis, ac Intellectuæ vi-  
tæ actus, exire possit, sine debito specierum ad-  
miniculo; omninò sædam Idolatriæ subibit no-  
tam, & tam fidelis Imaginum Affecla, tot speci-  
ebus adstricta, & concatenata inter Fautores,  
immò Factores Idolorum audiet. Intelligenti-  
as ipsas materiæ licet cassas, Imaginum tamen,  
DEVS Auctor Naturæ, noluit esse exsortes, dū  
eis tot species concreatas, per quas in rerum fe-  
runtur notitiam indidit: Illas ergò siquidē Ido-  
lis GENEVENSIS lacunæ fæx aggregat, in  
ipsis necessariò cæli penetralibus, inter resonas  
DEI laudes, Idolorum vsum in Cognitionibus  
Angelicis agnoscat, & liberum ac licitum vete-  
ratoriâ calliditate fateatur. Sed quorsum Mife-  
ros vesanis pridem merfos absurdis in noua tru-  
damus? Euincat ratio Rationis refugas, & per  
proprij tantùm sensus inania vagantes; hæc e-  
nim dictante, satis internoscitur, quàm vasto in-  
ter se, Idola ac Imagines dissideant interuallo;  
Nam *Idolum dicitur rei fictæ species, & quæ nul-  
latenus talis fuerit, nec esse potuerit qualis in mu-  
to exhibetur simulachro*: Imago verò est *Effigies  
exprimens rem vel personam, secundum ea, quæ il-  
li verè aliquo saltem modo competunt*. Hoc in-  
ter Idola ac Imagines diferimen, agnouit vel  
Gentilis PLATO, qui in Theæteto, Idola mē-  
daciōrum cætui aggregauit; optimâ sanè ratio-  
ne: nam



# D E I P A R Æ.

ne: Nam cæca Antiquitas, dum suos SATVR-  
NOS, IOVES, MARTE S, & cæteram Nu-  
minum colluuiem in variis Statuis ostentauit,  
non eos homines quales aliquando fuerant, sed  
DE OS quales esse non poterant, insano com-  
mento credi voluit; *Et incommunicabile Nomen*  
*ligno ac lapidibus* adstruxit. Hinc est quòd A-  
postolus, *Idola, Nihil esse* asserit; non quòd omni-  
nò nihil sint, quæ & diuite interdum pretiosi  
metalli tument materiâ, & per egregias artifice  
manu deducuntur formas; sed quòd mentitam  
Deitatem, quæ de facto nulla ac nihil est, ast è  
solis decerrantis à ratione generis humani, pullu-  
lat delirijs, insanâ ostentatione vsurpent. Vn-  
de & scriptura, *Idola, simulachri* appellatione,  
plerumque circumscribit; vt vel ipso prodat no-  
mine, quòd veri inania, totum simulent, & à fa-  
bulis Deitatem mutuent. Nec verò Catholici  
metuimus, næ eodem & ipsi figamur telo, & in  
plerisque saltem Imaginum figuris Simulationis,  
ac è consequenti Idololatriæ arguamur; quia & An-  
gelos corporum cassos, humanâ specie conuesti-  
re, & DE O ab omni materiæ concretionc, vel  
maximè segregi, humanos vultus induere aude-  
mus: Neque enim nos tunc quidquam è vano  
depromimus; qui DE VM & Angelos, non qua-  
les in substantiâ suâ sint, sed quales sæpè appa-  
ruerint, in lineamenta traducimus; Nam & D A.

Sapient: 14.

Idolum Apo-  
stolo nihil di-  
citur. 1<sup>o</sup> Co-  
rinth: 8. Ver:

Deus & Ange-  
li non in ficta  
specie pingun-  
tur, sed in qua  
li visi.



NIELI DEVM vt Antiquum dierum visum esse, & Angelos IACOBO sub Luctatoris, IOSVE Militis, THOBIÆ peregrini Iuuenis, HELI-ODORO tremendi Equitis habitu apparuisse scimus. Vnde falsò imponere credulitati rudiorum insimulamur, qui speciem, quam ipsi aliquando induerint, oculis proponimus. Nolo ulterius, vecordem hanc sententiam, calamo incessere, multominus ad debellanda tanta deliria, plenam Scripturarum aciem explicare; satis ea multis, vel vnum SALOMONIS Templum demolitur telis, in quo cum tot ære vel auro fusæ, Boum, Palmarum, Liliorum, Cherubinorum prostantur Imagines; Si hæ nullo ab Idolis discriminantur limite, mirum est, DEVM socij quondam DAGONIS pone Arcam intolerantem, tantum Idolorum confluum, in proprijs passum esse adytis; & Augustissimum illud Templum æquè Numinis sui habitaculum, ac tot Idolorum fieri voluisse receptaculum.

Transego ad illos, qui Imaginum vtcunque patientes, eas tamen ad sola tantum oculorum lenocinia, non verò religiosi Cultûs officia, exhiberi posse contendunt; & Orthodoxos tanquam amore Imaginum lymphatos, quique Cultum DEO soli debitum, ad muras transferant Effigies, nimis prælicenti criminatione sugillant. Horum speciosis vocibus, quantum sublit virus, & quan-

Templum Salomonis plenum fuit imaginibus, varijs.



& quantus, sub personato zeli habitu, lateat aduersus Sancta liuor, antequam palam fiat, præfari paucis libet, *Quidnam sit, & Quantum se extendat, Cultus ac Veneratio?* Vt horum nominum vis, in suâ latitudine deprehensa, in occasionem deinceps mordacis cauilli trahi ab Acatholicis nequeat. Ex communi itaque, ac in vniuersum recepto sensu, *CULTVS dicitur Actus reuerentiae & honoris, ob aliquam Excellentiam Rei vel Personæ delatus;* quæ Excellentia, quoniam intra fixas non hæret meras, sed pro varietate subiectorum, varijs amplissimisque excurrit spatijs, Consequens est, iuxta rationem & gradum Excellentiae, Cultum ampliari vel contrahi. Atq; hinc est, quodd ex diuerso Excellentiae motiuo, diuersæ etiam resultent venerationis species: Nam *POLITICA & CIVILIS* defertur in signum Sæcularis Eminentiae, vti vestigale dominatricis potestatis pensum; *RELIGIOSA & SACRA* impenditur per respectum Excellentiae Spiritualis, vti sacri argumentum Honoris, & deuoti auctoramentum Horroris. Seponamus tantisper Excellentiam Politicam, amplectamur Sacram; hanc autem quia diuersimodè in diuersis radiare agnoscimus, ad diuersa quoque officiosæ venerationis Symbola, sinuari non grauamur. Eminent in Sacris Primus & Summus *DEVS*, cuius Excellere cùm idem sit quod sum ab-

Cultus quid sit  
in genere.

Cultus & Venerationis  
variae species  
pro ratione  
Excellentiae,



Summa Dei  
Excellentia su-  
mum meretur  
cultum,

2. Petri 1.

Sancti colun-  
tur cultu ab-  
soluto,

Imagines re-  
spectivo in or-  
dine ad San-  
ctos.

um absolutum esse; Supereminens DEI SAN-  
CTITAS, totum totius creaturæ affectum, to-  
tum omnigenæ Venerationis, iure sibi rapit cen-  
sum; Sequuntur DEVM infinitis licet passibus  
minores sacræ tamen Excellentiae per gratiam  
participes; & ut ait Princeps Apostolorum, *Di-  
uina facti consortes natura SANCTI*: in his quem-  
admodum arctatam certis terminis Sanctitatem  
inesse scimus, sic etiam certum, & à priori longè  
dislitum, venerationis gradum, eisdem imperti-  
mur. Abit hîc iterùm in alias formas circum-  
specta Orthodoxa pietas, & mensuram Cultûs,  
dignitati cuiusque pulchrè coaptat; dum Abso-  
lutâ veneratione, ipsas Sanctorum prosequitur  
Personas; Respectiuâ autem, res propriæ quidē  
Excellentiae vacuas, aliquo tamen respectu, per-  
sonis Sanctorum connexas; Ita prior ille Cultus,  
recto tramite, in Sanctos definit, hic verò ab Ima-  
ginibus eorum reflexo calle, in ipsosmet reuer-  
berat. Faceſſat iam toruo Vesana ore Hæreti-  
corum rabies, & malignum dentem, Catholicæ  
desinat imprimere Deuotioni; quasi DEVM &  
SANCTOS, eorumque Imagines, intra ean-  
dem, paris Cultûs, compingat & arctet orbitam;  
Circumscripta apud nos, vti Excellentiae, ita Re-  
uerentiae cuiusque Sphæra est; & dimensum, ad  
libellam Sanctitatis pondus Honoris; respondet-  
que.



que æquâ proportionē Dignitati, Cultûs dignatio ; Ita Summum & totum Cultum DEO ad-  
diximus, pressum & ex parte, Sanctis vti *Ami-  
cis à DEO nimis honoratis* ; Reflexum & ad  
sua directum exemplaria, Imaginibus. Verùm  
quoniam vltimus iste, Orthodoxæ pietatis, erga  
Imagines ardor, primis & maximis, Heterodo-  
xorum agitur stridoribus ; ne deinceps, mor-  
daces zoili habeant, quâ parte in nos, suos eui-  
brent aculeos, Trinum, pro tutela Imaginum,  
iaciam vallum : *Ex Ratione, Scripturâ, & Solida-  
tâ per tot secula Auctoritate coactum.* Euidens  
inprimis est, dictante Ratione, Testante Stagi-  
ritâ, quòd *idem est motus in Imaginem & in E-  
xemplar illius* : Cùm enim vi Naturalis coniun-  
ctionis, Imago referat illud, quod inductis ex-  
primit coloribus, necesse est, ex præducis inci-  
dentiâ oculi, reuerberatam mentem, attolli in  
cognitionem Prototypi ; ac præter speciem quâ  
externo haurit visu, altiore exemplaris ipsius  
sensu tangi. Vnde & Orthodoxa Pietas, quo-  
ties deuotâ mente, Imaginibus Sanctorum ad-  
uoluitur, non circa extima lineamentorum cre-  
pundia, puerili hæret leuitate ; sed ad ipsos pe-  
netrans Diuos, per figuras, Cultum suum, Figu-  
ratis desacrat & addicit ; Eos nimirum, pro ob-  
iecto Formali Venerationis constituens, quos in

Aristoteles  
lib. de Remi-  
niscen: cap: 2.

Cognitio ima-  
ginis termina-  
tur in exem-  
plari naturali-  
ter.



Ita & Cultus  
ad eadem tran-  
sit.

Imagines capa-  
ces contume-  
liæ,

Ergo & hono-  
ris.

Puniti viola-  
tores Imaginū

Effigie propriâ moraliter existentes (tametsi  
Physicè distincti sint) attendit & apprehendit.  
Ita vel ipso Naturæ lumine, castigantur furiosi  
Imaginum Censores, Nos verò superstitionis  
crimine absolvimur; qui Imagines quatenus  
SANCTIS, repræsentatione coniunctas, hono-  
re debito prosequimur; Illum enim ab Imagini-  
bus in SANC TOS refundi, tum Naturæ in-  
stinctu, tum Nostræ deuotionis, vti ad ipsos vl-  
timò terminatæ, destinatione nouimus. Nec  
alius apud omnes gentes, prodromæ Rationis  
ductum secutas, de Imaginibus sensus, quæ, na-  
turalis cum Prototypo Iconum connexionis, cer-  
tæ, quoties Principum vultus in Statuas, aut Pi-  
cturas transferunt, toties honore eisdem præsti-  
to, deliniri, probris tangi & vri, Principes ipsos  
credunt: quorsum enim per tot supplicia, illa-  
tas Regum Statuis, vel Colossis iniurias vltum  
irent? si totam iniuriantis rabiem, in solâ Ima-  
gine exspirare, nec vltrà porrigi, & ipsos quos  
exhibent Reges, impetere sentirent? Quantos  
perdidit Imago TIBERII, vilioribus locis, im-  
prouidè illata, nec cum eâ, per quam fulgura-  
bat, signatorij annuli gemmâ depositâ? Et vt  
furentem hoc in passu Gentilium omittam Su-  
perbiam (tametsi illa Imaginum contumelias nō  
sine ratione, ad Cæsares deflexerit) quantis cla-  
dibus



dibus, & multi eluie cruoris, constitit ANTI-  
 OCHENSIBVS euerfa PLACILLÆ Ima-  
 go? quam ne deinceps bacchantis populi ma-  
 nibus deiici contingeret, THEODOSIVS  
 Coniunx, aggestis per cædes cadaueribus, firma-  
 uit. Hodie quoque an non seuera illorum ca-  
 pitibus impendet Nemesis, quos inserta Marmo-  
 ribus, vel illira Tabulis, Regum & Monarcha-  
 rum ora, in sua accendunt opprobria? Hæc e-  
 nim, cum ad Reges, velut in suis prostantes Sta-  
 tuis, spectare noscantur, meritò delinquentium  
 poenis, elisa in Effigie, Maiestatis reuerentia in-  
 stauratur. Et quoniam Philosopho teste *contra-*  
*riorum eadem est ratio*, quis nisi à ratione deui-  
 us censebit, mereri supplicia Imaginum viola-  
 tores, & tamen ex aduerso notam incurrere, qui  
 præmia ferre debuerant earundem cultores?

Veniamus ad Scripturam quòdque ea Re-  
 uerentiam Sacrarum Imaginum non improbet,  
 quemadmodum Sectarij, Locis contra Idola di-  
 rectis, abusi iactare audent, paucis monstremus.  
 Præmittimus verò ante omnia, non posse nec  
 debere, deteriori conditione, nunc esse Imagi-  
 nes Sacras, quàm olim cætera Inanima, ad DE-  
 VM tamen aut DIVOS aliquâ connexionem re-  
 lata fuerint; quæ cum ex eâ ratione, ac Moti-  
 uo Venerationem obtinuerint, nemo Catholi-

Res in animæ  
 cultæ in scri-  
 ptura per re-  
 spectum ad  
 Deum,



eos, censoria deinceps signet virgulâ, si eâdem  
 intuitu Terminum ultimarij impendant Iconibus,  
 quæ Veteris Testamenti asseclæ, eodem respec-  
 tu præstiterunt alijs rebus; tam enim Nos in  
 fidei Lumine, quàm illi sub nube degentes, om-  
 nem intrinsecam ac Physicam Excellentiam ta-  
 libus detrahimus; & solâ adscititiâ ac Morali,  
 quæ videlicet ab ijs, quos aliquo modo attin-  
 gunt deriuatur Sanctis, honestari volumus. Pro-  
 deat ergò iam celebris illa, non tam opere quàm  
 Mysterio Testamenti A R C A, cui venerabun-  
 dos accidisse populos, vel ipsa Psalmi testatur  
 iussio: *Adorate* (inquiens) *scabellum pedum eius,*  
*quoniam sanctum est.* Nec verò apud scripturæ  
 peritos ambigitur, scabelli nomine A R C A M  
 inditari, cuius Propitiatorio velut insistent, o-  
 racula fundebat D E V S; huic cum Sanctitatem  
 Propheta adscribat, & arroget, tametsi non infi-  
 tam, sed aliunde, ex speciali nimirum D E I præ-  
 sentiâ extrinsece participatam, meritò in eius a-  
 dorationem acclines poplites submitti iubet;  
 quia D E V M, non solum in te ipso immediatè  
 coli, sed in omni eo, quod ipsum repræsentat,  
 æquum esse nouit. Et quis cultum huiusmodi  
 A R C A E denegatum, nec in vsu fuisse dicet,  
 qui vel à longè scripturas delibauit? nonne hanc  
 Iosue 7. fusus humi I O S V E adorauit, dum *pronus in*  
*terram*



*terram cecidit coram ARCA fæderis Domini* *usque ad vesperam, tam ipse quàm omnes senes Israel*: nonne eandem triumphali Pompâ, Præful-  
 tor vnâ & Protopsaltes, celeberrimi Chori D A-  
 V I D circumduxit? nonnè ignibus æternis mi-  
 rabiliq̃ue illo perennaturi luminis baiulo, Can-  
 delabro, MOYSES illustrauit? His paria cum  
 respectu Imaginum præstent Catholici, Eat rigi-  
 dus è LV T H E R I sentinâ A R I S T A R C H V S,  
 & Nos toruo ventilet Supercilio, quòd inani-  
 mis prosternamur Imaginibus; qui ad huiusmo-  
 di Venerationis Actus, à pijs inanimæ pariter  
 A R C Æ manuducimur Cultoribus. Verùm est  
 in Scriptura patentius Cultæ Imaginis Exem-  
 plum, Serpens nimirum ille, artifice manu fusili  
 intortus æri, ac ex ipsius D E I normâ, læsis ab  
 ignitorum afflatu Serpentium populis, in reme-  
 dium propositus; *quem cum percussi aspicerent*  
 (testante Sacro Historiographo) *sanabantur*:  
 Quis enim credat, simplices proiecti temerè lu-  
 minis obtutus, tam subitam attraxisse Sanitatē?  
 & non magis eleuatas, in Secreti alicuius My-  
 sterij æstimationem, læsorum mentes, atq̃ue hinc  
 errante præ oculis fato, inde flammatis aculei  
 impactu tormine, ad omnem pietatis Sensum  
 (quemadmodum D I V V S I V S T I N V S  
 M A R T Y R censet) quò habiliores recipiendæ

Eadem Procef-  
 sionibus & lu-  
 minibus culta.  
 2. Regum 6.  
 Exod: 26.

Non plus faci-  
 unt coram I-  
 maginibus Ca-  
 tholici,

Serpens æneus  
 non sine pie-  
 tate & venera-  
 tione aspectus

Testatur id S.  
 Iustinus in A-  
 pologia 2.



Pariter Adria-  
nus Papa Epi-  
stola ad Caro-  
lum Magnum

Imago Christi  
Agabaro mis-  
sa.

De qua Euagr:  
lib: 4. cap: 24  
Ioan: Dama-  
scen: lib: 4.  
de fide cap: 4.

gratiæ essent compositas? Certè iacta illic cer-  
tissima Cultûs Imaginum rudimenta, constan-  
ter tuetur GREGORIUS 2. PAPA Episto-  
lâ ad HERMANVM, ac ex eo ADRIA-  
NVS Cathedræ simul doctrinæque Apostolicæ  
Successor, dum in obtrectantes eisdem momos  
sic inuehitur: *Fecit MOYSES serpentem, & po-  
suit in signum, & seruati sunt: o stultitiam vetan-  
tium venerandas Imagines honorari, in quibus Ser-  
uatoris nostri Historiæ continentur! Nam si Israeli-  
ticum populum, per inspectionem serpentis seruatum  
à suâ peste credimus, CHRISTI & SANCTO-  
RVM figuras contemplantes & venerantes, du-  
bitamus nos posse seruari?*

Restat Tertium tuendis Imaginibus Pro-  
pugnaculum, communi Christianæ vetustatis  
consensu munitum; Is etenim pænè dies qui Ec-  
clesiam CHRISTO, Imagines simul Ecclesiæ  
peperit. Testis est Imago illa, nullo penicilli  
aut pigmenti adminiculo, solâ Apellem agente  
DIVINA CHRISTI vi laborata; quam  
SALVATOR appresso faciei suæ linteo effor-  
matam, AGABARO REGI spectandi sui cu-  
pidine æstuanti, donum simul spectaculumque  
transmisit: Veritatem illius præter EVAGRI-  
VM & alios, LEO Lector oculatus eiusdem  
Testis in secundâ Synodo Nicenâ Act: 5. adstruit.  
Testis



Testis & alia pari artificio in Sudarium transmissa; quo dum lassum sub ferali Crucis trabe **CHRISTVM** pia **VERONICE** detergit, ingens obsequii pretium, receptâ quam mixtus Sanguini depinxit Sudor, Diuini vultûs Imagine reportauit. Testis & tertia non iam manum **CHRISTI**, sed totum corpus secuta, quam Posthumi vice doni Saluator mundo reliquit, dum sese membris omnibus in mortuali Sydone post fata delineauit. Ostentat illam effigiem hodieque Orbis Domina **ROMA**, hanc **METROPOLIS PEDEMONTII TAVRINVM**; quam ne deinceps peruicax hæreticorum rigor venerari dedignaretur, Ignis exemplo præiuit; qui depastus Urbem & Templum, reductis in fauillam cæteris, Sacram Sydonem alambente duntaxat per margines flammâ ambulans, cæterâ innocens, ac Imaginis **CRISTI** reuerentiâ tactus præterijt. Talibus **CHRISTI** ipsius auspicijs initiata Christianorum Pietas, per omnes deinde ætates, amore Imaginum efferbuit; & mox ab illato cælis Seruatore, congregati **ANTIOCHIÆ** Apostoli, quem è Magistri exemplo decerpserant, edicto firmarunt Imaginum vsum; Dum abolendis simulachrorum quisquiliis, Sacras effigies condito canone opponi iusserunt, quò Nouitia credentium Fides, inoli-

Altera in Sudario Veronices expressa, de qua Constantinus Perphyrogignitus apud Liponari Tomo 6.

Tertia impressa Sydoni, quæ exat & colitur Taurini.

Apostolorum Canon pro Imaginibus.



inolitæ Idololatriæ faeces promptius detereret. Extat Concilii illius Apostolici Canon in secundâ Synodo Nicenâ Actione Primâ relatus huiusmodi, *Ne decipiantur saluati ob Idola, sed pingant ex aduerso Diuinam humanamq; non manufactam, impermixtam effigiem Dei veri, ac Saluatoris nostri Iesu Christi, contra Idola ac Iudæos.*

Certatum ab hinc Sacerrimâ æmulatione, & pænè ambizioso Studio, vt CHRISTI ac DEIPARÆ, eorumque quos nobilior virtus insigniit Effigies, ad religiosam sæculorum propagarentur venerationem: Ac licet, feruente in Christicolas Tyrannorum odio, rariora pietatis huius viserentur monumenta, quæ interim urgente temporum ratione suppressi præstabat, ne vulgata inter contumelias deflagrarent; Satis tamen in fingendis & condendis ijs adhibuit artis & operis, ingeniosa veterum Deuotio; vt lapsa hodie, ac Fidei suæ symbola nauseans multorum Religio, haberet exemplum quo coërce- retur, stimulum quo ad premenda, exactissimæ antiquitatis vestigia, ageretur. Ita Mulier illa diuturno Sanguinis profluuiio exsucta, post duodenne Medicorum, de vitâ suâ certamen, altioris Medici CHRISTI, auxiliarem manum experta, ÆSCVLPIO suo, donum, Imaginem eiusdem Sacrauit; & morbi curationisque memoriam

Mulier à sanguinis fluxu curata, erigit imaginē Christi, de qua præter Euseb: Metaph: in vita S. Stephani Iunioris cap:



moriam in æs redigens, CHRISTI Sta-  
 tuam metallo effictam, se verò ipsam fim-  
 briæ vestis ad repentem, Cæsareæ Philippi quam  
 Urbem Pameada vocant, loco publico statuit, e-  
 amque sibi visam præter alios, *Euseb: lib: 7. cap:*  
*14.* asserit. Ita S. Lucas nondum exemptæ ter-  
 ris DEIPARÆ Imaginem coloribus expressit;  
 dumque eam VIRGINI velut cum originali col-  
 laturus præsentat, probante Studium Deigenitri-  
 ce obtinuit, vt noua Picturæ illi gratia, ab aspe-  
 ctu Prototypi augesceret, & Formæ suæ Virgo  
 augustiorem speciem, Nicephoro attestante, in-  
 deret ac conciliaret. Idem Sanctus Christi quo-  
 que, & Apostolorum Imagines, in Tabulis dige-  
 stas, memoriæ ac obseruationi posterorum trans-  
 misit; vt Parentem ac Magistros Fidei suæ, non  
 iam vago per alienas species animo, sed velut vi-  
 uos ac spirantes de Facie nosse, venerarique pos-  
 sent. Ita demùm Nicodemus Amorem CHRI-  
 STI etiam post fata facto professus, sicut mor-  
 tuo parentauerat, sic rediuiuum in Imagine vi-  
 uere, & perennare voluit; quam seu Artifex ipse,  
 seu artem pretio mercatus efformari fecit: Eam  
 deinde Beryti in domo cuiusdam Christiani re-  
 pertam, Iudaicus furor, totâ rabiei mole impe-  
 tijt: sed mox, manante ex adactis vulneribus,  
 copiosi Sanguinis riuo castigatus, ac postea ad

S. Lucas pin-  
 git, Imaginem  
 Deiparæ Ni-  
 ceph: lib: 15.  
 cap: 14.

Item Christi  
 & Apostolo-  
 rum. Idem lib  
 6. cap: 16.

Nicodemus  
 pingi curat  
 Christi Imagi-  
 nem Septima  
 Syned: Act: 4.  
 ex Athanasio;

C

veri-



veritatis cognitionem, reuocatus est. Vnde non possum hîc satis, vel demirari imperitiam Caluini Mentientis, vel indignari malitiæ eiusdem credulis sequacium turmis imponere audentis; dum Imagines, exacto demû Quinto Sæculo Ecclesiam inuasisse, deceptusne magis an Deceptor? impudenter blaterat: palam enim liquet, eandem Sacrarum Imaginum esse, quæ fidei ipsius fuerit, ætatem; nec vllum à datâ terris Salute, consequentibus annis, in obsequia Saluatoris coisse credentium cætum, qui non hanc pietatis Tesseram præferre, picturæq; solatiis, mysteria fidei adumbrare gestierit. Quod vt in Orthodoxorum gaudium, & cauillantis hæreseos frenum euidentius pateat; placuit compendio aliquorum Sanctorum Patrum, Testimonia decerpere, qui grandiores, Quinto sæculo, radiantes iam olim Iconibus Ecclesias, deditosque venerationi earum populos, fatentur.

Patres omniū ætatūstant pro Imaginibus.

Primo sæculo  
S. Dyonisius  
lib: de cælesti  
Hierar: cap:

15.

Certè Magnus ille DYONISIUS ab Areopago Nomen, ab ipso Doctore Gentium D. PAVLO, fidem adeptus, primo illo visi in Carne DEI Sæculo, vsitas scribit Angelorum Imagines; quos iam tum ingeniosa Pictorum manus additis iuuentuti alijs figurare lueuerat; vt supergressos luteæ substantiæ molem, spiritali leuitate ferri, nec in motu ac cognitionibus, ter-  
reno



reno sensuum pondere deprimi doceret. Floruit altero sæculo Tertulianus inclyto Martyri ac Præsuli Cypriano non alio quam Magistri titulo placitus; Is vulgarem æui sui morem memorat, quo Saluator habitu Pastoris Boni, errabundam ouē humeris baiulantis, per sacros calices splendebat; eoque mox ipse exemplo ab Orthodoxis premi cœpit, posteaquam, Montani & Cataphrycum delirijs inuolutus, inter cætera anilia (*quæ honestè PAMELIVS Paradoxa inscripsit*) lapsos in persecutione veniæ aditu arcere institit. Tertium sæculum, Doctrinâ & fuso pro eâdem sanguine, illustravit S. Methodius Tyri Episcopus, Decii ac Valeriani Tyrannide, circa Annum 255 terris exactus, cælo insertus; Is, oratione secundâ de Resurrectione, apertè inquit: *Conflamus ex auro Imagines Angelorum, Principatus & Potestates, referentes eas ad laudem & gloriam Dei.*

Eiusdem sæculi finem, ac sequentis exordium, insigniit S. Syluester, Summi Pontificatus honore sublimis; qui Imagines Saluatoris, & Petri ac Pauli Apostolorum, iam inde ab ortu Romæ nascētis Fidei efformatas, medios inter Tyrannorum fremitus accuratâ diligentiam, (*vti S. DAMASVS Papa refert*) conseruauit; Iisdemq; Constantino Magno exhibitis, stuporem simul

Secundo Tertull: lib: de Pudicitia cap: 7. & 10.

Tertio S. Methodius Orat: 2. de Resurrectione.

S. Syluester habens Imagines Apostolorum vti Damas: & Metaph: in eius vita,



& reuerentiam elicit, quòd viſos in ſomnis Apoſtolos, picturæ ingenium, ad viuum referret; & par vultuum Maieſtas in tabulis, atque in fortunato nec deerrante, amicæ quietis errore radiaret: teſtatur id Conſtantine ipſe in Ediſto, *Tomo primo Conciliorum* inſerto. Succeſſit Sæculum Quartum, ſublatis qui ardore inanium Numinum inſanierant Principibus, pace Eccleſiæ partâ florens; & cum publico fidei exercitio, in publicum ſoboleſcentium vel maximè in optatâ libertate Imaginum affectum aſurgens: tunc enim Conſtantine ille, qui Primus Imperium CHRISTO mancipauit, ſuſum auro Agnum circumpoſitis hinc inde Saluatoris ac Præcuſoris Ioannis, argenteis Iconibus, in loco percepti Baptiſmatis locauit: Lateranenſi verò in Eccleſia, CHRISTI & Duodecim Apoſtolorum Effigies, argento illigatas, populo Romano ſpectandas propoſuit. Nec vlla deinceps impendiis Conſtantini Sacra ſtetit ædes, quæ non pompoſâ Imaginum ferie reſplenduit; obuiæ ubique Cruces, incruſtati omni fronte Baſilicis Diui; exſtantia per parietes Religionis noſtræ arcana; vt euita tali Sacrarum Iconum obiectu, profana fictorum Numinum colluuiſ, quæ mundo haſtenus turpiter illuſerat, faciliùs vaneſceret; & Sancti qui quondam morte ſuâ, Idola confutauerant, dei.

Tom: i. Con-  
cil: pag: 473.  
edit: vltimæ.

Quarto ſæculo  
Conſtantine  
plurimas fieri  
curat, Chriſti  
& Sanctorum  
Imagines.

De hoc Da-  
maſ. in vita  
Sylueſtri.



# D E I P A R Æ.

de iisdem in effigie propriâ triumpharent. Firmat hanc Imaginum Constantini ævo frequentiam Eusebius tempore & familiaritate Constantino indiuiduus. Par in Sacras Imagines toto Christiano orbe studium certante omnium affectu, ut Sacratius Cultum DEO eiusq; Sanctis in suis Iconibus impenderent; qui nuper Dæmonum fascinati dolis, eosdem publicè ut amica in commune Numina, priuatim ut domesticos lares, Genialesque Deastros celebrauerant. Meminit crebrarum illo sæculo Imaginum, è ligno architectante torno sculptarum, Magnus & sui nominis ob immortalitatem gestorum adæquans Etymon S. Athanasius, easq; in honore habitas refert. Proximus ætate S. Athanasio D. Basilus Exculta simili Imaginum ornatu, Christianorum templa, memorat, & S. Gregorius Nazianzenus dignitate Episcopus, doctrinæ eminentiâ Theologus, D. Basilio æquè studij, ac sacri in solitudine otij fidissimus Comes: adhibitas suo tempore in sacris ædibus picturas & statuas, asserit oratione decimâ nonâ in laudem Patris defuncti.

Nimius essem, si per singula Doctorum illius ætatis euagatus testimonia, vniuersos ad tutamen Imaginum citarem; Sufficiant notiores aliquot, quarti sæculi terminum, vel quinti ini-

27

Euseb: lib: 3.  
vitæ Constanti  
ni cap: 48. &  
alibi,

Easdem tuen-  
tur Sancti Pa-  
tres,

S. Athanas: in  
quæstion: ad  
Antiochum  
cap: 18.  
S. Basilus Ho-  
mil: Barlaam  
& homil: in  
40. Martyres  
S. Gregorius  
Nazian: orat:  
19. in laudem  
Patris & epist:  
49. ad Olatu.



tia, viuendo complexi, è quibus agmen ducit D. Ambrosius S. Basilii contemporaneus; qui Sanctos, Geruasium & Protasium Martyres, ad Iudæorum busta hætenus abditos, & in somnis honestioris sepulturæ officium requirentes, eò faciliùs cognouit, quò Imaginibus suis quæ tunc publicæ venerationi prostabant, oris specie, Corporisq; habitu, concolores aduertit. Eâdem ætate quâ D. Ambrosius per Italiam fulsit; S. Augustinus per Africam, illo Parente, CHRISTO Ecclesiæque genitus. Is adeò tunc suetum ac florentem Imaginum vsum memorat, vt etiam fabulis Gentilium, insultare fidei nostræ conantium, ansam dederit; commenti enim sunt falsas CHRISTI Domini, ad D. Petrum ac Paulum Epistolas, non alio vt ait D. Augustinus fingendi illicio, quàm quòd Apostolos istos, pluribus locis CHRISTO adiunctos, per picturas simul radiare cernerent. Paulò annis grandior, magnâ tamen senilis vitæ parte, D. Augustino Synchronus S. Hieronymus, ab eodem licet, & Africa totis interfusi oceani fluctibus diuisus, in eandem nihilominus Imaginum conspirat tutelam; easque in Sacris Palestinæ locis, satis viguisse scribit, dum Romanæ vitam texens S. Paulæ, hæc de eius notâ pietate inquit: *Hierosolymis omnia loca circumiuit, prostrataq; ante Crucem quasi pen-*

Ambros. ser:  
de SS. Gerua-  
sio & Prota-  
sio.

S. Aug: lib: 1.  
de consensu  
Euangel: cap:  
10.

S. Hieron: E-  
pist: 27. ad Eu-  
stochium cap:  
3.



*si pendentem Dominum adorabat.* Sisterem hîc, nisi ingens piaculum censerem, silentio inuolueré Ioannem Antiochenum, ab aureo Eloquentiæ torrente Chrysostomi Nomen promeritum; ergo post visam cum D. Ambrosio Italiam, post relecta Hipponis & Africæ littora, liustratamque ad cunas Saluatoris, D. Hieronymi solitudinem, iaciamus anchoras in Hellesponti sinu: Illic ipso Quinti sæculi Exordio, doctrinæ copiâ, facundi oris gratiâ attinebat attonabatque Regiam Constantinî Sedem S. Chrysostomus, qui præter honorificam sæpius Imaginum, præcipuè in Encomio S. Meletii habitam mentionem, exemplo ipse suo, ad earum venerationem præiuit, dum effigiem D. PAVLI (*ut Auctor vitæ eius testatur*) velut cubiculi præsidem, sui Tutelarem circumtulit.

Atque hoc tanto, & tam consono Antiquitatis consensu, stabilita Catholica in Imagines propensio; ridet nouellas delirantis hæreseos sannas; & impactos sine vulnere mordentium, temnit aculeos: Sibilent vt lubet tortuosis emissi latebris Colubri, venenatamque Sacris Imaginibus afflare gestiant pernitiem; stabunt illæ tanto vetustatis sustentaculo, tanto promiscuæ Pietatis securæ munimento: & quod olim de veterum Ecclesijs, magno Septimæ Synodi

Citatur is Auctor à S. Ioanne Damasc: orat. 1.



nodi recitatum plausu, asseruit D. Isidorus Pelu-  
osita, in Orthodoxis, ad usque consummationem  
sæculi vigeat Templis, *ut nulla sit Templiratio,  
quod non coronet Imago.*

## C A P V T II.

De Cultu Imaginum miraculis  
approbato ; & eadem occasione,  
de Veritate vel Apparitiâ miraculorû, Discursus.

**E**xtulimus hætenus Trinum tuendis Imagi-  
nibus Propugnaculum, & nã quã Insidiatrix,  
ad earum ruinam penetrare posset Hæresis, Ra-  
tionis momentis, Scripturæ testimoniis, Anti-  
quitatis Christianæ reuerentiâ, easdem incinx-  
imus ; imponat tutamini illarum, supremã ma-  
num vis Diuina ; quæ cùm toties portentoso  
curationum genere Cultum illarum solidarit,  
optimè Quarto hoc è miraculis ducto, cingen-  
tur propugnaculo ; vt Ecclesia militans Trium-  
phanti conformis, ipsa quoque in hoc ordinatis-  
simo firmata hæreat Quadro. Scio refugere  
maximè Heterodoxos, ipsum etiam Miraculo-  
rum Nomen ; hîc nimirum *Lydius lapis est, quo  
adulterinæ Religionis moneta, dum probatur excu-  
titur ;* Sed velit nolit Hæresis, obtorto etiam  
collo trahetur ad hanc exploranda amussim, ad  
quam

Apocal: 21. di-  
citur. Ciuitas  
in quadro po-  
sita est.

Hæretici mira-  
cula reprobant  
quia facere no-  
queunt.



quam vel Increata Sapientia, suam exigi proba-  
 ri que voluit doctrinam, *Si mihi* (inquiens) *non*  
*vultis credere, operibus credite.* Nouit enim uc-  
 ro sapius humana subtilitas, Rationibus in ra-  
 tionem armari: Scripturis in contraria distra-  
 ctis scripturas infringere; & contra totam con-  
 sonæ Antiquitatis phalangem, e mentitæ anti-  
 quitatis speciem cogere & ordinare; Verùm  
 ubi vis Miraculorum emicuit, patent Nycteri-  
 des; & ad tantum lumen, malè sana læsi lumi-  
 nis palpitat fatiscitque acies, ac dolus pellucet  
 tandem. Vnde non immeritò CHRISTVS vl-  
 timum doctrinæ suæ examen, ad normam Signo-  
 rum reuocat; & his Iudicibus de toto tenore  
 sparsi Euangelij pronunciantibus, indubiam fi-  
 dem adhiberi vult; *Opera, quæ ego facio* (ait) *hæc*  
*testimonium perhibent de me:* Immo omnem, quæ  
 postmodum Iudæos inuoluit pænam, refracta-  
 rio Miraculorum contemptui palam imputat,  
 dum repudiata veritatis scelus, ab euidentiâ si-  
 gnorum maximè creuisse asserit; minore alias  
 futuro, vel nullo doctrinam suam nauseantium  
 reatu, nisi ad tantam Prodigiorum lucem, obli-  
 quus eorundem erga veritatem animus euince-  
 retur; *Si* (aiebat) *opera non fecissem in eis, quæ*  
*nemo alius fecit, peccatum non haberent, nunc au-*  
*tem & viderunt & oderunt me.* Quod si tan-

Ioan: 10.

Christi doctri-  
nam suam si-  
gnis adstruit.

Ioan: 10.

Et Iudæos  
quia his acce-  
dentibus non  
crederent ar-  
guit.

Ioan: 15.



tum Auctoritatis Miraculis tribuit Saluator, ut illorum potestati, Doctrinae suae Infallibilitatem, permiserit; illorum calculo reos Incredulitatis argui, vel absolui voluerit; patet certissimam in adstruendis dogmatibus miraculorum vim esse, & quae, ad incerta aut dubia, nullatenus detorqueri possit: repugnat nimirum Diuinæ bonitati, permittere ut veritate signorum ad infirmandam veritatem, aliquis armetur. Vnde si quando ex secreti ordinatione consilij, eum *qui mendax est ab initio, & in veritate non stetit*, praestigiis quibusdam malè credulos decipere sinit; facile tamen, quòd illa quae arte Dæmonis fiunt, quanquam miranda sint, Miracula non sint, ex ipso talium tenore ac modo dignosci facit. Verum ut omnis erroris, qui hinc emergere suevit, intercidatur occasio, nec verorum æmulatione signorum, ementita apud ignaros fidem occupent; quia sæpè *Angelus Sathanae transfiguratur se in Angelum lucis*, & simiam Diuinæ agens Potentiæ, in admiranda eius opera, audacissimam simulatione erepuit; paucis Naturam Miraculi aperire placuit, quâ cognitâ, ad indagandum veri Putatitijque Miraculi discrimen, manu ducamur. Est igitur Miraculum propriè sumptum, ex communi sanæ Theologiæ sensu, *Opus illud, quod omnes Natura creata supergressum vires, solius*

Deus non per  
mittit vera mi  
racula ad pro  
bationem falsi

Ioann: 8.

2. Corith: 11.

Miraculū est  
opus quod om  
nes naturæ  
creatæ vires  
superat.



lius Dei effectricem manum, poscit ac exhibet; vel  
 ut verbis D. THOMÆ utar, Est aliquid arduum  
 & insolitum, præter facultatem naturæ & spem  
 admirantis proueniens. Vnde quæ naturali, vel  
 arte ordinato causarum contextu peraguntur,  
 tametsi in mirabiles erumpant effectus, Mira-  
 culi tamen nomen, de rigore non merentur;  
 quia intra limitatos, creatæ virtutis defixa, termi-  
 nos, ab altioris ordinis potentiâ, nihil mutuunt.  
 Ita dum Architas Tarentinus Ligneam Co-  
 lumbam imitante viuas volatu plaudere; dum  
 Archimedes, digesta in suo globo Sidera, ve-  
 rum cælum mentiri, æmuloque astris rotatu de-  
 currere; Albertus Magnus Caput æneum  
 in humanas voces, labra torquere; Hiarbas In-  
 dus, Ficiles ex ferro Aulicos, per triclinia oberra-  
 re, decumbentibusque conuiuis, ministeria im-  
 pendere docuit: dum hodie Medici, diligenti  
 rerum ac proprietatum vestigatione, & misturâ,  
 stupenda insanabilibus morbis Antidota, fingunt  
 & proferunt; Dum Chymistæ recocta à  
 crassiori concretione metalla, auri argenti que  
 fulgore induunt; Circumforanei denique Ludi-  
 ones flexu & agilitate membrorum, inusita-  
 tam rerum Metamorphosim parturiunt; tamen  
 si causarum inscios, oblatâ insperatâ rerum ima-  
 gine defigant in stuporem, patratores tamen

S. Tho: 1. par  
 te, qu: 105.  
 art: 7.

Quæ causas  
 Physicas ha-  
 bent, licet no-  
 bis occultas,  
 non sunt mi-  
 racula.



S. Tho: vbi su-  
pra tria requi-  
rit ad rationē  
veri miraculi.

Miraculorum, nequaquam audient; Hæc enim omnia, sensum licet captumque spectantium ef- fugiant, ex legitimis naturæ principijs, debito inter se nexu & applicatione, combinatis, or- tum ducunt. Rectè ille mente corporeq; AN- GELVS, ad rationem Miraculi tria requirit, Vt nimirum *Opus sit arduum, & omnem virtutem Naturæ creatæ Agentis, altitudine effectûs trans- scendat*; deinde *ut totam naturæ spem præuertat,* næ scilicet illa ad talem actum, ordinem natu- ralem dicat; ac denique *ut consuetum faciendi modum superet, ac pænè instantaneo partu, non per ordinarios temporum anfractus, transigatur.*

Dæmones vel  
vtuntur causis  
naturalibus ad  
sua opera.

Ex his de veritate & ratione Miraculi pro- positis, liquet facilè, quonam loco censeri de- beant, nonnulla Dæmonum per se, vel sequaces pacto sibi deuinctos, prodigiosè facta? hæc enim si intra creatæ virtutis orbitam hæreant, nec plus in Substantiâ vel modo operis vendi- tent, quàm excitata debito vsu, vel temperamē- to, naturæ semina ferre, producereque possant. Verè quidem facta iudicari, non tamen ad veri Miraculi eminentiam, admitti debent; Sin au- tem nullum in naturâ tantæ potestatis extet ve- stigium, nulla Causarum Physicarum series, or- dinariè directâ, quæ surrigi ad tantos effectus valeat; totus ille Magnalium apparatus Sceni- cus

Vel si hæc defl-  
ciant falsos ef-  
fectus produ-  
cunt & appa-  
rentes.



cus esse, & apparenti comptâque in ostentum specie, niti censeatur. Nec verò cuiquam dubium est, posse Dæmones creatarum peritiâ, & vario moderamine causarum, in tantum attolli, ut plus aliquid per decerptas hinc inde rerum vires, ac proprietates producant, quàm solitari-um & coagmentationis similis rude Naturæ ingenium, efficere elimareque valeret; nam cum Teste D. DYONISIO *Arcopagitâ. Naturalia in Dæmonibus etiam post pœnam, non sunt imminuta,* & hæc olim ipsis liberalissimâ Conditoris manu, plurima ac excellentissima collata fuerint; patet satis, Perspicaciam Dæmonum tot indicis sibi dotibus succinctam, insuper tam multiplici experienciâ, rerumque cognitione imbutam, in nouas stupendorum effectuum artes sufficere. Duplici autem illi potissimum armantur subsidio, ut mirâ fertilitate inuictos pariant effectus: lueat primùm illos, Naturæ spiritualis agilitas, quâ longissima spatia momentis emetiri, orbem insuperabili leuitate circumuolare, & motu citissimo tum ipsi agi, tum res alias præ se agere, deferreque valent. *Momento* (inquebat Tertullianus) *ubique sunt, totus orbis illis vnus locus est; quid ubiq; agatur, tam facile sciunt, quàm enunciant; velocitas. Diuinitas creditur, quia Substantia ignoratur.* lueat deinde peni-

Mirabilia faci-  
unt per motus  
velocitatem.

Tertull: in  
Apologetico.

Et naturalem  
peritiâ & ap-  
plicationem.



tissima Naturæ cognitio, partim in concreatis speciebus, primitus impressa, partim longâ rerum observatione lecta, & sagaci deinde ad usus proprios deriuamento translata. Quis enim ignorat, quantas naturæ Molitor DEVS vires creaturis adsperserit? quàm efficaci igne & influxu sidera? quàm variâ medicâdi dote, ac dynamî herbas? quàm magneticâ trahendi alterandique virtute lapides, imprægnarit? Hæc omnia Dæmones, sicuti subtilissimi intellectuûs beneficio norunt ac penetrant, ita velocitatis innatæ ministerio, ocissimè conferunt & compilant; atque ita sociatâ motûs & periti vsûs ope, dum applicando vt aiunt Actiua Passiuis, insitas rebus vires debitâ temperie intendunt, suas ostentant ac exerunt. Hac Arte Magorum Ægypti Virgas, spectante PHARAONE in Serpentium speciem transdiderunt, vel inductis celeriter dispositionibus, per agentia ad generandos Serpentes efficacissima, veris anguium formis easdem animando, vel sublati latenter virgis, mirâ celeritate serpentes mole & quantitate virgis pares, ante spectantium oculos iaciendo. Eadem arte coactis in fulmina nubibus, raptâque in sublime exhalatione pingui & accensâ, IOBI pecudes igni noxio afflatas, corruerunt; & paulò post compresso violenter aëre, nouum Æoli

Verè produxerunt serpentes in Ægypto, applicando Actiua Passiuis.

Et fulmina ac ventos contra Iobi familiam



Æoli antrum in luctus Sancti aperuerunt; con-  
citatoque validissimo turbine, Conuiuentes, Na-  
tos, elisarum ruinâ ædium obruerunt. Hac de-  
mum arte, etiamnum plurimos solâ Magici car-  
minis gestatione securos, vulneri & armis im-  
peruios reddunt; non quod Chalybeum quen-  
dam vigorem membris assent, seu vim aliquam  
seruandi à læsione, notis illis characteribusque  
imprimant; sed quod ex pacto tacitè cum tali-  
bus inito, excussa tela ingestosque ictus, næ cor-  
pus deferentis perstringant, in superficie corpo-  
ris inuisibiliter ipsi suspendant. Cæterum hæc  
omnia, quia naturalium nexu nituntur causarû,  
& nullo altioris potentia sustentaculo, per solas  
virtutes rebus creatis inditas, earumque secre-  
tam aguntur modificationem; idcirco è Mira-  
culi propriè dicti serie excludenda, inter natu-  
ræ factus tametsi admiratione dignos, nume-  
randa veniunt. Quod si aliquando Dæmones  
tentent, ac æmulentur ea, quæ naturæ vim exce-  
dunt, nec ullus in creatis, ac earum qualitatibus,  
appareat ad similes effectus, ordo, habitudo, aut  
connexio; tunc illudere veteratoriâ calliditate  
sensibus, vel adulterinum pro vero partum sup-  
ponere censendi sunt, palam testante D. THO-  
MA; quod illa *transmutationes rerum corporali-  
um, quæ non possunt virtute natura fieri, nullo  
modo*

Per Characteres  
seruant à  
vulnere, rebû  
dendo ictus.

In effectibus  
causas natura-  
les non habent  
tribus recurrunt  
ad præstigias.

S. Tho: 1. par  
te qu: 114. Ar:  
tic: 4. ad adu.



# MAGNALIA

32

modo operatione Daemonum perfici possunt, secundum rei veritatem: Et si quando tale quid operatione Daemonis fieri videtur, hoc non est secundum rei veritatem, sed secundum apparentiam tantum. Duobus autem maximè in operibus, quia succubit potestas Daemonis, ad friuolas dementandi sensus artes, vel vaferrimam similium expressionem accingitur. Primò cum cassum animæ corpus, vitæ restituere conatur; deinde cum abrupta corpori membra reinterere, vitalique operandi vigore fecundare, aut denegata à Naturâ sensuum organa supplere nititur: nam utrumque hoc, sicut omnem naturæ facultatem & ingenium transcendit; ita nec quouis Daemonum astu, connisu, ac docilitate, præterquam in speciem ad fascinandos visus, fieri potest.

Motuum re-  
suscitare non  
possunt,

Quia nec vi-  
res naturæ.

Apocal: I.

Ac in primis certum est, deesse toti naturæ opportuna suscitandis mortuis remedia, & vitæ humanæ momenta, eius solius fidere Arbitrio, qui D. IOANNE testante *Habet claves mortis & inferni*: nam licet credula Antiquitas vulgaret, Æsculapium retractâ herbis an incantationibus, mortui cuiusdam animâ, eundem ad vitam reuocasse; id tamen siue suctâ xuo illi mentiendi licentiâ effectum, seu Magici carminis adminiculo, eo quo mox dicetur ritu, administro Damone peractum est. Vnde quandoquidem nullam in tota creatorum Agentium ratione



ratione virtutem, mortuis animandis proportio-  
natam, quâ ad insanam DEI æmulationem ab-  
uti possent, Dæmones reperiunt; idcirco destitu-  
ti hoc naturæ fulcro, Sphæram activitatis suæ  
transsilire, & ulterius extendere nequeunt. Et  
suffragatur veritati huic rationis euidencia: nam  
præter receptum Aristotelis Axioma, à Pri-  
uatione ad Habitum non dari regressum asserentis,  
constat tam creationem animæ, prærequirere  
necessarias in embrio dispositiones, (siquidem eo-  
dem Aristotele teste, Actus Activorum sunt in  
patientie prædisposito 2. de Anima) quam nexum  
ac unionem eiusdem, cum corpore Organizado,  
ab iisdem pendere dispositionibus; & ad vitæ  
officia obeunda, multis quidem causis, maximè  
tamen Humidi Primigenij puritate, & Spiritu-  
um vitalium egere ope; qui è corde prognati,  
ad varias tum sensuum, tum potentiarum moti-  
varum functiones destinantur. Quæ omnia po-  
steaquam intercidente fato, in mortuali cinere  
subfederint, nullâ iam vi & arte (iuxta commu-  
niorem sententiam) reaccendi valent; ac con-  
sequenter deficientibus hisce dispositionibus, re-  
fundi corporibus animæ, post inita semel cum  
iisdem diuortia non possunt. Immò tametsi be-  
nignior aliquis, ampliando Spiritualis Naturæ  
Privilegia, concederet Dæmonibus, absumptum

Animam non v-  
nitur corpori  
sine debitis dis-  
positionibus.

Has nec natu-  
ra nec Dæmon  
mortuo cor-  
pori reintuce-  
re potest.

E

radica-



Ac dato non  
concesso quod  
posset, mortu-  
um non uiui-  
ficaret,

radicale humidum posse eorum operâ refoueri,  
extinctosque vitales Spiritus felici halitu iterum  
corporibus aspirari; nondum ramen euinceret,  
ad reddendam mortuis vitam, eosdem eleuari:  
quia positis vltimis dispositionibus, nec nouam  
animam creare potest Dæmon (hæc enim soli-  
us DEI opificem agnoscit manum) nec prio-  
rem, corpus ita dispositum necessariò exigit:  
quam posset quidem Dæmon, præsertim si iu-  
sto DEI iudicio, examini ac torturæ suæ addi-  
ctam tenet, ad reassumendum corpus eodem  
DEO permittente cogere; sed tunc illa anima,  
præter simplex baiulandæ luteæ sarcinæ obse-  
quium, non posset corpus suum (cui duntaxat  
assisteret) informare, nec actiones in eodem vi-  
tales verè exercere.

Mortui à Dæ-  
mone suscita-  
ti, vel fuere  
Phantasmata.

Nec curamus productos toties à Dæmo-  
nibus, in spectacula mortuos, viuentium habi-  
tu & actu; nam tunc vel Sophisticâ imitatio-  
ne callidissimi agyræ, vultus & gestus mortuo-  
rum, densatis ex aere corporibus effinxerunt;  
vel eorundem inuolando corpora, ad normam  
viuentium, conformi vt quondam faciebat ani-  
ma regimine, eadem librârunt. Patuit id in  
ficticio illo homine, (de quo in vita S. PATRI-  
CII Hybernorum Apostoli habetur,) cuius cor-  
pore multis annis abusus Dæmon, factus eius-  
dem



deni vice animæ inquilinus, tandem agnoscē-  
te Impostorem ac fugante S. Episcopo, um-  
bratilis homo in cineres repente disperiit; cada-  
uerque iam putridum, & carie exesum, quàm-  
diu verâ animâ caruerit, ostendit. Paruit & in  
alio Principis viri (prout Cæsarius Eister-  
bacensis meminit) figmento; quem Dæmon in  
assumpto corpore post fata referens, anno inte-  
gro insciorum credulitati illusit; donec disce-  
dens inde, & tabo sanieque corruptum lin-  
quens corpus, quis possessor intus latuerit? ve-  
lut subducto in scenâ sipario docuit. Haud  
abfimilis non longè ante nostra sæcula contigit  
simulatio, arbitrio & incantamentis celebris  
illius Magi Cornelii Agrippæ peracta: cùm e-  
nim absente eodem Louanii, iuuenis quidam  
noxiâ familiaritate Agrippæ insertus, & ultra  
honestam literarum audivitatem, vetitarum arti-  
um desiderio ardescens, impetrasset ab vxore  
Magi, vt Musæum illius visere lustrareq; posset;  
incidit forte in librum adiurationes & incan-  
tandi ritus præscribentem; quem dum incautus  
versat ac legit, ecce ad ianuam vocatus sine vo-  
luntate legentis adest Genius, & quem sese ad  
vsum infernis sedibus excierit, turbulentâ incre-  
patione requirit; moxque attonitum informis ob-  
iectu formæ, nec respondere valentem, obliis  
fauci-

35  
Vel Dæmones  
in eorum cor-  
poribus quod  
probat exē-  
plis.

Cæsarius lib.  
12. mirac:  
cap: 3.

De hoc Mar-  
tin: Debrius  
lib: 2. disquis:  
Magic: quæf.  
29. Sect: 1.



faucibus præfocat. Reuertebatur domum Agrippa, cum super pinnaculo imbricibusque eiusdem fusos Dæmones, insueta tripudia agitare videt; atque vbi tantæ lætitiæ causam, adstrictis diro carmine Spiritibus cognouit, eorundem carminum vi homicidam Dæmonem corpori occisi illigat, & turbæ adolescentum immistum, repræsentare Iuuenis extincti personam iubet. Ita Dæmon foro & publico magnificè illatus, vbi aliquamdiu cadauer quod ipse fecerat circumtulit, repentino diffugio deferens, tunc quidem subitanæ mortis opinionem fecit; sed mox manentibus strangulationis vestigiis, & re à consociis detectâ, quis Personatum iuuenem egerit? in vulgus manauit. Ex his & allatis supra rationibus constat, nullâ vi ac efficacîâ Dæmonum, mortuos verè ani mari; sed vel obiectu, compositæ ad exemplar viuentis speciei, oculos tuentium perstringi: vel subeunte corpus ipso Dæmone, ad vitæ exercitia Mimum hunc sinuari.

Dæmones mē  
bra reſecta ne-  
queunt vitali-  
ter reunire.

Ratio.

Quòd autem de totius corporis, semel vi-  
tâ orbatî, animatione diximus, id etiam proce-  
dit in membris ac partibus, à corpore & eiusdem  
animæ fomento totaliter diuulsis : nam hæc  
cum desinente in eis animâ, verè mortua sint, li-  
cet pacto aliquo & commento Dæmonis, corpo-  
ri as-



ri affluerentur; tantâ tamen Spirituum vbertate, qui secundum Galenum *sunt exhalationes quædam ex benigno sanguine procedentes, operationibus animæ subseruire natæ*, neutiquam donari possent, quantâ ad attrahendam rursus animam, vitæque munia obeunda sufficeret. A fortiori deneganda est Dæmonibus efficacia, quâ deficientia, per impeditam naturæ in operando vim, sensuum organa, supplere aptareque possent; horum enim structura, cum è seminarijs rationibus ortum ducat, & illæ iam circa primam formationem, dissipatâ germinandi vi fuerint corruptæ; consequens est, sublato hoc vnico fabricandorum organorum naturali medio, Dæmones (qui nonnisi Physicarum applicatione causarum, in miros effectus erumpunt) ad eorum formationem eniti non posse. Vnde cum SALVATOR olim cæcum, à matris utero luminibus captum, in videndi possessionem misisset; ludæorum conciliabulum, alioquin opera Christi, Dæmonum ministerio opprobrire solitum, quia prodigium illud terminos naturæ, pariter & Dæmonum sub eiusdem naturæ velamine, vires suas venditantium transgredi senserunt; facilius suppositam esse personam pro persona, mutatumque ex condicto hominem, quàm Dæmonis factum, crediderunt; Et benè cæcus iam plus

Galeni lib. 6.  
de usu part:

Item organa  
sensuum à natura  
negata  
formare.

Ratio huius.



Summum mi-  
raculum fuit  
restitutio viso  
& organorum  
cæco nato.

Ioan: 9.

Ad Imagines  
sunt vera mi-  
racula.

quasi omni

et unum  
omnem

et unum

et unum

et unum

et unum

Quia mortui  
verè resurgunt.

Cæci illumi-  
nantur.

intra, quàm caduci solis lumen exterius videns, in Diuinitatis CHRISTI sensum Persecutores eiusdem trahere nititur, illo maxime argumeto, quia a seculo non est auditum, quod quis aperuit oculos cæci nati.

Sed iam tandem post deductam Dæmonū in agendo vim, verorumque aut fūco obli-  
rum discrimen miraculorum, ad Imagines qua-  
rum causa in hanc descendimus arenam, reuer-  
tamur. Has cum Diuina potentia verissimis mi-  
raculis, quæ omnem excedunt naturalium me-  
diorum energiam, omnem effugiunt imposturæ  
ac præstigiij suspicionem, toties illustrarit, & huc-  
usque illustret; quis approbatum euidentibus  
DEI testimoniis Imaginum cultum, stomacha-  
bundâ vesaniâ nauseare? vel in Fauores Numi-  
nis ac portenta ad Imagines sacras exhibita,  
censorios ictus distringere, versipelli que inter-  
pretatione eadem sugillare præsumet? Quantos  
mortuos, ad conspectum Imaginum, raptrix Li-  
bitina, vitæ ac mundo refudit? quot cæcos,  
absumpto inaniter medentium conatu, medica-  
minum virtute, Naturæ & artis insufficientiam  
satis arguentes, Cultus Imaginum, ad haurien-  
dam earundem ac totius Orbis speciem euexit?  
Quàm multos, toto corpore, membrisque omni-  
bus resolutos, ac præter tenuem halitum ante  
mor.



mortem præmortuos, nouo Spirituum vigore  
 insperfit? Testis est Imago illa CHRISTI non  
 manu facta Edeffeno Dynastæ Agabaro transmis-  
 sa; quæ Thesauro quouis Edeffenis potior, & san-  
 ctiore quàm olim vellus aureû Colchis, aut fabu-  
 losi Hesperidû Horti curâ asseruata, non modò  
 Urbē ab hostibus circumclusam, nullo aliûde ap-  
 parēte subsidio, (prout refert Euagrius,) mirabiliter  
 periculo exemit; non modò de innumero Persarum  
 Exercitu, ante aciem à Philippico Mauriti  
 Casaris Duce prolata inauditam victoriam, con-  
 cis parua manu tot hostium legionibus pepe-  
 rit; verum etiam dum Anno 945. Constantino-  
 polim summâ effusâ in venerationem Urbis læ-  
 titiâ inueheretur, insuetis prodigiis ac stupen-  
 dâ desperatorum medela, (quam fusè Constan-  
 tinus Porphyrogenitus persequitur) effulsit. Te-  
 stis alia Hæmorrhoidis munere ac sumptu, in  
 monumentum curationis CHRISTI, æri illita  
 statua; ad cuius Basim ignoti generis herba tot  
 sæculis pullulauit; quæ sensim succrescens, postea-  
 quam verticem ad vestis CHRISTI fimbriam  
 extulit, quandam de pede repræsentantis statuæ,  
 repræsentati virtutem attraxit; quam deinde ad  
 pellendos morbos, naturæ & artis solertiam de-  
 ridere solitos, liberali medicamine deriuauit.  
 Testis & illa, curâ Nicodemi ad mensuram SAL-  
 VATO-

Exempla vete-  
 ra miraculo-  
 rum ad ima-  
 gines facta.

Eurgr. lib: 4.  
 cap: 18.

Cedrenus in  
 Mauricio.

Const: Por-  
 phyr: orat:  
 ap: Metaphr:  
 16. Augus



VATORIS efficta, quam dum insana Iudæorum rabies Beryti, pluribus ingestis vulneribus, quæ olim auorum furor CHRISTO ipsi inflixerat, per hanc tormentorum innouationem discerpit; copiosum sanguinem velut impactos sentiret ictus ebullijt: eoque mox sanguine perunctos ægros ad sanitatem, rei nouitate ac miraculo motos Iudæos, ad saniolem mentem & fidem reduxit. Testis Imago Deiparæ, artificem D. LVCÆ matrem experta, quæ à *Gregorio Magno* solenni pompâ per Urbem circumlata, grassantem pestiferam luem Romæ compressit; & quâ per compita duceretur, velut terga dantem contagionem, metu & reuerentiâ obiectæ in specie suâ cœli (prout tunc Angeli cecinerunt) Regina effugauit. Quid memorem Imaginem illam Virginis Matris? ante quam prouolutus D. BASILIVS, dum furentem Iuliani Tyrannidem compesci, surrectosq; in Ecclesiæ perniciem fluctus, optatæ quietis malacia, componi postulat; ecce repente ad pictum Virgini S. *Mercurium Martirem* caligine contegi, ex oculisque subduci, ac paullo post minaci facie scintillantem, hastam cruore tinctam referre videt; eoque pacto, tum preces suas exauditas. tum sublatum iusta Numinis vindictâ Apostatam *Helladio Tiara Cæsariensis Successore* referente cognoscit. Quid alteram

Athanas; & ex  
eo 7. Synod;  
Act. 4.

Sigonius de  
Regno Italiæ,

Hellad: S. Pa-  
sili; Successor.  
in vita eius,



alteram eiusdem Virginis memorem Iconem D.  
*Ioanni Damasceno* magno Imaginum vindici, in  
 amoribus habitam? quæ, manum eiusdem, id  
 agente fraudis Architecto *Leone Isauro*, iubente  
 verò credulo Saracenorum Principe reſectam,  
 portentoso & nusquam viſo medendi genere,  
 trunco corpori reſtituit, ac in uſus priſtinos cōſer-  
 leſcere & valere fecit.

Ioan Patriar-  
 cha Hieroſol:  
 in vita Dama-  
 ſceni.

Verum ſatis per externa errauimus, & in  
 anteaſtas delapſi ætates, à veteranâ Chriſtiani  
 Orbis canitiæ tutamen Imaginum quæſiuimus;  
 Sunt & nobis domi paria ad defendendas Ima-  
 gines arma; ſunt lapſa coelo Ancilia, quæ *Re-*  
*gnum Polonia* ſimul ac Imaginum cultum, ſecretis  
 coeli muniunt fauoribus. Quem obſecro latet,  
 per gentes & populos clara *Imaginis Claromon-*  
*tana* Gloria, incorrupto beneficiorum tractu,  
 ſui reuerentiam, Virginis potentiam ad omnes  
 deriuans? hæc (vt ex innumeris portentis vi-  
 num delibem.) Tres ſimul *Miferi Lanionis Lu-*  
*blinenſis* domeſticos, quemadmodum ſanguinis,  
 ita coniunctæ mortis lege victos, nempe filio-  
 lum bimum à fraterculo Patris exercitia imi-  
 tante conſoſſum; & hunc ipſum ludicrum fra-  
 tricidam, per errorem Matris, fornacis flammâ  
 abſumptum; ac denique Matrem inconfiderato  
 Mariti furore in fata coactam; poſteaquam per

Exempla Pa-  
 ria ad idem.

Ad imaginem  
 Częſtochoui-  
 enſem tres ſi-  
 mul mortui  
 ſuſcitantur.



tot terrarum spatia, quæ *Częstochouiam* & *Lublinum* interiacent, ad *Imaginem Deiparæ* carpento deuecti expositique sunt, mortis vinculis exsoluit; lætosque & in DEI ac DEIPARÆ Encomia vocales, vitæ, Patri, Coniugi restituit. Quò non deuenit aliarum eiusdem Deiparæ imaginum, *Cracouiën in Arenis*, *Leopolieën* ad Ecclesiam Cathedralē, *Tuchouieën*, *Mysleniceën*, *Bochenieën*, *Caluarieën* fama, factis & ostentis cognita? ac in stuporem venerationemque gratantes populos, efficaciori quàm olim *Gallici Herculis* Beneficiorum catenâ trahens. Inter has gratiarum copiâ, populorum frequentiâ nobilitatas Imagines, principem à *Claramontana* locum obtinet *Imago DEIPARÆ Zdźiesbouieën*; Maioris *Poloniæ* Decus, vtriusque præsidium, *Borcensis* Oppidi solatium, Operis præsentis Operæque meæ scopus; quam à multis retro annis, tot & tam euidentibus DEVS illustrauit miraculis; vt si illuc vel ipsa Magorum *Ægypti* colluies, orco excita conflueret, idem Imagini *Zdźiesbouieën* quòd olim *Moyfi*, acclamaret, *Digitus Dei hic est*. Hæc prodigia ex authenticis archiuij *Zdźieszouieensis* scriptis ac Testimonijs deprompta, priusquam ad gloriam Dei, (qui in sanctis mirabilis, in Matre omnem superat admirationem,) Deiparæque honorem, & fidelium percenseam consolationem,



tionem; placuit pauca, de origine progressu,  
ac ipsa etiam Imaginis specie, ac Symetriâ præ-  
mittere.

## C A P V T III.

De Origine & Antiquitate Ima-  
ginis Zdzieszouienfis, ac progres-  
su & augmento cultus eiusdem,  
tum de Effigie ipsa, ac Forma  
pictæ DEIPARÆ.

**E**st in eo Regni Sarmatici tractu, qui Maior  
Polonia nuncupatur, locus Ciuitate quondâ  
sibi cognomini insignis; nunc eâdem flammis ab-  
sumptâ, Denominationem duntaxat antiquam re-  
tinens, *Zdziesz* dictus; è regione oppidi *Borcen-*  
*sis*, cis Torrentem *Pogona*, patentibus vndique &  
in latissimam planitiem proiectis campis, con-  
spicius; cœlo amæno, nec vllâ grauioris aëris in-  
temperie, asperato. Ominosum loci nomen,  
& veluti quodam præfagio futurorum inditum  
aduertit & notauit A. R. Stephanus Damalewicz,  
S. T. Doctor, eodem capite fusius memorandus;  
vt potè quod vernaculâ linguâ à subterfugio de-  
ductum, fiduciam erigendi illuc ad miserorum suf-

Olim fuit Ci-  
uitas *Zdziesz*  
nomine.

Nominis  
*Zdziesz* No-  
meclatura fau-  
sta.



Vt pote refu-  
gium sonans.

Hæredes in  
Zdziefz Prin-  
cipes.

fugia & receptacula Afyli, tacitè ingeneret :  
nam cum Polonico Idiomate *Żeyśc* siue *znisć*  
subterfugere sonet; si quis Latiae deriuandarum  
vorum Methodo insistere velit, facile *Żdziefz*  
Cognomen subterfugij significatione, quò iram  
Numinis declinantes confluant, honestabit. Et  
certè Nomenclaturæ suæ consonam Virgo Ma-  
ter virtutem loco indidit, dum communem re-  
fugij Ciuitatem Israeliticis Urbibus longè me-  
liorem, in solatia miserorum aperuit: illuc enim  
non iam casualis homicidij rei, vt quondam in  
figura, verum quauis spontaneorum criminum  
mole prægrauati, si quando refugiunt, Propi-  
tiant Filium Matre, perennes Salui Conductus  
literas consequuntur. Olim dum Ciuitas su-  
perstructa opibus & gloriâ increaseret, Hæredes  
eiusdem Titulo & Honore Principum splenduerè,  
vti constat ex Cenotaphio in Ecclesia Parochiali  
Plesouiensi erecto, in quo hæc leguntur, *Hic ia-  
cet Principissa Zdziefzouensis*: ast vbi circa An-  
num Domini 1423 correpta flammis ciuitas, cum  
omnibus ædificijs in cinere & fauillâ desedit; abo-  
lito abhinc Mitrata Eminentia fulgore, è Ciui-  
tate quoque præter solam nominis memoriam lo-  
co hærentem, nihil residuum mansit: sed cum  
Incolæ nouo libertatum incremento ( de quo fu-  
sus Priuilegium Anno 1423. Oppido Borcensi da-  
tum



tum obloquitur) ad instaurandam Ciuitatem excitarentur, occupatâ per eosdem vicinâ areâ vix tribus inde stadijs distante, Oppidum Borek amplâ ædium structurâ, velut de Manubijs prioris Ciuitatis surrexit.

Ciuitas hæc in  
Oppidum Bo-  
rek translata.

Fuerat in ea Ciuitate rebus florentibus Ecclesia in honorem Deiparæ condita, præterfuerat Templis Catholicorum ornamenta, duabus egregij operis Imaginibus ditata: quæ quoniam iam inde tacito instinctu, magnam sui venerationem animis tuentium inseuerant, idcirco populantibus circum omnia flammis, curâ & labore inquilinorum operosè subductæ, ad nostrâ ætatem deuenerunt: è quibus vna est Imago hæc, cui noster ad præsens laborat calamus, in tabulâ coloribus expressa, quæ Virginem paruuli filiolii in sinistrâ manu baiulam repræsentat: Altera opere statuaria, eandem Virginem mœsto habitu fatis Filij attonitam, eundemque genibus circumferentem exhibet. Atque hæ Imagines extinctæ Ciuitati superstites, posteaquam eadem cum toto quem flamma præterijt censu, in oppidum Borek immigrauit, ac præterea lus Parochiæ legitimâ translatione ad Ecclesiam Borcensem transijt, Coloniam tamen vertere noluere; sed pristinarum sedium tenaces, tametsi sæpius (vti fama fert) in aliâ æquè honestâ statione lo-

Imago B. V.  
antiquitus in  
veneratione  
habita.

Translata ad  
locum suum  
reuertitur.



carentur, notas tamen semper domos, dilectam-  
 que sedem, occulto Angelorum ministerio re-  
 petiere: Vnde ligneo ibidem exstructo Templo,  
 Altaribus insertæ ac decoratæ, ad nostra vsque  
 tempora possessionem semel capti loci conti-  
 nuauere. Illud de Templi huius structura sub  
 iuramento deposuit admiratione dignum, vir grâ-  
 dauus, & ætate memoriâque integrum ferme  
 sæculum complexus Albertus Lizacus; instituto  
 rite ex Commissione Loci Ordinarij Examine,  
 ad iudicium RR. DD. Thomæ Costinuij & Ni-  
 colai Zerkouij Theologorum, in præsentia R. A-  
 dami Sremensis Notarij publici legitimè adcita-  
 tus; quòd cùm nondum ex ephebis excessisset,  
 sapiùs audierit Honestos Martinum Małyłzká,  
 & Valentinum de Skokow, Ecclesiæ Zdźiesz-  
 uienſis ætate illâ ædituos asserentes, post noxiam  
 populatricis flammæ voracitatem, cùm multi ma-  
 gis ab incendio, Virgineæ ædis desiderio vreren-  
 tur, ac in eum finem consilia conferrent, obla-  
 tos repente fuisse duos Equos, vltroneâ ad lo-  
 cum transitione, nescitur vnde delapsos: namq;  
 vbi per oppida, & proximas dissitalq; villas Præ-  
 conis voce de eisdem insonuit, nec vocante ta-  
 men famâ Dominus ad repetenda propria exciri,  
 nec factâ diligenti vestigatione indagari potuit:  
 vnde ad ministeria futuræ Ecclesiæ adhiberi, eo-  
 ulque

Dum illi Tem-  
 plum ædifica-  
 tur equi duo  
 submittuntur  
 Diuinitus.



usque conuehendis arboribus, ac cæteris necessarijs seruire, quoad promouente fabricam multorum pietate, optata Ecclesia adoleuit quâ perfectâ, rursus inde inopinè subtracti, omnem inquirentium solertiam ita effugere, vt cœlitus missos, ac iterum cessante necessitate receptos & disparêtes, constâs semper opinio tulerit, & fama hucusq; loquatur. Huic ergo manifestâ tunc Numinis curâ erecto Têplo, infertur Imago Deiparæ, expetitû occupatura locû; vnde mox reuerentiâ sui ad omnes spargere, & mirò affluētium populorum concursu, attolli in gloriam cœpit

Post fabricam  
dispereunt.

Verum inuidit eam populis felicitatem, Virgini venerationem, antiquus ille hostis, calca-  
neo Parthenio, (quo contritum se gemit,) dolos  
semper insidiasq; struens, & vestigia MARIA-  
NÆ gloriæ ubiq; obterere satagens. Vnde po-  
steaquam è Saxonix sentinâ, èque Generensi La-  
cu geminos in Deiparam armasset tenebriones,  
Lutherum & Caluinum; qui Matrem Alisimi  
honore debito spoliare, Inuocationem tantæ Re-  
ginæ Sacrilegij infamiâ adspargere, Aras & Ef-  
figies eiusdē per Galliâ, Germaniâq; fanatico furo-  
re confringere, ausi sunt & cœperunt; nostræ quo-  
que Poloniæ eam afflauit pestem, quæ siue inter  
aduenarum merces, (queis noxia Polonorum in-  
hiat curiositas) deuecta, siue incautis Iuuenum  
animis



Hæreticus  
hæres conatur  
extinguere I-  
magines.

Templum  
Viginis in sta-  
bulum vertit,  
& punitur.

animis, dum externos sciendi desiderio lustrant, cum peregrinæ doctrinæ tincturâ instillata, labem postea ad cæteros sanguinis, amoris, vel subiectionis lege obstrictos, latè diffudit & propagavit. Ex horum numero hæres quoque Borcensis, veterum fastidio, nouis sacris initiatus, parrem cæteris parium dogmatum alumni, contra Deiparam animum induit; mox enim næ impræmiata foret turpis à fide defectio, raptis quæ Ecclesiam concernebant bonis, nouitiæ Religionis primordia à sacrilegijs auspicatur: Iura Ecclesiæ quam possessione bonorum interuerterat, (næ index repetundarum extaret) flammis abolet, Præsbyteros ademptis Prouentibus dititione totâ exigit; ac Templum illud felici horrore, florentique erga Virginem deuotione augustum, inductis ad tollendam loci Religionem bestiis, poluit ac deformat. Non defuit quidem tanti sceleris ultor DEVS, ad pœnam Domini, quæ deinde merentem corripuit, in pecoribus (eo quo postea dicitur modo) proludens; sed quis hominibus Circeò hæreseos poculo amentatis, vel inter supplicia doloris sensus? quos plerumque ipsa Nemesis, dum ultore flagello castigat, magis efferat, ac in furias agit. Fremit miser ille plagis asperior, quòd superis tantùm in se suaq; liceat; vnde noua illis bella indicere, noua excidia



cidia spirare audet. Ergò indictâ die, cùm imbutus Caluiniano succo blatero, classicum pro concione aduersus Imagines (quas illi idola Papistica vocant) cecinisset; animati strepero blasphemi illius Tritonis cornu sectarij, Domino vel maximè incitante, conclamant ad arma; stru-ctoque ante aream prædialis Palatij rogo, per oppidum lymphati discursant; Imagines præco- ci sententiâ ad ignem damnatas, Templis protra- hunt, ac in ignem conijciunt. Illic mirum dictu, cùm cæteras edax flamma in cineres resoluisset, bi- nas imagines, alteram Virginis Christû cruce de- positum gremio fouentis, alteram S. Barbaræ Martyris, vis Diuina sinuosis flammæ ereptas voluminibus, medio æris ita suspendit; vt inno- xij circum ignium impetus, attonitis spectaculo hæreticis, vix eas allambere potuerint. Ter- tia hæc cui nostram addiximus operam, quo- nam modo tunc rabiem furentium euaserit, seu vicerit, incuriosa oppidanorum non connotauit simplicitas; siue impium illum, Sodomitarum more Angelus, næ Imaginem attingere posset, cæcitæ percussit; siue ipsa Maiestas vultus, & horror sacrâ Icone effulgurans, inuito & contra- nitenti reuerentiam excussit.

Mollior exinde Dominus, inania Gigan- tum in superos bella abruptit; & non profecturos

G

dein-

Imagines dum  
exurit, illæ per  
Angelos abi-  
gne sublatae  
fugiunt.

Quomodo  
tunc Imago i-  
sta se ruata in  
certum,



Deuotio po-  
puli ad istam  
Imaginem eti-  
am durante  
hæresi.

## MAGNALIA

deinceps ictus Diuorum Imaginibus infligere cessauit; satis irrogatum opprobrij iisdem putans, quòd publicæ subductæ venerationi, squa-lore & situ obsolescerent. Verùm etiam tùm præualuit Christiana pietas, vt illo quoq; fatali tem-pore, in sanctorum, & hanc præcipuè Matris San-ctorum effigiem officiosos esse liceret; quamuis enim exactis Borcensi Oppido Catholicis Sacer-dotibus, Ecclesia Pastore destituta Diuinorum conticinio laboraret; certis tamen temporibus, ingens quotannis multitudo, è vicinis pagis ac oppidis, turmatim conuolare sueuerat, votorum rea, & Gratia vel obtinendæ desiderio, vel ob-tentæ effectu, in laudes Virginis captiuata. Cu-ius deuotioni succurrebat tunc è vicino Reue-rendus Matthias Parochus Iezouiensis, ad præ-dictas solennitates, celebrandis sacris, augen-dæque deuotioni ventitare, magno omnium so-latio solitus. Immò sæpius quoque valescen-te licet Hæretici temporis gelu, erumpebant ve-lut deculsis cineribus, flammantis erga Deipa-ram feruoris præ scintillæ; quoties enim vel peregrinum Præsbyterum casus, vel alium famâ Imaginis captum, deuotio hîc stitisset; certatim per oppidum & adiacentes pagos circumcursare facti indices, erumpere signa lætitiæ, tota ciui-tas mutuis significationibus, ac inuitamentis fer-  
uere,



uere; & intermissis quibuscumque negotijs, cuncti ad Mysteriorum arcana, Virgineasque laudes, tum ipsi rapi, tum alios felici æmulatione rapere: Retulit hoc iuramenti Religione interpositâ, idem ille honestus Albertus Lizacus Centenarius, & in præmissorum notitiam ætatis beneficio enisus.

Successit posthæc lætior Ecclesiæ populoque Dei facies, exempto humanis Iconomacho; & nubeculâ illâ, quæ tantum in Sanctos ac Reginam Sanctorum conciuerat turbinem (*prout de Iuliano dicebat D. Basilus*) in puluere vanescente. Ita iam eluctati impedimenta sua Catholici, libero in Deiparam affectu certare; & Sacram Imaginem, quam toto conatu Erynne Hæretica suppressere gestiebat, pleniori usu delibare, cultu honestare fas habuere. Opportunè verò Deus loco illi submiserat, Reuerendū Felicem à Szem Duranium, primò Ecclesiasten ac Vicarium, mox etiam Præpositum & Pastorem Borcensem; virum præter vitæ innocentis candorem, tanto Virginis amore incensum, ut quemadmodum D. Ignatius Antiochenus IESV, sic ille MARIÆ Nomen cordi insculptum habere videretur. Nihil illi suauius, quam per amplissima laudum Virginearum spatia euagari; ac ex profundo MARIANÆ Excellentie mari, hausta elogia facundo

Post hæresim,  
primus Promotor cultus  
R. Felix.

Eius in Deiparam ardor, & zelus.



undo ore in populos spargere. Omni eius con-  
 cioni MARIA inerrabat; omnem sermonem  
 Nomen hoc condiebat, tantâ & tam ardenti con-  
 tentione, de Virgineâ miserationis copiâ disse-  
 rentem, ut ignem spirare crederes; cuius incen-  
 dio obdurata etiam peccatorum corda, lachry-  
 mis & liquenti in Virginem amore soluerentur.  
 Hoc ergo nouo Amphione præduce MARIA  
 NORVM Elogiorum suauis melos ubique in-  
 sonante, struuntur Imagini Virginis nouæ The-  
 bæ; & erectis omnium in Deiparam studijs, pri-  
 mum è solidis trabibus amplissimum Templum,  
 ternis ad latera additis turribus insigne; mox  
 crescente populorum liberalitate, Augusta è Co-  
 stili latere Basilica, arte & opere visenda, ma-  
 gnâ sui parte Promotore Reuerendo Felice e-  
 xurgit. Innouata illie veterum Israelitarum cer-  
 tamina attonitus spectator vidisses, dum singuli  
 in sacræ Imaginis Templique ornatum, pariter  
 ac olim gens Abrahamidum in Tabernaculi stru-  
 cturam, Aurum, Argentum, gemmas, Cymmelia,  
 profusis dextris congerunt; quæis verò tenuior  
 fortuna, tam ditia inuidit negauitq; munera, la-  
 pides, cementum, lignorum strues (*deriuato ab*  
*ijsdem Israelitis, pilos caprarum in Arce tegmina*  
*conferentibus, exemplo & affectu*) humeris ipsi suis  
 comportant. Et verò respondit abundè optimi  
 Sacer.

Excitat pri-  
 mum Templū  
 ligneum Ima-  
 gini.

Postea mura-  
 tum summa  
 populo -  
 rū ala-  
 crita-  
 te.



# DEIPARÆ

Sacerdotis zelo, populorum studio, Virginis Matris liberalitas; tot ab hinc & tantis ad sacram Imaginem radians beneficijs, vt Circum Maximum illuc aperuisse videatur, in quo humanæ concertans deuotioni, superiorem se affluentiam donorum ostentat: Cœpit enim ad finem præteriti, initium præsentis sæculi, insuetis prodigijs locus ille clarescere; Aëgris medelam, Afflictis solatia, discrimine implicitis opem, obuiam ad cuiusque necessitates dignatione largiri; & stupendam sanè officinam, in qua *mirabilis Deus mirabilia fabricaret opera*, aperire. Vnde nouis in dies gratijs, ad hanc Imaginem coruscantibus, & celebri eorū quibus Virginis munificentiam frui contigit præconio, excitus Illustrissimus olim Andreas de Bnin Opaliński, Episcopus Posnaniensis, quò magis potentia Matris Dei elucesceret, exactaque ad lydium examinis lapidem miracula, maleuolorum crisim euidentiā facti superarent; Anno Dñi 1619. ad faciendam Inquisitionem, Reuerendissimum Stanislaum Hap, Episcopum Ennensem, Suffraganeum Posnaniensem, & Admodum R. R. Stanislaum Kochanium Decanum Crobeñ, Plebanum Pepouieñ, Stanislaum Szremensem Decanum Nouæ Ciuitatis, Plebanum Wilkouieñ specialiter deputauit, addito eisdem Notario Publico, Nobili Dño Stanisla

G;

Imago Beatissimæ Virginis maxime hoc sæculo signis claret.

Inquisito facta super iisdem.



nislao Stáŕzewski Reuerendissimi Dñi Suffraganei Actuario.

Origo Imagi-  
nis vetustate  
sepulta.

3. Reg: 8.  
vel potius per  
Hæreticos  
abolita.

Hi igitur cùm ad Ecclesiam Zdźieszouien-  
sem personaliter descendissent, citatis quos æui  
maturitas ad pleniorum Magnalium Deiparæ no-  
ticiam euexerat, ac Religione Iuramenti obstri-  
ctis; tametsi plurima de eximiâ eiusdem Deipa-  
ræ munificentia, per fauores ad Imaginem suam  
exhibitos testata retulissent, Originem tamen &  
Auctorem celeberrimæ Imaginis, effugiente me-  
moriâ antiquitate, assequi nequiverunt: siue  
commune Magnorum operum fatum, vti ingen-  
tium fluminum capita abscondit, ita huius quo-  
que mirificæ Imaginis ortum, tenebris & cali-  
gine obtexit: siue ex altissimis rationibus *Deus*,  
qui & *ipse dixit ut habitaret in nebula*, quemad-  
modum terrestrem, ita hunc quoq; Parthenium  
Paradisum, ex quo inexhaustus Gratiarum fons  
dimanat, ab oculis memoriâque hominum sub-  
duxit. Certè obliterandis exactæ noticiæ vesti-  
gijs, abolendæq; ex hominum memoriâ. Sacra  
Imaginis origini, suffecit insana hæresis; per tri-  
ginta & amplius, quibus Borcensi oppido incu-  
babat annos, iniurijs Imaginum, ad plenam ea-  
rundem obliuionem succincta & intenta: Pro-  
babile enim est, ijsdem artibus intercepta (si quæ  
extabant de sacra Icone) monumenta, quibus  
depe-



# D E I P A R Æ.

55

deperiêre tradita Vulcano Ecclesiæ Iura. Illud  
 fideli deponentium relatione constitit, coæuam  
 Ciuitati, quæ post sua fata loco reliquit nomen  
 sacram Iconem, tertium iam sæculum spectacu-  
 lo & cultu attinere; & à primo iam inde ortu, quo  
 è peritâ artificis surrexit manu, per multa cœle-  
 stium fauorum illicia, communi fauore ac deu-  
 tione sublatam, Venerationem sui ad subsequen-  
 tes ætates propagasse. Visam præterea sæpius  
 non modò superioribus sæculis (quòd prouectio-  
 res ætate memorabant) sed recenti etiam homi-  
 num memoriâ, eandem Imaginem luce circum-  
 fusam, euictis tenebris nocte concubiâ, splendo-  
 rem ultra Templi ambitum proiecisse; & nouam  
 hanc sempiterni Fœderis Arcam Deiparam, Igneæ  
 columnæ indicio per tenebras proditam, spectâ-  
 tium animos in admirationem rapuisse. Id sibi  
 quoque visum Venerabilis Ambrosius Rychlici-  
 us Altarista Borcouiensis, & Ioannes Ramká Ci-  
 uis, alijsque plures, Sacramenti Religione firmâ-  
 runt.

Ab hominum  
 memoria sem-  
 per fuit in ve-  
 neratione.

Sæpius visa  
 lucem iaculari

Verùm superest iam, vt post vestigatam  
 (quatenus è ruderibus antiquitatis eruere licuit)  
 sacræ Imaginis ætatem, ad describendam eiusdẽ  
 formam ac symmetriam accingamur. Ac in pri-  
 mis præmittimus, videri Imaginem hanc proximi-  
 mè accedere ad speciem habitumq; Virginis, pro-  
 ut ab

Deiparæ dum  
 viueret qualis  
 fuerit forma.



## MAGNALIA

Imago Zdzie-  
szouien. can-  
dem refert.

ut ab Epiphanio apud Nicephorum describitur  
his verbis, *Erat Staturâ mediocri, quamvis sint  
qui eam aliquantulum mediocrem excessisse lon-  
gitudinem dicant; colore fuit triticeum referen-  
te, capillo flauo, oculis acribus, subflauas & tan-  
quam oleæ pupillas in eis habens; supercilia erant  
ei inflexa, & decenter nigra, nasus longior, la-  
bia florida, & verborum suauitate plena; Facies  
non rotunda & acuta, sed aliquantò longior, ma-  
nus simul & digiti longiores: Erat denique fa-  
stus omnis expers, minimèque vultum fingers,  
nihil mollitiei trahens, sed humilitatem præcel-  
lentem colens. Ex his apertè tuentibus Ima-  
ginem Zdziefszouienssem liquet, imitante descri-  
ptâ speciem penicillo, vultum Virginis ita effictû  
esse; vt ab albedine ad honestum deflectens pal-  
lorem, triticeum colorem exhibeat; Genis dun-  
taxat roseo rubore vernantibus. Oculi viuido  
impetu, sidereum nescio quid iaculantes, omni  
à parte occurrere spectantibus videntur; ita pu-  
pillam temperante artificis dextrâ, vt reddere  
vicem tuentibus, spectatoresq; suos grato lumi-  
ne respectare Virgo credatur. Frons & labia in-  
ter risum & nubilum media; cùm nec tristi mina-  
ciq; supercilio adducantur, nec in nimiam hila-  
ritatē laxentur; iucundâ enim quâdâ grauitate re-  
nident; & primo statim contuitu, fiduciam cer-  
nenti-*



nentibus ingenerant. Verùm libet fusio-  
 rem eiusdem Imaginis descriptionem, ex libello de ea-  
 dem manuscripto A. R. D. Stephani Dámálewicz,  
 S. Th. D. Canonorum Regularium ad S. Nico-  
 laum Calisij Præpositi attexere; cuius viri hono-  
 ri id damus, ut illius calamo delineatam Imagi-  
 nem Zdźieszouiensem, legentium obtutibus ani-  
 moq; sistamus: Sic igitur ille. Imago Zdźiesz-  
 ouensis quodam occulto spectatorum animos illi-  
 cio tantum non trahit: Frons mediocriter est  
 alta, & nullâ rugarum nube inamæna; mixtam  
 verecundiæ latitiam iucundè ostentat, & ipsi-  
 eam intuētibus, Diuinam quādam dulcedinem in-  
 stillat; pupillis oculorum, in speciem oliuarum  
 ad maturitatem suam tendentium suaue nigrican-  
 tibus, quibus supercilia tenui arcuata discrimi-  
 ne, eiusdem coloris, augent gratiam. Ita quisq;  
 se aspici & tantum non obleruari existimat, nul-  
 lo tamen metu; nam licet maiestate plenus ob-  
 tutus reuerentiam sibi conciliet, nihil tamen ni-  
 si amoris in animos spectantium fiduciam eui-  
 brat. Hinc incredibili quisque intuentium gau-  
 dio delibutus, vix recedit, plerumq; auellitur;  
 nec vidisse satis semel est, iuuat vsque morari;  
 & in toties repetito regressu, nouus quidam in  
 mente Contemplatoris increfcit, & assurgit vigor.  
 In naso grauitatem, in genis decorem, in ore ar-

H

tifex

Descriptio  
 Imaginis.



Imago à nullo potest exprimi p[ro]p[ri]o.

Dimensio  
Imaginis,

tifex sedere fecit omnem faciei totius gratiam, inimitabili artificio omnem prorsus pictorum solitudinem excludere; ut sic exprimere mixturam coloris, nucis auellanae, siue Italici Tritici, cum malorum granatorum nondum plenè rubentium temperie frustra conati, oleum & operam perdidderint toties. Collum cum capite aliquantisper inclinatum vergit ad sinistram; ut infantem IESVM ferè biennem, in eadem manu collocatum, ita sustentet, & digitis laciniam vestis Puerilis, leuiter attingat. Diuinus Puer obtutus dirigere videtur, non tam ad Matrem gerulam, quàm ad spectatores, quasi meditabundus eorum vota, & supplicationes expendens; Diuinam Parente oculis in Filium defixis, Misericordiam ipsam vultus verecundi modestiâ erga peccatores prouocante: Tabula Imaginis in longum habet cum iugumentis, vlnas duas & quadrantem, in latum cubitos duos: dimensio Faciei, vlnae in longum quadrantem & semis occupat; Nasi mensura semis quadrantis, oculi vtriusque pollex crassitiem implet; Manus faciei respondet, ut nihil ad proportionem, & symetriad partium ars amplius possit desiderare. Vestes tam Infantis DEI, quàm Matris, auro & argento non pauca oblinunt per totam tabulam Mariophilorum Clientium liberalitas.

CAPVT



## CAPVT IV.

Recensentur mortui, post oblationem eorum ad Imaginem Zdzie-  
szouienssem factam, portentosa  
Deiparæ ope, vitæ redditi.

**V**T statim in limine *obstruatur os loquentium*  
*iniqua*, nec Hæreticâ tinctæ fuligine men-  
tes, Miracula ad Imaginem DEIPARÆ  
patrata, atro notare calculo, fucumque illis, no-  
bis credendi facilitatem, mordacissimâ sugilla-  
tione obijcere audeant; placuit in recensendis  
prodigijs, in quibus *Dextera Domini magnifica-  
ta est*, eum seruare ordinem; vt à magis arduis,  
quæque sicut omnem creatam transcendunt vir-  
tutem, ita omnem cauillandi amputant libidi-  
nem, ordiamur. Cùm igitur, quemadmodum  
latè, capite secundo monstrauius, Mortuorum  
suscitatio, sit opus solius Diuinæ manûs conse-  
ctaneum; & tam naturæ quàm Dæmonis viribus  
imperuium; inde auspicabor miraculorum Virgi-  
neorum, vnde multi beneficio Virginis, auspi-  
cati sunt abruptam Parcarum inuidiâ, vitæ lux-  
relam. Nec verò mirum est, Deiparam aliquos  
in indiuiduo homines, amissâ redonasse vitæ, quæ

Psal. 62.

B V. est geni-  
trix vitæ, Ma-  
ter salutis,

Hz

vniuer-



August. Serm:  
18. de Sanctis.

Eccl. 24.

Vita citissime  
edit per Vir-  
ginem.

vnuerſum genus humanum, callidi ſerpētis mor-  
tifero afflatum veneno, in non morituram reuo-  
cavit vitam. *Auſtrix* ( *inquebat Auguſtus ſanctus*  
*Auguſtinus* ) peccati *Eua*, *Auſtrix* meriti *M A-*  
*R I A*: *Eua* occidendo obſuit, *M A R I A* viuifi-  
cando profuit, illa percuffit, iſta ſanauit. Vnde  
meritò Virgo Sacraſſima, ſub Typo ſapientiæ,  
apud Siracidem gloriatur: *In me omnis ſpes vi-*  
*tae & virtutis*: quia nimirum ipla, ſicut primi-  
tus ad fugandam mortem, editâ mundo vitâ ſa-  
lubriter concurrit; ita hodieq; homines, mortis  
vinculis & inferni legibus irretitos, opis ſuæ in-  
teruentu, fortiter exoluit; nec poteſt quiſquam  
citius temporariæ ac æternæ mortis, iugum ex-  
cutere, quàm ille, quem potentiſſima *M A R I Æ*  
manus ſtatuit emancipare. Pulchrum ſuper eâ  
re diſcuſſum textit aureo calamo ſtyloque pro-  
fluus Petrus Chryſologus: Audax Libitina, in di-  
lectam quoq; Chriſto domû, fatalem falcem immi-  
ſerat, & infixum cordi amorique Saluatoris Laza-  
rum, viuentium numero exemerat; aberat tum  
Chriſtus, cùm Victrix Parca, tam mœſtum de a-  
mico duxit triumphum, & inter ferales ma-  
nubias Lazari exanimum corpus ad ſepulchrum  
traxit; quatrIduo poſt ſuperuenit Dominus, ob-  
uijs Marchæ lamentis, & querulâ ſuper mortis aulu  
accu-



accusatione exceptus; nihil tamen resolutam in lacrymas propriam Hospitam miseratus, eiulq; pollicitis, & suæ declamatione potentia miserâ detinuit, quoad illa desiderium Domini odorata, accersit sororem silentio & ait; *Magister adest & vocat te*; tum verò vbi Maria Magdalena amoris dolorisque stimulo incita, ante conspectum Domini sese & lacrymas effudit; indignari audaciæ mortis ac infremere Christus, reuolutoq; mox sepulchrali lapide, domare indomitam; reperere spolia à prædatrice; ereptumq; Tartari legibus Lazarum, in vitam & lucem reponere. Miratur hic aureus Præsul, Christum non prius morti frena iniecisse, quam Maria soror Marthæ, interpositis gemitibus, ad hæc prælia eundem acuisset; & audet dicere, Nomine typoque Matris, licet tunc in alieno subiecto scintillaret excitum, in mortem irruisse; abactaque quam violenter atraxerat prædâ, in M A R I Æ genitricis gratiam Trophæum de morte, in mortuali Lazari monumento struxisse. *Quia (inquit) sine M A R I A nec fugari mors, nec vita poterat reparari; veniat M A R I A, veniat Materni Nominis baiula.* O quam verè ab aureo fuso calamo, sine M A R I A nec fugari mors, nec vita poterat reparari! Sensit id, gratissimâque approbavit professione rediuius Orbis, ab æternæ mortis catastâ,

H3

&amp; orci

Ioannis I. II.

Sine Maria  
mors fugari  
non poterat.  
nec vita reparari.  
Chrysolog.  
Serm. 64.



& orci faucibus MARIANO succursu erutus, sensere ( *ut innumeros omittam* ) illi, quos dum securè ad loca manibus habitata, mors abegit, conuerso per Deiparam, postquam ad hanc eiusdem oblatis sunt Imaginem, rerum ordine, gemens potestate suâ manu misit. Horum iam Cathalogum, ad tantæ Reginae gloriam, & meritæ Pietatis augmentum, ex Authenticis Monumentis persequamur.

Fulmine ictus  
& occisus, re-  
uiuiscit ad Ima-  
ginem oblatus

I. Anno Domini 1604. Ipso Ascensionis Dominicæ Festo die, solutâ Pomeridianâ Concione, repente cœlum tetrâ facie inhorruit; ac crebro collisarum inter se nubium fragore, vagoq; per aëra ignium discursu, non dubiam parturire pernitiam visum est: cùm ecce perrupto qui obstabat vapore, deciduum fulmen ruit in oppidum; & Ciuem ac tunc Proconsulem Borcensem, Albertum Sáydak, lethali ictu sternit. Exanimū Cadauer vt supernâ correptū est flammâ, luridum statim colorem, patentibus ambustionis signis, & sulphureum traxit spirauitque odorem. Concurritur ad triste spectaculum ab vniuersâ viciniâ; & lamentis familiæ, planctu amicorum, miseratione vniuersorum domus impletur: Interim tactus fulmine per manus domesticorum hypocausto illatus, lectulo componitur; & cùm nulla extarent manentis animæ vestigia, interclusaq; spiram



spiratio, veram mortem testaretur; cùm deinde nudatum corpus, manifestè quâ fulmen per genas & guttur transiens, lethalem ictum in pectus adegerat, ac deinde diuulsâ per ventrem ac pedes erumpens viâ, vestes & soccos terebrauerat, spectantibus exhiberet; increbuere rursus dolentium eiulatus, & Mors quæ festiuæ diei lætitiâ, & Amici interuertit vitam, inani questu vapulauit. Horam circiter lamenta super mortuo tenuere, cùm superuenit Rñdus Felix, nondum Præpositus, verum Concionator duntaxat Borcensis; visoque luctum & lacrymas valesciscere, ac inutili flentium imbre, malè fulmineos ignes restringui; altiori iam ipse animatus spiritu, spem concipit animari posse de Benignitate Virginis Mortuum, si ad Imaginem, multo iam tum beneficiorum experimento celebrem, votiuâ adstantium pietate offerretur. Ergò admonitis qui aderant, funduntur omnes in genua; ac Dextræ MARIANÆ eum, quem fulminea irati Iouis consumpsit dextera, piò eiulatu repræsentant; cùm ecce mortuus ter sacrosanctum IESV Nomen exili primùm voce insonuit; & mox posteaquam maiori fiduciâ, deuotio præsentis populi sese intendit, mixtasque gaudio lacrymas, Virgineæ benignitatis admiratio, omnibus expressit; recepto totaliter loquendi  
usu



usu proclamauit: *Virgo MARIA adesto mihi*; simulque membris omnibus vegetus, vitam & vitæ officia reassumpsit. Tanti beneficii memor, octauâ post fatalem ictum die, institutâ solenni, Cleri ac populi supplicatione, Sacerdotum coronâ cinctus, & accensam facem, inter plures circum coruscantes deferens, Ecclesiam Zdzieſzouiensem adiit; ibique *Matri uiuentium*, vitam quam ipsa dederat, liberalissimâ gratiæ confessione reddidit; ac rei totius memoriam, in tabulâ exprimente penicillo digestam, ad aram Virginis appendi fecit. Præsentibus R. Felice Duranio Concionatore, Ioanne Wilkoński, Simone Hyppolito Vicarijs, & Ambrosio Altaristâ Borcensi. Magistratu quoque tam Consulari quàm Aduocatiali, ac toto Oppido Borcensi, ad celebranda Virginis Magnalia turmatim effuso.

Puer mortuus  
post factū vo-  
tum resurgit.

2. Anno eodem in villa Skokowo, foeminæ cuiusdam filiulus, Cathari defluuio in guttur illabente, ac inde spiritu intercepto extinctus est: intentis ad suprema puero persoluenda cunctis, moesta Mater in diuersas curas tendere, & dum alij mortis officia curant, ipsa sola recuperanda vitæ commercia, felici audaciâ tentare incipit. Subeunt in mentem Prodigia ad Imaginem Zdzieſzouiensem toties iam facta, & cum

non



*non sit abbreviata manus Domini*, in paris gratiæ tentamina, Materni amoris impetu, Virginei fauoris occulto suasu & inuitamento erigitur. Iam examine Filij cadauer plastro impositum, ad Ecclesiam deuehi debebat; panisque de more Catholico egenis distribuendus, corpusculo defuncti adiacebat; cùm Mater genibus prouoluta, meliorem Matrem pro vitâ Filij interpellat, reddique illum mundo non tam ad priuata solatia, quàm potentiæ suæ maiora præconia postulat: adhuc æstuantibus afflictae labris vota inerrabant, cùm deploratus omnium sensu puer, vitales sensus exere, motuque & suspirio retrocaptam vitam salutare; ita mutatâ iam causâ, continuatur cœptum ad Ecclesiam iter; lætaque mater, Filium quem mortuali fossæ inferre debuerat, versâ facti serie vitam adspiranti, Deiparæ sistit Imagini; ac eundem Sacerdotem Ioannem Wilkoński, quem obeundis parentalibus sacris condixerat, ad Eucharisticum sacrificium, persoluendasque Virgini grates adhibet.

3. Anno sequenti 1605. Oppidani Borcensis, Petri Rotificis Coniunx, doloribus partûs incumbentibus, in nouos dolores, non tam feracem, quàm feralem vterû se tulisse ingemuit; postquam eiectum in auras foetum prius morti succubuisse, quàm vitam & lucem hausisset, aduertit: adhi-

Fœtus absque  
vita in lucem  
editus anima-  
tur.



bentur fomenta corpusculo, oppressis forsan gestatione artubus, in vitæ munia explicari non valenti; modisque omnibus intercepta anima, ad regendos corporis motus elicitur; sed frustra fuerit conatus, quæis Parca obstabat, & abrupto vitali stamine, intermissam semel fusum negligenti manu excusserat. Ergo alia retexendæ vitæ initur ratio, & felicior mendaci Lucinâ Deipara (factâ ad Imaginem Zdżieszouienssem oblatione) ad corrigendos infelicis partûs errores, lacrymosâ prece excitur; statimque filiulus motu & fletu, quod alterius Matris beneficio viueret contestatus, propriam genitricem, quæ ante homicida fuisset quàm mater, lacrymis corripuit: & næ diaria videretur Virginis gratia, protractâ ad virilem ætatem vitâ, vsque in Annum 1647. duravit.

Pari Virginis beneficio, aliquot post annis vitam recepit, omni vitæ sensu secluso, in mundum extrusus puer, Cuius Calissiensis cognomine Golibrzuchij filius: nam cùm ultra horæ spatium manentis animæ negasset indicia, ac de *utero ad tumultum transferri deberet*, voto ad hanc Imaginem concepto, reducem spiritum per suspiria moliri cœpit; ac deinde gratâ parentum officiositate, velut alter Samuel mirabiliter datus, ad hanc melioris Fœderis Arcam adductus est.

Iob 10.



Aquis sub-  
mersus puer  
spiritum re-  
cipit.

4. Non multis ante hæc tempora Annis, videlicet Anno à Partu Virginis 1599. ipso eiusdem Virginis Natali dicato die, cuiusdam mulieris de Villâ Bruckowo bimulus Filius aquis il-lapsus, ac iisdem præfocatus est: accurrit mise-  
ra mater, & protractum è gurgite, modis omni-  
bus in vitam reducere tentat; gelatû corpus calore  
refouet; noxium quo membra tumuerant humo-  
rem, sudoribus prolicit; & extinctos spiritus, si  
quæ adhuc vitæ maneat scintilla reaccendere al-  
laborat: sed enim irrita molimina derisit mors,  
quæ iam mersum puerum, trans vltiores sæcu-  
li alterius aquas, Charontis cymbâ deuexerat.  
Binas horas & vltra tenuit inter curas & gemitus,  
spe metuque alternante, Matris diligentia; nec  
tamen vitæ indicium, à durato lethali glacie cor-  
pore extorqueri potuit. Quid igitur consum-  
ptis omnibus medijs faciat, orbitatis suæ sensu,  
atroci nati fato euiçta Mater? *Grande* (aiebat  
Pòeta) *doloris, Ingenium est miserisq; venit soler-  
tia rebus.* Vbi terram dolori suo solatia, filij  
casibus remedia negare videt, cœlum petit; pul-  
satâque pijs clamoribus ope, Genitricis Diuinæ,  
qui Moyse attestante *Ignis consumens est*, extin-  
ctum puerum, meliori quàm olim figmentum suû  
Prometheus igni animari poscit; & dum ita vo-  
tis ad Imaginem Zdzieszouienssem nuncupandis  
inten-

Qu: in Metaph.

Deuteron. 4.



intendit, ecce spirantem filium auras attrahere; vitæque primordia gemitibus prætentare videt. Eum deinde sanum valentemque receptum, Virgini quæ dederat, in Ecclesia Zdziebouięń: stitit, factique seriem gratâ prædicatione redigi in fastos Ecclesiæ voluit.

Occisus a la-  
tronibus reui-  
uiscit.

5. Anno 1613. Bartholomæus Ioannis Fabri ferrarij Colnensis filius, tunc seruitijs Generosæ Dominæ Xiażyńska addictus, dum syluam quandam densis quercubus horrentem pertransit; erumpunt subito è latebris sicarij, & fugam molientem vulneribus tardant; cumque defectis viribus, plurium manibus appetitus concidisset, sanguinarij homines prostrato lethales ictus ingerunt; & faciei ac manibus cæsum, collo verò & gutturi punctim inflictis vulneribus, eundem conficiunt; exanimumque demum & viribus ac spiritu destitutum relinquunt. Ita repertus & agnitus, submisso quo deueheretur curru, ad Curiam Dominæ reducitur; & cum glaciatum mortifero rigore corpus in nulla vitæ indicia molli-ri posset, illatæ necis verique lethi euentiam spectantibus facit. Mouit interim aliquos seu priuatus erga occisum amor, seu cædis atrocitas, & abruptæ primo ætatis flore vitæ indolentia; inde lacrymas primùm cruentis vulneribus irrorare, mox etiam ad altiores curas surrigi, & vi-  
tam



tam Deiparæ auxilio refundendam sperare simul ac precari. Vix vota ad sacram Iconem concipere, cum recurrere emortuis artibus vigor, extincti spiritus arterijs illabi & palpitare, vitalisq; succus membris omnibus exporrigi; nouissimè velut altum excussisset soporem occisus, valens vigenisque surgit; & paruo negotio vulnera immani segmine hiantia ad cicatricem perducit; adeò felici curationis euentu, vt impacti iugulo ictus, qui omnium iudicio deferendis alimentis, sermonique formando offuturi credebantur, nullo vtrumque ministerium damno corrumpere ac violarent. Venit is deinde hoc ipsum quod venire liceret Virgini debens, ad Imaginem Zdziebouiensem; Liberatricemque suam, cuius dono mortis faucibus extractus est, Dominicâ tertiâ à Paschate præsens adorauit.

6. Anno 1614. Albertus Incola villæ Ciświcá, noctu dum iter capit, à latronibus interceptus, multisque vulneribus confossus est: collapsum in viâ publicâ, linquente animo, proflus patente hiatu sanguis destituit; & insuper inclementia frigidi aëris, lethalem torporem (residuis si qui inerant spiritibus) induxit. Ita postridie repertus exanguis, multiq; egerie cruoris, ac crasso gelu duratus, & in non dubiæ mortis pallorem albens, ad exequias componitur;

Nulla ex tot  
vulneribus re-  
cepto damno.

Alter occisus  
ac totâ nocte  
hyeme, frigo-  
ri expositus  
reui-  
scit.



cùm miserati inhumanam mox humandi sortem  
 aliqui, felicius saltem fatum mortuo optare, ac  
 expiandis Christiano ritu noxis, tantillum vitæ  
 protrahendæ spatium, à Diuâ Virgine orare. Nec  
 vana ad Virgineam clementiam recurrentium fuê-  
 re vota; nam reuolutus repente in vitæ vsum oc-  
 cisus, qui iam sepulchro inferri debuerat, Tem-  
 plum Virginis grato animo petijt; & gratijs Ma-  
 tri viuentium persolutis, spectatores mortis suæ,  
 ac stupendæ suscitationis testes, Famatum Alber-  
 tum Snopek Proconsulem, Puściošek, & alios  
 plurimos Oppidanos Iarocinenses, in perenne  
 MARIANÆ gratiæ argumentum induxit.

Mortuus per  
 horas quinque  
 animæ cassus.  
 portentose re-  
 surgit.

7. Anno 1617. Albertus Faber ferrarius de  
 Oppido Powidz, multis & magnis conflictatus  
 morbis, tandem superante vim naturæ, ægritu-  
 dinis violentiâ, fatis concessit; deq; lectuli spon-  
 dâ (more gentis) in stramen depositus, & mor-  
 tuali sindone inuolutus, integras quinque horas  
 exanimis iacuit. Superuenit interim Famatus  
 Nicolaus Oppidi eiusdem Notarius, mortuo cor-  
 pori luctum, & supremæ humanitatis lura impen-  
 surus; vbi cum totâ domo eiulatus, & lacrymas  
 personare, & tristibus næniji cuncta strepere vi-  
 det; motus plorantium questibus, repetit me-  
 moriâ Beneficentiam Deiparæ, quam ipsemet a-  
 liquot ante annis, dehiscente glacie dum eam  
 transit



transit absorptus, & factò ad Imaginem Zdzie-  
 bouientē voto, mirabiliter è profundo lacu (prout  
 alias dicetur) ad littus delatus, delibauerat: hinc  
 iussis conticescere inanibus præficarum lamentis,  
 à propriâ experientiâ, in alieni adiutorij fiduciâ  
 accenditur; & mortuum omnium lacrymis deplo-  
 ratum, ei quæ vitam peperit commendat. Ad-  
 fuit de Virgineâ misericordiâ præfidenti vis Di-  
 uina; quæ defunctum quinque horarum vsuca-  
 pione à morte possessum, crudelis Dominæ arbi-  
 trio, ad nutum Magnæ Vniuersi Dominæ exemit.  
 Vnde paullò post rediuius Faber, in magnâ po-  
 puli frequentiâ, ad Ecclesiam Zdziebouiensem  
 delatus, ipso Pentecostes solenni, palam receptæ  
 vitæ munus Virgini retulit.

8. Eodem Anno Gaspar Mileia Colonus de  
 Villa Lugoëin, die festo Sanctissimæ Trinitatis  
 visitatâ Ecclesiâ Zdziebouiensi, noxas ritu Catho-  
 lico confelsione eluit; & vitæ alimoniâ in alta-  
 ris Sacramēto perceptâ, ad hospitium Lucæ Say-  
 daczek Oppidani Borcensis diuertit. Illic impro-  
 uisâ quâdam mentis vertigine stimulante, mise-  
 randus fuimet carnifex, strictum ferrum iugulo  
 aptat; ac tanto impetu adigit, vt resecta ceruix,  
 & à fronte in occiput reuulsa, extremis duntaxat  
 neruis ac exiguo cuticulæ segmento dependeret.  
 Eiectum mox cadauer in compitum; foroꝛque pu-  
 blico

Homo, qui si-  
 bi ipsi manus  
 violentas in-  
 tulerat resecto  
 gutture.



Dum ad sepulturam trahitur, occurrit ignotæ mulieris & iussu, reductus, domum vitam recipit.

3.4

1722

1722

1722

Confessus

postridie moritur.

blico illatum, apparitores inuasere, vincto ad locum damnatorum trahendum; dumque semicurvum iniectum, ad infame patibulum, sepulturam a fini sepeliendum raptant; ecce mediâ in platea (quæ furcâ respicit) occurrit tendentibus ignotæ speciei mulier, ex opposito domus honesti Ramkâ, Oppidani obuia, retrahique in Oppidum cadauer, nec intempestivâ præcipitantia festinari probrosû funus iuber. Moti occultâ inuisæ antea Matronæ reuerentiâ apparitores, recipiunt rursus sese in Oppidum, & sublatum vehiculo cadauer, in publici carceris vestibulo deponunt; inde linteis circumligato gutture, audiunt loquentem, quem nec spiritum attrahere potuisse viderant, Sacerdotisque copiam fieri sibi postulantem: quo acito, magno pietatis sensu, dolorisque intimi significatione, peccata sua in sinum eiusdem deposuit, ac vitæ seriem ex Ordine reuoluit. Visitavit eundem cadente sub vesperam die R. Felix Duranius Præpositus, & deuotis vtrinque reforum colloquijs, post præmissam iterum confessionem, erratorum veniam demulsit. Postridie demum animam exhalavit; non dubio Deiparæ quam visitauerat munere, ad vitam retractus, & tam diu inter mortis ac vitæ confinia suspensus, quo ad maculas omnes condignâ poenitentia detereret: prout id recognouit, & in Chartophyla-



phylacium Ecclesiæ manu propriâ idem ille R. P. Felix sæpe memorandus retulit,

9. Eodem Anno Adamus de Villa Goreczki, in procinctu itineris hærens, stimulante animum impatientiâ, Matrem asperioribus verbis obiurgavit, nec facti poenitentiâ tactus, coeptum iter ingressus est; expeditis negotijs domum reuersus, vix tecta subiit, & lassos viæ difficultate equos præsepi applicuit, cùm subitâ interceptus morte viuere desijt: & frustra lapsum spiritum reuocare conantibus domesticis, post consumptas vano exitu curas & lacrymas, quæ integris quatuor horis inania conantes lassauère, mortuali habitu ad tumulum compositus est. Occupatis interim circa suprema officia ordinanda cunctis, subit tecta subitæ mortis incursum funesta, Generosa Domina, Valentini Gorecki Coniunx, fremitu concurrentis populi ad videndum pellecta: & interno statim suggerentis animi tacta admonitu, hortatur præsentem, vt irritos planctus, quæis mortuum importuni grauarent, vtilius ad implorandam Virginis opem transferrent. Procumbunt ergo in genua, & Deiparam miraculis ad Imaginem suam Zdziebouiensem coruscantem, cùm sit ipsa *Sacratissimum* (Diuo Ignatio teste) *cæli terraque Prodigium*, mortuo per lacrymas & preces propitiant. Audiit orantes Virgo, & ment-

Subitaneâ  
morte punitus  
ob Matrem obiurgatâ, quin-  
que horis exanimis iacet.



Apparet ei  
Deipara . &  
corrupto vitâ  
restituât.

## M A G N A L I A

ti defuncti sese obiecit, eâ quâ in Ecclesia  
Zdziebouiensi visitur specie; castigatumque ob in-  
gesta matri probra, iustè eo mortis genere pe-  
rijsse denunciauit; ac melioris deinceps in Ma-  
trem officij admonitum, resumere vitam, quam  
precibus abirato Filio extorsisset, iussit. Hæc  
omnia idem Adamus postridie Zdziebium dela-  
tus, cadentibus vbertim lacrymis ex ordine edif-  
feruit; & appenso ad Imaginem Virginis anathe-  
mate, seriem amissæ redditæque vitæ in Tabu-  
lis Ecclesiæ consignari fecit.

Puella lintea-  
mina abluens,  
cadit in lacu,  
& submergi-  
tur.

10. Anna de Villa Koskowo, laboriosi Cme-  
thonis Krölij nurus, cum abluendis in stagno li-  
neis vestibibus intendit, fortuito excussum manu  
lintheum, in vltiora lacus, vagæ rotatu vndæ agi  
coepit: quod illa retrahere conata, fallente ve-  
stigium ripâ, in stagnum decidit, statimque in  
profundum abrepta, elisum aquarum vorticibus  
spiritum amisit. Conclamant qui aderant, & vo-  
ce hortatuq; inutili submersam cient; correptosq;  
quos casus obtulit fudes, ac longiores perticas,  
nec indigæ horum nec sentienti offerunt; donec  
amissâ enatandi spe, vrinatores vestigando ca-  
daueri ( vt saltem honestæ gratiam sortiri posset  
sepulturæ ) submitunt. Extracto sensus omnis  
casso corpore, oborti omnium planctus, non mi-  
norem ex oculis liquentium lacrymarum, quam  
ex vda



ex vda puellâ madentium guttarum imbrem expressere: subit tandem animos Virginis Matris potentia ad Imaginem Zdzieſouienſem prodigiorum frequentia celebrata; illuc mortuam positâ humi genibus offerunt, & comparendi onere si viueret, illam seque illigant; ac mox eandem viuere, regestisq; quas hauserat aquis, sanam & incolumem regredi vident; quam deinde in Ecclesia Zdzieſouienſi, alieni voti, proprii beneficij ream, Matri misericordiæ sistunt ac exhibent.

Oblata ad Imaginem B. M. V. reuiuiscit.

II. Anno 1617. Honestæ Annæ de Páwłowice, filium Triennem diri cruciatus inualere, ac etiam contemnente rudes Villani Chironis artes, morbi acredine absumpsere. Liquitur in fletus moesta mater, & frigido infusa corpusculo, profugam animam osculis gemitibusq; reuocare conatur; atq; ita vltra horam inanibus indulgens curis, surdam mortem questibus, seipsam angoribus lassat, & conficit. Tandem ubi egestus perhumentes oculos dolor paulatim deferbuit; & moesta nubes, quæ hactenus animo obstabat, post roscidum lacrymarum imbrem vanescens, opportuna lucis radium ad animum transmisit; recordatur Imaginis Zdzieſouianæ; statimq; conscientia Magnalium ibidem patratorem erecta, audacem pietatem in nouas spes tendit, ac Filio vi-

Puer triennis mortus reuiuiscitur.



tam, quam ab inexorabili Parcâ lacrymis extor-  
quere nequiuerat, à vitæ genitrice poscere præ-  
sumit. Nec deerrauit nimia licet votorum, Ma-  
tris affectio; nam *dum sentit de Dominâ in bo-  
nitate*, ad sensum experimentumque portento-  
sæ Bonitatis admittitur; & Filium quem deplora-  
uerat, læta plorantem audit, recipit, comple-  
ctitur; nullâque morâ ad Virginem quæ restitue-  
rat, in Ecclesiam Zdziesbouiensem defert; rerum-  
que seriem in præsentia multorum, adnotante R.  
Bartholomæo Altarista Borcensi euulgar.

A coætaneo  
puero fuisse oc-  
císus puer.

12. Anno 1621. Benedictus Alberti Vincentij  
de Grabienice filius Annorum 14. dum puerili se-  
dulus insistit operi; ecce prorumpens ex insidijs  
coæuus riualis, tam grauitèr fustem inaduerten-  
tis temporibus inflixit, vt vno illo lethali ictu stra-  
tum statim, ac ruentem confecerit. Concurret  
æqualium turba ad fatale spectaculum; & puerili  
leuitate deliquium suspicata, mortuum raptan-  
do, vellicando, clamoribus ac frigida affusu in  
vitam ciendo, inutili miseratione grauat; donec  
tres & amplius horas cum aduersis fati, & super-  
fluâ diligentia luctati, vacuum animæ corpus de-  
serunt. Aderat Tragædiæ frater natu maior,  
dimidium animæ in fugatâ fratris animâ perditum  
sibi, lacrymis & miserabili eiulatu testatus; dum-  
que omnes æqualium curas atrocitati fati succu-  
buisse,

A Fratre un-  
cupato ad B. V.  
M voto, pro  
salute illius re-  
cipit vitam.



buisse, omnia reuocandi fratris auxilia in irritum  
 recidisse videt; nesciò quo altiore ictus impetu,  
 rogat coartaneos, vltimâ interfecto fratri opem  
 desuper accersant, & ad Deiparam versi, precibus  
 elicere misericordiam eius velint. Vix strati hu-  
 mi, præeunte occisi Germano, vota ad Imagi-  
 nem Zdziebowienssem nuncupauerant; cùm mor-  
 tuus velut insomnijs agitantibus, ronchos ex al-  
 to ducere, ac deinde excusso fatali lethargo, a-  
 missam lucem visu voceque repetere. Ita breui  
 vitam & sanitatem adeptus, comitante eodem,  
 qui adipiscendæ modum & Auctorem suggererat  
 Fratre, ac Parentibus, Ecclesiam Zdziebowien-  
 sem lætus adiit; & cædis suæ modum ac mede-  
 lam, in præsentia R. Bartholomæi Zawádzki Ple-  
 bani Pogorzelenensis, ac aliorum plurium publicâ  
 testificatione exposuit.

13. Anno eodem, Generosi Dñi Alberti Kráio-  
 wski filiulus Andreas, tepentis aquæ balneolo illa-  
 tus, & ab incautâ nutrice desertus; dum infan-  
 tili simplicitate vndis colludit, in easdem totâ fa-  
 cie resupinatus, ac deniq; intercepto spiritu præ-  
 focatus est. Aduolant miseri Parentes, in filio-  
 li fati magnâ parte præmortui; & planctibus pe-  
 ctora, lamentis sidera, basijs filiolum, inhalatoq;  
 crebrius spiritu, inaniter fatigant. Sed enim quis  
 Mercurius abactum iam ad Elysia præta spiritum

Infans in bal-  
 neo suffocatus  
 ad vitam reuo-  
 catur.



Isaia II,

potenti lituo reflecteret? desertique in stationem corporis iterum aduocaret? Crebrescebant frustra totâ aulâ nœniæ, cunctis vnus pueruli casu in mærorem prorutis; cùm parentes de vitâ Filij solliciti, reperiunt ad solatia sua, quouis Hermetico efficaciorum Caduceo *Virgam* illam nimirum, *quæ de radice Iesse egressa*, in vitalem florem illibato partu erupit: ad hanc Diuinam *Virgam* deuotis mentibus dum confugiunt, & votis pro salute Filij factis, in Ecclesiâ Zdziebouiensi sistendum appromittunt; repente emortuum corpus, in vitæ officia flecti, ac vagitu cadentibusque per genas vndis, infelices quæ vitam rapuerant vndas damnare vident: læti que & ad reddendas Virgini grates properi, sese, Filiolum, votiuû Anathema, in Ecclesiâ Zdziebouiensi sistunt.

Alter itidem  
Infans pari fâ-  
to functus re-  
tenuit.

Par eodem anno casus, cognominem prioris Mulieris cuiusdam de Villâ Piotrowo puerulum, dum abluitur merfit. Par Virginis dum inuocatur gratia, haustum aquis spiritum absorpto refudit; quasi communis sors à primo in cæteros deriuata esset, Andream ab vndis euocari.

Lapsa in stagnum puella,  
implorata Deiparæ ope suscitatur.

14. Anno eodem Gregorij Aduocati de Zaborowo, filia septennis nomine Margaretha, fortuito in stagnum illapsa absorpta, diutius ibidem delituit: conquistam Parentes infelici indicio subter aquisprehendunt, ac toto corpore luridam,



ridam, & continuo lambentium lympharum su-  
ctu tenuatam, flauescensque in littus protra-  
hunt. Nulla in exanimi puellâ semel exstinctæ  
vitæ nictabatur scintilla; & tamen immodicus  
amor, non temerariâ sanè fiduciâ vitam sperare  
ausus est, si quæ stagno perierat puella, in ma-  
gnum MARIANÆ Beneficiæ Mare iace-  
retur. Ergo vota concipiunt, Puellamq; Ima-  
gini Zdzickouienſi præſentandam ſpondent; ſi  
voracis damna paludis, prodiga Virginis Matris  
liberalitas ſarciret, ac corrigeret. Nec mora vo-  
tis; læta valensque ſurgit Margaretha, & auras  
anhelitu, Parentes iam prægaudio, nec votorū  
ſuorum capaces, complexu ſalutat. Certè rudes  
illi, Græcos ignes aquis inardescere non vide-  
rant; at felici tunc euentu, Natiui caloris flam-  
mas MARIANO Mari concreditas, in viuâ  
ſpiranteque Filiolâ ſcintillare experti ſunt. Ne-  
mo deinceps neget naſci è mari Margaritas, cùm  
Virginæ gratiæ pelagus, Margaritam hanc mû-  
do pepererit.

15. Anno eodem. Regina Laurentij Pellio-  
nis Kurnicenſis ſoror, cùm trienni ex fratre Ne-  
pti nomine Margarethâ, ad deportandam è mo-  
lendino farinam curru vecta; dum imprudens  
auriga equos in ponte temerariè circumagit, la-  
pſo in flumen curru, vnâ cum puellâ excuſſa,  
gurgit.

Mulier cum  
ſua nepti ex-  
cuſſa in flumē  
vi aquarū ab-  
rumpitur.



Puella statim  
mersa mulier  
verò sub rotâ  
Molédini im-  
pulsâ ac con-  
trita.

gurgite fluuij hauritur & inuoluitur: puella statim vi aquarum intercluso respirio exanimata; Amita diutius cum mole sinuosi vorticis luctata, impetu tandem eiusdem sub ipsam Molendini rotam propulsa est: vbi pondere impactæ obtrita rotæ, quassato pectore, elisâ ceruice, scapulis contusis, nouissimè corporis velut aggeris obiectu lapidem molarem attinuit. Procurrit ad ea, ignarus subitanei obicis molitor; & ecce substratam rotæ mulierem, toto corpore conuulsâ, eiûque rotæ molem quatuor iam effractis tabulis incumbentem, Puellam verò præfocatam aquis supernatantē cernit. Conuersus primò ad puellæ naufragia, veste quâtenus fluitabat attractâ undis eximit, & exanimem in Molendino componit; mulieri verò extrahendæ impar, quinque viros in subsidium aduocat; & amotis quæis premebatur ponderibus, fermè in modum pastæ rectam tollit, ac iuxta puellam collocat. Affuere mox lugubri nuncio exciti plures è viciniâ, pars in spectaculi nouitatem, alij in commiserationem versi; atque inter hos piæ quædam foeminæ, dum atroci fato ingemunt, interno suggestu agitata, miras spes de MARIANO adiutorio concipiunt. Itaque euocatis in societatem fiduciæ, qui aderant, fusæ in genua, vitam demersarum Genitrici vitæ deuouët; factâq; ad Imaginem Zdzie-  
bouien-



ſouienſem comparendi ſponſione, Deiparæ potentiam interſtinctâ lacrymis ſupplicatione ſollicitant: & mox omnibus facti prodigio defixis, vtramque reſumptis ſpiritibus attolli, & viuam conſurgere aſpiciunt. Tanti & tam euidentis prodigij memoriâ, quò latiùs ad Virginis gloriam, & loci propagandam ſpargeretur religione; Populus Kurnicenſis vnâ cum Magiſtratu, inſtitutâ ſupplicatione, ſolenni Pompâ Rediuiuas ad Imaginem Zdzieſouienſem deduxit, ac proſequutus eſt. Aderant in Comitatu præter alios multos Sacerdotes, Patres quoque Societatis I E S V, qui facti ſeriem & Virginis præconia, vernaculo cõplexi metro, Innocentium puerorum ore ante Imaginem Virginis pertexi fecerant. Vbi etiam pulchro ſpectaculo cernentes detinuit, & pluribus dulces lacrymas extorſit, demerſa nuper puella, eodem illo quo aquis innauerat habitu cõſpicua; & palmam velut de morte victâ triumphâs manu præferens, inter duos Angelico ritu comptos puellòs, laudes Deiparæ concinentes, ante Imaginem eiùſdem prouoluta. Acta ſunt hæc in præſentiâ Magiſtratûs Kurnicenſis, authenticâ ſuper miraculi veritate fidem interponentis; vocatis ad eandem relationem R. R. Felice Duranio Præpoſito, Gaſpare Molinio, Ioanne Coſminenſi, Nicolao Prawicki, Stanislao Pogorzelinẽſi Vica-

Ambæ mirabiliter ſuſcitæ cum ſolenni proceſſione ad Imaginem Zdzieſouienſem deducuntur.



rijs. Ioanne Wilkoński Præposito Hospitalis, Alberto Rychlicki Altarista, Borcensibus, & alijs quàm plurimis turmatim ad visenda Magnalia Deiparæ confluentibus.

16. Anno 1622. Generosa Domina Hedwigis Offowska, insigni familiâ Krycciorum orta, ægritudine valescente extremis admota, exhaustis tandem languore viribus, in mortem obrigit: deplorata supremis omnium lacrymis, diem noctemque inter mortis mancipia exegit; sed postea pietate nonnullorum ad Imaginem Zdziebouiensem recurrente, Deiparæ oblata, ac eiusdem interuentu è feralibus lethi claustris manumissa, vitam quam abruperat, resumpsit. Narravit ipsa sub Iurisiurandi nexu A. R. P. Felici Duranio, multisque audientibus, extremo illo agone conflanti sibi, occurrisse informem Dæmonū turbam, ad aucupia exeuntis animæ intentam; sed optimæ Virginis occurſu repressam, turpi fugâ in latebras reuolasse; se verò Deiparæ voce de vitâ iterum capeſſendâ admonitam, eiusdem postea munere redonatam esse.

Defuncta Matrona, obuios Dæmones videt; à quibus per B. V. liberata vitæ restituitur.

17. Anno eodem. Nobilis Stanislai Wálisewski, de Villa Orla, Filiola nomine Dorothea valetudine correpta, ne quidquam valentibus Machaonis artibus, à morbo in mortem transijt: & post suetos Parentum eiulatus, mortuali populo



plo amicta, binas horas feralem amictum, non dubiæ mortis indicem, circumtulit. Victus interim dolore Pater, in campos digreditur, ut arctato luctibus cordi solatia è pratorum aspectu conquirat, vel ambulando palantes luctus in auras dispergat: dumque & gressu, & animo vagus, huc illuc oberrat, incidit felici mentis excursu, in Imaginis Zdzieſſouienſis memoriam; cuius Magnalia recolens & verſans, ipſe etiam audaci deſiderio paria dona occupat; Deiparamque humili prece interpellat, ut ſimile Theatrum domi ſuæ explicet, in quo Actrix eiſdem potentia, memorandam ſæculis omnibus ſcenam exhibeat. Hæc ille abrepto per amoris Imagines Paterno corde, magis quod fieri poſſent, quàm quod facienda ſperaret, dum cogitat & vouet; ecce regrediēti filiola occurrit, malè iam cum fatalibus, quæ adhuc innodatae hærebant ſciscijs compoſita, & ſuſſuſis modico rubore genis, mortis quam vice-  
rat, pallorem auerſata. Itaque ſoluitur in lætiti-  
am parens, & voti reus abſque morâ Filiolam nobiliori Parenti, in Eccleſiâ Zdzieſſouienſi exhibet; ordinemque eluſæ quæ iam domui ſuæ illuſerat Mortis, coram A. R. Matthiâ Budziſſouienſi Szymanouienſi, Felice Duranio Borcenſi Plebanis, Iacobo à Rydzino Vicario Borcenſi, alijs-  
que plurimis palam pandit & celebrat.

Puella Mortua  
Maſtis, & vo-  
ta pro vita il-  
lius nuncupâ:  
tibus Parenti-  
bus Rediuiua,  
occurrit.



18. Anno 1624. Regina Leśniowa de Oppido Buk, irruentium morborum lanienæ diutius obnoxia, gladiatorium quendam circum, in seipsâ apervisse visa fuit, in quo concurrentia dolorum agmina, de miseræ vitâ decertarent: nouissimè magnitudine & varietate pathematum victa succubuit; & cùm quatuor diebus elinguis, ac omnibus capta membris miseram traxisset animam, eadem demùm sopitis tâtâ cōuulsione viribus eiecit. Accinguntur ad lustra perfoluenda qui aderant, rigidumque fatali torpore cadauer, exequijs & busto accommodant: cùm è diuerso aliqui, sanguinis vel amoris nexu mortuæ deuincti, reddendæ eidem vitæ cupidine inardescunt; & quia tota Naturæ vis, confusas patenti morie redordiri negabat vias, vota & spes suas in sola Beatissimæ Virginis potentiâ defigunt. Huic ergo acclines, Imaginem Zdzieſouiensem corde adeunt, & supplici prece Virginem exorant, liceret ad præsens suo adiutorio, verius quàm olim Æneas Sybillæ fretus comitatu, manium sedes mortuæ euadere. Vix vota cum suspirijs & lacrymis effuderant, cum defuncta sibi mundoque reddita, in vitam simul ac Virginis laudes respirare cœpit; ac paulò post ad Imaginem Zdzieſouiensem delata, portentosam à tot morbis ac morte libertatem, gratâ prædicatione, in omnium notitiam transmisit.

19. An.

Mulier quam  
diurni & a-  
troces morbi  
confecerant,  
oblata Zdzie-  
ſum resurgit,



19. Anno 1627. Lucæ Ruchocki Oppidani Strzelnenſis Filia quadrima, dum temerè per cõpita oberrat, ferox equus decuſſis habenis ac feſſore, in apertum illatus, obuiam puellam impa-ctis aliquoties calcibus eliſit: ac tenellos ſpiritus, i-ctus violentiâ abruptit. Deſertur domum liuidum, corrupti-que mox ſanguinis affluxu tumidum corpusculû, ac ingeniola parentum pietate modis omnibus reſouetur; nulla tamen ſenſus veſtigia, effrenis vngulæ obtrita veſtigijs, e-dere potuit puella: diemq; ac noctem integram, in apertiſſimæ mortis rigore, ſpirationis omnis ac motus inanis durauit. Serò mœſtos Paren-tes pupugit Imaginis Zdzieſboui-enſis memoria, pronis ſtatim in Virginis demerendæ ſtudium animis accepta; Hanc enim votiua pietate com-plexi, & multis precibus in filiola auxilia, euoca-re conſiſi, celeriter deſiderijs ſuis occuſſiſſe ſenſerunt, dum Puellam, quam impotens equus, in fa-ta protrulerat, reducem in vitam, ſanamque re-ceperunt; ac deinde ſoſpitatrici Virgini, cum la-crymis in Eccleſiâ Zdzieſboui-enſi præſentârunt.

20. Eodem Anno. Ioannem Gunciarz, aſpera-to tetrīs nubibus cœlo, excuſſum fulmen tranſa-degit, vitamque noxiō afflatam igni intercidi-t: ambuſtum cadauer, ac inductâ toris artubus fu-ligine, horrorem ſpirans, nullo manentis animæ

Occiſa ab equo  
feroci puella,  
poſtridie de-  
mum ope B.V.  
imploratâ re-  
uiuifcit.



Fulmine ta-  
tus post ho-  
rarum quatu-  
or spatium, vi-  
tam resumit.

indicio, ad suprema componitur, vt quod æthe-  
reo igni deflagrauerat, terræ illatum in cineres,  
& fauillam dehisceret. Quatuor integras horas  
deformi simulachro, manifestæque mortis ima-  
gine præsentis stupefecit; cum Dorothea Cõiunx,  
alijs amoris accensa flammis, in deuotas preces  
ardescere, & vota pro salute mariti fundere; to-  
toque corpore humi strata, Clementiam Deiparæ,  
quæ ad Imaginẽ Zdzieſſouienſẽ pluribus sese ven-  
ditat prodigijs implorare aggreditur. Tũ verò alia  
mox Cataſtrophe; recurrit, paulatim ambefis e-  
daci flammâ artubus vigor, & languido primũ  
motu, corpus cieri, poſt vbi indita à morte to-  
taliter depulſiſſet vincula, libero ſenſuum munere  
explicari incipit. Ita deuotâ vxoris fide, largâ  
Deiparæ ope, vitam iterũ auſpicatus Ioannes,  
ad Eccleſiam Zdzieſſouienſem feſtinat, & publicâ  
tanti Beneficij confeſſione, ad celebranda Vir-  
ginis Encomia, omnibus præit.

21. Anno 1628. Catharinæ Stanislai Chal-  
bicki de Czarkowo Coniugis, nondum biennis  
filius, dum innocenti ſimplicitate foribus inſi-  
dens, earundem motu ac titubatione vehiculum  
imitatur, reuulſis repente cardinibus ruinâ op-  
preſſus, animam exhalauit. Exciti cadentium  
ſonitu poſtium Parentes accurrunt, ac reuolutis  
foribus ingenti pondere quaſſatum filiolum re-  
periunt,



periunt; distractaq; & lurido atrata colore membra, gremio leuant, lacrymis rigant, omni conatu in vitæ vsum flectere & aptare tentant. Subit postremò in vana tendentibus Deipara, Zdzieſouienſi Imagini portentoso curationum genere Maieſtatem concilians: nec vlla pronior ſolatiij viſa ratio, quàm ſi intercepta tenero corpufculo anima, per hanc felicem cœli portam è ſuperis, felicius quàm abacti olim ſub terras manes (ſi fides fabulis) per Corneam portam ab inferis, in mundum reuocaretur. Ergo funduntur in genua, & Magnæ Dei Matri facti ſupplices, extinctum Filiolum in ſinum eius, quæ vitam totius mundi ſinu portauit, deuotè iaciunt; animanteque mox Virgine viuum, ac feſtiuo ore renidentem accipiunt: quo ad Eccleſiam Zdzieſouienſem delato, euentû prodigij coram RR. Gregorio Gliński Sremenſi, & Adamo Borcenſi Concionatoribus, in præſentia multorum fideliter retexunt.

22. Anno 1629. Ipſo Aſſumptæ in cœlum Virginis ſolenni, Comparentes in Eccleſiâ Zdzieſouienſi, Laborioſus Stanislaus de Villâ Wyſkowo Hortulanus cum ſua coniuge, cadentibus lacrymis recognouerunt; ſeſe immoderantiâ gulæ pellectos, ipſo Diui Ioannis Præcurſoris Peruigilio, diuerſis à præſcripto Eccleſiæ cibis indulſiſſe, ac inſu-

Infans pon-  
dere cadentiũ  
forũ oppreſ-  
ſus, reſuscita-  
tur.



Violatores sc.  
sti Deus punit,  
& vnigenitum  
immissio turbi-  
ne abripit.

ad hunc  
ad hunc  
ad hunc  
ad hunc  
ad hunc  
ad hunc  
ad hunc  
ad hunc  
ad hunc  
ad hunc

Inuentus post  
duas horas pa-  
ludi immersus  
post facta ad  
Imaginem B.  
V. vota, reci-  
pit vitam, &  
sanitatem.

ac insuper nullâ tantæ solennitatis curâ tactos, ipso festo rusticâ temeritate solitis laboribus intendisse. Adfuit in continenti vindex tantæ irreuerentiæ Numen; à meridie enim coorto vehementi turbine, filiolus vnicus, duos & medium annum natus, inuiso correptus impetu, subito disparuit; & mæstos parentes, quorum spes illo nitebantur solatio, immani moerore perculit. Sedatâ tandem ventorum rabie, redditâq; àëri maliciâ, dilabuntur ad conquirendas elisi vspiam filiolli exuias; & duabus horis circumcursando consumptis, reperiunt demùm quatuor extra villam stadijs, inter palustres iuncos profundâ vliginemersum; & magnâ parte à vermibus, qui locis humentibus insueuere, corrosus. Aberat ambe-  
so tot aculeatis morsibus corpusculo non modò  
viuentis, sed hominis etiam species; cùm miseros  
Parentes erroris primùm poenitentia, mox insue-  
ta de Bonitate Deiparæ fiducia incessit; aulos Mi-  
sericordiæ Matrem supplici questu delinire, qui  
Iustum ludicem Filium temeritate irritauerant.  
Valuere preces & vota ad Imaginem Zdzieſkouię-  
sem directâ; namq; mox exanguis & exsucco puel-  
lo, & color, & species rediit, marcidusque fatali  
torpore artus, viuus spiritus subintravit, Eum  
deinde læti parentes ad Ecclesiâ Zdzieſkouię de-  
duxere, & facinoris poenæq; suæ, ac demùm gratiæ  
seriem ex ordine pertexuere.

23. Cir-



23. Circa eadem Tempora. Generosi Domini Buřakowski familia, cum adiacentes Villæ Buřakowo Piscinas Lecticâ præteruchitur, errore aurigæ, seu fortuito lapsu euerſa rheda, decussos in piscinam qui insederant, ruinâ sui obruit: diutius cum limi tenacitate luctati, quæis valentior corporis habitus, tandem emersere; verum interim filiolum triennem Domini Buřakowski eodem lapsu præcipitem, dum ipsi eniti laborant, magis luto implicuere. Redeunt ad aulam innocuo (vt putabant) tanti cassû euentu, & sua quisque facta, ac fortem in superandâ vligine operam memorantes; nec abesse tamen Herilem filiolum, segni oscitantiâ ad alia dilapsi aduertunt: Ierò tandem redeunte eiusdem memoriâ tacti, dum in Gynæceo ac totâ aulâ conquisitum non reperiunt, ad piscinam concito gradu redeunt; & luto immersum, focialique ruinâ ac nitentium calcibus obtritum, & membris omnibus cruentatum extrahunt. Nulla vitæ apparebant indicia, donec ad Fõtem vitæ cum eo recursum, quem fatalis piscina hauserat: ita Deiparæ ad Imaginem Zdzieřouienssem oblarus, spiritum ac sensum recepit, & continuatâ per plures annos ætate, Religiosam deinceps vitam amplexus est.

24. Anno 1633. Adamus Grudźik, Ciuis & Pistor Pořnaniensis, dum subigendo pani in hy-

Excussus rheda puer, ac luto per inaduerſitiam præfocatus, post multo temporis spatium ad vitam reuocatur.

M. 1633. 10. 10. pocau-



Lapsus fortui-  
to in dolium  
aquæ plenum  
puer, non ad-  
uertētibz Pa-  
rentibus; per  
supplicia illo-  
rum Vota, re-  
donatur vitā.

po-causto, iuuantē maritum coniuge nauat ope-  
ram, paruulus natus per atrium vagus, dolio a-  
quā pleno illapsus, diem extremum inuenit &  
clausit: incumbunt cœpto labori parentes, fa-  
ta pueri nullā coniecturā odorati; cū procur-  
rens in atrium Mater, videt filium extantibus dū-  
taxat dolio plantis, toto reliquo corpore aquis in-  
tinctum & mersum. Rapit amore amens effo-  
catum corpusculum; sinu, calore, halitu, diuer-  
sisque adhibitis fomentis sopitos spiritus susci-  
tat; & tandem fatiscēte industriā, Germano suo  
ad procuranda suprema tradit. Ipsa interim vr-  
gente amore, in maiores resoluta ausus, lectetū  
cubiculum subintrat; & soluto crine, passisq; ma-  
nibus humi prouoluta, cœlum clamore, terram  
corpore pulsans, Matrem Misericordiæ in sua sola-  
tiaprecibz trahit; & felici sanè euentu: Filiol⁹ enim  
ad Imaginem Zdzieſouienſem oblatus, repentē  
vndas quas biberat regurgitauit; ac intermissam  
lucis vsuram fauore Deiparæ feliciter reincepit.

Puella demer-  
sa diutius in a-  
quis vitam au-  
spicatur.

25. Anno 1632. Generosa Domina Lucia de  
Zbafyn Molska, interpositā iuramenti Religione  
coram R. Felice Duranio, alijsque Præsbyteris ad  
Ecclesiam Zdzieſouienſem degentibus deposuit;  
Septennem puellam, nomine Dorotheam in pro-  
fundum puteum deciduam, nullo suppetias fe-  
rente mersam esse; cū diutius non compareret,  
follici-



solliciti parentes, tacito alicuius mali icti præsa-  
 gio, ad requirendam filiam disperguntur; nec  
 quoquam infauti casûs reperto nuncio, fortuito  
 puteum accedunt; & fluitantem resupino corpo-  
 re filiam, aquis eandem quam merserant, post  
 fata reuomentibus, aspiciunt. Soluitur in lacry-  
 mas victa dolore vtriusque Parentis pietas, & a-  
 uarum puteum, præceps fatum, obliquum deli-  
 cijs suis æthera, indigno eiulatu flagellat; repen-  
 tiq; oculorum vndâ, corpus quod frigida pu-  
 tei gelauerat, nequicquam irrorat. Spectabat  
 afflictorum planctus, prædicta Generosa Domi-  
 na Molska, in eundem calamitatis sensum mise-  
 rando attracta; cumq; verborum solatijs leni-  
 re, in luctum laxatos Parentes nequireret, aggre-  
 ditur malus naturæ viribus opus, & Misericor-  
 diæ Matrem, voto ad Imaginem Zdziebouiensem  
 facto, magnâ fiduciâ interpellat; neu sineret ge-  
 minato naufragio filiam aquis, Parentes lacry-  
 mis absorberi. Dixisses ad solam M A R I Æ me-  
 moriam trepidam mortem relictis spolijs aufu-  
 gisse; ac nomen illud quod STILLA MARIS in-  
 terpretatur, demersæ instillatum puellæ, totam  
 quam biberat lethæ depulisse. Statim enim, sub-  
 eunte membra vigore, trepido subsultu incre-  
 puere venæ; incanduit accensus genis rubor; vi-  
 uidi artus facili iam ductu reinsertæ sensere vim

Decidua in pu-  
 tetum puella,  
 & sero demum  
 inuenta super-  
 natans, à mor-  
 te ad vitam re-  
 uocatur.

Maria signifi-  
 cat Stillam ma-  
 ris, juxta Lui-  
 sium Alcazar.  
 in cap. 12, A-  
 pocal.



Occisus, & per  
tres horas mor-  
tus reuiu-  
scit.

animæ; donec paullo post integrè abolitis, quæ  
aqua peccauerat, plenâ sanitate puella potita est.  
26. Anno 1638. In Villa Ockowo, dum festi-  
uus hymen promiscua agitat tripudia, illis etiam  
nuptijs fatale Eridos pomum discordia iniecit;  
herilis enim famulus bile & mero ardens dissi-  
dium excitauit, ac in Adamum eiusdem Villæ Hor-  
tulanū cæco impetu ruens, Dentatâ quâ pro more  
famuli vtuntur clauam, tantâ vi temporibus eius  
incussit, vt statim cassum animæ corpus corrue-  
rit. Concurrit ad subitam cadem frequens quæ  
aderat turba, pars à nuptiali Hymeneo in flebi-  
les lessos versa; pars resouendo spiritui, qui illo  
ictu intercisis duntaxat credebatur non elisus,  
intenta. Trinas horas inanè conantium fragor  
laborque tenuit, nec vllis liquoribus ac remedijs  
profugæ animæ sensus excitari quiuit; donec Sa-  
cerdos quidâ cognomine Dolcowski, Tragædiæ  
illi præsens, suos aliorumque oculos ad Deiparam  
flexit, & oblato ad Imaginem Zdziesbouienssem  
occiso, vitam eidem obtinuit. Huius facti fa-  
rique seriem is ipse, qui clauæ & fatali ictui, succu-  
buerat, coram Rñdo Adamo Sremensi Notario  
Publico pertexuit.

Alter mortuus,  
æ duas horas  
sine animæ sc-  
sua jacens reui-  
uiscit.

27. Anno 1639. Laurentius de Wilichowo,  
agritudine consumptus diem clausit extremum:  
lotum communi gentium more cadauer, in fera-  
li pe-



li pegmate locatur, & totius familiæ studijs summa adornantur: sola coniunx conuersis ad mortis officia cunctis, felici præsumptione vitæ negotium coquit; & toto corpore humi pāsa, Deiparam semper & ubique miram, ad Imaginem tamen Zdziefouienssem, mirabilius potentis misericordiæ dona iactantem, super mariti fato lacrymabili prece fatigat. Binas iam horas mortuus, per habitata manibus spatia errabat, cum Virgineâ benignitate amissum reuocatur in orbem; & beneficij memor, vitam datam per Virginem plaudit, publicat, authenticâq; coram Notario Publico testificatione celebrat.

28. Anno 1647. Matthias puer Ioannis Dos Coloni, & Margarethæ de Villa Goździkowice filius, morbo Comitiali correptus, eodem agitante in piscinam cecidit; & intercepto vi morbi sensu, cum sinuari in vitæ subsidia nequiret, Epilepticam iactationem fato terminauit. Diu iam sub aquis latuerat, cum regurgitantibus eiectus undis, ac in extrema piscinæ enare, superferriq; visus, miseratione affluentium protrahitur; tamen normi specie, vt formidinē primo intuitu spectantibus incuteret: hirudinum enim moribus appetitus, oculos, aures, nasum & labra amiserat, quæ diutius inhærens verminaria colluies, sese saginauerat. Duabus ita horis spectaculo, & hor-

Demersus puer & in aqua à vermibus corrosus.



Iniectis globulis precariis ad hanc Imaginem affricatis reuiuiscit.

rori fuit, cum Generosus Dobieioſki, vnâ cum ſuâ Coniuge pridie ab Eccleſiâ Zdzieſouien reuerſus, ſuperuenit; & indigni fati atrocitate euiſtus, in pios erga Virginem affectus erupit, in nouariq̃ ſueta MARIANÆ potentix argumenta, magnâ fiduciâ popoſcit. Attulerat ſecum globulos precarios ad Imaginem Zdzieſouienſem affricatos; eos ergo corpori demerſi, & à vermibus demorſi iniicit, ac ſiſtendû in eadē Eccleſia, ſi diræ mortis expediretur nexibus pronûciat. Vix vota finierat, cû puer gemitus ex alto ducere, flebilique murmure miſerias ſuas ſolari; ac paulò poſt abolitis quæ vermes infixeraſt vulneribus, integrè valeſcere. Eum poſtea idem qui vota nuncupauerat D. Dobieioſki, comitante vtroq̃ Parente, ad Imaginē Zdzieſouienſem deduxit; & miraculi Ordinem ſuo Parentumq̃ Teſtimonio firmatum, in faſtos Eccl. ſiæ conſignari fecit.

Fætus inanimis in lucem editus animatur.

29. Anno 1640. Generoſi Domini Bieganski coniunx Sophia, diutius in partu, dolorum remorâ preſſa, exanimi tandem foetu ipſo Paraſceues die edito, totius domûs ſpes, ſolatiaq̃ ſua interuertit. Vrgent maiores poſt effuſæ ſobolis luctam angores, infelicem Matrem, quæ non tam vt rum hætenus, quam buſtum tulerit; filioq̃ in auras eiecto, fatalem pro natali diem, dolendâ

con-



conuerſione ſubſtituerit. Aderant Puerperæ Nobiles Domina Marianna Wilkońska, & Sophia Poradowska, ad laborantis ſubſidia intentæ; eæque ubi non ſatis effotum foetum, loco Dæ Cuius ab obſtricante Libitinâ interceptum videt, duabus horis circa inania pueri fomenta conſumptis, ad ſuperna remedia dexteriore conatu vertuntur; nec iam Latonam fabulis, & Poëtarum mendacio inſignem, ſed veri Dei Matrem, deficientis naturæ iuuamini, ſuppliciter aduocant. Non fruſtrata eſt ſpes flagitantium, totius humanæ ſpei Anchora, imò prima vt aiebat Bernardus, totaque poſt Deum ſpes noſtra. Vbi enim ad Imaginem Zdzieſbouiensem nuncupata ſunt vota, protinus puer, quam Mater negauerat, à Virgine conſecutus eſt vitam; & ad eiufdem Virginis Imaginem gratanter delatus, Matre Deiparæ Magnalia præconizante, ſpectaculo multis, ſolatioque fuit.

30. Anno 1620. Generoſi Matthiæ Chylicki Coniunx, dum puerperio laborat, & doloribus preſſæ ſollicita Mater, ac tres Pediffequæ aduigilant; tertio Pentecoſtes die, tetrâ ſpiſſatum nube cœlum, dirum fulmen in ædes puerperæ conſortit; quod thalamo illapſum, omnes qui aderant, fatali ictu ſtrauit. Puerpera pectus, & ſiniſtram manum veluti adacto cuneo terebrata, Mater ca-

Tres ſceminæ  
ictu fulminis  
ſimul occiſæ.  
ad vitam rede-  
unt.



ter cadentis flammæ vapore auditu exuta, Pedissequarū vna toto corpore ambrusta, mortuæ aut mortuis similes iacuere. Diutius licet adhibitis fomētis, in vitam seu vitæ sensum retrahi nequiere; donec lamenta & curæ Domesticorum in deuotionem versæ, atroci fato remedia, à Virgine Matre quæsiere. Valuit aliena pietas, vt mortuis vel spiritu interciso in mortis imaginem regentibus, Misericordiam Deiparæ, vitamq; simul attraheret: postquam enim ad Imaginem Zdzieſouienſem flebilibus oblata sunt votis, excussere statim lethalem quo sepultæ fuerant corporē; & nullo tanti ignis damno, vitam cœlo fulminante abruptam, cœli Dominâ fauente resumpsere; ac ad Ecclesiam Zdzieſouienſem delatæ, MARIANAM Potētiam, consono præconio celebrauere.

Plures mortui ad hanc Imaginem voto facto resuscitati breuiter percensentur.

Sunt alij plures qui Deiparæ ope ad hanc Imaginem inuocatâ, iniecta iam à morte vincula, feliciter exuerūt: sed næ chartam & Lectorem onerarem, eos duntaxat famulante Virgini pen-nâ, in huius libelli censum redegi, quos notabilis casus, & mortis genus specialius insigniit. Cæterum næ Mariophilorum pietas desideret, quo æstuantem Virginæ cupidine gloriæ sitim restinguere possit; addo summatim nonnulla portentose ad Imaginem Zdzieſouienſem fuscitatorum

exem-



exempla, ex Archiuo Ecclesiæ, Authenticisque monumentis excerpta. Anno namque partæ lalutis 1599. in villâ Bruczkowo, biennis puer aquis haustus, cùm vltra duas horas lethali obrutus gelu iacuisset (prout eundem ipsemet Rôdus Felix Duranius vidit) ad Imaginem Zdziebouiensem oblatus, mirabiliter reuixit.

Enumerantur  
uarij alij Mor-  
tui, ad hanc I-  
maginem ope  
B. V. resusci-  
tati.

Anno 1613. In Villa Zychowice ortâ lite, tres mutuis vulneribus concisi & exanimati, recursu ad hanc Imaginem facto, in vitam rediêre, & personaliter ad eandem delati, receptæ vitæ munus palam prædicauêre.

Anno eodem, Hedugis Alberti Hortulani de Maligow filia, Feria secunda Pentecostes in flumen lapla, dualque integras horas alueo fluminis detenta, Deiparæ in Zdzieb Dignationem suam ostentantis, inuocatâ ope, à Morte emerfit.

Anno 1617. Nobilis Domina Suchorzewska, diutius in puerperio luctata, ac inanimum foetum enixa, voto ad hanc Imaginem facto, viuum læta, grataque vidit.

Anno 1621. Adamus Kafek de Villa Krzywino filiolum, incautius iniecto tomento suffocatum.

Anno 1622. Ioannes Molitor Babimostensis, filiam Hedugim aquis sorptam, & plus horæ spatio in profundo subsidentem.

N

Anno



Anno 1625. Anna Fabri ferrarij de Czerwonawieś Coniunx, filiam similiter aquis effocatam.

Anno 1633. Anna de Villâ Borzećicki, filium negligentius in strato relictum, ac superiectis pulvinaribus oppressum, cū ita à primo diluculo, ad medium diei sepultus iacuisset.

Anno eodem. Anna Fabri ferrarij de Villâ Jeziory vxor, filium in vitam sine vitâ effusum, & duabus horis, omnibus vitæ signis destitutum viuum recepit.

Anno 1640. Stanislaus Paczesny Ciuis Grodziscentis, filium ex alto in præceps lapsum, & collis membris, mundo simul vitâq; elisum.

Anno 1641. Margaretha de Villâ Łagiewniki, Euam filiam sexennem, in puteum deciduam, & illuc pluribus horis detentam.

Anno 1643. Anna de Villâ Gronowko, foetum vltra horam post salutatam lucem, lucis vitæque expertem.

Anno 1644. Eua Kralká de Villâ Kępsko, foetum itidem morti prius quam vitæ initiatum.

Anno 1647. Blasius Drozd de Villâ Zułtowo, Dorotheam filiam nouennem in piscinâ mergam, & al quot horis spiritu vacuam: post facta ad Imaginem Zdziebouiensem vota, viuos, sanos, valentes recepere, & Sospitatrici Diuæ stitère.

Placuit nouissimè recensitis ijs, quos ad nutum



cum Deiparæ Tartarus, postquam interceptisset manumiserit, perenne aliquod tantæ Virginis potentia Trophæum erigere: Ergo Triumphatrici mortis, attexo Hieroglyphicon, à Religioso Patre Sebastiano Carmelitâ discalceato Polono, in firmamento Symbolico inuentum. Pinxit ille erudito penicillo Pratum, totius Floræ diuitijs ex cultum, & in modum felicitis Hymetti versicolore florum elegantia luxurians; quod postquam maligna afflavit vredo, enectis statim marcido languore herbis, omnes vernantis prati risus tristi deliquio corupit; & illi delicato florum agmini, feralem pallorem inuexit. Imminebat superne roscida nubes, leni stillantem profluuium imbrem, velut nutritijs vberibus exprimens; cui obuersi hiantibus labellis flores, felicitatem pristinam suspirabant; & illo amicæ nubis irriguo, attolli posse in amissum decus, succisa vredine suæ capita sperabant, prout eosdem addita solabatur Epigraphe, *Eriget Irriguum*. Pulchrum enim uerò ad commendationem MARIANÆ in animandis mortuis potentia inuentum: quid enim miseri mortales sumus, nisi caduci flores? vanis fortunæ pigmentis, in breue spectaculum, acephemeram interdum scenam adcompti? quibus ubi sinister aliquis Notus incubuit, aut modicæ febriculæ æstus rubiginem attraxit, tota illa

Aptum Resuscitationis Deiparæ Symbolū Nubes Roscida, emotuos vredine flores animant.



B V. præfi-  
gurata in nu-  
beculâ, Eliæ  
visâ. ex qua  
delapsa est plu-  
uia grandis.

3. Reg: 18.

Ioannes Hie-  
rosol: lib: de  
Inst: Monac  
cap: 32.

Isaïa 19.

Ambros: in  
Psal: 1 8. ser-  
mone 5.

Claud: lib: 3.  
de laud. Stilli-  
conis.

pietæ felicitatis pompa, fatali castigata languo-  
re, in pulvere dehiscit. Sed ecce suggerit, op-  
portuna lugubri horumce florum deliquio sola-  
tia, Amica nubes, Deiparam intelligo; sic enim eâ-  
dem olim proludens in figuris Deus, sub specie  
nubeculæ, ante Eliæ conspectum stitit. *Ecce  
nubecula parua quasi vestigium hominis ascende-  
bat de mari;* prout Eliani instituti alumnus, Hie-  
rosolymorum Patriarcha, Ioannes asserit: *Reue-  
lauit Deus Eliæ quod quædam infantula, scilicet  
B. MARIA per illam nubeculam significata, &  
instar illius nubecula per humilitatem parua, na-  
sceretur de humanâ naturâ peccatrice, designata per  
mare.* Sic non multo post Marias Diuino affla-  
tus spiritu, dum Incarnati Numinis in terras ad-  
uentum describit, Deiparam nubis Umbraculo  
conuestit; *Ecce Dominus ascendet super nubem  
leuem.* Significabat (inquit Ambrosius) Domi-  
num IESVM in Nube venturum leui, hoc est in  
Virgine MARIA, quæ Nubes erat secundum hæ-  
reditatem Eux, leuis erat secundum Virginis inte-  
gritatem. Felix profectò & ferax bonorum nu-  
bes; quæ non modò supernas ardescens in vin-  
dictam Iustitiæ flammâs, obiectu suo discutit ac  
refringit: verum fortunatum imbrem Aurato il-  
lo, quem olim Rhodiis nascente Minervâ, indub-  
fisse louem perhibent, meliorem terris irrorat. Huc  
ô quot.



6 quotquot funesto atrati pallore in mortem lā-  
guistis, animati dicam an exanimati Flores, de-  
messas attolite ceruices; occurret facile vobis  
Deipara, & stratas noxio Libitinæ halitu, vitæ  
gemmas, MARIANVM ERIGET IR-  
RIGVVM.

## C A P V T V.

Pertexitur Catalogus eorum, qui  
vel cæcitate percussi, vel quouis  
modo luminibus capti, facto ad  
Imaginem Zdzieszouïensem  
voto, oculorum & lucis v-  
sum recepere.

**A**Vspicatum omnibus lucis ac visus indigis  
MARIE Nomen est, vt potè quod ipsa  
sui Etymo lucem aspiret & proferat. MA-  
RIA (inquit Albertus, Doctrinâ, Vitâ, Tiaræ di-  
gnitate verè Magnus) *interpretatur Illuminatrix;*  
*si ergo circumdatus es tenebris, & abscondita est tri-*  
*bi via tua, Iob 3. respice Illuminatricem, nomina*  
MARIAM. Et quid hominibus terrâ cæci-  
tatis nocte spissatis, iucundiùs ingeri potest, quam

Albertus Ma-  
gnus in Caput  
I. Lucæ.

Sacratissimum  
Nomen MA-  
RIÆ Illumi-  
natricé sonat.



amiciæ lucis memoria? eam dum ipso vocis sono  
 euulgat M A R I A, indubiam omnibus cæcâ ca-  
 ligrine merfis spem ingenerat, quod deriuatum  
 à Luce Nomen, in alios quoq; lucis huius, quam  
 ipsum trahit, transfundet originem. Et verò  
 nescio quâ occultâ vi dissipat tenebras piè No-  
 minata M A R I A; & inumbratos alicuius vitij  
 aspergi ne visus efficaciter optatæ lucis radijs  
 imbuat, ac velut detractò velo in apertam rerum  
 cognitionem mittit. Venerat amoris acta impe-  
 tu ad Christi tumulum Magdalene, & sepul-  
 chro adfixa, superfluis iam lacrimis sublato oc-  
 cisi corpus deplorabat, quod viuum Dominus  
 ipse sustulisset; adest interim ploranti alieno in-  
 rectus habitu, qui plorabatur Christus: sed offu-  
 so spectantis oculis ignotæ speciei nubilo, non-  
 dum in manifestum sui sensum, admittere flen-  
 tem dignatus. Seruntur inuicem velut de absen-  
 te Domino colloquia, qui coram Magdalene  
 oculis adstabat; eosdem tamen vago errore, nã  
 agnosceretur attinebat: donec referente Euan-  
 gelista, *dicit ei IESVS, Maria;* & statim vbi No-  
 men à Matre Virgine tractum, auribus ploran-  
 tis insonuit, totam quæ oculos Magdalene im-  
 plicuerat nubem, prolatione ipsâ submouit; *con-  
 uersa enim illa* (inquit sacer Scriptor) *dicit Rab-  
 boni.* Hem quanta Virginei Nominis potestas.  
 ac Ener-

Ioannis. 20.



æ Energia ! quod auribus ingestum, oculos aperit, & discussâ quæ visum merserat caligine, in beatæ cognitionis libertatem euoluit & asserit. *Vbi* MARIA (inquit Origines) *audiuit* MARIA præsensit in Nomine quandam singularem vocacionis dulcedinem, & per eam cognouit ipsum à quo vocabatur Magistrum suum. Audiñ miras prolato MARIAE Nomine conuersiones? audiñ singularem quandam in hoc Nomine dulcedinē? deperijt statim omne, quod Magdaleis oculis errabat, ac in errorem trudebat nubilum; vanuēre adscitici, qui gementis lumina suspenderāt Christi vultus; redijt optata notaque species, & direpto velut sipario, non fictam aperuit scenam; in plenumque suspirati tot singultibus Domini admisit delictum. Ecquis verò ad mirabile hoc MARIAE Nomen aures non arigat? quod sensum sui etiam ad oculos transfundit, illosque dissipatâ caligine, puræ & illimis Cognitionis luce collustrat. Meritò sanè Ecclesia MARIANO Nomini, participatum à Christi Nomine, adsciscens elogium, *Oleum* (ait) *effusum*, *Nomen tuum*: satis enim patenter tot praxibus, Oleagina Nominis huius potestas emicat; cum quemadmodum oleum ignem, ita Nomen hoc lucem nutrit & propagat; pretiosissimiq; vnguēti ritu, affectos etiam visus vbi demulserit, omnes

Origen: Hom.  
de Magdalena.

Magdalena  
audito nomi-  
ne MARIA,  
Christum sub  
habitu Hortu-  
lani latentem  
agnoscit illu-  
minata.

Cantic: I.

Nomen Vir-  
ginis oleum,  
quia lucem nu-  
trit.



Idiota in Con-  
templ. Virgin.  
cap. 5.

Lucæ 1.

Omnes si quæ eisdem fident nebulas, feliciter de-  
tergit. Pulchrè ille solâ denominatione Idiota  
ad olei proprietates in Nomine MARIÆ relu-  
centes alludit, dum inquit: *Super omnia Sancto-  
rum Nomina Nomen hoc, reficit lassos, sanat lan-  
guidos, Illuminat Cæcos, penetrat duros.* O ve-  
rè illuminat cæcos! quòd non solùm mûdo Cym-  
merijs tenebris obruto, veræ lucis radium intu-  
lit, ac spirituales tenebras *Sedentium in umbrâ  
mortis* euicit; sed corporali quoque obuium, &  
proficuum cæcitati, ad solam Imaginem Zdzie-  
bouiensem, tot & tantos profligatâ quâ preme-  
bantur nocte, in lucis commercia immisit. Eos  
nunc, quò magis luminoli Nominis splendor e-  
luceat, næuè deinceps aliquis hæreticâ officien-  
te nube, ad tantam lucem, vel cæcis præcunti-  
bus cæcutiat, breuiter pertexo.

Mulier cui  
verruca oculi  
vitiauerunt,  
visum recipit.

I. Anno 1603. Anna Kapina de Villa Kosko-  
wo, oculorum dolore diutiùs pressa, vsu etiam  
illorum exciderat: crassa enim albugo pupillam  
inuadens, totam videndi aciem dissipauerat; ac  
noxio superante humore, verrucæ quædam ex  
oculis, prognatæ ac protuberantes, eorundem  
superficiem impleuerant. Spectabant multi Hip-  
pocraticæ sapientiæ arcanis imbuti, mirabiles ab-  
ortientis Naturæ, in oculis miseræ foetus; sed o-  
mnem illorum artem ac potentiam atrocitas ma-  
li su-



li superauerat; nec vllâ ratione superstantes pupillæ montes, deduci in planum sine conuulsione totius oculi poterant. Fortè pueri ab Ecclesiâ Zdziesouiensî die festo reduces, Miracula Deiparæ per Ecclesiasten vulgata, tacito secum murmure retexebant; ea posteaquam cæca puerili ore excerpserit, Entheo quodam afflata spiritu, se quoque in parte Potentiæ Virginæ numerandam, magnâ fiducia concepit; ac nouo iam intus collustrata lumine, externæ quoque lucis reditum audaci voto occupare cœpit. Rogat ergo omnes qui aderant vota sua precibus fulcire, & coniuncta socialis orationis manu, Misericordiam Deiparæ attrahere nã grauentur; præit ipsa humi genibus fixa, piàmque loci ac Imaginis Zdziesouiensis visitationem appromittit; & ecce coorto lenis venti sibillo, detractas ab oculis squammas verrucasque ruere, & albuginem quæ CrySTALLINO inundans humori pupillam infererat, subitò vanescere sentit: iamque in possessionem vsurpandi luminis admissa, sequitur oblatam à Deiparâ lucem, & iter ad Ecclesiam Zdziesouensem, illo, quod inde sibi portentose Virgo iecerat Radio, designante carpit.

2. Anno 1612. Regina Alberti Noë Rotificis Sremensis Filiola, expositum incautè cultrum nata, ac eundem incautiùs puerili temeritate ver-

Puellæ oculi  
1<sup>o</sup> cultello effossus restituitur.

O

fans,



fans, acie oculo impactâ, pupillam perstrinxit; quæ statim mixto cum sanguine profua, destinatam recipiendis speciebus aciem intercidit. Nullæ apparebant implantâdi rursus oculi, quem enormis ictus succiderat spes aut rationes; cunctis qui vacuum effosso penitus lucis receptaculo, orbem spectabant, succumbere tanto malo omnia Æsculapij sacra fatentibus: cum Parentes & amicorum admonitu, & suopte instinctu, amputatam infelici cultro lucis portionem, à veræ Lucis scaturigine sperare mendicareq; incipiunt: nec iam fictum & fallò gloriantem Phœbum, *Inuentum medicina meum est. opifexq; per orbem*

Ouid: lib: 1.  
Metamor.

Apoc: 12. B. V.  
apparuit amica  
sole.

*Dicor, & Herbarum subiecta potentia nobis;* sed cam quæ toto in cœlis circumfunditur Phœbo Deiparam, super Filix casu supplicibus querelis fatigant. Vix corda vota que ad Imaginem Zdziebowiensem effuderant, cum effusum filix oculum nouus humor subintrat; & coeuntibus quas acumen cultri ruperat tunicis, limpidus qui deferendis rerum Imaginibus commodat succus, pupillâ inundat; exiguaq; dūtaxat atrocis læsionis exstante cicatrice. Filiola integrè amissos visus recipit; & ad Imaginem Zdziebowiensem, à Parentibus Gratiam Deiparæ buccinantibus, Dominicâ quartâ post Pascha sistitur.

3. Anno eodem. Ioannes de Magnis Gorycijs,



Triennio cæcus ad Imaginem orans recipit visum.

cijis, triennio integro oculis captus, cum extrâ omnem amicæ lucis vsum proximam vmbri silentiū traheret vitam, aliquando Portentosa Imaginis Zdzieſouienſis notitia mærenti illapſa eſt; cuius deuotione tactus, tacitâ ſtatim fiducia animum ſuſtentari, ac velut certâ Virgineæ gratiæ expectatione demulceri ſenſit. Init igitur adhibito Duce viam, ampliùs eiſdem ductu non vſurus; & in Eccleſiam Zdzieſouienſem delatus, à Magnâ Magni Dei Matre, quæ generalem ſæculis omnibꝫ peperit lucē, aliquē lucis fructū piâ mēdicitate requirit. Illic dum incruento ſacrificio deuotus intendit, paulatim ex oculis eiſ nubes quæ eoſdem vmbrauerat ſubduci, & pupilla à craſſâ infectione toxicata depurari, ac intuendi officia vibrato lumine expandi. Aderat ſupplicanti Rñdꝫ Iacobus Galenita, antea Parochus Smieciſenſis, tunc Altariſta Borcenſis, precum comes, fiduciæ altor & fomes; cumqꝫ præ gaudio recuperati viſûs Ioannem penè ſui impotem cerne-  
ret, multis præſentibus prodigioſam cæci curationem euulgauit; & ad celebranda Virginis Magnalia, tam euidenti demonstratione firmata, inuitauit.

Anno 1613. Immediatè memoratus R. Iacobus Galenita, interpoſitâ Iuramenti fide, manantibus præ pietate lachrymis depoſuit, adijſſe

Alter 4. annis cæcus, dū pul-  
uere ex paul-  
mēto ſumpto  
oculos illinit.



Ecclesiam Zdziebouiensem, Hominem quatuor annis videndi solatio destitutum; & fugandæ quæ miserum opacauerat caligini, inito secum consilio medelam poposcisse. Suadet ille, ab humilitate & fide consilium mutuetur; & Incarnati Dei virtutem, qui per extremam vestis suæ fimbriam morbos fugare, qui Petri leuem ymbra medicandi vi imbuere, Pauli semicinctia ac sudaria ad portentosam Curationis potentiam eleuare potuit, in minimis requirere tentet; Ecclesiamque ingressus, luto vel puluere de pavimenti marmore lecto, humiliter & fidenter oculos perungat. Paret monenti cæcus, diurnæ calamitatis sensu in ardua quæque promptus; & ad Ecclesiam properus, ac ipso in limine templi, toto corpore pronus, vultum in puluere defigit; eundemque ore lambens, oculis magno cum pietatis æstu admonet. Dixisses Deiparam communem omnium Matrem, hirundinum cæcatos pullos medicantium ritu, Chelidoniam affectis illius oculis admonisse; mox enim à pulueris contactu noxia quæ visum atrauerat lues fatiscere, lux oculis infundi, & ipse liberos iam obtutus, ad eius, quæ liberauerat, Imaginem erigere capit; factumque & facti seriem latus & gratus prædicauit.

Eosdem recuperat.

Mulier corru-  
pi dolore o-  
culi redditur.

5. Anno eodem. Hedwigis Mielcarkowa de Ciuitate Costensi, grauissimis capitis & oculorum agitata



agitata doloribus, cum tota vis mali, mordacis-  
simæque acredinis oculis incubuisset, eodem ru-  
ptis impetu doloris membranis amisit; eò mise-  
rior, quòd post exesos dirâ falsugine, elacryma-  
tosque noxiò humore oculos, casum suum lacry-  
mari deinceps non posset. Degebat ita ad per-  
petuas damnata tenebras, ac geminâ moeroris ca-  
citatisque nocte obruta; nec miseriæ modum, vel  
caco illo labyrintho euadendi rationem reperie-  
bat; donec felicior fabulosâ Ariadne occurrit lu-  
genti Deipara, cuius imploratâ ope, votoq; ad  
Imaginem Zdziesbouienssem factò, certiùs MA-  
R-I-A-N-O auxilio, quàm olim Theseus  
directore Ariadnes filo, è tantis sese malis euol-  
uit; mox enim succreuere, quæ iam crepuerant  
oculi inuolucra; hiantes cauique Orbes, implen-  
te obducti sunt cartilagine; & nouæ nouorum  
luminum faces, mirabiliter redditæ, fronte exar-  
sere.

6. Anno 1614. Anna de Korytnica ipso pri-  
mæ ætatis flore, videndi facultate perditâ, da-  
mna oculorum in prouectam vsque ætatem, &  
annum ætatis quinquagesimum extraxit. Iam  
inoluta noxæ vis, supra omnes vires robur ege-  
rat, nec fessa ipsis remedijs, (quò maiore copiâ  
adhibebantur, eò magis subsidij inopibus) mulier  
quidquam expectabat, nisi vt continuato tene-

In pueritiâ o-  
culis capta, &  
ad Annum 50  
cæca. Visum  
recipit.



brarum horrore, ad cæcam mortem, haud ipsa ab-  
 similis transiret; cum inuitatu suasuque aliorum  
 ad Ecclesiam Zdziesouiensem delata, eamq; Do-  
 minicâ quartâ à Paschate subiens, in ipso statim  
 limine offerri sibi deploratam lucem experitur;  
 ac primùm velut detractâ cortinâ, explicari in-  
 rerum notitiam, insperatam oculorum aciem, se-  
 nestrasque Ecclesiæ (vt visum à Felice cœli Fene-  
 strâ illapsum constaret) oculis suis incurrere mi-  
 ratur; mox ad Imaginem Virginis propera, ple-  
 no iam visu Austricem visus videt, & in debitas  
 effusa gratias, nouitate Miraculi omnes implet,  
 ac stupefacit.

*supra*  
 Puella cæca-  
 ta dum ad Ec-  
 clesiâ hanc du-  
 citur, oculi e-  
 ius aperiuntur.

7. Anno 1615. Anna Puella de Grodzisko,  
 offundente oculis caliginem morbo, diutius spe-  
 ctandi voluptate caruit: altius penetrauerat Hu-  
 mor Peccans, quàm vt remediorum virtute discu-  
 ti vacuarique posset; & inanes conantium artes,  
 maligno fretus robore despectabat; placuit igi-  
 tur altioribus eum vrgeri modis, & à Deiparâ,  
 quæ generale sæculis omnibus tulit antidotum,  
 cõtumaci malo opem peti. Ducitur Puella ad Ima-  
 ginem Zdziesouiensem; cumque villam lezowo  
 Oppido Borcensi vicinam, comitum sustentata  
 ministerio pertransit; ecce repente diductis in-  
 tuendi copiam palpebris, Ecclesiam Zdziesoui-  
 ensem, (quæ iam felici prologo oculis eius se  
 se in-



se insinuerat) mirantibus qui aderant ostendit,  
ac eandem deinde subintrans, & coram Imagine  
Sanctissimæ Virginis facta supplex, perfectam vi-  
sûs felicitatem, vanescente omni noxiæ affectio-  
nis nube, in præsentia R.P. Gorecki, Ord: Minor:  
Cōuentualiû S. Francisci Guardiani Pyzdrensis, ac  
totius, quam de Ciuitate illâ duxerat, Chordige-  
rorum sodalitatis, adipiscitur. Itaque produ-  
cta statim in publicum Puella, & ipsa factum e-  
unlgat, & dictus P. Guardianus luculentâ Ora-  
tione, ad gloriam Deiparæ, miraculum celebrat.

§ 8. Anno eodem. Sophia Venceslai Coniûx,  
tenuiore adhuc æuo, vnius oculi lumen amise-  
rat, & Polyphemi in morem monocula, annum  
ætatis quadragesimum attigerat. Valuit diutur-  
nitas temporis, vt malum velut legitimâ præscri-  
ptione defensum, interceptâ semel oculi Posses-  
sione deijci nequireret; & iam negligebantur reme-  
dia, contra veteranam cæcitatæ potentiam fru-  
stra Tyrocinium exercitura, Subit tandem illa,  
suasû & societate amicorum tracta, Ecclesiam  
Zdziesboulensem; illicque Potentiam eius cui ni-  
hil est impossibile Virginis, domando quod inua-  
luerat malo, multis gemitibus interpellat; & in  
continenti obortâ luce, collustrari oculum, æ-  
muloq; alterius igne scintillare, ac intermissâ vidē-  
di copiam retexere sentit, lætatur, prædicat.

Mulier quæ  
in pueritia v-  
num oculum  
amiserat, eun-  
dem quadrage-  
naria recipit.



9. Anno 1616, Ioannes Łuchciński, Magnifici D. Máláchowski Dapiferi Posnaniensis Oeconomus, de villâ Gozdzieiowice, valetudine oculorum pressus, vsu quoque illorum penitus exciderat; ac extra omnem diei fructum positus, toto triennio continuatam noctem agebat. Quid faceret miser, in eas positus latebras, quas Sol declinat, nisi propius Æquatore sisteret, lucis simul propinquaturus? **M A R I A M** igitur Virginem, quæ **D E V M** æquauit & Hominem simplex petit; ac eius Zdzieńbouiensem Basilicam, coniuge viæ maiorisq̃ comite deuotus adit. Dies imminabat, quo Assumpta è terris Deipara nouæ lucis augmento cœlos illustrauit; felicitatē miseri auspicio, qui non vanē iam spe diuinante, affuturam sibi pariter lucem occupabat, atq̃ue cœlis hoc die accesserat. Adest interim toti pridianarum Vesperarum pompæ, inter preces ac lacrymas vota fundens, & votorum anxius: cūmq̃ue Filius Virginis candidâ specierum Panis nube rectus, publicâ supplicatione circumfertur; ecce insperatō detrahi sibi noxiam, quæ oculos offuscauerat nubem, & ad desuetæ lucis munera palpitantes palpebras exporrigi sentit: statimq̃; & gradu concito, & voce sublatus, Beneficium quod hauserat, publicâ prædicatione in laudem Virginis refudit; & frequentem populum

Integro triennio cæcus,  
visum recipit  
in Peruigilio  
Assumptionis.



lum gratissimo tantæ Gratiaæ spectaculo, gratulatione, lætitiâ implevit.

10. Anno 1617. Matthias Villicus de Villâ Iankowice, graui morbo implicitus, oculos eiusdem morbi vi corruptos perdidit; & per triēniū nullo mali remedio, offusâ pupillæ caliginē, menti angorem, tolerauit. Fortè ad ostium domustitubante euolutus gressu, audit strepitum comœtantium curruum, & quadrigarum; insolitâq; eo loci prætereuntium tactus frequētiâ, subeunte curiositate percontatur, quasnam ad nundinas tam populosus confluxus properaret? & mox ediscit, omnes illos nobiliorisese addixisse Foro; & ad Imaginem Deiparae, quæ in Ecclesiâ Zdzieſouiensî circa oppidum Borek, pretiosissimas Gratiaæ suæ gratis exposuit merces, nullo nisi precum pretio emendas, festino gradu pergere. Corripit statim hominem tam felicitis mercimonij desiderium, quo ipse inter inanes medicorum sumprus, ac proprios exhaustus dolores, maximè egebat. Nec morâ, celebre illud Emporium, adscito viæ moderatore adit, solâ sed perpetuâ gratitudine, optatæ lucis munera licitaturus. Ad Ecclesiâ Zdzieſouiensem delatus, primùm labes animæ poenitentia emundat, vt oculorum quoque maculæ fatiscerent; & coram R. P. Felice, noxas omnes lacrymosâ sui ipsius accusatione deterit.

P

Res

Alter tribus  
itidem ânis o-  
culis captus

Post peractam  
Confessionem  
ad lumen re-  
dit.



Res mira ! acsi eodem Sacramento Animum vitumque eluisset, statim à Confessione, depositâ ante pedes Sacerdotis internâ externâque fuligine, in videndi felicitatem erigitur; & puerum ad solita ducendi officia accedentem, obortis lacrymis abigit, professus humano se Ducatu amplius non egere, qui Deiparâ præduce in Diuinum incidisset.

II. Anno 1619. Catharinam Alberti de Bloćisewo Directoris Scholæ filiam, grauis qui toto corpore errabat humor, cum per varios dolores diutius exercuisset, tandem oculis insinuatius videndi dono priuauit; adeoque crassam oculis nubem offudit, vt præ spissi humoris densitate, velut concretæ palpebræ nullatenus diduci possent. Inierant Parentes puellæ, pietate exciti, votiuam ad Templum Zdziebouiense peregrinationem; & dum illic deuotioni operantur, Ecclesiasten Miracula recenter ibidem patrata percensentem audiuerant. Æstuat his auditis velut flabello accensa Parentum pietas, & in similis gratiæ experimentum occulto desiderio ardescit; Deiparæque aduoluta, absentis filiæ cæcitatem querulâ prece repræsentat; atque vt caliginem, quæ oculos miseræ stipauerat, potenti effuget dexterâ, suppliciter orat. Addunt vota deducendæ ad portentosam Imaginem puellæ, &

Puella cui palpebræ concretæ fuerant, procul existens, cum Patres pro salute illius ad Imaginē supplicant, curantur.



læ, & perennem tanti beneficij memoriam; atq; manantes inter lacrymas, salutatâ vltimum Dei-paraæ Icone, domum repetunt. Procul adhuc à penatibus aberant, cùm Filia cæcitate & eius origine iam abactâ, hilaris in occursum progreditur; videreque & videri gestiens, vtrosque Parentes nouitate miraculi attonat: ac mox gratitudine Parentum ad omnes moras impatiente, in Ecclesiam Zdziebouiensem, agnitura Benefactricem, Vulgatura Beneficium, deducitur.

12. Anno 1621. Adami Opilionis de Villâ Skrzebowo Filia, quindecim annorum tenebras pertulerat; nec vllâ Æsculapij arte, vt Parentem Apollinem nosse delibareque liceret, iuuari poterat. Subit importunâ medicaminum vanitate lassatos Parentes altior stimulus, vt curas suas ad Beatissimam Virginem diuerterent, & negati Solis vsum Filiæ ab illa, quæ Æterni Solis Defe-rens esset, postularent. Aggerant preces & lacrymas, Filiamque Imagini Zdziebouiensi sistendam, se in peculiarem deinceps Virginis Mancipatum transcribendos fideli voto adigunt: & mox dilabi ab oculis Filiæ, quod tribus lustris inualuerat, malum; ac eosdem in videndi copiam attolli vident, mirantur, & voto suo Donoque Parthenio vrgente, ad Ecclesiam Zdziebouiensem sine morâ delati, clementiam MARIÆ deprædicant.

P 2

Eodem

Altera Puella  
quindecim an-  
nis cæcitate  
passa, facta  
Parentibus ad  
Imaginem vo-  
to, tam diutur-  
nas tenebras  
excutit.



Eodem Anno. Petrus Sikorá de Villa Kofczewice, Quadriénio, & Eua Maliszewa de Zdany triennio toto, oculis capti, parís in Virginem fiduciæ, parem Gratiam retulêre; vtrisque defueta lucis vsum feliciter resumentibus, & quod suo Illuminatrix M A R I A consonaret Nomini grata experientiâ probantibus.

13. Anno 1622. Generosi Domini Andreæ Zbiewski Filiola nondum trimula, circa focum infantili temeritate oberrans, ahenum feruentis aquæ inopinatò euertit; quâ torum perfusa corpusculum. cutem simul ardenti vapore corruptâ & speciem amisit. Sed maxima calidæ vis faciei incurrerat, ac præter depastum genarum florem, teneras oculorum membranas, nimio æstu exederat; vsque ad eò, vt pupilla & vterq; luminum orbis, velut vredine ambutus, instar florum pruinâ afflatorum albesceret; nullo deinceps tunicarum, colorum, aut humoris CrySTALLINI indicio. Ipsa statim Puellæ species spem omnem humani remedij damnabat: quocirca quærentur altiora, & ad Imaginem Zdziesouienssem, nuncupato voto, Medica Deiparæ manus in subsidium aduocatur. Nulla vel tenuis Puellæ adhibebatur cura, seu desperatione in neglectum omniû tendente, seu Fiduciâ affuturæ coelitus opis, naturæ media dedignante: cùm præter opinionem

Puella

Triennis Puella, amissis per casualem feruentis aquæ effusionem oculis, sine vllis remedijs, solâ Deiparæ ope, exesas pupilas recuperat.



Puella velocius vim mali discutere, & succrescente, quam ignis absumpserat, per totum corpus cuticulâ, roseo colore suffundi; quodque maxime rapiebat omnes in stuporem, puellares oculi, pulsâ quæ in eis post tantos æstus candicabat famillâ, in faustos luminum ignes accendi; integrâque oculorum structurâ, & nullo tanti mali manente vestigio, ad videndi munia valescere. Itaque à gratis Parentibus ad Imaginem Zdzieſzouensem deducta, & Parentum præconio, suoque spectaculo Gratiam Virginis professa, Materies mirandi, Deiparamque laudandi, pluribus fuit.

14. Anno 1624. Dorothea Bartholomæi Fartula de Borzećice Coniunx, cum triennio tenebris mersa, dies suos (dicam verius noctes, & quidem miseras) produxisset, spem tandem concepit, per *Portam lucis fulgidam* sese in lucis solatia traducendam. Ergo ad Ecclesiam Zdzieſzouensem delata, anhelosusque suspitio vestigat, si qua gratiæ M A R I A N Æ pateat via, quâ in videndi copiam insinuari queat. Subit repente rudi Fœminæ nouum restaurandi visus antidotum, ut affricturn ad Imaginem linteolum laeis oculis applicaret, deterfura eodem luem, quæ pupillis infederat. Adit mox R. P. Felicem, humillimâque prece obsecrat, strophium per Ima-

Triennio cæcâ  
dum affricturn  
ad Imaginem  
linetum virâ  
fidē palpebris  
admouet, eodem  
cæcitate  
depellit.



ginis faciem duci, & ductum magno cum fidei ardore oculis admouet. Nec errauit ingeniosè simplex Pietas, nam feliciùs strophium illud vim mali ab oculis depulit, quam olim detractum è capite Alexandri Diadema, sanguinè Lysimachi vulnerum stitit. Dixisses Deiparam ipsis qui sese exprimebant coloribus eam vim indidisse, vt in notitiam omnium colorum lumina expandere valerent; ita mox cadentibus tenebris, ad omnia perspicax, omnium capax, è strophio videndi fortunam attraxit.

15. Anno 1625. Thomas Christophori de Łódzia Filius, cùm grauissimis morbis luctatus, ad decimum tertium ætatis annum vitam penè sine sensu vitæ trahebat; membris omnibus emortuus, & vocis, progressionis, visus impotens. Vfsit afflictos Parentes fatum pueri, non tam corpus, quam sepulchrum suum circumferentis, & in poenam aut ludibrium, non nisi per aliena ministeria viuentis: sed omnis eorum cura infra magnitudinem mali stetit, nec obstructis spirituum meatibus torpens corpus, ad sensum sui varietate remediorum reuocari potuit. Allabatur interim aures, vulgatâ multorum relatione, Imaginis Zdzieszouiensis fama, altioreque statim ictu audientes figit: & quis, inquiunt, vetet, in illud MARIANÆ gratiæ mare, tam multis feliciter nauigatum,

Cæcus, mutus,  
& Paralyti-  
tus puer, obla-  
tus ad Imagi-  
nem, vocem,  
visum, gressus,  
mirabiliter re-  
cuperat.



tum, nos etiam plenè inuehi velis? Latissimum hoc pelagus est, nullisq; aduersum cymbis, quod promiscuis omniũ sulcatur votis. Iaciunt igitur in has Partheniæ Beneficentiæ vndas, firmâ spei suæ anchoram; & Filium membris omnibus captum, certius Virgineis intingunt aquis, quàm olim Achillem suum merserat Thetys, omniq; deinceps atrocis morbi telo confidunt fore imperiũ. Nec fefellit confidentia: mox enim vbi ad Imaginem concepta sunt vota, abiit spissus, qui corpus pueri durauerat rigor; flectuntur molles in operandi munia Artus; defluit ex oculis callosus humor, & insuetos luci oculos liquidæ iam rerũ pererrât species. Ita velut de nouo animatus Puer, in Zdzieß ducitur, adoraturus Matrem misericordiæ, quæ vitia à Parentibus hausta, tam faciliè correxisset.

16. *Ludit in humanis Diuina potentia rebus*, ait Poëta: Liceat mihi addere, *Ludit* & MARIA-NA *gratia*, quæ Anno 1632. in ipso Veris exordio, ad naturæ tunc sese per varia florum lenocinia explicantis Lusus, suos multò gratiore spectaculo addidit: nam veluti ex ipso temporis spiramento, Beneficij opportunitatem captaret, tunc cum emortuæ brumali rigore arbores in flores erumpunt, & gemmantes pampinorum oculos extrudunt, placuit Virgini inuersam arborem (ita à Philosophis vocatur Homo) melioribus dignari



Sex annis cæ-  
ca, cui totali-  
ter arefactæ fu-  
erunt pupillæ,  
& cavi tantum  
oculorum or-  
bes extabant,  
post Votum ad  
Imaginem cõ-  
ceptum, visu  
donatur.

gnari oculis; & Sophiam Koźiczyna de Pámia-  
tkowo toto sexennio luminibus captam ad viden-  
di delicias prouehere. Emarcuerat illi diuturni  
morbi vredine afflatus vtriusque pupillæ flos, nec  
ratio supererat, quæ oculorum orbis, rediuiuâ  
visûs felicitate animaret: Postquam tamen de-  
uotâ fide ac fideli deuotione, afflicta Mulier ad  
Imaginem Deiparæ respectare cœpit, mox spe-  
ctandi vim ac vigorem mirâ eiusdem benignita-  
te recepit; quæ consono ad exorti Veris tempe-  
riem beneficio, arefactos cæcæ oculos vitali te-  
pore resoluit, & opportuno deuehendis speciebus  
limpido impleuit. Id beneficium ipsamet festo  
SS. Philippi & Iacobi ad Ecclesiam Zdźiesboui-  
ensem delata, in præsentia R. P. Felicis, & R. Stani-  
slai Vicarij palam coram populo de prædicauit.

17. Sicut casus ita & felicitas, quem sæpe tran-  
sit, aliquando tandem inuenit. Experta id bo-  
no suo Catharina de Białęcino Sutoris cuiusdam  
coniunx, sedecim annorum tenebris pressa; quæ  
Solis videndi desiderio, dum vario calentes So-  
le adit terras, & loca miraculorum luce coruscâ-  
tia, Lucis indiga simul & auida pererrat; tandem  
post tot frustraneos celeberrimarum Basilicarum  
aditus, negatum sibi sentiens visus resumendi  
aditum, forte propitiâ incidit in Zdźiesbouiensis  
Iconis mentionem fortuito sibi oblatam; & illo  
admo-



admonente intus, qui per submissos Gloriæ M A  
R I A N Æ præcones, modum fugandæ cæcita-  
tis porrigebat foris, statuit tam Nobili Imagine  
salutatâ, salutis compendia quærere. Anno igi-  
tur 1635. viæ accingitur, & alienæ manus fulta  
ministerio, longumque iter emensa, Ecclesiam  
Zdziebouiensem occultâ spe, ac cupidine videndi  
tacta ingreditur. Agebantur primæ solennita-  
tis illius Vesperæ, quam lapsus in linguis igneis  
Spiritus Sanctus, superno splendore illustravit;  
quod in partem boni ominis trahens cæca, & to-  
to corpore ante Imaginem Virginis strata, dum  
precibus, suspirijs, gemitu, Deiparæ fatigat Mi-  
sericordiam; ecce tibi sub ipsum M A R I A N I  
Cantici melos, rumpi clausas sinistri oculi mem-  
branas, & malum, quod easdem tristi caligine  
atruerat, sagittæ instar magno cum dolore, in  
occiput retroferri sentit; statimque videndi of-  
ficia retentans, incipit pasci redditæ sibi lucis  
voluptate, à quâ tot annis desueuerat. Resta-  
bat dexter oculus, in profundam adhuc noctem,  
contumacis morbi violentiâmersus; de cuius re-  
stitutione adhuc sollicita, sed iam ex præceptâ  
Gratiâ fiduciæ manifestior, summo mane diei Pe-  
necostes, iterum Imagini Deiparæ supplex aduol-  
uitur; & mox pari ratione ac pridie contigerat,  
fugato in occiput malo, geminum iam oculorum  
lumen

Sexdecim an-  
nis visu desti-  
tura, pridie Fe-  
sti Pentecostes  
lumen canitur  
Magnificat, v-  
nius oculi lu-  
men; post die  
vero ipso Festo  
altero oculo  
sanato, plenam  
videndi facul-  
tatem adipisci-  
tur.



lumen *Austrici luminis* læta infigit; Miraculiq̃ue totius seriem noua spectatrix, simul & spectaculum, palam omnibus euulgar.

Mulier totos  
20. annos cæ-  
ca, & præ do-  
loris magnitu-  
dine ad infantiã  
redacta, cum  
ante Aram Bea-  
tissimæ Virgi-  
nis prostrata  
orat, detrahi si-  
bi velamen  
quoddam ex o-  
culis sentit, vi-  
dereque inci-  
pit,

18. Anna Drozdálina ex Regio Oppido Srzo-  
da nuncupato, oculis acrimoniã maligni humo-  
ris corruptis, continuos viginti annos, sub vnâ cæ-  
citatis nocte transegerat; adeò omni videndi pri-  
uata solatio, vt nulli rei personæque dignoscen-  
dæ, læsa pupillæ acies sufficeret. Accelsit tam  
longæ noctis horrori, totius corporis dolor; qui  
internam etiam mentis aciem, pathematum vio-  
lentiã sensim obtudit, & mulierem rationis pe-  
nitus impotem fecit. Reddita tandem sibi, &  
remittente morbi tyrannide, ad sanio rem men-  
tem aliquatenus reuocata, cœpit tangi tam redi-  
turi in viscera mali formidine, quàm incubantis  
vtriq̃ue luminum caliginis tadio, & simul reme-  
dia circumspicere. Nullum potiùs visum, quàm  
communem *Malorum omnium Depultricem* adire:  
vnde pio commeantium ad Ecclesiam Zdzieso-  
uiensem Peregrinorum aggregata cætui, postri-  
die Ascensionis Dominicæ Anno 1637. Ecclesiam  
subijt. Ibi primùm de mundando corde solici-  
ta, Sacerdotis genibus adrepi, & sincerã confes-  
sione expiatis anteaetæ vitæ noxis, viam sibi ad  
fugandas oculorum noxas planat: Inde ad Ima-  
ginem Virginis titubante gressu deducta, totum  
corpus



corpus humi adfligit; & in preces, quas lacrymæ ex cauis orbibus vbertim labentes interstinguebant, supplex effunditur. Persistebat ita importunâ pietate Virgineam fatigare Misericordiâ; cùm repentè sentit detrahi sibi crasum quiddam ex oculis, instar oppansî velaminis; & patente iam vtriusque oculi ad hauriendas rerum species meatu, sublato à terrâ (cui prona hæserat) capite, primam videt sui visus originem, in Miraculosâ effigie fulgentem; verùm nonnihil à suetâ Imaginis formâ aberrantem, & roseo colore copiosius suffusam; veluti puderet *Misericordiæ Matrem*, tam diu miseræ vota, & auxilia distulisse. Hoc prodigium statim ad notitiam omnium deduxit, & per Notarium publicum R. Adamum Srzemensem ad perpetuam memoriam in Actis consignari voluit.

19. Martini Iędrzyczek Ciuis Częstochouensis coniunx, amisso visu, biennium integrum exegit in horrido cæcitatîs nubilo; ac licet in prociuctu haberet expertissimam Morborum omniû medicinam, nimirum *Claromontanam Deiparæ Iconem*, prodigijs & signis per vniuersum Christianum Orbem illustrem; ex arcanâ tamen Diuini dispensatione consilij, non licuit illi vlllo Beneficiæ fructu potiri; siue vt receptæ sanitatis pretium ex tarditate recipiendi augesceret, siue vt



Biennio cæca  
instituta ad I-  
maginem pere-  
grinatione, in  
primis vnum  
oculum in iti-  
nere, deinde al-  
terum in Eccle-  
sia Zdzieszoui-  
ensi recuperat.

alibi præter spem obuius MARIANÆ Gratia  
splendor, per ipsas curandi moras, maiori postea  
spectaculo Homines attineret. Passa igitur toties  
in Claro Monte precum ac votorum repulsam, &  
domestici effectû frustrata medicaminis, pere-  
grinas instituit tentare Locorum Deo, ac Deiparæ  
sacrorum vires: Vnde marito comite, religio-  
so dans sese itineri, celebriores gratiarum famâ  
Ecclesias adiit, nuspiam tamen facilem Gratiæ a-  
ditum patere sibi sensit. Contigit, vt Oppidum  
Grabouecium præteruehenti, fortuitus in diuer-  
sorio sermo incideret, de signis, quibus Imago  
Zdzieskouiensis clarescebat; atque is statim pe-  
nitens animo Cæcæ hæsit, ipsâ utique Deiparâ ap-  
prehensionem excitante intus, quæ foris hæte-  
nus refugam Milericordiam quærenti miseræ sub-  
duxerat. Voto igitur nuncupato duci se ad Ec-  
clesiam Zdzieskouiensem imperat; cùmque non  
adeo multum processisset, miras veluti renascen-  
tis vnius oculi cæpit sentire conuersiones, qui do-  
lore obstetricante paulatim in videndi munus e-  
rupit. Læta noui luminis partu mulier, tantò  
fidentiùs insistit itineri, quantò securior de vltè-  
riori Virginis Beneficio, ex præhabiti vadimonio  
fuit. Nec spe suâ excidit, nam ante Imaginem  
eiusdem supplicanti, alter oculus dispunctâ cali-  
ginē eandem visus fortunamprehendit; vt post  
tam



tā irritas peregrinationes disceret Mulier, quòd etiam in supernorum munerum parturitione, *Non omnis fert omnia tellus.*

20. Iacobus de Villâ Stupie Mendicus, inspectatā percussus cæcitatem, tunc demùm sibi extremam visus est incurrisse egestatem, cùm cepit lucis egere; quā pauperie nimium quantum anxius, sæpius votivas peregrinationes ad Imaginē Zdziebouiensem instituit; si fortè hæc, quam *Sole amictam* vidit Ioannes, Mendicum caligantem aliquā lucis dignaretur eleemosynā. Verum Dei para, quamvis alias *præoccupet eos qui se concupiscunt*; tunc tamen integro duarum Olympiadum decursu, stetit Gratia suæ fluente, nec suspirijs ac votis cæci Benigna occurrit. Non deseruit tamen hominem sueta Mendicis importunitas; qui creberrimè rediens ad Imaginem Virginis, tot Afflictorum millibus propitiæ, & ad suas vnus duntaxat preces obliquæ, piā violentiā extorquere nitebatur, quod ipsa Virgo idcirco differebat vt extorqueretur. Nouissimè Anno 1641. eiusdem animi, ac spei retinens, fuerum iter in Zdzieb aggreditur; dandum sibi vnā horā confidens, quod octo denegauere anni. Vix baculo prætentare viam è casā suā erepens cæperat; cùm ecce lucis expetitæ splendor, oculis eius illapsus, tam diu denegatam diem aperuit;

Sapient: 6.

Mendicus octo annis cæcitatem passus cum sæpius ad Imaginem emendicali visus gratiā peregrinatus fuisset, ac nouissimè viam ad eandē instituisset, in ipso pro cinctu itineris visu donatur.



& fugatis tenebris deuoto Peregrino, haftenus Sol peregrinus illuxit. Quare cum maiori alacritate viam carpēs, & aspicere Benefactricis vultus, à quâ tam Misericordi respectus est oculo, gestiens; vbi primùm in Ecclesiâ Zdzieſſouienſi comparuit, persolutis ad Aram Virginis gratijs, magnâ voce, Maiorem eiusdem gratiam euulgauit.

21. Sub id tempus, quo efferata rebellium Colacorum colluies auxiliariis Scytharum succincta turmis extremam Poloniæ minabatur perniciem; cùm vniuersa Nobilitas imminentis periculi formidine excita, ad arma concurreret, & Generalis expeditio bellica Regni Ordinibus indicta esset; Generosus D. Andreas Miſzczewski, communem sequutus Martem, seu Castrenſium laborum fractus incommodis, seu aquarum consulto ab Hoste corrupta: um intoxicatus vsu, tantùm visus incurrit hebetudinem; vt non modò seruare in Castris Ordines, sed etiam videre eosdem nequiret, immixtus agminibus, inutile agminis pondus. Audierat aliquando, vulgante Famâ, Prodigia Deiparæ, quibus Imagini suæ Zdzieſſouienſi Maiestatem conciliat: eorum tunc subeunte memoriâ, subit simul hominem desiderium, in similis experimenta gratiæ, de Benignitate Virgineâ assurgendi. Voto ergò visitandæ Imaginis nun-



# DEIPARÆ.

nis nuncupato, potentiorē fabulosā Hecate viæ  
ducem postulat, in tantā subitæ cæcitatē nocte;  
& non multò post confecto bello, cum totā cui  
auctoratus erat Cohorte, supplex locum Imagi-  
nemque adit; votum implens, & impleri simul,  
quod tam anxie vouebat fauore Deiparæ ge-  
stiens. Illic dum in deuotas effusus preces diu-  
tius Pietati operatur, & internā delictorum ta-  
ctus poenitudine, etiam in lacrymas penitus li-  
quitur; admoto oculis sudario, quo tepidum con-  
triti cordis rorem exciperet, sensit negatum hac-  
tenus lumen pupillas inuadere; dumque profluū  
ex oculis cruorem, mixti cum lacrymis caden-  
tem abstergit, diurnam pariter cæcitatem, re-  
cepto integro visu, eodem strophio abstersit; &  
Gratiam hanc sibi præstitam, in Actis per Nota-  
rium publicum connotari curauit.

Claudat agmen hoc prodigioso illuminato-  
rum à Matre *Lucis vera, quæ illuminat omnem*  
*hominem venientem in hunc mundum*, Authen-  
tica Recognitio Adm Rñdi P. Balthasaris Reich  
è Societate IESV, ad Archium Ecclesiæ Zdzie-  
bouieñ data; & manu illius propriā totaliter scri-  
pta, ac Sigillo consueto totius Societatis videli-  
cet IESV Nomine munita: Cuius tenor est talis.

22. Ego infra scriptus Societatis IESV Sacer-  
dos, fide religiosā testor me à B. Virgine Borko-  
uiensi

127

Miles, cui ca-  
strenia incō-  
moda oculos  
corruperant,  
cū ante Ima-  
ginem lacry-  
mosas preces  
fundit, & stro-  
phio rorantes  
oculos abster-  
git, subitò cla-  
ritatem visus  
recipit.

Ioannis x.



uiensi singulare beneficium accepisse, modo qui sequitur. Circa annum Christi 1647mum, ætatis septimum, vel 8uum, tanto oculorum dolore, & caligine 7. hebdomadarum spatio afflictus fui, vt nec solarem lucem absque dolore intueri, nec aliud quidquam cernere, aut ordinarias functiones obire potuerim. Huic malo auertendo, cum nihil proficerent adhibita remedia naturalia, quin imò ex ijs dolores incrementum sumerent; Parentes ad coelestia, Diuæq; Virginis patrocinium conuersi, primum quidem oculos aquâ de fonte Borkouiano haustâ abluerunt, tum votum quoque ediderunt geminæ peregrinationis pedestris Borkouiam instituenda. Primam ex voto persoluit Pater; è quâ cum rediret immixtus populis Schwentzikouiesi, Mater me visu destitutum supplicantibus obuiam eduxit: qui cum propius aduentarent, repentè visum recepi, primamq; Virginis Beatissimæ Iconem in vexillo candido, quod præferebatur supplicantibus, conspexi; & exclamauit Matrem compellans, me virginem elegantiori formâ (qualis videlicet erat Imago Sanctissimæ D E I genitricis in labaro candenti depicta) conspicere. Ab eo tempore in dies magis emendari capit visus, donec tandem, non ita multo post, integra oculorum sanitas consecuta est. In huius rei contestationem, & perpetuam tantibene-



ti beneficij memoriam præsens chirographum  
confeci, & Borkouiæ reliqui. Anno 1679. Die  
24 Iunij. Locus & Sigilli.

Balthasar Reich è Societate I E S V  
infimum Dominae & Illumina-  
tricis meae mancipium mpp.

Eiusdem Diuæ Patrocinijs adscribit Soror  
mea Vrsula, nunc Diui Benedicti in celeberrimo  
Monasterio S. Materni, Leoualli in Silesia Sancti-  
monialis, quod oblato exiguo munusculo, à tu-  
beribus collo inhærentibus, & magnos subinde  
dolores creantibus, circa Annum Domini 1655. æ-  
tatis suæ circiter 14 tum liberata fuerit: quod ipsū,  
ex literis illius, ad me datis mihi cognitum, in me-  
moriā beneficij à Thaumaturgâ accepti placuit  
consignare, & testatum relinquere Borkouiæ.  
Anno & die vt supra.

Idem qui supra mpp.

Atque hæc sunt Prodigia MARIÆ, in  
Cæcorum stupenda curatione patrata, quibus  
illa velut interpretem agens Nominis sui, Ety-  
mon eiusdem plenissimè impleuit; & Potentiam  
Illuminandi, quam præfert in significatione, ex-  
pleuit in opere. Proinde Caput hoc concludēs,  
Symbolicum illi appendo Anathema, quod aliā  
licet ex causâ, doctissimus Regnandi Magister  
Didacus Saavedra in suis vsurpauit Politicis. Pin-

Saavedra Sym-  
bol: 49.

R

xit il-



Symbolum  
Deiparæ cæ-  
cos illuminā-  
tis, Sol oppo-  
sita sydera, per  
reuerberatio-  
nem & incidē-  
tiam radiorum  
illuminans, e-  
isque lucem  
tribuens.

# M A G N A L I A

xit ille cœlum, digestis per sua signa stellarum  
variegatum Ordinibus, quæ tamen nullo adhuc  
lucis comptæ decore, cum natiuâ opacitate lu-  
ctabantur. Surgebat ex aduerso Fons Lucis Sol;  
qui postquam vibratos per omnes syderum vul-  
tus dispersit radios, mox tota cœli facies, cum  
suis Astris, nouo splendore pulchrescēs, latis igni-  
bus incanduit; addidit Epigraphen, quæ indica-  
ret, cui splendor ille deberetur, Adscribens *Lum-  
ine Solis*. O quot humanorum oculorum syde-  
ra, horrida cæcitas opacauerat, vt in æternam  
viderentur damnata noctem! Verùm vbi ad Im-  
ginem Zdziesouienssem stitēre, è Diametro illius,  
quæ est, Spiritu sancto testante, *Electa vt Sol*; ad  
vnicum Partheniorum radiorum cōtactum discuf-  
fis tenebris, fortunatam Lucis possessionem adiē-  
re. Meritò igitur in festiuos soluti plausus, v-  
suram lucis quâ potiuntur, ad *Matrem In-  
creata Lucis* transferant; grato & gratā-  
te animo professi, visoria pupillarum  
suarum Astra, non alio splen-  
descere, nisi *Mystici*  
*Lumine Solis*.

C A



## CAPVT VI.

Exempla eorū qui amisso pedum  
vsu, vel membris luxatis, Paralyfi  
item tacti, voto ad Imaginem  
Zdzieszouiensem facto, sa-  
nitatem recuperaue-  
runt.

**H**Æsere olim attonitæ nouitate Prodigiij  
Solymæ, dum claudus ex vtero Matris,  
cui nouerca Natura detortis in prauum  
pedibus illuserat, ad imperiosam Diui Petri vo-  
cem, nunquam antea tentatos gressus, facili &  
obsecundo vestigio figere cæpit. Verum tunc  
quoque felici miseri prælagio, affulsit prodigiosè  
curationi Deipara, tamen si è Mysticâ figurarum  
nube, propitios radios vibrans: nam dextro o-  
mine *Portabatur quotidie ad Portam Templi, quæ  
dicitur Speciosa.* Et quænam obsecro speciosior  
Porta Sacratissimæ Virginis Angelicâ puritate?  
cuius *Speciem Rex æternus concupuit?* per quam  
ad homines, intactis Virginei Pudoris cardinibus,  
venit? Huius Portæ liminibus quoniam perui-  
gil quotidie accubabat claudus, tandem à My-

S. Petrus clau-  
dum ex vtero  
matris, curat  
ad Portam Spe-  
ciosam Tem-  
pli Salomonis

Act. 3.

Psalo. 44.

Porta hæc  
speciosa figu-  
ra fuit Deipa-  
ræ.



3, Reg. 18.

Lyranus,

Ad hanc con-  
fugientes, &  
Moralem, &  
Physicam abi-  
gunt claudica-  
tionem.

Mulier omniū  
membrorū v-  
su ac motu pe-  
nitūs destitu-  
ta, post emis-  
sum visitandæ  
Imaginis votū  
cōualefcit ple-  
nē, & votiuū  
iter peragit.

sticā Deiparæ umbrā, vim ac impetum ambulandi hausit; & præeunte in typo MARIA, subleuante Petri dexterā, gressus quos natura negauerat, momento edidicit. Merito ad fortunatos Portæ huius postes conuocat Lyranus, omnes ab vtero Matris Euxæ in vtramque partem claudicantes, & semitas Dei firmo vestigio calcare inualidos, cū ait: *Porta Speciosa est MARIA, per hanc Filius Dei venit ad nos redimendos, & per eam deducit nos ad glorificandum: si quis autem claudus est, ambulare non potens in viā morum, ponatur per deuotionem ad ipsam, erigetur Diuinitus, & fortificabitur ad feliciter gradiendum.* Nec verò his Solis per hanc Portam accessus pater ad Gratiā & sanitatē, quos interna deprauatæ naturæ in viā virtutum tardat infectio; etiam corporeis profuit pedibus, ad Virgineos pedes supplices accidisse. En paucos ē multis, quibus piē inuocata Deipara, non modò interdicta pedum officia, sed amissa etiam, vel vitiata mēbra, prodigioso medendi genere restituit.

1. Anno 1611. Dorotheam Textoris de Opido Iaročin Coniugem atrox corripuit morbus; qui toto sparsus ac pererrans corpore, vitalem adedò corripit facultatem, vt fluentibus marcido languore artubus, motuque manuum ac pedum penitūs ablato, non tam corpus circumferre videre-



deretur quàm bustum. Vnde si quando migrandi de loco in locum ingrueret necessitas, domesticorum famulante ministerio, sindone inuoluta, adhibitis baiulis portari debuit. Vsurpabantur frustra remedia, fugando malo minimè suffectura, & præmortuis ante mortem membris, neutiquam vim salutiferam aspirantia: donec officiosa affinium Pietas, cernens omnes Æsculapij artes, imò spem ipsam atrocitati Mali succūbere, reperit sub vmbra M A R I Æ, sed non vmbatile propulsandæ ægritudini antidotum: facto namque ad Imaginem Zdzieſſouienſem pio recurſu, & votis nuncupatis, repentè languido corpori viuax sese calor infudit; & arentia membra irriguus subitò humor ad pristinos vsus resoluit; coeperuntque venæ, quas diuturnitas morbi contraxerat, desuetos excursus agnoscere, & lætis subsultibus sanguis easdem pertentare. Ita resumptâ integrè, quam sine sensu vitæ traxerat vitâ, Dispensatricem vitæ, nullo iam sustentante, adiit Feriâ secundâ Pentecostes; Beneficiumque à Beatissimâ Virgine acceptum, coram Notario publico & Testibus recognouit.

2. Anno 1612. Sophia Orzechowna de Villâ Kossowo, Annorum circiter quindecim Puella, cum aliquamdiu acutos dolores pertulisset, tandem illapsâ pedibus tabe, vsu illorum penitus ex-



Altera sexen-  
nio vsu pedū  
priuata, dum  
in Ecclesia  
Zdzieszouien-  
si, ad quam  
alienis delata  
fuit manibus,  
confessionem  
absoluit, rece-  
ptā ambulandi  
potentiā, pro-  
prijs pedibus  
ex illa recedit.

exciderat; atque integrum sexennium, ambulan-  
di impotens, lecto affixa transfegerat. Placuit  
nouissimè ægram ac elumbem ad Ecclesiā Zdzie-  
szouensem vehi; vbi alienarum subsidio illata  
manuum, vix dum piacula animi confessione e-  
luit, & ecce noxium simul peccantis humoris  
defluuium, quod neruos vitiauerat, euauit. Sta-  
tim enim à peractā exomologesi surgenti, laxa-  
runt sese in obsequium gressuum arentes hacte-  
nus artus; ita vt nullius iam sustentaculi indiga,  
lato vestigio ad Imaginem Deiparæ processerit:  
ac persolutis Austrici sanitatis gratijs, integra,  
& valens domum redierit, quā iumentis baiulis  
exiuerat.

3. Anno 1615. Adamus Opilio de Villa Wie-  
szczyćino, spretā Diei Dominicæ reuerentiā, dum  
in templo Missarum peraguntur solemnias, ipse  
in vicinum nemus comite Sophiā filiā excurrit;  
decerpendis auellanis vacaturus, cum Deo va-  
care, Pietatiq̃ue operari debuisset. Adfuit mox  
læsæ Religionis vindex Numen; vix enim Filio-  
la ad primam nucem vellendam manum proten-  
dit, subitò arefactis neruis & tendinibus, diri-  
guisse eam sensit; & quam malè alieno tempo-  
re arbori admouerat, in modum arboris duratam  
retrahere non potuit. Elicuit repentina poena,  
vtriq̃ue poenitentiam; eodem enim in loco fusi  
humī,

Puella, cui  
carpentī die fe-  
sto nuces ma-  
nus in poenam  
exaruerat, re-  
currēns ad B.  
V. vsū illius  
impetrat.



humi, & lacrymis madentes, damnant temeritatem suam, vilissimi questus causâ ad Festi violationem progressam: utq; facilius ultorem Deum propitient, Matrem Dei in Patronam & Aduocatam facto ad Imaginem Zdziebouiensem voto, adsciscunt. Aduertit benignos oculos precibus supplicantium Deipara; recurrit enim statim in emortuam manum vitalis tepor, ac veluti emollito per lacrymas rigore, qui iuncturas stupauerat, liberos flexus rediuiua dextera recepit.

4. Eodem Anno. Agnetem de Rayskovo Coloni Záiac dicti Filiam apprehendit ægritudo, quæ illam vsu pedum multauit. Vi enim doloris elapsæ vertebis suis coxæ, emotiq; situ naturali articuli, ac nerui conuulsi & stupefcentes, sustinendo corpori sufficere non poterant. Damnatam itaq; sese ad perpetuos ingrati lecti squalores sentiens, supplex implorat opem Deiparæ; & ab illâ manu erigi postulat, quæ labentem in præceps mundum erexit, & fulsit: nec irritò euentu; post concepta enim adeundæ Imaginis Zdziebouiensis vota, breui obtinuit, ut adire posset, & vota exoluere.

5. Anno 1616. Hedugis de Oppido Dolsko, orto in manu Apostemate, cùm malum in dies ferperet; & confluens ad partem affectam maligni humoris virulentia, in gangranam degenerare incipere.

Puella cui dolor coxas pedum contorserat, & nervos stupefecerat, ope Deiparæ, quam implorauerat, vim ambulandi recepit.



Mulier vlcus  
in manu passa,  
cū inuaden-  
te sacro igne  
sectione ma-  
nus curari de-  
beret. a Ima-  
ginem B. V. ex-  
currit, & ibi-  
dem prostrata,  
sine iacturā  
manus mede-  
lam inuenit,

ciperet, ad eas deuenit angustias, vt Medici de-  
speratis mitioribus remedijs, tactæ fideratione  
manui, sectione subueniendum decreuerint. De-  
testata mulier immanitatem curationis, cuius au-  
xilia supplicia sunt, & sanitatem ferunt morbo  
ipso grauiorem; ad illam recurrit Virginem, quæ  
sicut nullo Integritatis suæ dispendio vitam mun-  
do enixa est, ita illasā membrorum integritate  
deficienti vitæ mederi solet. Apparabat iam  
Chirurgus truci remedio ferrum; cū ipsa me-  
liore vsa consilio, ad Imaginem Zdziebowiensē  
properat, & ante eam supplex prouoluitur: dum-  
que tumentem igneo vapore dexteram, prensan-  
do Virginis gratiam, deuotē protendit; mox  
abolito penitus carcinomate, ac extinctis gan-  
grænæ ignibus, saluam & incolumem, cum stu-  
pore adstantium gratabunda recepit.

6. Anno 1617. Honeſta Anna de Luſczá-  
now, dum colo nendæ inſiſtit, excuſſum è ma-  
nibus fuſum amiſit; qui acumine ſuſum obu-  
erſo, craſſiore ſui parte, terræ pertinacius infixus  
hæſit. Eum deinde incautē veſtigans, per alias  
rerum abrepta imagines mulier, caſu fortuito in  
ſubtile ipſius è terrâ prominentis acumen, nudo  
pede impegit; tam valido impetu, vt terebratâ  
plantâ, ad ſuperficiem vſque pedis ſtylus fuſi pe-  
netrauerit, ibidemque fractus remanſerit. La-  
boratum



boratum est à domesticis pariter ac extraneis, vt quâcunq̃ arte, crassum fusi fragmen, carni impactum extrahi posset, verùm inanes conantium artes, infra atrocitatem mali fuere. Actumq̃ue erat de pede miseræ, quandoquidem sacer ignis in lethale erupturus incendium timebatur; ni fomes tantæ flammæ lignum in pede latens tempestiuè extraheretur. Proinde anxia salutis ac vanitatis medentium pertæsa mulier, ad Beatam Virginem confugit; seque sponsione visitandæ Imaginis Zdziesouiensis illigauit. Secuta promissi fidem velocitas remedij: breui enim post factum votum, medietas illa fusi, quæ sauciam carnem satis grandi segmine exederat, spontè effluxit; atq̃ue vt vulnus plenè coalescere posset, planum spatium reliquit.

7. Anno 1618. Generosa Dña Sophia Ossowska, Generosi D. Stanislai de Krzycko Ossowski Coniunx, diuersis conflictata diutiùs symptomatibus, in extremum deniq̃ue ac mortali proximū soluta est languorem: nam torpescēte totius corporis vi ac vigore, & manus & pedes debita negabant obsequia; atq̃ue ita mortuæ quàm viuæ similior, integrum Annum & medium, nonnisi ad pœnas sese viuere sensit. Incidit huic aliquando Sacræ Zdziesouiensis Imaginis recordatio; cuius veneratione, & simul obtinendæ sanitatis cu-

Alterâ, cui fusus casu fortuito in pedem illapsus ita in hæserat, vt nullatenus extrahi posset, post votum a Imaginem nuncupatum. spontè excidēte fuso; desperatâ sanitatem a lipiscitur.

Nobilis Dña per Annum & dimidium leto affixa, atq̃ sensu & motu priuata dum famulū Zdziesou: mittit, vt Missæ a Imaginem pro salute illius celebraretur vix digressa famulo, perfectâ sanitatē recipit, & lecto surgit.



pidine tacta, expedit sine morâ ad Sacerdotes  
Ecclesiæ illi adscriptos tabellarium; simulq; lar-  
gam Eleemosynam inter eos partiendam mittit;  
additis precibus, vt labenti in præceptis valetudi-  
ni vitæque suæ, ab illâ Virgine medelam suppli-  
citer quærent; quæ cum sit *Vapor Virtutis Dei*,  
valituram contra omnes morbos virtutem habe-  
ret. Vix Literarum portitor pedem Domo ex-  
tulerat; cum exangue Ægrotæ corpus, vegetio-  
ri spiritu imbui, obstipataque ac penè in fatalem  
defixa rigorem Membra, melioris influxus asper-  
gine irrorari capere. Vnde strato (ne dicam  
feretro suo) desiliens, procumbit in genua, ac-  
celerata præter opinionem salutis venerata Lar-  
gitricem; quam breui post, adornato ad Eccle-  
siam Zdziebouiensem itinere, in suâ Icone salu-  
tauit; & perpetuam accepti Beneficii memoriam,  
in Actis Ecclesiæ per Rndum Felicem Duraniam  
consignari fecit.

8. Anno 1622. Admodum Rndum Matthiam  
Budziewski, Parochum Szymanouiensem corri-  
puit Paralysis, quæ virulento afflatu, ita mox ner-  
uos omnes musculosque stipauit, vt obstructis a-  
nimalium spirituum meatibus, membra omnia  
exangui torpore conciderent; & motu sensuque  
prorsus intercepto, nec pedes progressioni, nec  
manus labori, nec lingua loquelæ subseruiret.  
lacebat



Iacebat afflictus, præter liberum rationis vsum,  
ac externa lineamenta, nihil de homine præse-  
ferens; iamque ante fata in cadauerosam speciem,  
fatali metamorphosi mutatus. Adhibebantur  
remedia, narcoticam vim membris diffusam, mol-  
li fomentatione discussura; verum Æsculapij po-  
tentia infra pertinaciam mali fuit; quidquid e-  
nim vel Medicus Posnaniensis, tollendæ spissi hu-  
moris colluiei, quæ portas vitalium spirituum  
obstruxerat intra; vel famosus curationum feli-  
citate Chirurgus Pleseuiensis, molliendis ad nati-  
uæ officia membris, extra vsurpabant; id totum  
fæx illa crassi humoris, curam omnem dedignata,  
contumaciter spreuit. Apparet interim ægro  
in somnis vir ignotus, sed augustâ quadam spe-  
cie verendus, ac vultu habituque sanctimoniam  
spirans; qui illum monet, vt relictâ non profu-  
turæ medicinæ debilitate, fortiora remedia capef-  
sat, & ad Beatam Virginem Vniuersalem Huma-  
næ Curationis Apothecam recurrat. Experge-  
factus, concipit Visitandæ Imaginis Zdziesbouiē-  
sis vota, ac sensim remittente malo, incipit sta-  
tim frui restituti sensus, ac motus libertate; pau-  
loque post abactâ totaliter Paralyfi, ad Ecclesiam  
Zdziesbouiensem pergit, vbi consensu suggesto,  
ac institutâ de laudibus Beatæ Virginis, ad frequē-  
tem populū concione, (*Facundum faciebat Amor*)

Sacerdos Para-  
lyticus, amisso  
linguæ, manu-  
um, pedumq;  
obsequio, mo-  
netur in sōnis,  
vt valetudinē  
B.V. deuoueat:  
quo facto,  
mox conuale-  
scit, ac Zdzie-  
sueuii delatus,  
Beneficium ex  
ambonâ pro-  
mulgat.

Ouid: in Met.



totius miraculi, Gratiaëque MARIANÆ sibi præstitæ seriem palam promulgauit.

9. Anno 1623. Stanislaus de Bienkowo, inflammationem pedis passus, seu verius Erysypellate tactus, nec satis genus morbi aduertens, aluit neglectu curationis latentem intus flammam; quæ breui peruagata venas ac medullas, depastâ non modò extimâ cute, sed corpore, ipsa quoq; peredere cœpit ossa; ita vt per hiantia vulnera, ambusti paterent tali, & carne defluente, nudæ costæ, deformi spectaculo prominerent. Conclamatum fuit de pede tam malè affecto; & peritia Medica vires suas atrocitati mali succumbere fassa, impugnare illud non præsumpsit: siquidem accersiti Chirurgi, solo visi carcinomatis horrore territi recedebant, nullo facto artis suæ tentamine, frustra cum desperati pedis maligno putore luctaturæ. Permissus itaque sibi & fati Æger, vltra annum & dimidium, inter vitæ ac mortis confinia, grauissimis iactatus doloribus durauit. Nouissimè occurrente animo Imaginis Zdzie Souien-  
sis claritudine, tot Prodigijs celebri, in spem affuturi auxilij erectus; promisso instituendæ illuc peregrinationis se ipsum adegit. Adfuit de Benignitate suâ præfidenti, Adiutrix in opportunitatibus MARIA; cessante enim remediorum vsu, caput sponte suâ ardor putrescentis pedis remitte-

tere



tere, saniss virulenta abstergi, cutis superex-  
tendi, cicatrix coalescere; ac medente inuisibi-  
liter M A R I A, nudata nuper ossa, nouâ succe-  
scente carne, veluti renasci, inque ambulandi of-  
ficiū valescere. Gratus itaque Gratiæ M A R I-  
A N Æ, adhibito viæ & gratitudinis socio, ger-  
mano Fratre Alberto, Ecclesiam Zdzieſouienſem  
adiit, & portentosa sui curationem; ad omnium  
notitiam deduxit.

10. Eodem Anno. Honeſta Anna, Stanislai  
Kucz de Oppido Wolsztyn Inquilini coniunx,  
continuos quindecim Annos, lecto ægritudinis af-  
fixa, toto corpore obtorpuerat, membris omni-  
bus sine sensu rigentibus: accessit ad cumu-  
lum miseriæ iactura loquelæ; quæ nouissimè sub-  
secuta est, postquam noxi defluxus contagij fau-  
cibus illapsus, linguam etiam in compedes egit;  
vt næ queri quidem de miseriâ liceret. Verum  
non multò post vocem, quàm sauiensis paroxi-  
smi malignitas rapuerat, inuocata Mater Miseri-  
cordiæ restituit. Dum enim opem illius, per su-  
spiria & gemitus, omni voce valēiores inclamat;  
Mutum illud sed deuotum silentiū, clariū quàm  
si loqueretur, in Auribus Deiparæ insonuit; audi-  
taque breui & exaudita, catenatam hætenus lin-  
guam primū in verba resoluit, vt à Matre VER-  
BI curata esse sciretur. Restabat corpus longā

Mulier toto corpore resolu-  
ta, actos quindecim an-  
nos è lecto nō surgens, facto ad Imaginem  
recurso, primò amissam loque-  
lam, domi. de-  
inde in Eccle-  
sia Zdzieſzo-  
uiensi perfectā  
sanitatem ob-  
tinet.



tenuatū tabe, ac sui ipsius impotens, & exsuccū; sed cū experimentum vnius Gratia, mistum fiducia desiderium alterius prouocaret, interno agitante non dubia spei æstu, ad Ecclesiā Zdzieſouientem deferri voluit, atque illuc ipso Sanctissimæ Trinitatis festo peruenit: territa tamen multitudine populi, quæ in tantâ solēnitate confluerat; non ausa progredi in publicum, nā a turbâ comprimeretur, Diem illum in diuersorio, precibus insistendo, consumpsit. Postridie vbi diluxit, ad Ecclesiam succollantibus baiulis delata, vix terminos Cemeterij, terramque Deiparae sacram attigit, vegetior statim fieri cepit. Vnde paulatim surgens, & titubante vestigio, desuetos tam diu gressus moliens, firmari plantarum bases sensit; ac primū Altare maius, minimē iam succidiuis poplitibus venerabunda circumijit; mox aditā Image Sacratissimæ Virginis, cui hoc ipsum debebat quod adiret, integrè sana, ac nullius iam fulcri egens recessit. Vt autem sæpius Medicatricis suæ aspectu frueretur, vsque ad festum Diuæ Magdalena, circa Ecclesiam permansit; Deum, Dei que Parentem laudans, ac se ipsam euidens M A R I A N Æ Potentiæ ostentū, cunctis exhibens.

Simili propè per Annos sedecim pressa ægritudine, Anna Swarzędka de villa Kopanicá, cū

votum



votum visitandæ Imaginis emisisset, apud Deiparam euecit, vt restituto pedum vigore, visitare posset; quod & præstitit Anno 1639. Miraculumque in Acta Ecclesiæ reculit.

II. Anno 1624. Martinus Szczepocki Ciuis Gnesnensis Paralyti tactus, Manuum, Pedum, Lingux vsu amiserat, crasso ac viscido humore neruos, ligamentaque membrorum, næ suis fungi possent officijs, obstruente. Imploratâ igitur Medicorum ope, cùm operam duntaxat ludere, & afflatum noxio pneumate corpus, nequaquam de ferali rigore remittere videret; ad Beatissimam Virginem confugit, ac conductis tribus Præbyteris, Hostiam propitiationis in Ecclesia Cathedrali Gnesnensi Deo litari, salutemque suam Patrocinio Deiparæ, in Ecclesiâ Zdziebouiensi Gratijs plenæ deuoueri fecit. Vix dum completis sacrificijs ab aris recesserant Sacerdotes, voto ad Imaginem Zdziebouiensem pro ægro facto; ecce Æger amissos sensus sensim resumere, ac veluti detractis compedibus manu missus, negata diutius officia retractare cepit. Tandem plenam adeptus sanitatem ad Ecclesiam Zdziebouiensem venit, ibique peractis gratijs, votiuum Anathema Imagini appendit, Gratitude suæ pignus miraculi perenne Mnemosynon.

12. Sequens Miraculum in præsentia Illustrissimi

Paralyticus, dum Sacerdotes ab illo conducti Missas celebrant, & vota pro salute eius ad Imaginem nuncupant, miraculose à morbo liberatur.



simi Ioannis Węzyk, tunc Episcopi Poseniensis factum, eodem quo reperitur in Archiuo Ecclesie scriptum stylo, transsumendum de verbo ad verbum censui; nã adscititia eloquẽtiã venustas, dum simplicitatẽ Instrumẽti publici corrigit, fidẽ miraculi hyperbolicẽ eleuare videatur; sic igitur Instrumentum: Nobilis Hedwigis Siewierska Vidua, Præsentibus Rãdis Dñis & Patribus, Felice Duranio Plebano Ecclesie Parochialis Borcensis, & Præposito Beatissimæ M A R I Æ in Zdzień, R. Patre Stanislao Grodecio, Altaristã Literatorũ in Grodzisko, ac R. P. F. Benedicto Borcense Ordinis Minorum de Obseruantia, ac Nobili Adamo Kaźmirski, meque assistente & audiente Notario Publico, Adamo Sreminio Concionatore Ecclesie Parochialis Borcensis, sub conscientia recognouit; se Anno præcedenti, videlicet 1626. pro die solenni Pentecostes, ægram & gressu penitus priuatam, comparuisse in Ecclesia Beatissimæ Virginis in Borek; ad quam è curru à duobus baiulis cum fuisset delata, ante Imaginem Beatissimæ Virginis, diutiusque orasset, post meridiem circa horam Vesperarum, vi propria è sellã surrexit; & per Ecclesiam extra fores templi vsque egressa, à suis famulis melius valens est reperta; & ab inde melius conualescens, anno præsentis, viribus integris, Die octauã Maij ad Ecclesiam Beatæ M A-

Nobilis Poëma  
na recognoscit  
quod illata ad  
Ecclesiam: Zdzie-  
szouien; cum  
progredi nul-  
lãtenus posset,  
per supplicati-  
ones ad B. V.  
effusas, vsu  
pedum recu-  
perauerit.



ra MARIÆ Virginis veniens, Beneficium hoc intercessionem illius supplex se obtinuisse protesta-  
ta, duos baculos (fulera subaxillaria alijs dicta) sine quibus incedere aliàs non poterat, in perennem Beneficij memoriam, parieti Ecclesiæ affixos, perpetuò voluit referuari; in libroque Miraculo-  
rum præsens Beneficium conscribi petijt. Præ-  
sente Illustrissimo & Reuerendissimo Dño Ioanne Węzyk, Episcopo Poshnaniensi, qui Anno secun-  
do post susceptum hunc Episcopatum Ecclesiam Zdziebouiensem Deuotionis causâ visitabat; quo  
etiam Primatialis, & Metropolitana Ecclesiæ Gne-  
sniensis Archiepiscopatus culmen ascendit.

13. Anno 1628. Septennem Puerum Valentini  
& Reginæ Cuium Gnesnensium filium, mirabilis  
morbus inuasit; qui factò in pedes impetu, non  
modò eos velut equuleo in obliquum distortit,  
verùm stupendâ quadam yredine intus carpente,  
in tantum deprauauit, vt elisis de statione, suâ ta-  
lis, ruptis iuncturis, carne absumptâ, nudati ner-  
ui tanquam funiculorum nodi penderent. In-  
gerebat spectantibus horrorem, ac eliciebat mi-  
serationem, innocentis pueri species, sub inuisi-  
bili igne, lentâ tabe diffluentis; cùm Mater quò  
magis amore impatiens, eo Pietate flagrantior,  
conceptâ de Benignitate Deiparæ fiducia, sterni-  
tur in genua, ærumnasque mileri filij, Misericor-  
diæ

Puer distortos  
pedes, ac ner-  
uos ruptos, &  
instar funicu-  
lorum pendē-  
tes habens. o-  
blatus à Matre  
ad Imaginem,  
conualescit, o-  
mnibus qui a-  
derant sensibi-  
liter cernenti-  
bus, quomodo  
ossa cum fra-  
gore in vnum  
coirent



diæ Parenti, cum lacrymis repræsentat; votum visitandæ Imaginis Borkouiensis in Zdzieſ puro vouendo corde. Nondum vota finierat, & ecce emota sedibus suis ossa, edito instar fractarum nucum fragore pristinas sedes videt repetere, neruorum ligamenta in vnum coire; ignem occulto incendio artus depascentem restingui; ac tandem pulsâ totaliter morbi causâ, sanum, vegetumq; recipit Natum, quem iam per multos dies deplorauerat. Hunc Anno proximè sequenti, comitantibus vicinis, tanti prodigij Testibus, simul & Præconibus, præsentē Beatissimæ Virgini in Ecclesiâ Zdzieſbouiensi cum gratiarum actione exhibuit. Miraculū hoc in Actis Ecclesiæ cōnotari petijt.

14. Anno 1631. Stitēre Parentes, villæ Korytnica Inquilini, ad Aram Deiparæ, Filium septemdecim annorum luuenum, voti sui sed magis **MARIANÆ** Gratia debitorem. Huic superueniens Paralyſis omnes artus dissoluerat, vt non si alieno famulatu viueret, alieno subsidio exangue pondus leuaretur. Augebat grauitatem mali, violentia acris cuiusdam humoris, qui articulos pedum, ac ipsa ossa, nodis tendinibusq; conuulsis, transuersum egerat; ita, vt curuato situ, velut in globum contractus Adolescens, præpostero plantarum spectaculo omnes attonaret. Cesserunt tamen hæc omnia, postquam pijs Parentum

Alter adole-  
scens pariter  
distortus, post  
vota Parentum  
rectificatis pe-  
dibus, ac usu  
illorum, gra-  
diendiq; fa-  
cultate poti-  
tur.



tum supplicationibus excita MARIANA pietas ad ferendam opem accessit: Oblatus enim ad Imaginem Zdziesouiensem, absque ullo medicaminum praesidio, melius statim valeri cepit: sensimque vanescente virulenti humoris, qui pedes obliquauerat, tormento, itinere sese ad Imaginem Zdziesouiensem accinxit; Parentibus deducetibus, ac Deiparæ Gratiam, grato praconio ubique buccinantibus.

15. Anno 1643. Honestæ Anna Mlodowitkâ de Gogolnino, partui vicina, dum ad superiorem Domus contignationem per scalas enititur, lubrico fallente vestigio, è supremo scalæ gradu lapsa, tanto pondere terræ illisa est, ut statim fractâ manu, totoque corpore concussio, panem semianimis sublata fuerit. Nemo infelicitis casus spectator, vitam fatui hac graui iactatione quassato ominabatur; siquidem vehementia lapsus, membranas ac ligamenta prolem sustinentia conuulsisse, ac exitium illi priusquam exitum maturatura credebatur. Verum & Matri imminiebant fatalia, quæ tam valido impetu terræ afflicta, acerrimos statim procidentis vteri doloris incurrit; & simul elisæ manus solutâ compage, non usum tantum illius, sed etiam spem medelæ amisit. Vnicâ solabatur afflictam *Mater Sanctæ Spei*; quæ occurrens animo, nescio quo occulto illicio, euoca-

Mulier prægnans cadit è scalis, & matrem frangit.

Ecclesiæ 24.



Sanatur, & fœ-  
tum viuū præ-  
ter spem emit-  
tit.

bat in sanitatis fiduciam, de suâ fœtusque sui vi-  
râ trepidam, & geminæ mortis horrore percul-  
sam. Sequitur ergo MARIANÆ Gratia o-  
blatum radium, suâ se intus luce signantem, &  
votium ad Imaginem Zdziefbouienslem peregre-  
nationem spondet. Nulla exinde & curationi ma-  
nus mora, & facilitati Partus remora intercessit:  
nam & illa leuibus duntaxat medicamentis, her-  
bisque simplicibus breui conualuit, & fœtus in-  
noxio prorsus partu, sine graui molestia in orbem  
effusus, Matris gaudia cumulauit. Quæ omnia  
sub conscientia coram Notario Apostolico reco-  
gnouit.

Habes Amice Lector selectiora exempla eo-  
rum, quos sinister casus, vel aduersa valetudo,  
manuum, pedumue truncatos obsequio depres-  
sit; verum MARIANA Beneficentia, ad pri-  
stinum reuocatos statum, prodigiosè erexit. Eri-  
go proinde huic prodigiorum Operatrici peren-  
ne Monumentum, illique appendo Symbolum,  
quo vsus est Theodorus Triuultius Regis Gallia  
Curialis. Hic ut se Fataque sua à Regis Gratiâ  
totaliter pendere profiteretur, pinxit vitem vl-  
mo inixam, & paulatim sursum serpentem; addi-  
tâ circum Epigraphe, *Me tuis adharere ramis*:  
per hæc symbolica inuolucra tacitè insinuans, quia  
fortuna sua nequaquam assurgere, & in altum  
prouehi



prouehi potuisset, nisi ad instar vitis vlmeo nixæ  
fulcimento, Regali sustentata munificentia, supra  
cæteros culmen extulisset. Adeste hûc, quot-  
quot apud Deiparâ pijs precibus euicistis, nâ hu-  
mi repenres, aut continuo ingrati lecti distenti  
eculeo, pænalem magis quàm vitalē vitam trahe-  
retis; & deuotis brachijs hanc Felicitatis vestræ  
circumplexi basim, in festiuos plausus erumpite.  
Sciat vestro experimento præconioque Orbis,  
quàm salutare sit hanc Arborem vitæ apprehen-  
disse, & MARIANIS semper *adharere Ramis.*

## CAPVT VII.

Varijs ac periculosis iactati mor-  
bis, cùm in limine mortis hærerēt,  
facto ad Imaginem Zdźieszoui-  
ensem recursum, miraculosè  
deploratam sanitatem  
receperunt.

**I**Nsignis olim medēdi felicitate *Solymas* decora-  
uerat Piscina, *Probatrica* seu *Bethsaida* dicta, cu-  
ius aquis Vniuersale inerat cōtra quāuis mor-  
borū: rabiē antidotū neq; enim tam altè morbida



Probatica Pl.  
scina omnibus  
medebatur  
morbis.  
Ioannis 5.

Vim sanandi  
traxisse credi-  
ta ab ablutio-  
ne victimarum

contagio mēbris insidere, aut medullis cōbibi por-  
tuit, quin potenti Piscinæ illius lauacro, ad pri-  
mum statim contactum elueretur. *Qui prior de-  
scendebat* (inquit sacer Textus) *in Piscinam post  
motionem aquæ, sanus fiebat, à quacunq; detineba-  
tur infirmitate.* Hinc ad Diuinas illas thermas,  
numerosæ semper ægrorum excubias agebant tur-  
mæ, per quinque super structas porticus digestæ;  
vt motis ab Angelo aquis, momento raperent gra-  
tuitam sanitatem, quam frustra & pluribus lustris,  
& plurimis impendijs, per Artes Pœonias quæsi-  
uerant. Portentosa huius curationis, licet pa-  
lam sit è cœlo submissum fuisse donum; certant  
tamen Doctores, quare cœlestis virtus, has tan-  
tùm & non alias medicâ facultate impræгнаue-  
rit vndas? & Fontem vitæ, ac Generale Elixir  
in paruo illo aperuerit vortice? Attactui victima-  
rum, quæ illis primùm ablutæ aquis Deo postmo-  
dum litabantur, salutarem hanc vim tribuit Ly-  
ranus; quasi dedeceret sacros Deo, cœlitq; suf-  
fumigandis destinatos Tauros & Arietes, vinci ab  
illo, quem fallax Mythologia cœlis inseruit, Tau-  
ro & Ariete: nam cum illi suos in inferiora è super-  
nis disperiantur influxus, æquum erat, vt etiam  
initiati Numini, paribus aut melioribus influxi-  
bus, Balneatrices suas vndas irrorarent. Prouo-  
cant alij ad vitalem illius ligni gratiam, in quo  
vita



vita pendit: quod tunc quidem sub illis de-  
mersum latebat aquis, sed postea instante Chri-  
sti Passione, cum iam de vitâ illius à furente ple-  
be conclamatû fuisset, subitò emerfit, ac in sup-  
plicij instrumētum sumptum, toti sanādo mundo  
subteruiuit & suffecit. Nec mirum si Crux Chri-  
sti tēporalem ægris in aquis propinabat salutem,  
quæ per easdem, omnibus sacro fonte renatis lar-  
gitur æternam. Ego Magni illius Sacrarû Ima-  
ginum vindicis *Ioannis Damasceni* assonus senten-  
tiæ, totius Prodigij causam ad Deiparam refero;  
cuius patrij Lares quoniam Bethsaidæ immine-  
bant, proinde vim quam à *Matre vitæ* ibidem  
natâ hauserat, in contiguas aquas viuifico illa-  
psu dispensabat. Vnde Piscinæ huic fortunatam  
in vicinia Beatissimæ Virginis Genesim, gratulatur  
*Damascenus Sanctus: Fausta tibi sint omnia ô Pro-*  
*batica, Regina Domicilium &c. olim semel quot-*  
*annis Angelum Dei excipiens aquam turbantem,*  
*& unum valetudini restituentem.* Et sanè de-  
cebat, vt illic salus ab infirmis hauriretur, vbi in  
viciniâ *Salus infirmorum* nascebatur; decebat vt  
locus ipse felicissimæ Natiuitatis hoc commodo  
gauderet, quatenus ad pellendos morbos sine dis-  
crimine commodaret; si enim Poëtæ *Auratos Rho-*  
*dis imbres nascente Minervâ, indulgisse Iouem,*  
perhibent; quantò magis fontes salutaris gratiæ  
erupis-

Secundum ali-  
os à Ligno  
crucis ibi mer-  
so.

S. Damascen:  
Orat: 2, de Na-  
tiuit: Virg: cē-  
set traxisse à  
Domo Ioa-  
chim, in qua  
nata B. V.



S. Damascen.  
vbi supra,

Piscina illa fu-  
it figura Dei-  
paræ.

Psal: 144.

Cant: 4.

erupisse credendum est, quando in lucem ef-  
fusus est *Aqua ductus* (sic Mariam nominat S. Ber-  
nardus) *cœlestium Gratiarum*. Vnde Piscinam  
Bethsaida Typum gessisse conterreaneæ suæ Dei-  
paræ, quæ illi vim medicam aspirabat. Idem cē-  
set & probat S. Damascenus, dum ait? Hæc non  
*Ministram Angelum accepit, sed illum Magni con-*  
*silij Angelum, qui tanquam bona pluuia in vellus*  
*absq; ullo strepitu descendit; ac in omnem naturam*  
*morbo laborantem, atq; ad interitum vergentem,*  
*certam sanitatem, vitamq; senio carentem restituit.*  
O quanti etiam nunc in hac Piscinâ, non animæ  
modò inquinamenta, sed corporis lues deponunt.  
Quanti in hoc MARIANÆ Benignitatis fon-  
te, more Aquilarum, senium morbidæ ætatis e-  
xuunt, ac in nouam emergunt renascunturq; iu-  
uentam. Non hic per interualla, vt olim, ac  
statis duntaxat temporibus curati ægri, alios e-  
iusdem gratiæ expertes, longæ expectationis tæ-  
dio fatigant, aut interceptæ sanitatis dolore fe-  
riunt: *Prope est enim Deipara* (ad instar Filij) *omni-*  
*bus inuocantibus eam*, & in singula momenta de-  
siderijs accurrentium velut *Mater amabilis* occur-  
rit; vt constet mundo, quia ipsa est *Puteus aqua-*  
*rum viuentium, quæ fluunt impetu* (non pedeten-  
tim) *de Libano*. Verissimè de hac Virgine S. A-  
madeus Lausanensis Episcopus: *In locis* (inquit)

Memo-



*Memoria sanctitatis eius dicatis, claudis gressam, cæcis visum, surdis auditum, mutis impetrat eloquium; curans omne genus languorum, præbensq; innumera Beneficia sanitarum. Accedunt ad eius limina mente capti, capite languidi, Phrenetici, Maniaci, arreptitij, nocturno phantasmate seu certâ Maligni incurssione delusi, qui receptâ sospitate, Divi Muneris largitatem assequuntur. Erige ad experimenta oculos, quisquis auribus lupum tenes; atque ex infra scriptis portentosæ sanationis exemplis disce, dulces semper, & vitæ fecundas è MARIANO Mari, non ut alibi amaras sterilesque peti aquas.*

1. Quod olim de Africa feraci Monstrorum Parente vulgavit Proverbium, illam semper aliquid parturire novi; id iustius corruptæ Humanæ adscribendum naturæ, quæ ubi primum peccato succubuit, fecundum ex inde in clades vterum tulit; & noxiâ delectata novitate, novos morbos, imò Monstra portentaq; morborum etiam nunc parit. Expertus id malo suo Anno 1614. Ioannes Villæ Łasczyna Magnifici Dñi Zakrzewski hæreditariæ Oeconomus; cuius novennem filiolum insolita agritudo, per tantam dolorum varietatem exercuit, ut ferale quodâ scamma explicuisse in illo videretur, Morborum inter se ac de vitâ pueri digladiantium.

In Bethsaida certi & pauci: in locis B. V. sacratis, omnes curantur.

S. Amadeus Homil. 2. de laudibus B. M. Virginis.

Puer vi morbi in delirium actus ita ut proprias carnes comederet, factu voto ad B. Virginem plenam sanitatem recipit:



Sed non diu ferre potuit hanc mali colluviem teneri corporis inualida compages: vnde siue atrocitate doloris efferatus, siue emotâ mente in rabiem actus puer, in seipsum dentibus sæuire, carnesque proprias, absorbente sensum excessu doloris, arrodere cæpit; futurus breui vorago sui ipsius & sepulchrum, nisi Paterna vigilantia effecisset, næ tam immanes dapes ferus comedo attingere valeret. Tandem deficientibus planè viribus, in mortem occaluit, & mortualis rigor triduo toto omnes artus possedit, exiguo duntaxat latentis animæ signo, quo interdum suspiria moliretur. Percussit omnes, qui luctantem cum morte puerum spectabant, triduaui illius agonis atrocitas; suadent proinde Patri, deuoueret Filium Deiparæ, & sistendum ante Imaginem Zdziesbouienssem, Curationum gloriâ illustrem appromitteret. Præeunt hæsitanti fide ac prece, fixisque humi genibus, vota concipiunt; & ecce Puer, veluti excusso veterno, in seipsum redire; durata fatali stupore membra, lentis iam flexibus tendere; & abactis omnibus quæ miserum cruciabant torminibus, plenam sanitatem occupare cæpit. Ita à Patre, Deiparæ gratiam prædicante, Zdzieseuum deductus, adorauit in Imagine Virginem, quæ sibi certior ab inferis reditum, quam Sybilla Æneæ, præstitisset.



2. Anno eodem. Quinquennis Puella Eua, de villâ Pieciszyce, quam Parentibus mortuis Generosa Anna Xieżyńska. miseratione orbitatis tacta, in alumnam receperat, sopore virgente in proximum stabulum secessit; & in stramine prouoluta secure somno indulsit. Erumpit interim è latibulo tortuosa aspis, & fronti dormienti lethalem aculeum infigit: quæ dolore ictum sequente excitata, postquam pendentem à fronte bestiam sensisset, auellere connixa, in maiorem furorem impulit; eò enim rabidior Aspis quia stringebatur, quâ nudum puellæ corpus in vultus patebat, aliquot iteratis morsibus eandem atrosit; sed præcipuè manibus ac pectori immedicabile virus inspersit. Mox enim Puella in liuidum colorem abire, ac grassante intus fusoque per venas veneno, grandi tumore fatiscere; ita vt amissâ hominis specie, instar dolij turgens, horrorem cernentibus incuteret. Non poterat cutis tenella, virulentam sustinere infectionem: unde impar malo, multis hiatibus findi cepit, quasi instanti morti tot portas quot vulnera aperiret. Restabat tamen modica vitæ portio, circa cor nondum malignâ lue afflatum residua: sed cum procul dubiò, tracturum hoc quoque contagia ab infectis iam membris crederetur, nisi potens Pericardion obstitisset; videns præfata D. Xieżyńska

Puella ab Aspi  
de morsa, & in  
star dolij tu  
mescens, sine  
vllis remedijs  
oblata ad Ima  
ginem, conua  
lescit.



ska alumnam suam extremo laborantem discrimine, implorauit ocyus auxilium Deiparae, facto ad Imaginem Zdziebouiensem recurſu; Sacratissimamque Virginem in remedium serpentini mortis aduocauit, quæ iam olim victrice calcaneo Tartarei Draconis caput obtriuisset. Mira repente rerum conuerſio; nam eodem penè quo fusæ humi cum cæteris præſentibus pias preces effudit momento, caput Puella inspiratum virus excutere; Moles noxi humoris, quæ corpus distendebat, detumescere; aqua intercutis abigi; species amissa reflorescere: vnde breui sibi vitæque reddita, deducente Patronâ D. Xiazynskâ, adiit remedij sui originem, Dei Parentem; ad cuius præſentiam non terrenorum modò, sed infernalium serpentum malignitas vanescit.

3. Anno 1616. Anaſtaſia Gostkowska Op-  
pidana de Mieyskâ Gorkâ, incidit in morbû contra omnia pharmaca peruiacem; quo in dies crescente, extremum diem inuenit, & ad illum ritu Christiano per Sacerdotes componebatur. Iam ægrè tenuem ducebat anhelitum; iam vix exili pulſu languescens tentabatur vena; iam fax mortualis in manus agonizantis data prælucebat itineri in totam æternitatem capiendò; & (quod pro maximo vicinæ mortis ſumebatur argumeto) adſtans Diabolus, exituræ mox animæ iminebat.

Mulier quæ  
iam agebat a-  
nimam, Bene-  
ficio Deipa-  
ræ è faucibus  
môrtis erepta  
est.



minebat, & immani horrore luctantem cum morte quatiebat. Domi interea discursus ad suprema officia vocantium, cum alij sindonem inuoluendo cadaueri parare, alij sarcophago struendo fabrum quærere, omnes prædamnatâ ægroantis vitâ, parentalia tantum curare. Dum in hac rerum vertigine, ac supremis conflictatur angustijs, nonnulli pij homines agoni illi præsentibus, præcox miserati fatum, ad Deiparam recurrunt; atque ut immites Parcas à rumpendo stamine cohibere dignetur, fiducialiter instant. Annuit illa votis supplicantium: recepto enim spiritu ægra, qui iam in mortis hærebat limine, desperatæ telam vitæ redordiri capit; & redeunte in languidum corpus vigore, sensim valentior, postquam integram resumpsit sanitatem Zdzieſeuum adiit; ac donatæ vitæ munus largitati Beatissimæ Virginis adscripsit; Testesque ac simul spectatores supremi sui luctaminis, Râdos Parochum & Ecclesiasten, qui agonizantem firmabât, adduxit.

4. Eodem Anno. Religiosa ac Deo dicata Virgo Elisabeth Piotrowska, Abbatisa Trebnicensis Monasterij, in quo sepulchrû S. Heduigis deuoto veneratiû cõcursu colitur varios lōgo tēpore perpeſſa lāguores, ita demum fractis viribus prolapsa est, ut in horas animâ agere videretur. Aberat diu-

V 3

turnâ

sup. videt  
-a. adage ma  
-ano. amia  
-ano. oia  
-ano. i. ar  
Abbatissa T. re-  
bnicensis ph ti-  
si consumpta,  
ad primum vi-  
gorem miracu-  
loſe redit.



turnâ extenuatâ tabe, & color, & species; cùm  
 cibi potusque subeunte fastidio, exhaustum cor-  
 pus, quotidie in præceps rueret; & fugiente ab  
 oculis somno, fessa negatâ quietis defectu mem-  
 bra, magis vacillarent. Accessit præterea fre-  
 quens syncope; quæ interceptis spiritibus vitali-  
 bus, sæpius languidam, præludendo morti, in  
 mortis imaginem componebat. Acciti quidem  
 ad ferendam opem Medici, tentauere artes suas,  
 verùm oneri magis quàm vsui fuere: siue quod  
 exangue corpus, multum iam restincto calore  
 naturali, præscripta pharmaca in salubrem succum  
 transferre non posset; siue quod incompertâ  
 morbi radice, circa extimum tantum patentium  
 symptomatum corticem, inanis medentium co-  
 natus sudaret. Sed neque peregrinis Thermo-  
 rum fomentis accersita sanitas; quæ tametsi ali-  
 quantum molliuerint exsuccum marcescentis cor-  
 poris rigorem; neutiquam tamen tam vegetis spi-  
 ritibus obstipos, & humidi radicalis vix aliquid  
 retinentes artus, imbuere poterant; vt animæ  
 vitæque seruandæ sufficerent. Mors ergo mo-  
 mentis timebatur: & quoties ægram subitus læ-  
 guor in deliquium soluerat, suprema complora-  
 tio, velut iam abeuntis Matris, toto claustro per-  
 sonabat. Decumbebat ita deserta à medicis, &  
 proximæ mortis expectatione defixa; cùm sube-  
 unte



unte memoriâ Imaginis Zdzieſeuiensis, cæpit aliqua titillantis ſpei paſci voluptate, & ita Deiparam alloqui: *Licet mihi ô Domina, mundus deſiciat, ut potè pridem conculcatus; ſi tamen Tui Filij, Tuâq; placeret voluntati, cuperem ad modicum prorogare vitam, ut ampliatis pœnitentiæ ſpatijs; plenius offenſum vitæ poſſem placare Auctorem; ſequor tamen in omnibus Diuinum, Tuumq; beneplacitû, futura perpetuâ gratitudinis rea, ſi per Tuâ ſteterit gratiam, ut gratam eſſe liceat.* His dictis ſenſit illicò arentibus membris nouum vigorem inſtillari, & in priſtinum florem potiore iam ſui parte emortuum corpus explicari. Statim igitur, ubi plenè conualuit; ad Eccleſiam Zdzieſeuienſem perſonaliter venit, ibidemque inter Miſſarum ſolennia, Miraculum reſtitutæ ſanitatſ publicè ex Cathedrâ promulgari petijt, & ipſa miraculi argumentum, Teſtis, Præcoque ſimul exiitit. Intonuit deinde læto Muſicorum fragore Hymnus Ambroſianus: & tandem ipſa actis gratijs, pretioſum Cymmelium gemmis adamantibusque inſigne, ad Aram Virginis, in teſſeram perpetuæ gratitudinis appendit.

5. Anno 1621. Famatus Thomas Ianuſewic, Ciuis & Fimbriator Poſnaniensis, anginâ tentatatus, primæ curationis neglectu, aperuit creſcenti inflammationi ianuam, quæ



Biennali angina vexatus, facto voto ad Imaginem, subito curatas fauces sentit,

quæ totis postea inardescens faucibus, & cibi & respirij liberam facultatem ademit. Non pepercit ille sumptibus, ut violentiâ suffocantis humoris leuaretur, & ultra quadringentos florenos prodegit in Medicos, qui strangulationis materiam, velut iniectum gulæ laqueum excuterent. Verum pretio non venit salus; emptaque tantis impendijs antidota, & cataplasmata, non restrinxere ardores, in Mortalem fauillam (nisi altior vis obstitisset) desituros. Biennium totum inter molestissimæ vitæ tædia, & mortis terrores decurrit; nec tamen mordax igneumque defluuium, quod velut vsucapione fauces occupauerat, deijci violentâ possessione potuit. Tandem lassus doloribus & sumptibus, patefecit sibi per deuota suspiria liberam spirandi viam: dum enim ipso Paschatis solenni die, prodigia Deiparæ ad Imaginem Zdziebowiensem patrata animo versat; salutemque suam illi deuouet, in partem prodigij, & ipse venit; solutasque subito tam longæ oblidionis hostilitate fauces persensit; prius penè curatus, quàm curari poposcisset: ut experimento disceret, quàm verè Beatissima Virgo *Præoccupat eos qui se concupiscunt*. Sine morâ igitur pio accinctus itineri, Zdziebowiam appropereat, & obstructum nuper, iam verò libero tractu patens guttur, in laudes ac præconia illius Virginis explicat, quæ iniecta sibi vincula detraxisset. 8.



6. Anno eodem. Generosa Domina Sophia Bystramowska de Grodziczno, fatali correpta ægritudine, ad extrema peruenit, & nequidquam valentibus medicis labentem spiritum medicamentis sistere, animam agere cepit. Cernebant omnes in extremo constitutam agone, lethali sudore madere; membra omnia supremo frigore gelari; pectus tumescens cum abeunte spiritu luctari; oculos nouissimo stupore defigi; vultum in diuersa mutatum, cadauero solo liuore inhorrescere; nec cuiquam amplius domesticorum, abruptâ omni spe vitæ, alia præterquam fune-  
ris cura. Aderat animam agenti, Religiosus Pater Benedictus Ordinis Minorum de Obseruantia, adiutor tremendi illius certaminis, à quo tota pendet æternitas. Hic excitus famâ Imaginis Zdziesbouiensis, triginta quinque & amplius leucis germanicis inde distantis, Deiparam, cuius potentia nullis arctatur spatijs, humili prece sollicitat: dignaretur in illis etiam regionibus monumentum misericordiæ statuere, ac ereptâ de faucibus mortis agrâ, *Matrem se viuentium* facto profiteri. Profuit aliena pietas supremis laboranti; & quæ suo iam defungebatur fato, alieni voti curata est suffragio: verâ enim repente Catastrophe, Thragicus ille Actus in Comicam hilaritatem desijt; cum agra duratos iam in mor-

Moribunda ab  
adstante Sacer-  
dote Zdzieszo  
uiam oblata, à  
morte libera-  
tur.



tem oculos lato lumine exporrexit, ac circumstantes insperatae vicissitudinis nouitate attonitos, ut Deiparae gratias agerent monuit; pauloque post resumptis plenè viribus, ipsamet Zdziebouiā per tot terrarum spatia venit; & narratā miraculi serie, in perenne Testimonium Argentum Anathema Imagini appendit.

7. Anno 1625. Honestā Hedwigis Molitoris de Villā Budzislawice coniunx, totis duodecim annis, quotidianam ferme, Comitialis morbi pertulit conuulsionem; à quā sæpius in vitæ pericula coniecta, præsertim si quando solam, & ab alijs abstractam, repentina sideratio strauit; quocirca adhibiti periclitanti custodes, ut familiari morbo inuadente, labentes spiritus idoneis fomentis instaurarent; ac næ graue illud quod toties recurrebat deliquium, in subitanæ mortis transiret delictum, celeri subuentione prouiderent. Quasita præterea abigendo malo remedia, opportunisque amuletis præmunita ægrā, iactus veluti limes, contra chronicos violentæ affectionis recursus: sed nullum tam potens ab Archiātris circumduci potuit ex arte Æsculapij vallum, quod non disijceret immanis Epilepsiæ insultus. Vnde toties elisa, & compressis vena-

rum

Mulier morbum Caducum  
12 annis passa,  
visitatā Imagine,  
plenè facta  
immunis.



rum meatibus mortiferè iactata, vires deniq; totaliter amisit, ac sensim diuturno languore contabuit. Docuit interim duodennis Patientia nunquam seram Pietatem, si sit seria: nam sentiens difficulter à Medica Facultate optatam prouenire sanitatem, à terrenis remedijs ad cœlestia animū vertit; reiectisq; alijs Epilepticis Herbis ac Floribus, in vnius illius Officinā totam spem defixit, quæ dicit: *Ego flos campi, & Lilium conuallium*. Nec spe suā excidit; factò enim piæ ad Imaginē Zdziebouiensem profectionis voto, ac mox persoluto, non redituram amplius ante aras Pijsissima Virginis deposuit ægritudinem; toto deinceps vitæ decursu, infestæ illi iactationi nunquam tentata, ac Epilepsiæ prorsus inexpertæ.

Cantic: 2.

8. Eodem Anno. Valentinus Kowalewski de Villâ Krzywino, foetidis vlceribus toto corpore erumpentibus infestus, in tam horridam abiijt speciem, vt & cernentium oculos deformitate spectaculi, & nares putidæ saniei nidore perstringeret. Aspernati proinde Incolæ spectrum illud hominis tabo diffluentis, siue contagionis metu, siue graueolentiæ offendiculo moti, omni illi recto ac diuersorio interdixerunt. Exclusus ergo consortio hominum, lobum pari morbo tactum æmulatus, in fimeto confedit; & cū vniuersi miserum abhorrerent, in illius Virginis tu-



Vir vlceribus  
scatens, à B. V.  
per somnum  
admonitus,  
paulò post cu-  
ratur.

telam se dedit, quæ nullâ cuiusquam tacta nau-  
seâ, etiam foedis scelerum obsitos carcinomati-  
bus non abhorret. Distulerat aliquantùm desi-  
derium supplicantis *Mater Misericordiae*, morari  
interdum protrahereque Beneficia solita, vt dul-  
cius sapiant diu expectata: Admonet tamen su-  
stinentiâ dormientem, apparens in somnis; naue  
moræ tardio grauetur, sed tarditatem largitionis  
in augmentum sumat deuotionis, benignèhorta-  
tur. Hoc veluti flabello excitus putrescens il-  
le Vlcerò, aggerat preces, multiplicat vota; do-  
nec longamini importunitate extorsit à Deiparâ  
munus redintegratæ sanitatis: desijt enim suppu-  
rare corrupta iam fluxaque caro; obducta sunt  
carne succrescente vlcerà; patulæ hiulci corpo-  
ris rimæ venêre ad cicatricem: ita serpentis in-  
morem, positis veteris pellis exuvijs, fastiditus  
omnibus æger, viuידam primæuæ speciei resum-  
psit gratiam.

Puella trien-  
nis moribunda  
resumptâ subi-  
tò voce, Ma-  
trem admonet  
vt vota pro  
suâ sanitate ad  
Imaginem  
Zdziszouie-  
sem nuncupet.

9. Anno 1627. Magnifica Domina Ursula  
Strzelecka Filiola triennis nomine Sophia, totis  
duodecim Septimanis graui morbo quassata, tan-  
dem impare ferendis doloribus corpusculo, in  
lethalem languorem fatiscere cepit: dirigère  
exhausto sanguine artus, vultus liuido corpore in-  
horruit, oculos suprema caligo extincto lumine  
attrahit; sola tantum tenuis anhelitus indicia so-  
laban-



labantur Matrem, manentis animæ vestigia an-  
cipiti fiduciâ spectantem. Verùm & hæc sola-  
tia corruptis subsequutum nouissimi agonis spe-  
ctaculum; cùm ad extrema deducta Puella, pa-  
lam supremum moliri spiritum, pectore conuul-  
so caput. Tum verò mater, victa doloris ma-  
gnitudine, linqui animo, & luctanti cum morte  
Filiolæ panè commori; sed admonita à duobus  
Patribus S. Francisci strictioris obseruantia, qui  
ultimo illi agoni præsentibus aderant, vt factorum  
vices aquâ mente ferret, nec Dei voluntati inu-  
tili questu obniteretur; ponè agonizantis lectum  
sternitur ingenua, Deum suppliciter precata, vt  
saltem lenitis doloribus, puellam lento obitu, ac  
optatâ quondam Iulio Cæsari Euthanasia, absu-  
mi pateretur; nam per tanta tormina, innocentem  
animam immites Parca exigere. Mira subi-  
tò rerum conuersio: Puella, quæ hactenus sui  
impos sine sensu iacuerat, cùm vix fari per æta-  
tem posset, sublatâ repente voce, Mater Mater  
(inquit) pone dolori modum; ego enim super-  
uiuam, & pristinam recipiam sanitatem, dum-  
modò ad Imaginem Deiparæ Zdziebouiensem si-  
star. Visa Diuino afflantè spiramine loqui; nam  
cùm tot, alias vota pro salute eius nuncupata fue-  
rint, ad Ecclesias miraculorum præconio celebres;  
imò aliqui angores Matris miserati, conciliando



Quibus nun-  
cupatis mirabi-  
liter conuale-  
scit.

Quantæ affe-  
ctiones Puel-  
lam hanc pres-  
serint?

Numini, annua sibi ieiunia Sabbathis subeunda indixerint; Locus tamen iste (quem Deus ac Deipara saluti Puellæ destinaverat) omnium memoriam effugerat. Curritur ergo statim à Matre, vix iam gaudia sua capiente ad Templū; ibidemque à Religiosis, qui supremæ luctæ interfuerant, Eucharisticon Sacrificium solenni ritu peragitur; accenso in honorem Sospitatricis Diuæ grandi cereo, quem læta Mater ad pondus rediuiuæ filiolæ formari curauerat: cumque post precum ac votorum solennia domum redeunt, sanam integrè ac vegetam, & (tanquam victæ morti insultaret) festino risu renidèrem Puellam inueniunt; quæ iam omni spe profligatâ, iudicio spectantium, in non dubiam Libitinæ victimam signabatur; adeò vt veluti fato functæ, & mortualia Linreamina, & nouissimum abluendo corpusculo balneum pararetur. Tanto agmine diuersæ morborum species in teneram hanc Puellam irruerant, quantum robustissimo cuique conficendo par esset: nam præter continua malignæ febris incendia, acuti laterum dolores, cordis palpitatio, viscerum diri laniatus, egestionis difficultas, & sparsa toto corpore mortis prodroma impetigo, excidium illius maturabant. Cessit tamen euanido impetu tota hæc Dolorum acies, postquam MARIANA dextera suppetias deficiente



cienti tulit: vnde grata Parens, non multò post,  
incolumem Natam, velut opima de inimicâ mor-  
te rapta spolia, ad Aram portentosæ Imaginis  
stitit.

10. Anno 1628. Anna de Posnaniâ, Bartholo-  
mæi Fimbriatoris coniunx, Erisypelate correpta,  
(cui morbo rubor ex ardore accensi sanguinis  
proueniens vulgò Rosæ nomèn dedit) seu ne-  
glectu tempestiuæ curationis, seu præualente co-  
piâ maligni humoris, eò deuenit; vt non modò  
corruptis genis, omnem vultus florem ac speciẽ,  
sed mentem insuper, præ magnitudine doloris  
amiserit: nam subeunte cerebri vertigine, quam  
illa acutorum vaporum causabant suffumigia,  
impos sui facta, delirantium more bachabatur; ac  
emotæ mentis manifesta signa dabat. Accedebat  
horror immutatæ faciei; quæ tabo exesa, ac icho-  
rosi profluij acredine velut in spongiam redacta,  
verius spectri quàm hominis imaginem præfe-  
rebat. Tam atroci malo, cum tres integras heb-  
domadas laborâssent, extra omnem rationis vsum  
posita; contigit aliquandò lucido occurrente in-  
teruallo reddi sibi, ac Imaginis Zdziekouiensis  
reminisci: illic primùm agnitæ miserix tacta sen-  
su, in lacrymas solui, ac Matrem Misericordiæ in  
auxilium precibus & suspirijs euocare; pacta pe-  
destrem ad Imaginem eius peregrinationem, si  
inde-

Mulier cui Ro-  
sa faciem, imò  
& mentem cor-  
ruperat: de be-  
nignitate Dei-  
paræ vtrumq;  
recuperat.



Psal: 9.

indemnem se liberamque à tam graui morbo præstaret. Nec spreuit vota supplicantis Benignissima Virgo, etiam *desiderium pauperum ac preparationem cordis eorum* exaudire sueta: sequenti enim statim nocte, dum remissis paullulum doloribus, liberalius somno indulget, sensit foedas quæ vultum insederant squammas, occultâ vi sibi detrahi; cauos depasti oris sulcos, nouâ carne impleri; & formam habitumque primæui decoris, deperditæ faciei redire: quodque omnium instar erat, pulsus læsi cerebri erroribus, animû ad rectè intelligendi Munera expandi. Experimenta, cum non vanos fuisse somni lusus, sed veram Deiparæ gratiam experimento didicisset; mox comitante marito Zdziesbouiam properauit; ibidemque facti lerie coram Notario publico expositâ, quantâ & quàm facili medendi polleat facultate Beatissima Virgo, gratissimo Præconio eunlgauit.

Infantulus breui à natiuitate comitiali morbo iactatus ad Imaginem voto, plenè liberatur.

II. Anno 1631. Comparens personaliter in Ecclesiâ Zdziesbouienſi Generosa D. Susanna Iachtorowska, recognouit gemina Beneficia Filio lo Magnifici Dñi Ioannis de Szoldry Szoldrski à Deiparâ præstita. Hic vix dum quatuordecim hebdomadas natus, fonticum passus est morbum, tanto impetu elidentem; vt intra breue tempus, quinquaginta & amplius symptomatum conuulsiones



fiones pertulerit. Abiecerant omnes spem vitæ, tot Epilepticis iactationibus attrita; imò aliqui miserabili patientis pueruli ad misericordiam flexi spectaculo, celerem eius obitum, (næ diutius in sua tormenta duraret) precabantur. Sola præfata Domina. altiore erecta fiducia, ausa est remedium in coelo circumspicere, quod tellus negabat: humi proinde fusa, opem Beatissimæ Virginis, concepto ad Imaginem Zdziebouiensem voto, implorat; & repentinum solatium piè improbæ spei, contra omnem spem niti ausæ obtinet: remisit enim Diuinitus domita sacri morbi sæuitia, conquieuere arreptitij insultus, solutusq; totaliter valetudine infans, nunquã deinde Herculeo malo laborauit. Verùm crescēte ætate, maius idē Puer incurrit periculū. siquidē bienniū vitæ agens, serpente circum pestilentiā, ab incautā nutrice hausit cōtagiū; quæ cū occultò luem illā contraxisset, ac pestiferis iam vlceribus scateret, non cessauit tamē lactenti propinare ab vberibus virus; donec erumpētibus palā bubonibus, Epidemiæ manifesta, atque Aulā pulsa, haud multò ante lactare puerum desijt, quā viueret. Tum verò inopinato icti discrimine trepidare Parentes, næ alumnus nutricis suæ inuolueretur fato; quibus tamen ademit metum, atque ingerebat confidentiam, prægustata iam MARIANÆ opis dulcedo; &

Y

vadi.

Idem biennia  
factus, pericu-  
lum pestis, quā  
infectus à Nu-  
trice fuerat pa-  
ri spōsione fa-  
cta euadit.



vadimonium fuit futuri, succursus anterior. Iterum ergò concipiunt ad Imaginem Zdziesbouiensem vota, & periclitantis Filioli vitam in sinum *Matris viuentium* deponunt. Nec ausa mors aggredi tali custodiâ septum; euanitque sine noxâ, tota illa infectio, quam Nutrix instillauerat. Cuius gratiæ grati parentes, aureum torquem in anathema perennis memoriæ, Partheniæ Imagini appenderunt.

12. Anno 1632. Matthæum Honesti Adami Cmetonis de Villâ Wilkowice filium, diri inuasere cruciatus, morbusque tot diuersis coeuntibus morbis complicatus; ut non tantum medentium curationem, sed rationem excederet. Carpebatur occulto igni, verum fomenta omnia dedignante; & sensim tabescens, usque intertium decimum annum, non tam vitam protraxit, quam lentam mortem; sine salute saluus, & in tantâ conspirantium dolorum cateruâ, malè incolumis. Mors tam ipsi quam spectantibus leuissimum malorum visa, ut potè maioribus malis terminum (si properaret) positura; optima incogniti Medicis morbi Medicatrix. Protraxit tamen illi Parca miserabilis vitæ flamina, aliquando ad texendam MARIANÆ Gloriæ telam assumenda; quæ supplicem toties sibi ægrum idcirco distulit sanare, ut laborantem supremo abeuntis spiritus con-



conflictū, gloriōsius posset resuscitare. Veni-  
tur ergo ad extrema, & post diuturnam plusquā  
Troiani decennij obsidionem, expugnatur tan-  
dem ægri vita, tot tormentis quassata. Hic iam  
M A R I A N I S suppetijs debebatur campus, vt  
quæ noluerat remouere languorē, fugaret mor-  
tem. Nullus consumptis (vti apparebat) viri-  
bus, ægro aderat sensus, nulla viuentis species;  
cū mœstus Pater admonitu nonnullorum, tri-  
duanum ieiunium, & deuotam ad Imaginē Zdzie-  
bouiensem, vnā cum filiolo (si viuum recipere li-  
ceret) peregrinationem spondet. Mota est Dei-  
para pietate spondentis; & Filium, quem aliquot  
Olympiades varijs doloribus exercuerunt, non  
solum ē faucibus mortis eripuit, sed valentem,  
omniūque deinceps quæ pertulit Pathematum  
immunem, Patri reddidit. Ita vterque Parthe-  
nio Beneficio, suoque voto tracti, promissum iter  
fulcipiunt; & M A R I A N Æ Gratia, facundos  
vbique Pracones agunt.

13. Anno 1638. Generosa Eua Milonska, vni-  
co tantum foecunda Filiolo, dum solatium spes-  
que suas in illo defigit, repente velut percussus  
vredine flosculus, marcescere capit. Occupaue-  
rant puerum strumæ, tam denso agmine totum  
in corpus diffusæ; vt ademptâ hominis formâ,  
membrisque omnibus pustularum lentore obdu-

Puer pustulis  
laborans, & ob  
ipsarum in il-  
lū in fauce  
suffocari ca-  
ptus, inuocant  
Deiparæ ope,  
morti eripitur  
imminenti.



Tribus septi-  
manis non co-  
medit, nec bi-  
bit,

Etis, velut loricatus puer purulento callo cerne-  
retur. Nec quidquam abigendo malo profuit,  
siue Matris sollicita cura, siue medentium indu-  
stria; cum nimia peccantis materiæ regurgita-  
tio, quotidie maioribus crustis incresceret; eò-  
que deuentum, vt tumescente ex fluxu crassi hu-  
moris collo, coræquatum trunco caput, veluti  
subductâ ceruice, accreuisse corpori putares.  
Accessit ereptum oculis lumen, subtracta ori lo-  
quela, & (quod plurimum periculi pariebat) ob-  
selsis ingenti strumarum copiâ faucibus, nega-  
ta edendi facultas: tres enim integras hebdoma-  
das cibi ac potu experts, vitam absque vitæ nu-  
trimenti extraxit. Conclamatum ab omnibus  
fuerat de vitâ Pueri lentâ tæbe pereuntis: sola  
Mater nescio quo altiore erecta spiritu, despe-  
ratissimo in casu, improbam spem fouere, & de-  
ploratam Filij vitam, siccis oculis transmittere.  
Expressit tamen lacrymas visus deficientis Pue-  
ri supremus agon; quo tandem perculsa, seces-  
sit inconclauē, vt liberius frena dolori laxaret:  
adhuc tamen animi speique retinens, humi pro-  
uoluitur, & *Matrem Misericordiæ*, vt Matri Mi-  
seræ succurrere dignetur, supplex implorat. Re-  
misit statim post emissâ ad Imaginem Zdziebowi-  
ensem vota, præcipitis morbi insolentia; stru-  
maticaque illuies, velut occluso fonte arefcere,  
& in



& in leues crustas tenuari sensim cæpit. Nec diu post integrâ potitus sanitate Puer, in multò viuidiorem iuentam effloruit: adeò illæsa manente venusti oris gratiâ, vt post cauos illos hiatus, qui vniuersum corpus pertuderant, næ vestigia quidem pustularum, obliteratis penitus sulcis & cicatricibus, apparent.

14 Anno 1641. Magnificus Dñus Ludouicus de Krzycko Krzycki, incertum quo pacto intoxicatus, vbi haustum per medullas virus ijt, variorum & vehementium dolorum, orchestra factus est: imprimis tamen aquâ intercute laborauit; quæ pedibus primùm illapsa, mox omnes peruagata artus, adeò lurido colore hominem iniecerat, vt viuens cadaueris simulachrum circumferret. Vocabantur in auxilium, vt quisque Medicorum famâ & arte inclytus; accersebantur peregrino edita sub cœlo alexipharmaca; & in vnus salutem, oriens occidensque submissis antidotis laborauit: sed latius iam nocentis aquæ gurgēs inundauerat, quàm vt terrestrium medicinarum obiecto aggere fisti posset. Crescebat in dies cacochymia, crescebat pariter discrimen & metus; morte præsentaneâ eiusque causâ in visceribus semper hærente. Ita biennium transiuit, inter atroces sæuientis hydropis dolores, & continua formidata mortis supplicia: donec tan-

Nobilis veneno infectus, & per triennium varios dolores passus, auxiliante B. V. à periculo præsentaneæ mortis saluatur.



dem æger irritos Medicinæ fastidians conatus, efficaciorē propulsando morbo inuenit Receptam, postquam se ad tutelam Deiparæ felici confugio recepit; & pacto visitandæ Imaginis Zdzieſſouienſis illigauit. Sensit breui omni Bezoardico potētius Beatissimæ Virginis auxilium; nam profligata veneni malignitas à corde (cui imminebat) cæpit sudoribus discuti; dolor remitti; hydropicus tumor vanescere, & fugato liuore, qui totum corpus fuscauerat, natiui ruboris venustas pedetentim redire. Vt primū ergo plenam resumpsit sanitatem, Largitricem sanitatis in prodigiōsâ Imagine signis coruscantem, præsens adorauit.

Mulier triennio caducum morbum passa post vota visitandæ Imaginis facta liberatur

15. Anno 1645. Honestæ Anna de Krolikowo, triennium morbo Herculeo laborans (quo sæpiſſimè elidebatur,) posteaquā ad Imaginem Zdzieſſouienſem à Rūdo Adamo Małachowski Parocho loci, cruciatus eius miserante, oblata fuit; libera deinceps ab illo violentorum insultuum e-culeo extitit. Sed abscedente morbo caduco, qui corpus quaterere solebat, mens leuiusculæ mulieris, damnosiore paroxysmo cōcidit; cū ei turpissimā ingratitude, memoriam Liberatricis, & votiux peregrinationis aboleuit. Non tulit Deipara crassum hunc veterum; atque vt immemorem in sensum expertæ Gratix reuocaret, & veluti  
adacto

Sed executio-  
nem voti differe-  
rens grauiori  
morbo percussit.



adacto stimulo, ad præstandum quod stipulata fuerat, leniter impelleret; immisit nouam ægritudinem, quæ omnes ingratae foeminae poplata artus, ita prostrauit; vt per hebdomadam voce, lumine, cibo destituta, parùm abesseret, quin obliuiosam Lethen, Lethæo fluuio expiaret. Cæterum infirmitas illa non erat ad mortem, sed ad maiorem Clementiæ MARIANÆ ostensionem; iterùm enim alienâ pietate allaborante, sponsio adeundæ Imaginis nomine ægrotæ concipitur, & iterùm fugato morbo deplorata vita recipitur; recurrente simul turpi neglectu vesanae mulieris, quæ bis acceptam prodigiôsè sanitatem, nâ vnâ quidem gratiarum actione, referre Largitrici curauit. Potentior ergo admouendus fuit aries, vt cōntumacia Foeminae expugnaretur; quæ tandem mortiferis tertium correpta doloribus, serò ast seriò agnouit, *nunquâ impune illudi Diuos; vberimisque lacrymis noxas eluens, & Matrem Misericordiae propitians, aliorum etiam suffragia, ad conciliandam ipsius gratiam implorauit. Valuere apud Clementissimam Dominam interpositæ preces; quæ magnanimi instar leonis contenta strauisse corpus, postquam mulier gratum resumpsit animum, resumpsit & Virgo Beatissima suetam miserandi gratiam; vitâque donauit extremam merentem.* Quocirca poenitens erratorum mulier,

Repetito iterum voto, iterum sanitatem resumit.

Tandem tertio ingrata, & rursus castigata, seriò resipiscit.



Votumque  
reddidit valeru-  
dine deuotè e-  
xequitur.

# MAGNALIA

lier, tantò maiori Pietatis sensu Deiparam in suâ Effigie adorauit, quantò magis supplicio obnoxiam (exigente ingratitudine) quàm Beneficio idoneam sese fuisse agnouit.

16. Claudat hæc fugatorum repente absq; naturæ & Artis medicantis adminiculo Morborum prodigia, emerit Societatis IESV Sacerdos Ioânes Bułakowski; qui personaliter comparens in Ecclesiâ Zdziebowiensis, & Austrici vitæ, vitam se multis nominibus debere professus, specialibus tamen specialem adhuc in cunis à Deiparâ obentam gratiam deprædicauit. Natus ille est (viretur) Anno 1625. sed immaturo in lucem editus partu; quod & infantilis corpusculi exilitas, & fluxa nec debito vigore solidata probabant membra. Vnde veriti Parentes næ statim de vtero transferretur ad tumulum; cùm modica vel pænè nulla protrahendæ mortalis vitæ spes superesset, eâdem statim horâ, meliore genesi, in immortalem regenerandum per baptismum curauerunt. Superuixit tamen per aliquot hebdomadas, morbido semper affectoque corpore, vtpotè rudimentum magis hominis, quàm hominem, in exoticâ pusillæ staturæ nouitate exhibens; donec paulò post, orto in faucibus grandi vlcere, ac intercepto alimonie, vitalisque auræ commercio, extremum vitæ discrimen adiit. Iam

com-

Infantulus  
immaturo natus,  
& vlcere  
in faucibus hæ-  
rète oppressus.



compressio intus spiritu, distentum ac tumens æstuabat pectus; abireque animam crebri conuulsorum viscerum subsultus, trepidæ venæ, vultus mortuali pallore liuescens, testabantur; cum vnus è fidentibus famulis, misertus seu afflictionis Parentum extra se præ dolore positorum, seu præcociis Infantuli præcociori fato succumbentis, procumbit ingenua; & Deiparæ agonizantis pueri salutem magnâ cum fiduciâ commendat; voto nuncupato sese pedestrem peregrinationem ad Imaginem Zdziebowienssem obiturum, & illuc puerum proprijs in brachijs delaturum, dummodo M A R I Æ benignitas præstare dignaretur, vt sanus & incolumis deferri posset. Adhuc in supplicantis labijs piæ errabant preces, & ecce infans nutricis sustentatus gremio, attollere leniter caput, & veluti cum sputamine luctans paululum acclinari; adiuuit excreare nitentem nutrix; cum subito rupto vlcere, ingens noxij puris copia, quæ Infantem strangulabat, effluxit, & reddito spirandi vsu, labentem spiritum restituit. Latus igitur successu votorum suorum Famulus, & læti nuntij portitor ad Parentes aduolat; ac Filium quem malè in mortem genuerant, melioris Genitricis ope in vitam renatum edocet; illius nimirum, quæ toti humano generi vitam salutemque peperisset. Vnde mox sublatum (vii

Z

voue.

*A Famulo in  
Deiparæ misericordiâ confidenti ad eius Imaginem oblatum, rupto vlcere mirabiliter sanatur.*



vouerat) Infantem, comitantibus Parentibus ad  
Aram Zdziebouiensem detulit; actisque Deiparae  
gratijs, mirabilem medendi methodum, quâ in  
curatione paruuli vfa est, debitâ laudatione ex-  
tulit.

Conspirent iam vt lubet illa Erebi monstra;  
ac *Terribiles visu formæ, letumq; dolorq;* cōeant,  
in vnum tot morborum agmina, ex nobis in e-  
xitium nostri pullulantia: securus à noxio mane-  
bit ictu, quisquis Virgineo armatus Patrocinio,  
tam irruenti morti, quàm eius velitibus ac emis-  
sarijs morbis, hunc plusquam Vulcanium Cly-  
peum opponet. Subit hîc in mentem aptissimum  
institutæ narrationi Symbolum, *Clodouæo* Fran-  
corum Regi vsurpatum: depingi ille in argumen-  
tum fiduciæ, quam in solo Numinis auxilio locâ-  
rat, iussit duas manus in habitum supplicem cō-  
positas, & ad superos obuertas, duabus alijs hinc  
inde sustentantibus; adiectâ Epigraphe *Tu-  
tissimus*. Allusit (vt opinor) ad exemplar Israe-  
litici Ductoris Moyfis, simili olim manuum ex-  
tensione Amalecitas debellantis: pugnante enim  
contra Hostem Iosue, ipse in excelsum montem  
progressus, validissimas manus in subsidium nu-  
tantis Israelis tunc submisit, cùm suas precabun-  
das in altum leuauit: quocirca nâ lassis ac deci-  
duis Moyfi manibus, victoria simul concideret;  
adsti-

Symbolum  
Clodouæi Frâ-  
corum Regis,  
duæ manus in  
altum proten-  
sæ.



adstites hinc inde Aaron & Hur, sustentabant  
 totius Exercitus fortunam sustentantem, ac extra  
 praelij discrimina orando vincentem, O quantæ  
 in nostrum atque ruunt ægritudinum phalanges,  
 nostris stipendijs contra nos belligerantes! quan-  
 ta è corruptæ naturæ intemperie, peccantium hu-  
 morum prorumpunt examina! ac illud ipsum per-  
 ditum eunt corpus, quo fouentur! Et quænam ob-  
 secro reprimendi domestici huius hostis ratio?  
 Profectò nullum hîc tutamen in armis; herbarum  
 quoq; ac medicaminum potentia vana: solus ille  
*Tutissimus*, qui supplices ad Deum & Deiparam  
 tendens manus, Dexteram Domini in auxilium  
 suum precibus accersit: ille *Tutissimus*, qui terre-  
 næ diffusæ tutelæ, sub ymbra Virgineam (feli-  
 ciùs morbos omnes, quàm olim ymbra Petri dissi-  
 pantem) prouido recursum confugit.

Accommoda-  
 tur Protectio-  
 ni Beatissimæ  
 Virginis.

## C A P V T VIII.

Selectiora Exempla illorum, qui  
 diuersis conflictati periculis, ac o-  
 mni auxilio destituti, solâ Deiparâ opitu-  
 lante euaserunt, postquàm se voto ve-

nerandæ Imaginis Zdzieſzouiensis  
 obstrinxerunt.

**E**X quo Nos mortales nouerca potiùs quàm



Parens Natura in mundum non tam edidit, quàm  
 eiecit; Ludibrio statim Fortunæ, insultui caluum,  
 continuæ periculorum vndique imminentium for-  
 midini, nudos inermesque obiecit. Ille natalis  
 dies, qui primus nobis communem hunc propi-  
 nauit aerem, fatalis simul fuit; & aeris instar, nim-  
 bos ac tempestates, innumeraque discriminum  
 fulmina, in caput nostrum ruitura, parturit. Hinc  
 viuimus præsentium anxij, futurorum pauidi, ad  
 subitos fatorum ictus intecto latere expositi, ex  
 incerto semper euentuum pendentes; & dum alie-  
 nis casibus adstupefcimus, nostrorum expectatio-  
 ne attoniti ac consternati. Nec vlla securitatis  
 parandæ ratio, vbi vndique technæ, vndique cir-  
 cumstant insidiæ. Mundus alliciendo decipit;  
 Lubricum mortalitatis, per ipsas vitæ blanditias  
 vitâ subruit; Elemēta dū famulari vñbus nostris  
 creduntur, occultâ conspiratione in clades nostras  
 armantur. Creaturæ denique in *Muscipulam fa-*  
*cte pedibus insipientium*, seruiendo sæuiunt; & a-  
 mando in speciem hamant, ac in exitium trahunt.  
 Ita in hoc mundano orbe, nil nisi volubile; ni-  
 hil in terrâ, nisi infirmis ac citò arefcentibus ra-  
 dicibus nixum. Momento vertitur sæculi huius  
 mare, & vbi modò luserunt nauigia, subitò mer-  
 guntur. Sapienter Actiuæ sapientiæ facilè Prin-  
 ceptis, & sequendorum cauendorumque optimis  
 Magi-

Sapient: (4.

Nihil in hoc  
 mundo securi  
 cum ipsa secu-  
 ritatis auxilia  
 in metum trahunt.



Magister Seneca: *Sine hoste* (inquit) *patimur hostilia, & cladis causas, si alia deficient, nimia sibi felicitas inuenit.* Subdit deinde, quò magis trepidas humanæ vitæ inter ancipitia hærentis denuntiet curas: *In ipsis voluptatibus causæ doloris oriuntur; bellum in mediâ pace consurgit; & auxilia securitatis in metum transeunt.* Nulluminè quæso tanto discriminum agmine circumuentis, ac tam variâ occultorum hostium obsidione pressis euadendi subsidium? nullum ad piscendæ immunitatis restat asylum? Torlit quondam hæc cogitatio Sapientissimum Regum Salomonem, qui interrogatus à quopiam periculorum scientissimo, Quinam in mundo locus esset Tutissimus? post longam cunctationem tandem *Tutissimum esse Sinum Matris* respondit. Et verè profectò: nunquam enim Infans materno reclinis in gremio, absque Materno periclitari potest periculo; quæcumq; discrimina puerulum premunt, Matri prius incumbunt; cuius anxia sollicitudo, firmandæ nati securitati Mænium vice est; elidens oppanso pectore contorta ab inimicâ sorte tela, næ infantem noxio ictu feriant. Non tamen omninò terrore vacat etiam amantissimæ Matris sinus, tot infantibus in gremio Matrum peremptis, ac quotidie leuissimâ ex causâ, intempestiuo abortu pereuntibus. Sola illa *Mater pulchræ Dilectionis,*

Salomon interrogatus quis locus esset tutissimus, respondit quòd sinus Matris.

Ecclesi. 24.



Sed hoc de So-  
lo Generalis  
nostrū omniū  
Matris Deipa-  
ræ sinu verifi-  
catur.

Cant. 8.

Guil. Abbas,  
in dictum Cap.  
Vbera M. V.  
dicuntur Tur-  
res, quia nu-  
triant, & mu-  
niant.

quæ Deo in mundum edito, communem se mor-  
taliū Parentem vocari non erubescit; quoscun-  
que amico sinu excipit, extra omnem fortunæ a-  
leam, extra periculorum insultus ponit. Securus  
fatorum minas, mundi vicissitudines, versatiles  
ancipitis fortunæ rotas, structosque in fraudem  
suam laqueos, ex alto ridebit; qui tam Nobilis  
Matris sustentatus gremio, ipsam Virgineæ emi-  
nentiæ altitudinem, securitatis suæ habet cautio-  
nem. Quisnam enim uerò casus impugnare au-  
deat validissimo MARIANI sinūs munimine  
tectos? Ego (inquit) *Murus, & vbera mea sicut  
Turris*: Verè murus Adamantinus: quia nimirum,  
asserente Guilelmo Abbate, *Deipara ita est Ma-  
ter ad nutriendum, ut sit Murus ad protegendum,  
& Materna eius Pietas, quos munit, etiam nutrit*.  
Non hîc ferrum, non ferro potentiùs nocentiùs-  
que aurum, in damna cuiusquam eualescit, (cui  
tamen olim ahenea Danae turris facilè cessit,)  
Fremant licet serpentino formidabiles crine Eu-  
menides; ringatur Triceps Cerberus, & famelicos  
dilatet rictus; ruant in perniciem vnanimi con-  
sertæ furore, & dira Erynnis, & ferax bellorum  
Enyo, & quidquid monstrorum in noxam mor-  
taliū alit Orcus; aut obliqua successibus huma-  
nis parturire discriminum assuevit Fortuna; ad  
solum Virginei huius muri conspectum insolent-  
tespo-



res ponent animos; & sub Fortalicio Turræ  
 Matris, Fictâ Berecynthiâ potentioris, consum-  
 ptâ inaniter rabie, rabescunt & expirabunt. *Sicut*  
*latantium omnium habitatio est in te*, (canit  
 Psaltes) vel iuxta Hebræos, *Sicut Tibicinum*.  
 Quidni lætitiâ diffuant, & Triumphalibus tubis  
 concrepent, admissi ad Moenia Virginea Clie-  
 tes? Siquidem de iniquitate fortunæ, de impo-  
 storis mundi fallaciâ, de continuis aduersorum  
 casuum aggressionibus, illius ope faciles repor-  
 tant Triumphos: quidni vacuum curis ac metu  
 pectus in liberrimam hilaritatem, reas vero tor-  
 gratiarum linguas in laudes Deiparæ soluant?  
 quos tanta lux serenat, ac discussâ periculorum  
 nocte, felices sine nube dies ire facit. En vel  
 in vnâ Zdziesouienſi Basilicâ, quantæ resonant  
 Buccinantium MARIANA trophæa populo-  
 rum voces? quantis latantium plausibus Aula  
 illa perstrepat? Exprimit hoc à gratis cordibus  
 debita Virginei Patrocini suauitas: illuc enim  
 mærore pressi, causam lætitiæ; periclitantes se-  
 curitatis vadem; in præcipitia casuum acti cer-  
 tissimam salutis suæ tenent sentiuntq; vindicem.  
 Aduerte paulum oculos, ad pauca hæc, quæ at-  
 rexo MARIANÆ Tuitiois exempla, fateberis  
 (quisquis es) cum Sapiente: *Quia non habet amari-*  
*tudinem conuersatio illius, nec tædiū cōuictus illius,*  
*ed lætitiā & gaudium.*

Psal: 85.

Sub vmbra B.  
 V. qui habitât,  
 omnes læti,  
 quia à pericu-  
 lis liberi, & ad-  
 uersis.

Sap. 8.

1. An-



Tacta fulmine domus, & flammis correpta, mirabiliter post emissum votum ab incendio liberatur.

1. Anno 1605. Iplis Rogationum diebus tonante cælo, excussum fulmen Gmethonis cuiusdam horreum in villâ Guminice incendit: corripuere flammam vicina stabula & mapalia; quæ cum rusticanæ propius admota essent domui, etiâ huic non dubia ex contiguitate imminebat fauilla, arido præsertim stramine (quo rurales teguntur casæ) copiosum igni pabulum ministrante. Tum verò Mater familias inter sinuosa populatricis flammæ deprehensa volumina, damnatam se ad rogam sentiens, Deiparæ auxilium (omni prorsus deficiente auxilio) supplex implorat; & strata humi votum adeundæ Imaginis Zdziebouiêsis nûcupat. Oblitus est virium suarum, coercitus à Beatissimâ Virgine ignis; & innoxia flamma stramineos allumbens manipulos, ita ad amicas sibi stipulas hæsit, compressa nariuâ ingluuie; ac si in Asbestum, Amiantum, Adamantemq; notos Vulcaniæ potentia incidisset contemptores. Certè non felicius olim lignea Archelai Turris, superfuso ferruminata alumine, iniectas à Syllâ Felici missilium ignium sustinuit tædas; ac circumdatis vndique aridorum sarmentorum securè insultauit pyris; quàm humile, sed MARIANA virtute solidatum tugurium, de fulminei ignis rabie tunc triumphauit.

2. Parem deigne victoriam fufis pariter ad Deipa-



Deiparam precibus, Honeſta Eua inquilina Villæ  
 Soſnia, Anno 1612. obtinuit; huius enim domus  
 iſta fulmine, ac ſequentibus iſtum inuoluta flam-  
 mis, tutò tamen, Salamandræ aut Rubi Moſaici  
 inſtar, media inter incendia durauit, poſtquam  
 illam Virgineæ Tutelæ fiducialiter cõmiſit. Nul-  
 lus in procinctu aderat, qui concepto iam, & am-  
 pliùs graſſaturo incendio, vltrices manus inije-  
 ret; ac voraciſſimi Elementi inſolentiam, obiecto  
 aquarum flagello caſtigaret: ſola inuocata Dei-  
 paræ mentio, tantum effecit, vt reuerentiâ illius  
 frenatus ignis, repente de ſolitâ edacitate remi-  
 ſerit; & modicis duntaxat ambuſtionis relictis ve-  
 ſtigijs, à depaſcendis ædificijs, mirabili abſtineren-  
 tiâ temperauerit. Impleuit tunc Beatiffima Vir-  
 go, vim ac myſterium Elogij illius, à Spiritu San-  
 cto dictati, quo *Turris Eburnea* appellatur: vt e-  
 nim ſuperpoſitus ebori pannus lineus (ſi Philippo  
 Abbati credimus) ſine noxâ iniectos ignes ſulti-  
 net; & carbone viuo deſuper vrente, tela ſubie-  
 cta aduri, flammamque concipere nequit, Ebo-  
 ris occultâ qualitate, veluti panopliâ violētâ igni-  
 um propulſante; ita Domus piæ Mulieris, ſimul  
 ac in protectionem Deiparæ recommendata con-  
 ceſſit, *Turris Eburnea* virtutem perſenſit; & Ful-  
 men, Cyclopum procuſum caminis, ac illuſ pedis  
 ſequâ flammam, ſeruata omnimodis integritate de-  
 ſpexit.

A a

3. An.

Alia itidem  
 domus ſimili-  
 ter de celo ra-  
 cta, nullo ad  
 extinguendas  
 flammâs accu-  
 rente, ſolâ Dei-  
 parâ inuocata,  
 illaſa manſit.

Cant: 7.

Philip: Abbas  
 in dictum Ca-  
 put.



3. Anno 1610. Generosa Dña Barbara Szurkowska Pofnaniâ domum redux, ad fluuium Varta delata, (qui tunc plus solito restagnauerat) quò tutius tumentem accessione aquarum trajiceret, substitit ad Pagum Kępa dictum; opperiēs hippaginem, quam remiges alterâ in ripâ detinebant. Verùm impatiens moræ auriga, quòd le-rius nauigium appelleret, seu peritiâ vadorum animosus, concitatos equos temerè egit in flumē; statimque propè littus, insperato abreptus vortice, ac demersus, vesanæ præsumptionis culpam morte luit, vindicibus aquis eluit. Domina verò subuerso curru in flumen euoluta, cūm paris lethi formido instaret, vtrâque manu posterioris rotæ radios corripuit; volubili illo ligno spes inanes aliquantūm sustentans. Cæterū crescentibus vndis obruta, & simul cum curru sus deq; raptata, dimisso axe, permisit tandem vitam fato & fluuiio; pænè oblita præ timore, quòd vigeret, nisi quia interdum violentiori pulsata fluctu, M A R I A M ingeminabat, cuius tutelæ vitam consignauerat. Nec deseruit in tanto discrimine inuocantem, Pijssima omnium Aduocata; cūm enim æstuosum proiecta in amnem, vaga fluitaret Matrona; ecce inopinatò appellit sarcina puluinarium baiula, cui incumbens, vltra duo stadia, securo natatu emensa est; donec Albertus Buxel nauta-

Matrona in rapidissimum fluuium pro-uoluta aliquādiu natans mirabiliter à submersione liberatur.



nautarum præcipuus, perniciores usus lintre, pro-  
perè accurrit; & fessam madefactisq; vestibus præ-  
grauatam, & iam fundum petentem, humero te-  
nusprehendit, ac lintre exceptam, ad littus dedu-  
xit. Superuenere postea plures remigum seriùs  
aduecti, qui semianimem, & epotas lymphas re-  
gurgitantem, publico diuersorio intulere; vbi diu-  
tius suppresso spiritu iacens, spectatores, imagi-  
ne ac opinione mortis impleuit: tandemque car-  
diacis roborata fomentis resumpsit spiritum, &  
ducto ex intimis præcordijs suspirio, viuere se  
professa est. Disperguntur interim qui accurre-  
rant, ad ernendos vligine equos, & conquiren-  
das res, quæ curru subuerso rapacibus vndis in  
prædam cesserant: verùm & has stupenda Dei-  
paræ prouidentia, perire mergique vetabat: nam  
& scrinium aureo torque (qui pondus quadrin-  
gentorum aureorum Hungaricalium æquabat)  
graue, in superficie gurgitis contra naturam su-  
spendit; & binas sarcinas vestimentis alijsq; uten-  
sibus onustas, sine vllâ iacturâ ad littus propulit.  
Tum verò Matrona, postquam omnia deperdita  
sibi, se verò mirabiliter vitæ restitutam vidit;  
tantæ gratiæ, à Deiparæ obtentæ, suauissimo deli-  
bata sensu, solui lachrymas; & melioribus vndis  
vbertim per genas cadentibus, quàm quæ adhuc  
vdis stillabant vestibus, piè perfusa, omnes ad lau-

Equos item  
impetu aqua-  
rum raptos, &  
res omnes ac  
mundum Mu-  
liebrem inte-  
grè absque vi-  
lo damno ope  
B. V. implora-  
tâ recipit.



des MARIANAS ciere; omnibus coram munus receptæ salutis, in MARIÆ Misericordiam refundere; felicem reputans quantumvis feralem naufragij casum, qui se in experimentum tantorum magnalium misisset. Nec diu morata, Zdziebuiam, ad venerandam Imaginem Deiparæ, in quam totas spes coniecerat festinauit; & naulum, quod improbus alterius sæculi portitor Charon, iam cum Lethæâ naufraganti imminens cymbâ expectabat, in Donaria Imagini Virgineæ appendenda transtulit: argenteū enim iusti ponderis Ostensorium, ad circumferendam in publicis supplicationibus Eucharistiā, ac Crucem haud minoris pretij obtulit; adiectis præterea trecentis florenis in Censum, quorum fructu Ecclesiastes perpetuò gauderet.

4. Anno 1616. Famatus Nicolaus Gładysz, Notarius Iuratus Oppidi Poniedz, stagnum gelu adstrictum, sed iam flantibus Etesijs, ac Verno laceffente sole, in deliquia flexum, inconsultâ audaciâ ingressus, capitales panè temeritatis suæ pœnas dedit: delatus enim ad medium stagni, vbi rapidior vnda lambendo subtus glaciem molliuerat, repentè dehiscens mergi capit. Ad vocem implorantis auxilium, accurrere vtriusque ripæ accolæ, nihil tamen nisi inanem miserationem, & vacuos questus allaturi: nam & vitreum

infir-

Ruptâ glaci  
mergi incipit  
& omnium au-  
xilio destitu-  
tus Deiparæ o-  
pem implorat.



infirmæ glaciei marmor, alieno periculo cautos  
 proprii admonebât; & pendulū circa ripas gelu,  
 libero cymbarum vsui (quæis solis adiri poterat)  
 intercedebat; solo proinde inutili ploratu offi-  
 ciosi, qui littora compleuerant, luctantem cum  
 abruptæ glaciei segminibus, grauabât magis quàm  
 iuuabant, vocales duntaxat Adiutores. Dum ta-  
 men versi ad preces, Deiparæ Nomen identidem  
 suspirant, opportunam naufrago emergendi por-  
 rexere tabulam; qui iam consumptis, in frustra-  
 neo glaciei exscensu, viribus, sorberi paulatim,  
 ac deciduis vndique auulsi gelu implicatus cru-  
 stis, vergere in profundum cæperat. Oblatam  
 ergo MARIANI Nominis mentionem, tanquã  
 sacram complexus anchoram, in eam totâ spe ac  
 deuotione incumbit; votoque adeundæ Imagi-  
 nis Zdziesouiensis facto, in auctarium Mirabiliū  
 (quæ illuc quotidie patrantur) accenseri postulat.  
 Audijt supplicem Deipara, & laboranti inter du-  
 ratos frigore grumos, stupendâ ad enatandū sub-  
 misit carinam; dum causam exitij instrumentum  
 effecit auxilij; auulsum enim ingens glaciei fra-  
 gmentum, aquarum impetu, rectâ ad ipsum de-  
 latum appulit; & leui acclinatione placidè sese  
 substernens, ac ludibundo flexu veluti inuitans  
 vt ascenderet, fatigatum excepit; saluumque &  
 illæsum in littore exposuit. Non tutius olim vel

Adnatat illi  
 Solidioris gla-  
 ciei fragmen-  
 tum, incenso  
 prodigioso ad  
 littuseuadit.



Ariona Delphinus, vel Europam Taurus, vel Phryxum ac Hellen, diues aureo vellere aries, seu denique fictitia concha, impuram Venerem trans æquora vexit; atque tunc fluxa illa fragilibusque glacies, mirabili Beatæ Virginis dispositione, in subitam versa nauem, saluauit hominem, quem præcipitauerat. Potens nimirum est Deipara, contrarios è contrarijs elicere effectus; atque eandem glaciem, seruandæ Clientis sui aptauit saluti, quæ paulò ante struendæ subseruierat perditioni. Adijt non multò post, Ecclesiam Zdziesbouiensem nouus ille & portentosus Argonauta, Diuiniorem adoraturus Pallada; quæ tibi non decimas Idaeo Monte pinus, non Dodonæas quercus, sed abscissæ glaciei frustum; in solidissimam efformauit ratem: & vulgatâ portentosæ huius nauigationis serie, audientes stupore impleuit; postquam ex ambonâ populo confluenti publicari fecit, quam feliciter promontorium Bonæ Spei tenuerit, prælucente vice Cynosuræ MARIA.

5. Anno 1621. Generosæ Dnæ Catharinæ Szamarzewska filia Barbara, fortuito igni circumuenta, ac in præsentissimo vitæ discrimine constituta, piâ Deiparæ Inuocatione, Phœnicis instar, vitam ex igne resumpsit. Linum siccabatur in stubâ ad tales vsus paratâ, verum plûs debito succentâ: vbi dispositos cuneatim lini manipulos, dum

Puella igne circumuenta, ac toto corpore ambusta, facta ad B. V. recursu, intra tri-duum sanatur, abolitis ambustionis vestigiis.



dum incauta cuiuspiam manus temerè tractat,  
 vnum è fascibus propiùs calefactæ fornaci admo-  
 uit. Concepit subitò arida stupa flammæ, &  
 in contiguos fasciculos, momento transmisit; quo  
 viso memorata Barbara, præfocare tempestiuè in  
 primo fomite incendia cupiens, irrumpit nascē-  
 tes ignes; & vestium, velaminum, sui que ipsius  
 obiectu, inardescens linum comprimere tentat:  
 sed iam potentior ignis præuertit improuidam,  
 & oculos primùm inuolans, ademit idoneam sal-  
 ui receptus facultatē; depasciq; furiali vredine in-  
 cepit puellā, quæ sibi pabulū è stupā negāisset. Ac-  
 currit mœsta Mater, & ambustam semianimemq;  
 filiam rogo extrahit; in quā nihil de filiā præter  
 informe simulachrum restabat. Exederat omnē  
 speciem ignis, & puellaris decor, inter fumum  
 & fauillam vanuerat; non alio habitu vel colo-  
 re Semele quondam fuit, cū tacta Iouis fulmi-  
 ne deflagrauit. Quid hīc ageret Materna Pie-  
 tas, Torrim veriùs spectans quam Natam? Ad  
 Pijsimam Misericordiæ Matrem supplex vertitur,  
 & filiam sponfione visitandæ Imaginis Zdzieko-  
 uienfis illigat; statimque die tertiā, & corruptos  
 flammā vultus reflorescere, & læsam pupillarum  
 aciem, ad hauriendas rerum species exporrigi; &  
 dissipatā, quam Vulcanus afflauerat fuligine, re-  
 nascens filię corpus, natiuo rubore inspergi vidit.

Ac nā



## MAGNALIA

Ac næ memoria, tam mirabilis MARIANÆ  
dignationis intercideret, Zdzieſouiam delata, fa-  
cti ſeriem in publicas tabulas referri fecit.

6. Anno 1626. Sæuiente per pagos peſtilen-  
tiâ, Euam Ioannis Rożek de Kokorzyno filiam,  
eadem lues attigit; & grauiffimis laceratam do-  
loribus, ſupra duos meſes detinuit; voce de-  
mum ac lumine ſpoliatam, ad diuturnos etiam  
triftis inediæ ſqualores damnavit: cibum enim  
omnem, inſolito ſaſtidio auerſata, tres continuas  
hebdomadas, inter diros cruciatus, nullo alimen-  
torum corroborata adminiculo ſuperuiſit; ſed ita  
exhauſta, vt cadaueris horrorem viſa ſpiraret,  
*Crederes marcidos famelici Eriſichronis induiſſe*  
*vultus*, quem olim Ceres, ſubtrahis edulijs ma-  
cie & tæbe confeciſſe dicitur: ita extenta lue-  
bant ora, cani oculorum hiabant orbes, protubé-  
rantia ubique colles, extulerant oſſa; vt quiſquis  
funèſtam facièm ſpectaret, nil niſi buſtum & pa-  
rentalia decerneret. Soli parentes Puellæ, ſu-  
blimiori animati pneumate, ipſa promiſcuæ de-  
ſperationis argumenta, in maioris fiducia trahē-  
bant incentiua; & tantò magis Deiparæ deuoti,  
conciliando ſupremo auxilio inſtabant, quantò  
minùs de humano, abreptâ omni ſpe naturæ me-  
dicantis, præſumebant. Placuit Deiparæ pia  
illa præcum obſtinatio; quibus non grauati an-  
nuens,

Altera peſtife-  
rã tæc corre-  
pta, cùm per  
tres hebdoma-  
das, nihil cibi  
ac potus ſum-  
piſſet, oblata  
ad Imaginem  
B. V. mortem  
euadit.  
Ouid. Libr. 8.  
Metamorph.



nuens, Puellam in faucibus mortis hærentem, ad vitæ limina reduxit; ciborum nauseam depulit; fætidus ( quibus scatebat ) bubones absterfit; & nullâ penitus Æsculapij interueniente ope, vagum per venas pestilentis auræ venenum, subito discussit.

7. Coniungat hîc calamus, quos simili in valetudine, similis medelæ coniunxit euentus: nam Anno 1630. Epidemica itidem grassans contagio, Margaritam de Oppido Raßkow infecit, & mox imparem deleteriæ malignitati confecit. Destitutum sensu, omniq[ue] vitæ carens vestigio corpus, aduocatis vespillonibus, sine vlllo exequiarum paratu ( prout tali tempore assolet ) iussit efferrî Pater; & ipse immaturum prosequutus ad tumulum funus, supremo ploratu composuit. Nondum tamen profligatâ penitus fiduciâ, antequam nouissimus cadaueri iniiceretur cespes, pone sepulchrum prouoluitur in genua, dubius quidnam defunctæ precaretur? an æternam coelestis, an temporariam & breuem caducæ huius lucis vsuram? Dum lacrymis indulget, dum hæret, & per ambigua errabundus vota, Deiparam in suâ Zdziesbouiensi Icone admirabilem, non satis certis precibus fatigat: ecce rediuuiam filiam tenues anhelitus ducere, & amissæ vitæ rudimenta, paulatim pertentare videt; ac insperati prodigij

Altera pariter  
peste infecta &  
iam ad tumu-  
lum, à despe-  
rante vitam pa-  
tre deducta  
post inuoca-  
catam Deipa-  
ram conuale-  
scit.



novitate attonitus, sui que vix præ magnitudine gaudij compos, reducem ab inferis natam basilis salutat, amplexibus stringit, ac direptâ feralli sindone, detractâ sepulchro, paulò post Zdzieſouiam ad vitale templum ducit. Illic Victrici mortis Deiparæ, viuum in superſtite Filiâ ſtatuens Trophæum, ingentis miraculi gloriam, gratiſſimâ prædicatione ubique propagauit.

Matronâ de-  
hiſcete glacie,  
cum curru in  
rapidiffimo  
fluuio ab-  
ſorpta.

8. Anno 1630. Nobilis Dña Dobroſoſowska, Fluuium Warta dictum, qui tunc gelu concreuerat, apud Oppidum Pyzdry transmittens, non ſatis exploratâ glaciei firmitate, ſecurè inuecta eſt, duratas brumali Aquilone vndas: dumque carpit iter, fortuitò incidit in tenuiores glaciei partes, quas vel nondum adulta hyems, iuſto rigore haud quaquam aduinxerat; vel continuus ſubterlabentis amnis ſuctus, repidioruè aura ſenſim reſoluerat. Inſiſtenti igitur cepto itinèri, ſubſedit repentino hiatu, fragilis ille malè concamerati Amnis fornix, & præcipites hauſit equos; eodemque impetu, tractus in patulam voraginem, abiit curruſ. Nemo aderat, qui veluti in naſſam coniectæ ſuppetias iret, præter filium Matri tunc aurigantem, & eiſdem periculi participantem; ſed ferendæ opi, per ætatem inualidum. Cælum ergo petit, negantibus auxilium terris deſolata Matrona; & rorantes lacrymis oculos, ad com-



ad communem omnium, potissimum verò derelictorum Adiutricem Deiparam flexens, ut facilius gratiam eius, inire occupareque valeat, ad testatissima prodigiosa subventionis ostenta, fidenter provocat, per quæ Imaginem suam Zdzieſſouia voluit clarescere: seque in eandem sortem adlegi, ac in fastis MARIANÆ Beneficentiæ adscribi humillimè postulat. Laborabant interim ferme collotenus immerſi fluuio equi, ut in solidam alicubi penetrarent glaciem; & protritæ calce mollioribus fragmentis, faciliore exſcentui viam planarent: quos admoto stimulo vrgebat iuuenis filius, & simul impactum altius glaciei cernens currum, suppositis ad baiulandum humeris attollere conabatur. Sed cum diutiùs superuacaneo lassaretur nisu ac sudore, ut primùm Mater vota ad Imaginem Zdzieſſouienſem concepit, statim fortioſiorem manum subuenisse sibi perſenſit; quæ & nitentibus equis, Alas quadantenus addidit, & ereptum profundo ac in sublime elatum vehiculum, in solidam glaciei compagem mirabiliter exposuit. Agnouit statim Mater alienum à filij minorennis viribus fuisse extracti currus opus: vnde enim impuberi adolescentulo tantum suppeteret roboris? qui necdum ad iustæ staturæ magnitudinē peruenerat, ut Milonis etiā vel Alcida humeros moraturum pondus, solus innoxie sustineret.

Post nūcupatā ad B. V. vota, salua cum curru ac equis euadit.



ret. Submissas proinde à Cælorum Dominâ, cælestes ad opem sibi ferendam virtutes, non vanè diuinans, vbi primum licuit, Liberatrici suæ, liberalissimâ gratiarum actione, in Ecclesiâ Zdziebouiensi litauit.

Mulier lintre excussa, & in profundū fluiuij merfa, ac serò post extracta.

9. Anno 1632. Honestus Adamus de Zabowo Molitor, à vicino Molitore domum rediit, ac exili cymbâ, rapidissimum Annem vnâ cum cōiuge Catharina inuectus, postquam ad sinuosos vasti gurgitis deuenit anfractus, circumactō vertigine fluiuij nauigio, in aquas excidit; rapiebaturque in profundum crispantibus vndarum implexus mæandris; sed appulsum propius conspicatus lintrem, & ad illum totâ vi connisus, tam fortiterprehendit, vt infidentem vxorem euernerit; quæ nandi rudis, cū aliquantū vestimentorū sublata beneficio fluitasset, iisdem madefactis depressa in fundo subsedit; prius tamen quàm mergeretur, ad sacram anchoram, videlicet expertam periclitantibus Imaginis Zdziebouiensis opem, fufis ad Deiparam precibus prouocauit. Serò laborantem, inter medios vortices, cernens Matrem filius, cum socijs in auxilium accurrit; iam enim aquis absorpta, prono alueo, rectâ in Rotas Molendini voluebatur: extractam proinde, & nouissimo planctu complorata, in hypocausto molendini deponit, nulla vitæ indicia præferentem, nisi quòd



si quòd interdum leni subsultu cor adhuc palpitans sentiretur. Illi ergo corroborando, quæ Fors, & Filialis pietas suggessit remedia, admouet: labia inprimis rigentia ad aerem liberius attrahendum diducit; aquas stillaticias infundit; pectus applicatis fomentis innatiuum calorem suscitare conatur; & omnibus modis fugientem animam sistere tentat, ne ex vnâ cymbâ, in qua malè naufragauerat, in aliam inferei vectoris, deteriore traiectu transcendere cogeretur. Treshoræ inter illa pietatis officia decurrerant, cùm tandem restituta sibi mulier, ductis ex imo corde suspirijs, in hæc verba erupit: *Beatissima Virgo tibi me commendo.* Excepta vox ingenti adstantium lætitiâ, tuas pariter preces, rediit præcibus sociantiû, atque vt quemadmodum Dei, sic Deiparæ perfecta fierent opera, humiliter supplicantium. Postquam igitur plenè Lethen, quam bibere cæperat excussit, Zdziebouix die 16 Augusti coram Imagine Seruatricis suæ comparuit; & non iam *lunoni infernæ sacrum aurifera arboris ramum*, vt olim Æneas, verùm tremendæ Inferorum Domina, cuius Munere Cocyti aquas euaserat, pijsimas gratiarum actiones obtulit.

10. Anno 1637. Laboriosa Anna villæ Graio<sup>w</sup> inquilina, nullâ præcedente culpâ calumnijs onerata, ac eâpropter ad tetrum carcerem detrusa,

Cùm exigua vitæ præberet indicia, voto à Filio ad B. V. facto, sibi ac vitæ restituitur.

Deut: 32,

Virg: Æneid.  
6.

Mulier innocenter carcerala, ac de nece sui ipsius ex desperatione cogitans.



Monita per  
visum, ut ad B.  
V. recurreret,  
à compedibus  
& carcere mi-  
rabili ter libe-  
ratur.

doloris impatientiâ, ac pedore ergastuli superante, abrumpendæ vitæ consilium capit. Suprema agitati, apparuit Persona, vultu habituque supra mortalem augustiore; & de meditata necis flagitio increpitam, saniores cogitatus amplecti, vitamque ac Innocentiam suam, Innocuæ sine labe Virgini (quæ tot prodigijs Zdziebouiæ coruscat) commendare præcepit. Paruit mandatis, iam dissipato desperationis nubilo læta, ac in spem libertatis erecta fœmina; flexisque genibus, ad implorandum Beatæ Virginis auxilium conuersa, votum adeundæ (quàm primùm licuerit) adorandæque Imaginis Zdziebouiensis emisit: & statim (mirabile dictu) ruptis vinculis, & dilapsis quæis adstricta tenebatur compedibus, patentem insuper ianuam carceris reperit: quo liberè egressa, tam æmulos in exitium suum coniuratos, quàm malè credulum loci Dominum, nouitate prodigij stupefecit. Non ausi proinde damnare, quam Deiparæ suffragium absoluisset; innoxiam simul proclamauerunt, ac indemnem abire iusserunt. Quæ mox comitante Matre Catharinâ, & alijs Matronis prodigij testibus, voti uam peregrinationem Zdziebouiæ suscepit, ac seriem partæ mirabiliter libertatis Actis Ecclesiæ ingrossari petijt.

II. Anno 1638. Nobilis Simon Tupalski in Mo-



# D E I P A R Æ.

Moschouiam abductus Captiuus, ingentes ærumnas perpeſſus eſt; annitente modis omnibus hoſte in cuius poteſtatem deuenerat, vt eiuratâ Catholicâ Religione, in Græcum Schiſma tranſiret. Verùm cùm à rectâ fide nullatenus dimoueri poſſet, & ſpontaneus Romanæ Eccleſiæ deſertor fieri nollet, inuitus tandem ac reſiſtens, ritu ſchiſmatico fuit rebaptizatus. Incidit non multò poſt in grauiſſimum morbum, cuius edacitas in tantum hominem exauſit, ac tabefecit; vt abſumptis viribus, nec grefſui, nec loquelæ, nec cibo quidem digerendo ſufficeret. Iamque ſpes omnis vitæ exciderat; ſolabatur tamen occulto aſſuſu miſerum M A R I Æ Miſericordia, cuius Magnalia ad Imaginem Zdziewouienſem identidem rememorans, in ſimilis gratiæ fiduciam, internâ ſuggeſtione animabatur. Nec feſellit ſpes ſua, de *Matre Sancta ſpei* benè præſumentem: breui enim & morbus Medicinarum omnium contemptor, ſine medicinis euauit; & ipſe Tyrannicam ſeruitutem, monente ac iuuante Deiparâ mirabiliter euasit. Certè euidentis ſupernæ opis argumentum fuit, ex intimis Moſchouiæ reſſibus profugum, non tantum diras inſequentis Domini manus, ſeueraque ſcrutantium in portorijs examina eluſiſſe; ſed inſuper ternos rapidiſſimos Amnes, qui redeunti in Patriam interiacebant, modo

199

Grauiſſimo morbo laborans, valetudinem, ac ſimul in captiuitate exiſtens libertatem mirabiliter recipit,

Eccleſ. 24.



S. Bernar. Ho-  
mil: 2. super  
Missus.

modo nec illi ipsi qui tranabat satis cognito,  
transmittere potuisse. Ita fortunatus hic transfuga proprio experimento didicit, quàm verè Clientes Deiparæ assecurauerit Mellifluus Bernardus: *Ipsam sequens non deuias, ipsam cogitans, non erras, ipsâ tenente non corruis, ipsâ protegente non metuis, ipsâ Duce non fatigaris, ipsâ propitiâ peruenis.*

Desperatum à  
Chirurgis vul-  
nus vòro ad I-  
maginem sa-  
cto curatur.

12. Anno 1641. Magnificus Dñus Andreas de Bnin Bniński, graui vulnere in capite saucius, non modicos sumptus in Archiatros Medicosque prodegit, vt illorum adminiculo acceptum vulnus, ad cicatricem perueniret: verùm inanem lusit operam, aduocata medentium turba; post multa enim diuersorum cataplasmatum ac receptarum irrita tentamina, totam Æsculapij sui artem, & industriam, imparem esse, grandi illi obducendo hiatui palam recognouit: coeperat videlicet, corruptum mordaci sanie vulnus, sacro igni inardescere, & suppurante membranâ cerebri seruatrice, tactum gangrênâ caput, lethali torpore obstipari. Cæterum destitutum medicorû ope, Inuocata suppliciter Deipara non distituit; supplicèq; suum vitæ ambiguû, quem mortalis medicina præproperè capitis damnauerat, Mater vitæ benignè absoluit; posteaquam illud ipsum desperatum Medicis caput, ad Aras Zdzieſouien-  
sis hu-



ses humiliter inclinavit. Quàm benè gloriatur Deipara ! *Quasi balsamum non mistum odor meus.* illud enim incurabile vulnus, cui inualida Hypocratis & Galeni Pharmacocेत्रice succubuit, Balsamicæ MARIANÆ subuentionis virtuti, nullo negotio cessit; ac panè iam abscissâ spe sanitatis neglectum, succrescente carne breui coaluit.

13. Anno 1644. Generosa Dña Sędzińska, dum in Rhedā quadriugis vehitur, correpti panico terrore equi ferocire cæperunt; & crescente iuuenili furore, freni impatientes, aurigam frustra adductis habenis, aspera ora cohibere conantem, tergo excusserunt: atque ita rectore vacui, & quā casus seu impetus tulit palantes, per campos & auia, incitatissimo cursu Rhedam & insidentes raptarunt. Ferebanturque in præceps, haud dubiò perituri, & eos quos vehebant perēpturi, indomiti iugales; cū præfata Domina in præsentissimo vitæ discrimine constituta, ad Deiparæ opem supplex conuertitur; ac se suasque Comites, voto visitandæ Imaginis Zdziebouiensis adigit; & ecce prolapsæ subitò ex antico axe, nullo impellente rotæ, currum humi leniter defixerunt; ac bestias in præcipitia cæco impetu ruentes, pondere impacti in terram vehiculī stiterunt. Tanti beneficii & seruata salutis rea præ-

Matrona Nobilis equis ferocibus vecta, & per auia cū curru raptata, inuocatâ B. V. periculum euadit.



dicta Domina, paulò post Zdzieſſouiam venerabū-  
da adiit, caſusque ſui ordinem referri in Annales  
Eccleſiæ, per Reuerendum Adamum Szemenſem  
Publicum Notarium poſtulauit.

Phrenetica  
mulier, & à  
naufragio, &  
veneno per D.  
Virginem præ-  
ſerua ur. acta-  
dem amiſſam,  
mentem eiuf-  
dem munere  
recipit,

14. Anno 1645. Quædã honeſta mulier de villâ  
Sierakowo, prope oppidū Mieyska Gorka, in Phre-  
neſim prolapſa, ſtupēda egit, ac pertulit: nam præ-  
ter infaniã vitio feruidioris cerebri, læſaq; phāſiæ  
proueniētē, internis etiã Dæmonū agitata eſt furo-  
ribus: quorū inſtinctu in profundū puteū vltro in-  
ſiliit, & finem malorum, quibus toto biennio con-  
ſictabatur in terris, quaſiuit in vndis. Quin &  
proprius illius maritus, pertæſus diuturnæ ex co-  
habitatione furentis coniugis moleſtiæ, in necem  
illius conſpirauit: cuius vt cauſa auctōrque late-  
ret, veneno eandem tollere decreuit, ac de fa-  
cto quater toxicum, aliud alio nocentius, inſciæ  
propinauit; quod tamen mulier innoxio, ſemper  
haufu ſumpſit, Deiparâ (vt poſtea reddita ſibi a-  
gnouit) deletoriam virulentarum potionum vim  
diſcutiente: in huius namque Curatelam, deſi-  
pere incipientem fæminam, nonnulli pij homines  
fortem eius miſerati tradiderant, & ad Imaginem  
Zdzieſſouiensem obtulerant. Egit enim uerò fi-  
delem miſeræ Cuſtodem, Mater miſericordiæ,  
quamdiu à ratione deerrauit; appetitamque oc-  
cultis mariti inſidijs, & inſuper ſui ipſius homici-  
dam,



dam, Optima Tutelarior seruauit, ac indemnem præstitit. Nouissimè vt scire posset cuiusnam gratiâ, inter tot machinatas mortes, superstes illa saque uiueret? ac Soterem Diuam agnosceret? profugam mentem deliranti reddidit: cuius ademptione doni, post biennem iacturam maximè exhilarata mulier, Zdziebouiâ sine morâ properauit; & vota ab alijs pro salute suâ nuncupata, libens grataque persoluit.

15. Anno 1652. Inualuerat atrox Epidemia in pagis Illustrissimi Dñi Iacobi Rozdrazewski Palatini Inouladislauici hæreditarijs, Kobierno, Gorzyca, Dabrowa & Tomice nuncupatis: quæ malignâ vredine quoscunque afflauit, intra biduum aut triduum, properatâ morte è viuis sustulit; ita, vt modico interiecto tēpore, quatuordecim Coloni benè possessionati ( præter viliores plebeculam ) hâc lue serpente extincti fuerint. Imminabat & reliquis dictarum Villarum inquilinis par fatum, cum rara domus extaret, quæ infirmo extremis laborante vacaret. Territus ergo tot subditorum miserè cadentium interitu, ac suo ipsius periculo, admonitus Possessor earundem villarum Generosus Dñus Matthæus Lisiecki, qui tunc territorio illi, titulo Arendæ cum pleno vsu fructu præerat; inuit consilium cum Parocho loci de propitiando Numine, cuius ira delictis prouocata,

Morbus Epidemicus in quatuor villis gratissans emissio visitandæ Imaginis voto cessauit.



grassanti Libitinæ habenas laxauerat. Conuocat is vniuersum sæpeditarum villarum populum ad Ecclesiam Kobiennensem, & peractis Missarum solennijs, vltroneum ac petentem MARIANÆ Tutelæ deuouet, ac ad eius Imaginem Zdzieſouienſem, sistendum appromittit. Non ausa ab hinc Mors, attingere Deuota Deiparæ capita, etiã à raptu illorum abstinuit, quos iam immisâ visceribus tabe, tumulo designauerat; & hi enim opitulante Virgine, è faucibus mortis erepti, ac cum alijs frequentissimo concursu Zdzieſouiam delati, in Festo Sanctissimæ Trinitatis, acceptam salutem, Austrici salutis retulerunt.

Ciuitas pesti-  
fera lue cor-  
repta, postquã  
se populus  
voto adeundæ  
Imagin; Zdzie-  
ſzouienſis o-  
bligauit, nul-  
lum deinde pe-  
ste extinctum  
vidit.

16. Anno 1653. Cùm pestilentia per totam fe-  
re Poloniam sæuiret, Szremensis Ciuitas Regiæ  
ditionis, eãdem plagâ tacta, prius se laqueis mor-  
tis vndique circumdatam aduertit, quàm insidias  
& signa contagionis deprehenderet: repente  
namque propagato malo, nullam platearum nu-  
merauit, quam apertæ luis obsidione Mors non  
premeret. Glomerabantur quotidie funeribus  
funera, vicinæq; domui, sæpè infectionis propriæ  
nescius, occultam mortem propinabat vicinus; &  
qui se immunes pestilentie credebant, præue-  
niente sensum illius Tyrannide, inter ipsa secu-  
ritatis illicia, subitanæ clade concidebant. Ab-  
erat omnis spes salutis, flagrante per cunctos  
Ciui-



Ciuitatis vicos contagionis incendio; ad illam ergò concordibus Incolarum studijs recurritur, quæ Diuo Bernardo teste: *Tota post Deum est ratio spei nostræ*. Dicunt omnes Sacramentum Sacratissimæ Virgini, Votiuamq; ad Imaginem Zdziebouiensem supplicationem pacti, se Ciuitatemq; suam, Protectioni illius subijciunt. Subfedit illicò, velut in fauillam dehiscens, noxiæ Luis flamma; nemoque deinceps ab emissio voto parentauit; nemo feralibus lacrymis immaduit, aut post amissum Fratrem, seu Cognatum, atro colore inhorruit. Vnde memor & grata saluationis suæ Ciuitas, anno insequenti, institutâ solenni ad Ecclesiam Zdziebouiensem Processione, Vindicem suam Deiparam adorauit; ac in perenne gratitudinis Anathema, grandem argenteam laminam, Imagini appendit.

Parem experta Protecricis Virginis pari in Casu gratiam, Ciuitas Wolstinenfis, Anno 1662. à peste peruagari domos incipiente præseruata, simili itidem Tabulâ argenteâ ad prodigiosam Imaginem appensâ, *Cæli Terræq; Prodigio, & Miraculorum maximo*, (sic Deiparam S. Ignatius Martyr appellat) promiscuâ totius populi Zdziebouiæ confluentis, gratitudine litauit.

17. Anno 1663. Corripuerat Pestilentia Collegium Posnaniense Societatis IESV, & stratis



Religiosus Societ: Iesv à peste liberatur & in pedibus sanatur, voto facto ad Imaginem Zdziewic-  
szouien-  
sem.

subitaneo impetu Residentium nonnullis, infectionem ad plures, terrorem ad omnes propagauerat, circumuenti inopinato discrimine, qui Collegium incolebant, dum præsente mortis pendente sub ictu, pars ad præsidia Diuorum Tutelarium, pars ad fugæ consilia versi, declinandæ maligni aeris violentiæ; opportuna media conquirebant: Verùm vnus è Sociorum numero, qui Theologiæ operam dabat, R. Blasius Gremboſz, cùm ante quinque Menses, propter atrocis Morbi vehementiam, vsu pedum excidisset, & affixus lecto, cõtagiosæ venenû auræ, subterfugio euitare non posset, tãquã in casses mortis cõiectus, in non dubiã Libitinæ designabatur victimã. Interim suprema respectanti; & sarcinas ad ingrediendã vniuersæ carnis viam colligenti, apparuit in somnis ignotæ speciei Persona; & si vitam manifesto periculo obnoxia, mortis faucibus ereptam cuperet, ad flagitandam Deiparæ opem, quam in Ecclesia Zdziewicſi, obuiã cuiq; dignatione præstare solet, amicã cohortatione remisit. Nunquã illi antea Loci ac Ecclesiæ in somnis exhibitæ, vlla per vigiliam habita mentio; haud aspernandam tamen ratus, oblatam à bono Genio, salutis conditionem; postquam euigilauit, salutare amplexus monitum, extemporarium visitandæ Miraculosæ Imaginis propositum concepit; & paulò post expositã Legiti-



gitimo superiori, somniati promissi serie, facultatem vouendæ peregrinationis obtinuit. Egit statim benignus Deiparæ Fauonius in contrariū vela, quæ iam sinistris impulsa flatibus, ad regionem Mortis, vmbraſq; ſilentū ferebātur: nam & peſtiferæ intactus Lui ac integer, medias inter graſſantis Epidemiæ flammas, tutò perſtitit; & proſſigatâ peccantis humoris illuue, quæ ad quinquemefres compedes, pedes illius damnauerat, ſenſim progrediendi libertatem recipit. Geminati ergo Beneficij, à Deiparâ obtenti reus & memor, Anno proximè ſequenti, die primâ Maij, in Eccleſiâ Zdzieſzouiensî perſonaliter cōparuit, & duplicē Gratiâ, quam Mater Diuinæ gratiæ immo- nēti cōtulerat, gratiſſimo præconio promulgauit.

18. Subtraherem iam manum de Tabulâ, ne faſtidioſo lectori, parium repetitione, parerem tædium: verū ſtitit calamum duplicatus Beatiffimæ Virginis fauor, vni deuoto Clienti, duplici in discrimine exhibitus. Fuit hîc Generoſus Andreas Caſimirus de Rzeſotary Rozniatowski è Partibus Podoliæ, qui hyemali tempore, iter faciens per adiuñctum gelu fluuium Vartam, ad oppidum Pyzdry, diſruptâ repente glacie, & hauſtis cum curru equis, vix ſaltu in glaciem euasit: in quâ ſtans, & clamore in auxilium accolas fluminis ciens, cū nemo compareret; verſâ ad Deipa-

Equi cum curru fractâ glacie aquis hauſti inuocato B. M. V. auxilio emergunt.



Deiparam prece (de cuius prodigijs ad Imaginem Zdzieſouienſem patrari ſolitis, plura inaudiue-  
rat) laborantium in illâ voragine equorum tute-  
lam, rerumque cum curru merſarum cuſtodiam,  
benignitati ipſius commendauit. Piùſ horæ ſpa-  
tio, in vado limoſi fluminis, & deciduiſ glaciei fra-  
gmentis, luſtabantur iugales; cùm ecce ſubitò,  
poſt emiſſam, viſitandæ Imaginiſ præfatæ, ſpon-  
ſionem, adfuit illis cælitùſ inditum robur; &  
qui modò vix titubantes grefſus, inter confraga  
fluminis moliebantur, veluti additiſ aliſ, è pro-  
fundo ſubuecti, incolumem currum, rebus omni-  
bus ſaluis, ad littuſ extulerunt. Verùm maiori  
poſthâc beneficio, eundem Nobilem ſeruitiſ ſuiſ,  
deuinxit Beata Virgo, quando à vinculiſ Scythi-  
ciſ mirabiliter exoluit. Inciderat in illa, à popu-  
labundiſ more ſolito, per vicinam Tauricæ Cher-  
ſoneſo Podoliam Tartariſ, Inſperatò interceptuſ,  
& ferreiſ onuſtuſ compediſ, ac loriſ adſtriſtuſ,  
in rigido carcere tenebatur. Apparuit huic ali-  
quando per ſomnuſ Deipara, ſereno vultu reni-  
dentiſ; & citam libertatem appromittentiſ, dummo-  
do promiſſo adeundæ Imaginiſ Zdzieſouienſiſ ſe-  
ſe obligaret: facile vel ſomnianiſ annuit optata  
pollicentiſ; & præguſtataſ libertatiſ oſtento læ-  
tuſ, poſtquam euigilauit, ſomniata promiſſa, non  
inani ludibriò animi, per ea quæ concupiſceret  
facile

Captiuo qui ſe  
tutelæ B. M. V.  
deuouerat in  
ſomniſ liberta-  
tem ſpondet.



facilè euagantis, sed vero Deiparæ fauori impu-  
tauit. Acciditque non multò post, vt veritas  
somnia impleretur: fortè enim fortunâ, illac tran-  
siens diues ex Valachiâ negotiator, & hominem  
catenâ onustum conspicatus, quæsiuit de statu &  
conditione prioris vitæ; atque vbi primùm No-  
bilem Polonum se esse, sortesque ditionis pro-  
priae competentes, in Podoliâ habere intellexit;  
nescio quo interno agitante instinctu, vocato  
Captiui Domino, de pretio redimendi transegit;  
ac illo in continenti numerato, exolutum vincu-  
lis, liberè in Patriam abire permisit. Cæterùm  
super refusione persoluti lytri, nunquam dictus  
Negotiator institit; nec per se, nec per suum man-  
datarium, summas in eliberationem expensas re-  
petijt, æquè post ac ante captiuitatem, penitus  
ignotus & inuisus. Vnde meritò submissum à  
Beatissimâ Virgine; habitu Mercatoris Angelum,  
redemptus ex potestate Barbarorum Nobilis, cre-  
didit & prædicauit.

Non multùm absimili modo Turcicæ Ca-  
ptiuitatis mala euasit, Famatus Martinus Cienko-  
wicz, ( prout ipsemet personaliter Zdziebouiæ  
comparens recognouit ) abductus enim versus Po-  
sonium, ac in vincula coniectus, & diro carceri  
mancipatus, visus est itidem sibi cernere in somnis  
Deiparam, in spem libertatis erigentem; si rece-

Eundem ab  
homine igno-  
to redemptum  
è captiuitate  
liberat.

Alter è Turci-  
ca captiuitate  
ruptis, sponte  
carenis euadit.



ptâ eâdem, debitas tanto beneficio gratias, in Ecclesiâ Zdzieſouienſi exſolueret. Acceptauit conditionem dormienti oblatam, euigilans captiuus; & mox decidentibus catenis liber, ſæuitiam hoſtium, obumbratus à Deiparâ, ne in hoſtili terrâ agnoſceretur, effugit. Nec verò terrenos duntaxat diſſoluit nexus, inuocata ſuppliciter ad Imaginem ſuam Beatiffima Virgo, quos crudelis corporibus iniecit Tyrannus; etiam illa iuſſui Parthenio cedunt vincula, quæ reas & necdum ſatis expiatis animas, inter continua Purgatricis flammæ incendia, detinent.

19. Attexo pro Coronide recentem & Inſignē Potentiæ MARIANÆ effectum. Anno 1675. in Prædio Nobilis Melchioris Pniewski, poſt flebiles aliquot noctium gemitus, (qui toti audiebantur familiæ) viſendam ſe palam præbuit Nobilis olim Eua Chłapowska, Coniugis præfati Domini Pniewski Mater, ante nouennium fato functa; vultu habituque internos dolores exprimente. Territis lugubri ſpectaculo, cunctis qui aderant, ſemel & iterum ſilentio tranſmiſſa apparitio: donec tertio ſuperueniens, & quidnam vellet? coniurata, detineri ſe hucusque in luſtralibus alterius ſæculi ignibus, aſſeruit; nec aliò modo ſuccurri detentioni ſuæ, ac relaxationem poenæ à Deo determinatæ procurari poſſe, niſi inſtitutâ ad Imaginem

Anima defun-  
ctæ Matronæ  
in Purgatorio  
detenta per ſu-  
ſcepam ad I-  
maginem Zdzie-  
ſouienſi pere-  
grinationem  
liberatur.



ginem Zdziebowiensem, in suffragium animæ, pedestri peregrinatione; hoc enim pretium libertatis suæ, à Diuinâ iustitiâ definitum esse: proinde si miseratione tangerentur, sine morâ pium iter arriperent, viam sibi ad cælos, per Reginæ Cælorum auxilium, planaturi. Permoit miseranda species & querela supplicabundæ, Socrus Generû, Genitricis verò filiam; vnde statim ac mortalis umbra disparuit; de ferendâ ope solliciti, expectitum iter ingrediuntur, & in Ecclesiâ Zdziebowiensi, Parentalia sacra in subsidium defunctæ procurant: & ecce, vix domum à susceptâ peregrinatione redierunt, adfuit demortuæ anima, sed absterfis iam mœroris nebulis, serenum renidens; seseque merito suscepti itineris, ac intercessione Deiparæ, solutam à poenis professâ, actis gratijs ad cælum euolauit.

Vides Amice Lector, qualiter ad ipsos inferorum manes MARIÆ misericordia porrigitur; & deuotus Imaginis Zdziebowiensis cultus, non viujs solùm, sed defunctis suffragia præstat. Implet profectò Deipara promissi per Siracidem dati fidem: *Penetrabo (inquiēbat) inferiores partes terræ, & inspiciam omnes dormientes, & illuminabo omnes sperantes in Domino.* O quàm audis hiant oculis! quàm lætis deinde resonant plausibus, victi illi sedentes in tenebris & umbrâ

Ecclesiæ 24.

B. V. adiuuat  
existentes in  
Carcere Pur-  
gatorii.



mortis ! si quando felici hoc, ac æterni luminis prodromo, MARIANI intuitus illustrantur Lumine. Catharinam Franciæ Reginam, scribit Paradinus, vt ostenderet fortunatos subditis gentibus, sub Imperij sui auspicijs duci dies, pinxisse Iridem è roscidâ nube, sensim emergentem; cum Lemmate: *Ea lux serenitatem adfert*. Multò iustius ego Imagini Zdziebouiéfi hoc subtexo symbolum: Iris nimirum est Deipara, quondam adoptiuo suo filio Ioanni, in Circuitu Diuini Throni splendescere visa: hæc vbicunq; lucis suæ radios explicat, abactis luctuum periculorumq; nimbis, optatam serenitatem adfert. Huc oculos animumq; aduerte, quisquis impendentem capiti, grandis infortunij vel præcociis fati, metuis procellam: *Vide Arcum* (vtar, hic verbis Ecclesiastici) *& benedic eum qui fecit illum, valde speciosus est in ortu suo*. Ad MARIAM enim sub typo cælestis Arcus respexit, MARIÆ intuitu perpetuam terris pacem sanxit Deus; quando inhorrescente tetris nubibus cælo, & ruentibus cæteruatim nimbis, ab extento Versicoloris Iridis Arcu, *Signa Fæderis*, & argumenta immunitatis Noemum petere mandauit. Nemo deinceps animo concidat, si forte minetur obductum hispidâ caliginè cælum; si iratus tonet æther, vtriusque in excidium procudat, ac vibret fulmina; vbi pri-

Apoc: 4.

Eccl: 43.

Solo benigno  
respectu omni-  
a serenat.

Genes: 9.



ybi primū benignus, MARIANI fauoris af-  
fulserit respectus, *Ea Lux Serenitatem adferet.*

## C A P V T I X.

Hæretici Imagini Deiparæ iniurij,  
grauibus pœnis plectuntur; & Dæ-  
mones ab obsessis, solo eiusdem

Imaginis respectu fugan-

tur.

**H**Actenus per amœnos MARIANÆ Gra-  
tiæ exspatiati campos, nil nisi molles cal-  
cauimus rosas: nunc spinosus panditur  
tractus, qui tamen nonnisi profanos impactis sen-  
tibus atterit pedes. Nimirum Deipara *Lilium*  
*est, sed inter spinas.* Clientibus namque suis  
salutis halat odorem, Hostibus lethalem sæpe in-  
figit aculeum. Quanquam aduentitius iste, non  
è fortunata MARIANI foli glebâ exortus spina-  
rum prouentus est. Vnde sibi impudent Virgi-  
næ gloriæ Ofores, si quando illorum vestigia, ex  
merito inflictæ pœnæ, velut sequaces premant spi-  
næ: nam quod olim declamator quispiam apud  
Senecam, omnes sibi vias, intercurrentibus ma-  
nipulis sentium, oblitus esse questus, responsum,

Dd 3

tulit;

Cant. 2.

Hostes B. M. V.  
sequitur vindi.  
aa.

Seneca in De-  
clamatoribus.



tulit; Sentes hos non è maligna pullulare humo;  
 sed è pessimis illius enasci pedibus, tenaciterque  
 adhærere: Mastrigibus M A R I A N I S feruit,  
 qui cùm mordacibus aduersus honorem, Sacratif-  
 simæ Virginis insurgunt aculeis, iustissimè verio-  
 talione, velut circumpedes, ac vestigijs suis ad-  
 natos, diuersarum plagarum sentiunt, trahuntq;  
 secum aculeos. Eccles. 24. Gloriatuŕ equidem mirissima  
 Virgo apud Siracidem, quòd *Spiritus eius sit su-*  
*per mel dulcis*. Et Salomone teste: *Lex clemen-*  
*tiae sub linguâ eius*: non patitur tamen bonitatē  
 suam, alienæ malitiæ esse irritamentum; & habet  
 Eccles. 39. adstites *Spiritus ad vindictam paratos*, qui reos læ-  
 sæ Maiestatis suæ, æquissimâ animaduersione per-  
 cellant. Seneca Lib: 1. *Videmus Regem Apum sine aculeo esse,*  
*noluit enim natura, nec sæuum esse, nec ultionem,*  
*magno constitutam petere, telumque detraxit,* &  
*iram eius inermem reliquit*: Circumstant ni-  
 hilominus disarmatum hunc, mellitæ propaginis  
 Regem, armatæ aculeis satellitum turmæ, quæ  
 partitis inter se excubijs, tanquam Custodes e-  
 Plin: lib: 11. *ius Authoritatis*, (vt ait Plinius) Lateri Principis  
 cap: 10. *sui adhærent*, & indemnitate propugnant. Pa-  
 Cant: 6. *riter & Regina mundi*, tametsi *Tota suavis sit &*  
*Decora*, olim dum viueret, iniurias beneficijs vl-  
 cisci solita; ast Vniuersus cælestium Exercitus, de-  
 fendendæ Genitricis Dei militat dignitati, & ipse  
 Domi-



# D E I P A R A E.

*Dominus Exercituum*, Maternos Hostes, sequitur ultor à tergo Deus. Quidni enim Matris ab æterno præelectæ propugnaret honorem, qui lege latâ, Matres vniuersim honorare præcepit? quondam cum apud homines degeret, in *similitudinem hominum factus*, & habitu inuentus ut homo, non erubuit M A R I A E esse Subditus; nunc postquam sub eius imperium, vniuersæ cælestis militiæ, concessere acies; non abnuît eiuldem fieri Miles; acceptâque à Matre tesserâ, contumelias eius bello persequi; cuius etiam obsequio, omnes Angelorum legiones, auctorauit. Hinc est, quod licet Deipara, etiam in cælis, antiquæ mansuetudinis retinens illatas sibi iniurias, solitâ conuiuentiâ transmittat; Deus tamen Filius, in cuius dedecus Materna opprobria refringuntur, iustâ irâ excandescit; & Persecutores Genitricis, ac Imaginum eius, rigidissimâ animaduersione plectit.

Sensere vlttricem Dei manum, duo Imperij Orientis Imperatores Iconoclastæ, ( vt alios mittam ) Constantinus Copronymus, & Leo Quartus, Pater scilicet & Filius; quorum prior à stercore in Baptisterium egesto ( dum vitalibus ablueretur vndis ) turpe cognomen sortitus, longè turpius Ecclesiâ propagatâ leconomachiâ contaminauit; quasi veritus, ne omisâ morum spurcitie, à significato casualis cognominis aberraret.

Singu-

215

Iniurias tamen  
eius vindicant  
Angeli. & Dei  
Filius.

Philipp: 2.

Luce 2.

Constantinus  
Copronymus  
Cæsar persecu-  
tor B. M. V.  
miserè perit,  
& viuus infer-  
ni pœnas pati-  
tur.



Singulari foedissimus iste Cæsarum, & implacabili in Deiparam odio ferebatur; eiusque memoriam abolere penitus contendit: hinc proposito edicto (quemadmodum scribit Theophanes) sanxit; quod si quispiam sacrum MARIÆ nomen inuocaret, criminis læsæ Maiestatis teneretur, & tanquam Imperatoris hostis, capitis aut proscriptionis pœnis subiaceret. Sed ô vana noui huius Enceladij, Dei Genitricem cælo suo deicere conantis, molimina! Perennat hucusque, itura per gentium, sæculorumque decursus, MARIANI Nominis dulcissima recordatio, & *Beatam illam*, (sicut ipsamet prædixit) *dicunt omnes generationes*. Impius verò Mariomastrix, pœnarum metu, detertere ab inuocatione eius populos conatus, pœnas tandem scelestorum ausuum luit; percussus Anthrace, seu (vt alij scribunt) Elephantia morbo, & tam dirâ ardenti que febre correptus, vt viuum se inextinguibili igni traditum clamaret; & serâ ast inani pœnitentiâ, propitiandæ Deiparæ, cuius cultum proscripserat, Deprecatores aduocaret. Alter eiusdem Imperij, simulq; innati aduersus Beatissimam Virginem odij, ac nouissimè supplicij hæres fuit, Leo Quartus, haud degener à turpissimo Patre Copronymo Filius. Hic quam à Parente suo, cum traduce sanguine hausit, auidissimè semper exercuit, persequen-



# DEIPARÆ.

sequenda Deiparæ voluptatem; cumque in Templo S. Sophiæ Constantinopoli, Imaginem ipsius vidisset aureâ coronâ redimitam, in quâ raræ magnitudinis fulgebat carbunculus; ausus est illam Sacræ Iconi detrahere; ac profano suo capiti impositam, triumphantis in morem, totâ Vrbe Constantinopolitanâ circumferre. Non tulit ultra Deus arrogantiam hominis, spolio Materno palam iactabundi: vix enim in capite impij radiavit carbunculus, coronæ illi aureæ (vt diximus) insertus; & ecce erupit ibidem, nominis eiusdem tetrum ac lethale vlcus. Medicis Carbunculus vocatum; quo sensim crescente, ac insanum cerebrum, frontemque effrontis Cæsaris occupante, primùm in febrē, deinde in rabiem incidit; ac post paucos dies, sacrilegam animam, inter miseros euiatus, euomit.

Verùm quorsum per externa vagor? cum domi suppetant euidentia, sumptæ à Deo de Hostibus MARIANIS, vindictæ exempla; ad hanc enim ipsam, de quâ scribimus Imaginem Zdziebouiensem, quemadmodum deuoti ac supplices, pietatis suæ præmia, sic Hostes Hæretici, Perfidie inuenēre supplicia.

Ducat horum agmen Hæres quondam Oppidi Borensis, in cuius territorio sita est Ecclesia Zdziebouiensis; Familiæ quidem Illustris Comitum

Ec

mitum

217

Leo Cæsar, auream Coronam Carbunculo Lapide insignem, ex Imagine B. V. detrahit.

Et mox orto in fronte vlcerē, quod Carbunculus vocatur moritur.



Oves ab Hæretico Hærede in Templo B. V. Zdźieszouien-  
si clausæ, vnâ nocte omnes mortuæ:

Alius grex il-  
luc immissus  
Diuinitus dis-  
sipatur, & O-  
uile à Turbiæ  
eueritur.

Iob 14.

mitum de Bnin, sed fidei deprauatæ; quam ab ex-  
teris, Lutheri doctrinâ imbutis, dum scientias con-  
quirat, imprudens hausit. Indixit hic prout à  
Magistris nouæ sectæ didicerat, noua bella Supe-  
ris; & præter binas Imagines è ligno affabrè scul-  
ptas, vulcano traditas, sed Deo conseruante flâ-  
mis inuiolatas (de quibus supra egimus) in exi-  
tium insuper MARIANI cultus, totis viribus  
mouit; & Templum Zdźieszouienſe, antiquâ Re-  
ligione venerandum, (in quo Imago hæc extabat)  
polluere, ac in stabulum conuertere cupiens, gre-  
gem Ouium per Opilionem induci illuc includi-  
que iussit. Adfuit Profanatori loci sacri prope-  
ra vindicta: eâdem enim nocte, quâ stabulari  
Oues in Ecclesiâ Beatæ Virgini dicatâ cæperunt,  
internecone deletæ, quamnam poena Dominum  
maneret (si resipiscere nollent) admonuerunt. Ni-  
hilò tamen ille mitior, aut castigatione Diuinâ  
coercitus, iteratâ expeditione ad iniurias Deipa-  
ræ accingitur; & ne Orthodoxi, clade extincta-  
rum ouium, tanquam cælitus immissâ, exultarent,  
vulgatâ famâ oues veneno interceptas perijsse,  
alium gregem adornat; cuius statione Religio-  
nem templi expugnare, & reuerentiam Imagini  
detrahere posset. Lenius iam in furibundi Hæ-  
retici vefaniam, animaduertit vindex Materni Ho-  
noris Numen; & *Contra folium quod vento rapitur*

osten-



*ostendere potentiam suam nolens*, satis habuit excusso, nocte concubiâ fulmine, ac diffractis seris, quibus fores templi munierat, perterrefactas Oues, hâc illâc per campos sylvasque dispersisse: ne tamen totalis impuaitas ad similia attentanda incitamenta esset, Inflatum furentemque Hæreticum, per flamina ac furias Ventorum castigauit, qui eâdem nocte concussum Ouile funditus euerterunt. Desijt abhinc prælia moliri aduersus Superos, non tam agnitæ veritatis amore, vel promerendæ apud Deiparam gratiæ cupidine, quàm maioris poenæ formidine: quin etiam vt vetus templo constaret Honor, contra placita suæ fidei, Catholicis indulgit, vt ter in anno solennioribus festis, publico sacrificio & cultu, Beatissimæ Virgini ad Imaginem ipsius litarent. Ita tûc per depressum Hæretici *aduersus Deum erecto collo currentis* caput, qui adesse Loco illi Manum Domini persensit, Victrix Deipara fremente, frendenteque inferno, triumphauit; ac venerationem Imaginis suæ stabiliiuit.

2. Grauiores multò temeritatis suæ luit poenas, Nobilis Matrona Generosa Domina Twardowska, eiusdem Lutheranae sectæ alumna, ac pari in Deiparam spiritu animata. Audiuerat illa famâ crebrescente, de insigni gratiâ Generosæ Dominae Szurkowska præstitâ, quam in fluuio War-

Ec 2

ta nau-

Iob 15.

Nobilis Matrona Miracula Imaginis Zdzie-  
szouien: deri-  
dere ausa, ter-  
ribili morte  
perit.



ta naufragam, omnisque humani auxilij inopem, inuocata Deipara prodigiosè saluauit, (prout habes capite proximo miraculo octauo) & de fide miraculi ambigua, explorare certiùs rei gestæ auebat. Cùm ergo eodem ipsa Anno 1610. post Pascha Posnaniam iter faceret, & ad prædictum fluuium Warta, qui Ciuitatem præterfluit, villamque Kempa nuncupatam, vbi miraculum contigit, venisset; antequam currus hyppagine traiceret, ipsa paruo lintre; in alteram ripam deuehicupiens, acciri præfectum remigum, Honestum Albertum Buxel iussit; & curiosè percunctari cepit, num ille esset, qui haustam vndis D. Barbaram Szurkowska, periculo submersionis exemisset? Respondit Ratiarius, dictam Dominam non sibi, neque vlli hominum, sed Deo ac Deiparæ salutem debere; quæ sola laboranti, inter tantos rapidissimi fluminis (quo tunc plùs solito intumuerat) æltus, præsto fuit, supplicemque suam non deseruit. His auditis leuissima mulier, suæ tam Hæreticis conuitiandi Gesta Deiparæ licentiam; palam exerere; Potentiam eius cachinnis explodere; Miracula Zdziebowiæ patrata ad apocryphas Catholicorum fabulas referre; aliaque contumeliosa, Lutheraneo impulsa genio, blaterati ore; in Beatissimam Virginem effutire. Conabatur petulantiæ, garrulæ foeminæ frenare, pius Vector



Vector, ne tam securâ maledicentiâ Honori Dei-  
paræ derogaret; monebatque, vt metueret Vl-  
torem Filium, cuius Matrem tam liberè canino  
dente lacerabat, ne in illo ipso loco ac Fluuio,  
monumentum fieret Furoris Domini, in quo Do-  
mina Szurkowska, facta est ostentum Fauoris MA-  
RIANI. Verùm surdis auribus excepta moni-  
tio; tantò procacius virus suum euomente mu-  
liere, quantò magis ad saniolem mentem reuo-  
cabatur. Non distulit ultionem, accensum zelo  
Maternæ contumeliæ, Numen: vix enim lintre  
exscenderat præfata Domina, ecce horribilis tur-  
bo coortus, miscere cuncta repentinâ vertigine,  
& ipsa velut sideratione tacta, in terram labi, at-  
que animo linqui, sublatam humi famuli, in pro-  
ximum collem deportârunt, leuamen aliquod su-  
bitaneo deliquio, è purioris auræ afflatu quæren-  
tes: sed enim valescebat magis immissus à Deo  
in poenam blasphemix morbus, & totum corpus  
non tam luore tinctum, quàm fuligine quadam  
Tartarei ignis præuiâ seu indice atratum apparuit;  
paulò post linguam, Cælorum Regina insultare au-  
sam, pectore tenus exeruit, pice nigriorem, vt cõ-  
staret obfuscatæ MARIANÆ Gloriæ, meritas  
pœnas dare: tandem horrendum irrugiens, in-  
ter diros cruciatus, & terribiles mugitus, veriùs  
quàm gemitus, infelicem animam efflauit. Hi-

Post mortem  
cadaver eius  
nigerrimum  
ac velut pice  
stygia perfusum  
apparuit.



storiā hanc sumptā à Deo, de maledicā scēmi-  
nā vindictā, oculatus testis prædictus Albertus  
Buxel, adstipulantibus sibi, pro tunc præsentibus  
ratiarijs, in præsentia Reuerendi Patris Felicis  
Durani, & aliorum plurium retulit; eamque Re-  
uerendus Adamus Szremensis, Notarius Publicus,  
Actis Ecclesiæ consignauit.

Exercitus Hæ-  
reticus Comi-  
tis Mansfeldij  
deprædauit  
Templum  
Zdzieszouien-  
se B. M. V.

3. Quod subijcio Factum, nullam quidem  
spirat vindictam, insigniter tamen MARIANAM  
in coërcendis Hæreticis manifestat potentiam.  
Anno siquidem 1627. ipso Festo S. Iacobi Apo-  
li, inuasit maiorem Poloniam, ingens ex Hæreticis  
conflatus Exercitus, à Comite Mansfeldio con-  
tractus; qui inter primos Bohemicæ rebellionis  
authores non postremus, etiam fractis partibus,  
acceptāque sub manibus Pragæ, in Albo Monte  
clade, nihilò mitior, sed pacis impatiens, contuma-  
cē aduersus Cæsarem spiritū gerebat: cuius ditio-  
nes, cū aliquot desultorijs legionibus pererrans,  
& ferro ac flammis cuncta miscens, postquam  
validiorem ex colluie Volonum, in spem prædæ  
excitorum, contraxisset manum, in Silesiā fato con-  
cessit: Exercitus verò amisso Duce orbatus, sub  
signa Gustavi Adolphi Sueciæ Regis (qui tunc in  
Prussia bellum gerebat) transire volens, locusta-  
rum instar, maiorem Poloniam inundauit. Nihil  
faci illi Militum sacrum fuit aut Venerabile; si-  
quidem



quidem sola spolia, stipendiorum loco, numerantes, eò licentiùs grassabantur; quia nec strategis voluntarios manipulos trahentibus, liberum Ius poenæ, nec militi gratis sub signis merenti, vlla obseruantia disciplinæ. Expilatæ proinde Nobilium Curia, direpta argentea aureaque Ecclesiarum suppellex, & quidquid in sacris vasis pretiosum; subiecti quæstionibus, quos ampliores fortunæ hostili rapinæ magis opportunos, effecerant; & alia infanda commissa, quæcunq; audere solet militaris insolentia: *Gladiusq; felix, cuius infecti semel, vecors libido est.* Imminebāt atroces illæ Harpyiæ, etiam diripiendæ Ecclesiæ Zdziesbouienſi, de cuius Thesauris famâ vulgante, vbi (quod credibilius est) Hæreticorum in Vicinâ Silesiâ degentium suppositione, multa didicerant: sed Deus ipse, intentæ in prædam auaritiæ obicem iecit; & quam Lutheranus miles, certâ spe deuorauerat offam, panem è faucibus illius mirabiliter extorsit. Venerant iam Vniuersæ Legionēs, ad Oppidum Pogorzel nuncupatum, vno tantum miliari, ab Oppido Borcensi distans, & modico dūtaxat nemore interiacente seiunctum; destinauerantq; Duces rectâ tendere, & Hæreticam rabiem, simulq; inexplicabilem cupiditatis orexim, partis de Imagine Zdziesbouienſi opimis spolijs exsatiare; cū ecce, operante procul du-

Seneca Tragæ-  
dus.

Sed Deo operante alio diuertitur.



Iob 9.

Alia eiusdem  
exercitus pha-  
lanx per mira-  
bilem visionē,  
à proposito  
deteretur,

cul dubio Numine, subita destinati itineris obliuio  
vniuersos cepit, aut occultus forsitan terror, super  
hostē irruens, furiosa molimina abruptit, aliā enim  
conuersi viā, versus Gostinū, per Szeleiow, popu-  
labūdos manipulos per obuia quæq; omisso Zdzie-  
bouio, explicuērūt. Ita tunc impletū est S. Spiri-  
tus effatū: *Dissipat Deus cogitationes malignorū, ne  
possint implere manus eorum quod ceperāt.* Ausi ta-  
mē sunt Quingēti, ex illo Exercitu grauioris arma-  
turæ, seu loricati Equites, cupidine prædæ auden-  
tiores, Ductore Baudisio Zdziebouia petere; & iam  
se Cāpis Borcēsibus (depopulato Szeleiewo pago  
sic dicto, ac præstati diuiteq; eiusdē Curiā) infude-  
rāt, ac Templū Deiparæ sacrū, in procinctu & an-  
te oculos extabat. Verū dum aciē instruūt, dum  
se se per turmas cuneosq; digerūt, & assultū ac irru-  
ptionē parāt; apparuit illis repētē, longē numero-  
sior ex aduerso exercitus, paucis vexillis, varioque  
fulgentiū armorū genere, oculos perstringēs, quo  
viso territi, non tam receptui concinārunt, quā  
turpē fugā cōfuso agmine, turbatisq; ordinibus a-  
ripuērūt. Illos deinde per agros syluasq; sparsos,  
& palentes, coactæ ad reprimendam vim Hosti-  
lem, Polonorum cohortes sparsim oppressere. Du-  
ctor verò seu Colonellus illorum Baudisius, ani-  
mo supra staturam maiore, & militiæ vetus, vi-  
uus in potestatem nostrorum venit, & Posnaniē-  
sis Ar-



sis Arcis Carcerem subiit. Huius admirandæ, hostibus verò formidabilis visionis veritas, ex relatione ipsorummet innotuit; quorum pleriq; capti, tum sponte, tum eculeo admoto per tormenta interrogati, seriem ostenti aperuerunt: quâ cognitâ, & multorum fide dignorum consono testimonio comprobatâ, Rndissimus Ioannes de Zalesie Baykowski, Episcopus Ennensis, Suffraganeus & Officialis Generalis Posnaniensis, tam insignis beneficij memoriam, in Acta Ecclesiæ Zdziesouensis redigi præcepit.

4. Enituit eadem MARIANA virtus, in cōpescēdis Hæreticis recentiori æuo, cū Carolus Gustauus Sueciæ Rex, illorū Coryphæus, post occupatâ specioso Protectionis titulo Poloniâ, Anno videlicet 1655. detractâ Vulpinâ pelle, quâ ex præscripto Lyfandri ad tempus induerat, Leoninâ resumpsit; Leonemq; se (prout in Gētilitijs Sueciæ Insignibus præfert) rapacitate & inductâ Tyrannide exhibuit. Bonis ille à principio regnabat artibus, communi Polonorum vtilitati, non priuatæ ambitioni expeditionem suam militare professus: verū hęc regnandi moderatio, tantisper duntaxat tenuit, quamdiū ex vsu fuit ignaros externorum astuum, ac suo quemque candore metientes Sarmatas, callidâ simulatione inescasse. Postquam occupatis Yrbibus ac Fortalitijs, aucto

Carolus Sueciæ Rex specie Protectionis occupat Poloniâ.



è vicinis Silefitis, Germanisque eadem tabe Hæ-  
 reticâ infectis exercitu, tracto in partes deterri-  
 mo quoque indigenarum, ac nouissimè transito-  
 ne Quartianorum Militum factus valentior, satis  
 sibi quæsitum virium putauit, ad perdomandos  
 refractarios, si qui iugum excutere molirentur;  
 depositâ falsi Protectoris personâ, quam hæte-  
 nus sumpserat, Regem se Poloniae palam ferre;  
 & assertum armis Regnum, armatâ manu, silen-  
 tibus iam inter arma Patrijs legibus, administra-  
 re cepit. Impositum priuatim omnibus, non  
 requisito Ordinum assensu, intolerabile tributû;  
 interdictum omne fas consultandi in commune,  
 agitandorumque Comitiorum; proscriptum ius  
 vetandi, Poloniae libertatis basis; & cuncta à solo  
 Regis Sueci, despoticè iam Regnantis nutu ex-  
 pectari iussa, etiam Imagine libertatis sublata.  
 Sed præcipuus Tyrannicæ dominationis furor  
 incubuit Ecclesijs Catholicis; ad quarû perniciem,  
 & successiuè excidium, immaturo nimium impe-  
 tu ferebatur hæretica rabies, sibi ipsi hac oppres-  
 sione exitium (quod euenit) maturans. Viola-  
 ta velut per lulum conuiiente Tyranno eiusque  
 ministris templa; ablati apparatus sacri, & in  
 profanos vsus versi; contaminata, imò (horren-  
 dum) pedibus calcata Sanctissimæ Fidei nostræ  
 Mysteria; Sacerdotes in vincula coniecti, & gran-  
 di ære

Libertates  
 Nobilium tol-  
 lit, & Ecclesi-  
 as spoliât.

aliquot A  
 de quoslibet  
 ad obsequia  
 idcirco rati-  
 onem non  
 habent  
 o. d. d. d.



di ære extorto, ægrè demissi: nihil deniq; inten-  
tatũ & inausum, quod odiũ hæreticæ prauitatis ad-  
uersus Personas Ecclesiasticas suggessisset. Illud  
mirabile euenit, quiatam soluta & in omne nefas  
proiecta Hæresis, cùm per totam Poloniam, secu-  
ra iam partæ Dominationis, bellum Ecclesijs in-  
dixisset; & ipsum Montem Clarum antiquâ Re-  
ligione, MARIAN Æque Imaginis à Sancto Lu-  
câ depictæ Veneratione celebrem, bimestri ob-  
sidione premens, in prædam libidini suæ desi-  
gnâset; à solo templo Zdzieſzouiensi, eiusq; ser-  
uitijs adscriptis Presbyteris, violentas manus  
prodigiosâ planè abstinentiâ cohibuerit. Inui-  
tabat opportunitas iniuriæ, nullis mænibus incin-  
cto nec propugnaculis fossisq; munito loco;  
qui medio itineris situs, inter Posnaniam & Calis-  
sium Ciuitates Suetico præsidio infestas, obuiâ  
ad rapinas facilitate, commeari illâc quotidie ho-  
sti eiusq; patebat licentiæ: aderant præsentis  
sacrorum Mystæ, & loci & ministerij sui etiam  
inter continua necis discrimina tenacissimi; quos  
non fidei solũ diuersitas, sed questus ac extor-  
quendæ pecuniæ spes, Hæreticæ vexationi obno-  
xios reddebat. Mirabilis tamen in omnibus o-  
peribus suis Deus, *qui conclusit ora leonum, & non  
nocuerunt Danieli*, innouato veteri prodigio, etiã  
Sueco Leoni auidas obstruxit fauces, vt per to-

A Templo  
Zdzieſzowieſi  
expilando Di-  
uinitus cohi-  
bitus eius mi-  
les abstinuit,  
Daniel: a.



Quod pro ma-  
xime miracu-  
lo habendum,

Psal: 50,

Ioan: 2.

rum biennium, quo insolenti Dominatu Polonam  
preffit Aquilam, ne acum quidem è Templo Bea-  
tissimæ Virgini dicato tollere, aut pilum de ca-  
pite cuiusquam Presbyteri violare præsumpse-  
rit. Atque hoc mihi Prodigiis maximum vi-  
deretur, Deo per dilectam Genitricem contraria è  
contrarijs elicente: neque enim maioris poten-  
tiæ censeferi debet, ferrum Elisæi leuibus vndis in-  
natasse; aut tres pueros Babilonicam in fornacem  
coniectos, allambente non absumente flammâ, in-  
noxios perstitisse; aut absorptum à Ceto Ionam,  
in viuo illo sepulchro triduo viuum superstitem-  
que durasse; quàm Zdzieſouienſem Basilicam fa-  
mâ thesaurorum inelytam, duabus infernalibus  
Furijs, Hæresi & Auaritiâ instigantibus, & au-  
dissimo rictu ad sacra spolia hiantibus, tutam ta-  
men, indeninem, inuiolatamque mansisse. Pro-  
textit nimirum Locum Deipara *sub umbra alarum*  
*suarum, donec transiret iniquitas.* Disputans S.  
Hieronymus de magnitudine operû Christi, nul-  
lum maius ab illo in humanis agente, signum præ-  
stitum esse credit, super illud nunquam antea vi-  
sum de auaritiâ victâ erectum trophæum; quod  
palam statuit, quando repertis negotiatoribus  
in templo Hierosolymitano, *cum fecisset quasi*  
*flagellum de funiculis, omnes eiecit de templo, oves*  
*quoque & boues, & nummulariorum effudit as, &*  
*mensas*



*mensas subuertit: tunc enim compressis mirabiliter & ne hircere quidem ausis Phariseis, qui profana in templo exercebant mercimonia, velut captiuam catenatamque Auaritiam in triumphum duxit. En ipsa maximi Doctorum verba: Multi arbitrantur maximum esse signorum, quod Lazarus suscitatus est, quod cecus ex utero lumen acceperit, quod ad Iordanem vox Patris audita sit, quod transfiguratus in monte, gloriam ostenderit triumphantis: mihi inter omnia signa hoc videtur mirabilius esse: quod homo in tantum vilis, ut postea crucifigetur, Scribis & Phariseis contra se saeuientibus, & videntibus lucra sua destitui, potuerit ad unius flagelli verbera totam eicere multitudinem. Nec verò nudè & absque ratione sentit ac scribit: nam cetera miracula patranti Christo, obsecundæ ad omnia iussa, absque vllâ repugantiâ aptauere sese creaturæ; aut auri sacra fames, & Amor insanus habendi, qui sæpius vsque ad insaniam agitante lucri cupidine efferuescit, sine magnis animorum motibus, componi non potuit; quos sedasse, & furentem iacturâ dispersi æris turbam leni malaciâ consopisse, magnum profectò Diuinæ Dexteræ Opus & Argumentum fuit. Certè victoriosus ille Chananæorum Regum debellator Iosue, cum cælestes sphæras, eorumque rapidissimos motus solâ voce cohibuisset, steterunt enim*

Iuxta S. Hieronymum maximum Christi Miraculū fuit, quando effuso nummulariorum ære Auaros frenauit.

S. Hieron. in dictum Caput.

Iosue qui Solem in cursu stitit, avaritiâ stitire non potuit. Iosue 10,



Iosue 7.  
S. Ambr: lib. 2  
Offic. Cap: 26.

Isa: 57.

Iob 38.

Ioan: 8.

*nim Sol & Luna, donec ulcisceretur se gens de inimicis suis, obediēte Deo voci hominis: effrenem tamen vnus Achami tollentis de Anathemate Iericho cupidinem, propositis minacibus edictis cohibere non potuit; hinc sapienter S. Ambrosius: Iesus Naue (inquit) potuit solem sistere ne procederet, Auaritiam sistere non potuit ne serperet: ad vocem eius sol stetit, auaritia non stetit: Sole itaq; stante, confecit Iesus triumphum, auaritia procedente panē amisit victoriam. Agnoscas beuēuole Lector, quantæ molis sit attrahere frenos cupiditati? quam arduum, abreptam speciosis opum illicitis, auarorum hominum placare orexim? Placauit tamen hanc, & quidem sufflante Hæresi magis inardescentem Deipara; circūscripsitque infidelis exercitus, ne pro libitu noceret insolentiam: & quia Prophetâ attestante, Cor impij quasi mare feruens, turbulentum hunc Oceanum, circumdedit terminis suis; & posuit vester & ostia, & dixit, vsq; huc venies, & hic confringes tumentes fluctus tuos.*

A compressis Hæreticis (de quibus partos superius numeravi triumphos) ordine naturæ vocor, ad prosequendas Beatissimæ Virginis de parente illorum Diabolo, victorias: ex hac nimirum radice, pullulasse has stirpes, asseuerat suprema veritas, Vos (inquiens) ex Patre Diabolo estis. Et

S. Po-



# DEIPARÆ.

S. Polycarpus, S. Ioannis Apostoli discipul<sup>9</sup>, Smyr-  
nensium Episcopus, cū ei Romæ diuersanti for-  
tuitō obuius fuisset Marcion Hæreticus, & dice-  
ret, Cognoscis nos? Respondit; Cognosco Pri-  
mogenitum Diaboli. Cū ergo Congenitus Pa-  
rentem proli adunet nexus, sequatur partus suos  
stygius Pater; & vel inuitus subdat tumentia col-  
la huic Mulieri, quæ iuxta Dei Oraculum, *super-  
bum ipsius conterit caput*. Profectō nihil æquē  
formidabile instat Principibus Tenebrarum, atq;  
hæc ILLVMINATRIX, totaq̃ue luminosa  
Virgo, vti ipsum MARIANI nominis docet Ety-  
mon: Magis enim vruntur vnico Deiparæ aspe-  
ctu, quā totis gehennæ rogis; & plūs illos cru-  
ciat deuota huius Virginis memoria, quā hor-  
ribilis illa nunquam extinguendi Tartarei ignis  
flamma. Expressisse id videtur sub mystico ta-  
men Allegoricarum vmbrarum velo, Spiritus San-  
ctus, trepidum maleficorum omnium patientis  
Iobi calamo describens genium; Lucifugam e-  
nim asserit esse Nequitiam, & Adulteros, Homi-  
cidas ac fures, conscientiam tenebrarum quære-  
re: quod si (ait) *subitō apparuerit aurora, arbi-  
trantur vmbram mortis*. Quā aptis malitia Dia-  
boli, penicillo Diuini Pneumatis depicta est co-  
loribus? variegata titulis, circumscripta Epithe-  
tis? ipse nimirum, (si Doctori Seraphico credimus),

Homi-

131

Hæretici Filli  
sunt Diaboli.

S. Hieron: de  
scriptoribus  
Eccl.

Genes. 3.

Maria sermo-  
ne Hæb reo si-  
gnificat Illu-  
minatricem.

Lumen hoc  
B. M. V. per-  
stringit Dæmo-  
nia.

Iob 24.



## M A G N A L I A

Cant: 6.

Sicut Aurora  
maleficis, sic  
B. V. terribilis  
Dæmonibus.

Ambr: de Bisc.

*Homicida est, quia genus humanum occidit: Fur est, quia quacunq; potest nobis bona subtrahit. Adulter est, quia sponsam Dei animam corrumpit. Sed ecce scelesto huic, & scelerum omnium Magistro, parata desuper imminet vindicta, non ab excussis Tonantis fulminibus, verum à Rosco Auroræ vultu, illius videlicet Virginis aspectu, quæ Aurora consurgenti à Salomone pariat. Si enim subito apparuerit Aurora, (prosequitur discursus S. Doctor) id est, sic ito nobis superuenerit*  
*MARIÆ gratia & Misericordia, arbitrantur umbram mortis: id est: Sic timent Dæmones, sic fugiunt, sic trepidant, sicut fugiunt & timent homines, umbram mortis. Io Triumphe? debellata est tota inferni potentia, & prostratæ Dæmonum acies, vnico Auroræ nostræ radio, Deiparæ scilicet aspectu; iustius proinde gloriari potest, quàm deuicto Ponti Rege Cæsar, Veni, Vidi, Vici: Si quidem solo oculorum fulgure, si subito apparuerit, percellit & dissipat Tartareas legiones. Pulchrè deuotus quidam MARTIÆ Chiens, vt supremum eius in ipsos inferos exprimeret imperium, pingi iussit suffusum natiuo colore Phosphorum, è nubibus radios vibrantem; subtus verò trepida ferarum belluarum agmina, hûc illûc in obscuros saltus, ac nigros lucorum recessus propero gressu diffugientia, addita Epigraphe,*

Hâc



*Hæc oriente fugamur.* Fugantur enim uerò infernales bestię, & imis Erebi abduntur, trepidumq; caput occulunt antris; quoties Aurora hæc, æternæ lucis Prodroma imò baiula, optatam terris inuehit diem. Vidit risitq; non semel Triumphale Zdzieſſouium turpes Dæmonum fugas, ubi primum euolutus Cortinâ, radiantis in Imagine suâ Deiparæ refulsit vultus: en pauca è multis dispersionis Diabolicæ exempla.

I. Anno 1616. Ipſo Natali die Sacratissimæ Virginis, prono iam in Vesperum die, cùm Imago ipsius ſipario obduci claudiq; deberet, superuenit Margarita de Biersko, septennio iam & semestri à Dæmone possessa; qui ipsâ longi temporis præscriptione robustior, nullatenus deijci quanquam è malæ fidei possessione valuit. Circumducta antehac fuerat per loca cælestium gratiarum obtentu nobilitata; sed Dei nutu, maiorem venerationem Imagini Matris suæ intendere destinantis, effectum est; vt iniquus inuasor nullis Exorcismorum arietibus concuti posset, & aduersus omnes coniurationes contumax in occupatâ statione immobilis perstaret. Vix MARIA-N Æ Capellæ gressus intulit, oppressa ab infernali Tyranno Mulier, & obiecta visui Imago oculos eius incurrit; non tulit ultra Dæmon grauiorem inferno Inferni Dominam; & horribili edi-

Dæmoniaca  
ante Imaginem  
B. M. V. dedu-  
cta, solo eius  
aspectu à Dæ-  
mone libera-  
tur.



to rugitu clamare cæpit: Exibo, Exibo, verum patentibus ianuis vti Domini solent, sum enim de primoribus Orci spiritibus Nirká vocatus. Diriguere qui aderant horrore tartareæ icti vocis; & interim per scamna Ecclesiæ ingens increpuit fragor, violenti spiritus index; falicesque circum Ecclesiam plantatæ, velut à valentissimo turbine impulsæ personuere. Ita tunc attonitis cunctis, inueteratum diuturno temporis tractu Dæmoniū, solus MARIANÆ Imaginis fulgor in fugam egit: In præsentia Generosorum Stanisłai Iedlecki, ac Ioannis Szymánowski, tum Reuerendorum Felicis Duranij Præpositi, & Alberti Poneciani Ecclesiastæ, Borceń, aliorumque plurium de populo ad nouitatem miraculi obstupescientium.

Mulier quæ se  
Dæmoni in-  
scripserat, adi-  
tâ Imagine sit  
ab eius infesta-  
tione immu-  
nis.

2. Anno eodem. Regina de Regiâ Ciuitate Pyzdry, graui conflictata morbo, cuius postmodum illuies in fauces regurgitans, totum os mulieris fædis vlceribus oppleuit; cum violentiâ doloris premeretur, ex desperatione remedij in furias acta, ad Dæmonis opem recurrit; & conscriptâ sanguine proprio syngrophâ, vitam illi suam oppignorauit, si modò incolumem ac dolorum immunem præstaret. Subijt mox facinoris pænitus atrocitatem illius consideranti; & quam insanâ cōmutatione æternos cruciatus mercata esset, dum leues & momentaneos tolerare refugit,



fugit, secum reputanti: castigato igitur per contriti cordis lacrymas errore, vtramque corporis & animæ salutem, quam malè infernali medico curandam subiecerat, voto ad Imaginem Zdziebouiensem facto Deiparæ commendat. Nondum inuocatus Dæmon pacta Conuenta firmauerat; & Chirographum vnus tantum partis subscriptione munitum, adhuc in incerto pendeat: sentiebat tamen mulier mali genij ad oblatam prædā hiantis assistentiam, experiebatur rabiem, continuis inquietata terroribus. Tantò ergò impensius precibus & suspirijs ad conciliandā MARIÆ gratiam institit, quantò se laqueis Diaboli, ac faucibus Erebi propiorem aduertit. Tandem vbi Zdziebouiā delata, & ante Imaginem Virginis prostrata, periclitantis animæ curam in sinum illius deposuisset; propitiāuit Clemens Mater Clementissimum Filium, *qui non vult perire animam, sed retractat cogitans, ne penitus pereat, qui abiectus est.* Redijt inde mulier gemino affecta beneficio; siquidem Deipara & à Dæmonis infestatione reddidit liberam, & pulsus doloribus, qui ad ineunda cum inferno fœdera impatientem pepulerant, totaliter præstitit sanam & incolumem.

3. Anno 1634. Mulier quædam de Villâ Nieftorowo prope Ciuitatem Regiam Szroda sitâ,



Dæmon rapit  
puerum te-  
re imprecante  
matrē.

I. Petri 5.

præcipiti iracundiâ excandescens, triennem filium modicum quid delinquentem, Dæmoni deuouit: Vtinam te Diabolus abripiat. Luit statim intemperantiam pronæ ad euomendas diras linguæ, amissione Filij; nam *aduersarius qui tanquam Leo rugiens circuit quærens quem deuoret*, lætus hâc opportunitate exsaturandi odij quo in homines fertur; permittente Deo, sustulit ex oculis maledicæ matris puerum, tamen si innocuûs: vt punita in filio parens, documento esset cæteris, quàm non leuibus pœnis inconsultam quiduis blaterantium leuitatem, exacerbatum Numen plectat. Tum verò vbi repente disparuisse natum sensit fœmina, planè extra se facta, præ subiti doloris vehementiâ, & tam noxiæ loquacitatis apprehensione, in questus lamentaque soluis; & non profuturo eiulatu aëra implere; sensim deinde deferuescente dolore, qui sedari lacrymis egerique solet, postquam densæ illæ quæ mentem opacauerant primi horroris attenuatæ sunt nubes; insulsi oculis afflictæ Matris, proiectus à *Consolatrice afflictorum Matre* radius; subiueruntque animum iam aliquatenus sibi redditum, admiranda Deiparæ beneficia ad Imaginē Zdzieſſouienſem supplicibus collata. Eorum itaque pars fieri peroptat; & ream se fassa, pœnâ immeritis pueri maternâ ex culpâ pereuntis deprecatur;

Post vortum ad  
imaginem nū-  
cupatum eun-  
dem restituit,



tur; additâ sponſione ſiſtendi eundem coram, ſi poteſtati Dæmonis ereptus ſibi reſtitueretur. Audiit gemitus pœnitentis Benigniſſima Virgo, & Tartareum prædonem adegit, vt eodem loco quo abſtulerat, illæſum indemnemque puerum reponeret: quo recepto exultans, adſcitis in Comitatum prodigij gnaris, rectâ Zdzieſbouium petijt; delictumque ſuum, & delicti pœnam pariter ac indulgentiâ lachrymabundâ pietate ediſſeruit.

4. Non multò ante hæc tempora adducta eſt Zdzieſbouiam Nobilis Catharina Rayska pluribus Dæmonijs infeſſa; quorum ſinguli diuerſa ſibi nomina ſumpſerant, & multitudine audentiores, Omnia ab Exorcizantibus contorta tela impunè eludebant; depelliſſique loco, admotis licet ſpiritualibus machinis, nequam ſpiritus non poterât. Tenuit perſiſtendi contumacia tam diu, donec MARIANA vis accederet; & oppugnatus per Leuitas Sacerdotesq; Hoſtis, diutiùs æquo Marte certauit: Sed tum demùm ſuccubuit, cùm ante imaginem eius prodijt, quæ *Terribilis* eſt velut *Caſtrorum acies ordinata*. Descenderat mulier in Templum Zdzieſbouienſe, tanquam in arenam, vltimam pugnæ cum peſſimis inuaſoribus iactura aleam. Caperunt interim ad intentionem illius decantari Litaniæ B. M. V. Lauretanæ, congeſtis in laudem ipſius encomijs plenæ;

Ad cantum Litaniarum Lauretanarum coram Imagine B. V. Dæmones ex Energumena fugiunt.

Cant. 6.

Gg 3

qua-



quarum ingrata resonantia, & simul visæ Imaginis terror, in tantum perculit ferocem antea Dæmonum colluuiem; ut non expectato Litaniarum termino, magno cum fremitu, & miserabili eiulatu (à quo tota intremuit Ecclesia) profugerint, nunquam post desertam stationem repetere, aut Mulieri negotium facessere ausi.

Templum Salomonis Muscæ nunquam inuolare ausæ.

Tempore iam calamo, & recensendis pluribus exemplis adeptæ mirabiliter in Ecclesiâ Zdziewouienſi à Dæmonum infestatione libertatis abstineo; quæ ipsâ assiduitate mirandi consuetudinem infregerunt. Pauca hæc ex fide Actorum eiusdem Ecclesiæ idcirco retuli; ut innotescat legentibus, solam Imaginis illius præsentiam Dæmonijs intolerabilem, nullis adhibitis Exorcismis, stygias phalanges dissipare. Afferunt Hebræorum doctissimi, Solymitanum Templum à Salomone ædificatum, tali decoratum fuisse Privilegio, ut nunquam muscarum importunitate vexaretur: quamvis enim illic tanta victimarum caderetur multitudo, ut vno Enceniorum die, dedicante Fabricam Salomone, viginti duo millia bouum, & centum viginti millia arietum in sacrificium ceciderint; ac laborans sub pondere oblatarum Deo pinguedinum Altare æneum, ad erectionem alterius Regem necessario compulerit; infecta nihilominus ista carnei nidoris afflatu at-



tu attrahi solita, penitus à Templo abfuere; imò reuerentiâ quâdam, seu malis formidine cælitus bestiis impressâ, à propiore circum circa volatu abstinuere. Fidem Priuilegij huius Salomonis tēplo indulti, ad auctores suos refero, nec tenaciter adstruo: suffecerit MARIANAM Zdzieszouij Ecclesiam maiori hodie gaudere prærogatiuâ; & umbram Veteris Testamenti transiisse hîc in veritatem. Nonne enim Archidæmonem illi ipsi, qui tam operoso cultu adorauerant Beelzebub, hoc est, Principem Muscarum appellârunt? quem titulum æterna Veritas & retinuit, & oraculo suo firmavit. Totus ergò spirituum nequam, Principi huic succenturiatorum exercitus, nihil aliud est nisi turpe muscarum examen, putore cadaverum pasci faginariq; suetum. Unde meritò interdictus p̄ritidissimo huic infernali gregi ad Templum Cælorû Dominæ, Tēplo Salomonis longè angustius, propior accessus; quem si attentare, terminosque Deiparæ sacros transilire præsumperint, perpetuâ ab hominum consortio proscriptione damnati, Tartareoque carceri properantiùs quam cuperent mancipati, (si quidem per aëra, vt pote *Principes & Potestates aëris huius* liberè vagari poterant) supplicia violatæ Religionis dependunt. Venit hîc mihi ad conclusionem huiusce Capitis properanti symbolum

Dæmon vocatus est Beelzebub, id est Princeps Muscarum; qui Templum B. V. Zdzieszouienſe horret.



Scarabæus e-  
moriēs in Ro-  
sâ, symbolum  
Dæmonis ad  
conspēctum B.  
V. succumben-  
tis.

Eccel: 24.

lum Paradini in mentem, apprime MARIANÆ  
potentiæ congruens: Pinxit ille Reginam florū  
Rosam calice suo euolutam, repandis folijs ami-  
ci solis lumina lacessentem; explicatâque natiuæ  
venustatis pompâ, pulchrum spectaculum exhi-  
bentem; quàm temerario ausu inuolare insi-  
dereque ausus Scarabæus, subitaneo collapsu ex-  
animabatur; tanquam reposcente Naturâ pol-  
luta pulchritudinis poenas; apposuit Lemma, *Tur-  
pibus exitium*. Dignissimum sanè Virgineæ Ec-  
clesiæ Zdziesbouiensis tholis affigi Hieroglyphi-  
con: gaudet enim illa pudibundo rosarum vul-  
tu, quas ingenuus succendit rubor; quocirca &  
titulos à rosis petitos, ad sua ultro adsumit elogia,  
censeri volens *Quasi plantatio Rosæ in Iericho*. Ac-  
currere in odorem Virginei huius floris, Virgines  
apēs; totam in vnâ hac Rosâ reperietis Hyblam,  
& dulciores melle Attico exsugatis fauos: sor-  
dida tamen Scarabæorum colluuiēs, & quidquid  
copream olet, procul hinc, procul exeste; quia  
*Turpibus* apportat *Exitium*. Hausere sapius ab  
hoc vitali flore crabrones Hæretici lethæni (pro-  
ut memoratum superius) ex quo lati fideles, ve-  
lut argumentosæ apes, vitam ac mella decerpūt:  
& scarabæi infernales à Templo MARIANO  
Zdziesbouiensi toties in Orcum Acti præcipites  
docuerūt; à Deiparâ, quemadmodū *Pjrs beneficia*,  
sic *Turpibus* prouenire *Exitia*. C A-



## CAPVT X.

Series Cultûs Diuini in Ecclesiâ  
Zdzieszouienſi, & frequentia Sa-  
cerdotum obſequijs illius adſcri-  
ptorum, populorumque ad vene-  
randam Imaginem celeberrimi  
concurſus deſcribun-

tur.

**P**rouecturus è tenui ſorte Eſtherem Deus  
ad Regios Aſſueri thalamos, dotaleque to-  
tius Orientis Imperium, præſagum futu-  
ræ felicitatis ſomnium Patruo eius patronoque  
immisit Mardocheo, quod ille poſt euentum re-  
ferens ait: *Recordatus ſum ſomnij, quod videram,*  
*hæc eadem ſignificantis, nec eorum quidquam irri-*  
*tum fuit: Paruus fons creuit in fluium, & in lu-*  
*cem ſolemque conuerſus eſt, & in aquas plurimas re-*  
*dundauit.* Conſtat Eſtherem humilem, typum  
geſſiſſe Deiparæ; quæ Humilitatis merito ad ipſû  
Deitatis ſolum euecta, ex Ancilla Chriſti, Coeli  
Terræque Domina aſſurrexit. Proinde & ſo-  
mnium Eſtheris fortunæ prænuntium, umbrati-

Hh

lia

Eſter 10.

Viſio Mardo-  
chei præfigu-  
rabat B. Vir-  
ginem.



Cant. 4.

Ioannis 1.

Iconis Zdzie-  
szouieſis prin-  
cipia obſcura  
creuere in Lu-  
cem.

Apoc. 12.

lia iecit MARIANI Principatus lineamenta;  
Illa nimirum, attestante Spiritu sancto *Fons signa-  
tus est*; cuius Scaturigo soli Deo nota, & signa-  
culo eius munita, in tantas gratiarum redunda-  
uit aquas, tamque pleno alueo per gentes & po-  
pulos decurrit, *ut de plenitudine eius accipiant v-  
niuerſi*. Verum & Imaginis suae Zdziesbouiensis  
primordia ac progressus, ad Mardochæani somnij  
aptauit veritatem: dum enim originem illius (ut  
supra attigi) vel antiquitatis incuriâ, vel domi-  
nantis Hæreseos iniuriâ obliterari fuit, nonne  
velut in abditâ specu fontem paruum conclusit?  
qui tamen post demersam à suo styge hæresim,  
vberrim erupit, *creuitque in fluuium, & in lucem  
solemque conuersus est*. Gemina hîc mihi occurrunt I-  
magini Zdziesbouiensis indulta Priuilegia, quorum  
vmbra in somniato illo Mardochæi fonte præ-  
cessisse video: *Conuersus* ille fuit primum *in lu-  
cem, solemque*, postmodum *in aquas plurimas redun-  
dauit*. Audisti figuram, specta veritatem; & cir-  
cumfusam non solum mysticâ, sed etiam visibili  
luce, iterumque *Amictam Sole* in Imagine suâ ad-  
mirare Deiparam. Adnotaui supra dum primor-  
dia Imaginis vestigare; adhuc incubante Op-  
pido Borcensi Hæresi; quæ subductam publicæ  
venerationi Sacram Iconem situ, & squalore voluit  
obsolescere; visum sapius Zdziesbouij Templum  
cæle-



cælestibus collucens flammis, prout id plures oculati testes, videlicet Rñdus Ambrosius Rychlicius Altarista, Famati Ioānes Ramka, Vrbanus Vi-  
trarius, Ciues Borcēses, medio corporali iuramēto ad Imaginem Crucifixi præstito recognouerunt: nunc recentius accipe paris irradiationis exemplum. Anno 1657. quo excusso Sueticæ Tyrannidis iugo, Equestris Ordo, Auctore Illustrissimo Georgio Lubomirski, Marschalco Regni, amissam libertatem, Ecclesiæ verò Catholicæ, auxiliante procul dubio hâc Virgine, quæ titulum Reginae Poloniae non repudiat, recuperauerunt securitatem; non multò post depulsum hostem Triumphalibus latus æther Debellatrici Hæreseon applausit ignibus; quas prouecta iam nocte fortuitò egressus Spe stabilis Dominus Grufcyński Ciuis Posnaniensis circum Ecclesiam ardere vidit, & insperato attonitus spectaculo, ad triclinium A. R. P. Ioannis Trzemiński præfatæ Ecclesiæ Præpositi (à quo hospes exceptus fuerat) tremens irruit. Assidebant adhuc nonnulli peregrinorum mensæ hospitalis Patris familias. Abrahamum obuiâ cuique humanitate æmulantis; ad quorum confessum reuersus, & præ stupore vocis impos, cum diutiùs velut alienatus à sensibus hæsisset; prodigiosi luminis visionem tandem aperuit; sed iam interim illa disparue-

Hh 2

rat,

Circa Ecclesiā  
Zdźiszowien.  
sæpè visi splē-  
dores,

Post expulsos  
Suecos resplē-  
dit cælesti  
luce.



rat, & egressi ad spectaculum qui aderant, amæ-  
no cælestis splendoris intuitu frui non poterant.

Pleniùs & plures MARIANÆ lucis li-  
bauere oculis delicias Anno 1666. cum sæua Ery-  
mnis inter status Reipubl: pomum Eridos iecerat,  
& Regem ac subditos internis dissidijs collisos, ad  
arma exciuerat; atque tunc circa oppidum Peł-  
czyno in Maiori Poloniâ; vterque exercitus op-  
positis castris, ciuilis belli ardore flagrabat; nam  
in peruigilio Sanctorum Apostolorum Simonis &  
Iudæ, concubiâ itidem nocte, Famatus Alber-  
tus Krukowski Ciuis Borensis, cum vniuersâ fa-  
miliâ domesticâ, vidit circumfusum æthereis igni-  
bus templum; in quorum medio, augustiore for-  
mâ fulgurabat Deipara, tali plane specie ac o-  
ris habitu; atque Imago Zdziebouiensis repre-  
sentat. Pone Deiparam visebantur binæ cata-  
phractorum effigies, strictis frameis in ferocem  
pugnam commissæ, ac mutuis ictibus digladi-  
antes; contra quas postquam regale sceptrum  
Beata Virgo tetendisset, dirempto crudeli duel-  
lo, pacem composuit, & armata illa spectra, ex  
aëre fugauit. Hac ipsâ nocte Ciues Dobrzy-  
censes, & alij Mercatores, Gostinum ad nundi-  
nastendentes, cum non procul ab Ecclesiâ Zdzie-  
bouiensem iter instituerent, ad eiusdem spectaculi cō-  
sortium diuinitus admissi, totum Oppidum rela-  
tione

Sub tempus  
Ciuilis belli  
apparens B. V.  
duorum Cata-  
phractorū pu-  
gnam diremit.



tione & famâ stupendæ apparitionis impleuerunt; eamque deinde præfatus Krusewski, ac omnes sui Domestici, ad Acta Ciuilia Borcensia comparentes iuramento firmarunt. Probabile est *Consolatricem Afflictorum* miseratam seu quassatæ Innocentiæ, seu pauperum, insolentiâ Militari, professorum, hoc ostento sequutæ non multo post paci præbuisse; quam suis apud Deum precibus (vt ti piè creditur) verè Pacifica *Sulamitis* conciliauit, *Facta eorum eo* (vt verbis Salomonis vtar) *quasi pacem reperiens*. Certè Illustrissimus Dominus Georgius Lubomirski, Supremus Regni Marschalcus, Domestici Martis incommoda pensans, & armorum quæ inuitus tuendæ innocentia causâ sumplerat pertæsus; paulò ante supplex Ecclesiam Zdziesbouiensem adierat; ibidemque ante Imaginem Deiparæ, toto corpore prouolutus, vt Mediatrix officio fungi inter partes dignaretur, quæ Deum inter & Hominem meditando, æterna fœdera panxit, cum lacrymis obsecrabat. Haud multò abfimilis visio iterum Anno 1678. pridie festi Beatæ Mariæ Virginis ad Nives spectantibus plurimis reproducta est: nam post primum statim crepusculum, dubiâ adhuc luce, resplenduit circa Ecclesiam æther festis ignibus; ac in eorum medio apparuit Ecypum Imagini Zdziesbouienfi simillimum; quod præter

Cant: 3.

Imago B. M. V.  
apparet in æ-  
re luce cir-  
cumdatâ.



## MAGNALIA

nocturnos oppidi Vigiles, plures alij oculati spectatores, vt potè Famati Matthias Kaliski, Matthias Gzegzol, Ioannes Myciel Ciues Borcenses asseueranter comprobârunt, & adiectâ sacramenti fide consignârunt.

Accedo ad alteram Fontis *Mardochæo* diuinitus ostensi dotem, quia scilicet exiguo profusus latice *creuit in fluium, & in aquas plurimas redundauit*. Ecquod pulchrius symbolum depingendis, Imaginis *Zdziebouiensis* incrementis fingi cogitarique potuit? nam & hæc modicis profecta exordijs, tantâ hodie Gratiarum affluentia in immensum restagnat & excurrit; vt intra vnus *Sarmatiæ* ripas arctari impatiens, fluenta Beneficiorum per *Alemaniam, Morauiam, Silesiam, Pomeraniam, Prussiam*, conterminalque regiones fortunatâ sanè eluue diffundat. Placet ad caput ipsum limpidissimi huius Fontis redire, quod more magnorum Fluminum non iam natura sed vetustatis obliuio occuluit; vt meritò Imagini *Zdziebouiensi* quadret illud *Lucani* de *Nili* profluuio carmen

Nili fluminis  
origini comparatur origo sacrae Iconis haec  
genus, quemadmodum Fontes Nili incognita.

*Arcanum natura caput non prodidit ulli,  
Nec licuit populis paruum te Nile videre,  
Amantq; sinus, & gentes maluit ortu  
Mirari quam nosse tuos.*

Certè miratur Orbis Polonus Maiestatem Imaginis,



nis, cuius ortus non assequitur; & ipsâ principij ignorantia, maiorem ex abdito venerationem intendente, adorat pronus Sacratissimâ Virginem, quæ ectypum suum non aliter voluit nisi per Beneficia notescere. Recurrit hîc iterum Reuerendus olim Felix Duranius; cuius merita ac exaltatos in propagando cultu Deiparæ labores, licet alibi strictim attigerim, hîc tamen luculentius celebrandi veniunt, vbi incrementa Ecclesiæ Zdziebouiensis prosequor; cuius felix progressus maxima ex parte Felici debetur. Non errabo si in gloriam Pijssimi Sacerdotis transferam Encomium Simoni Oniæ filio Pontifici à Siracide conscriptum; æquum siquidem est vt gaudeat participatione laudum, qui Simonis magnificentiam æquare conatus est, æmulâ sacrorum structurâ operum; verè *Sacerdos magnus qui in vitâ suâ suffulsi domum, & in diebus suis corroborauit Templum, Templi etiam altitudo ab ipso fundata est.* Inciderat in ea tempora Concionatorio in Ecclesiâ Borcensi fungens munere, cùm vindicatâ de manibus Hæreticorum totos triginta annos Ecclesijs Catholicis insultantium Oppidi illius Hæreditate, à Catholico Possessore, recens adhuc profanati Zdziebouiensis Templi squalor, triste abrogati MARIANI cultus conticinium, vasta augustissimi illius loci solitudo, ac denique nu-  
tantia

Ecclef. 50.



tantia sub annorum pondere, ac hominum neglectu Virgineæ Ecclesiæ ædificia, ante oculos verfabantur. Motus ergo indignitate facinoris, ac Hæreticæ abominatione desolationis, ad restituendum templi nitorem totus euisceratur; & languentem longâ defuetudine, populorû erga Deiparam affectum, qui doloso Lutheranae prauitatis suppressus cinere multum intepuerat, admotis zelosarum concionum flabris exsuscitare aggreditur. Excussere lethargum sacerdotali insonante tubâ, prouocati ad instaurandam Deiparæ venerationem Fideles; nec solum Borcensis Paræcia incolas sed circumiectos etiam populos, entheus quidam ardor decorandæ Imaginis MARIANÆ corripuit; præsertim *Domino cooperante & sermonem igniti Sacerdotis confirmante sequentibus signis*: ab illo enim tempore interceptus aliquantum permissu Diuino, ab opaco liuidæ Hæreseos nubilo MARIANÆ gloriæ fulgor, tam luculētis corruscare capit signis ac prodigijs; vt appareret, idcirco Beatissimam Virginem Potentiæ suæ radios ad tempus subtrahere voluisse, quatenus pulcherrimâ antiperistasi ab aduersariæ Hæreseos oppositu intensi, clariùs posita emicarent. Quocirca erectis omnium feruentibusque ad intermissa Deiparæ obsequia animis, & concessâ diuinitus substantiâ, honorare Di-

Concurrunt  
populi ad ve-  
nerationem i-  
psius.

Marci 16.



# D E I P A R Æ.

re *Diuinitatis Thesaurariam* (sic à deuoto nominatur *Idiota*) certatim contendentibus, assurrexit breui noua ex oblationibus Fidelium *Deiparæ* *Ædes*; multò decentiùs quàm ante structa, opere quidem lignario, verùm concinnè ad dolatorium exacto & leuigato; cui venustandæ adiectæ ad latera ternæ turres, & quarta in medio templi ad instar copulæ, conspicuâ specie eminebant. Crescente deinde non modò vernarû, sed exterorum quoque famâ *Miraculosæ Imaginis* excitatorum concursu, cùm memoratus Reuerendus *Felix* cerneret Ecclesiam ligneam confluentium multitudini capiendæ agrè sufficere; ad construendam augustiorem Basilicam animum intendit; quæ solidioris materiæ adiuincta compage, duraturam ad consequentes ætates (non sine decorâ cognominis *DVRANII* expressione) molem transmitteret. Fauit pijs Clientis sui moliminibus, hæc ipsa in cuius honorem Clientelæ *Pieræ* æstuabat *Beatissima Virgo*; nam modicæ fortis & satis accisorum prouentuum Sacerdos, de solo Dei ac eius Sacratissimæ Matris cōfusus auxilio, tantùm præualuit; vt capacissimam ex coctili latere Ecclesiam, mediorenis in summum vsque culmen proueheret, ac minorem (vt aiunt) chorum integrè consummaret; primorem verò eiusdem Ecclesiæ faciem quæ nauis dicitur

Ii

iactis

251

Construitur  
noua Ecclesia,  
pro decore I-  
maginis.

Successiue alia  
augustior ex  
cocto latere  
inchoatur.



Fama de R. Felice sparsa quasi illi B. V. pecuniam suppeditauit,

iactis solide fundamentis ad vlnas aliquot supra terram extolleret. Reliquæ fabricæ continuandæ desiderium, & apparatus mors abruptit, ac in successoris curam transtulit; cū idem Reuerendus Felix antequam fata superuenissent, de interno etiam MARIANÆ Ecclesiæ decore sollicitus, pretiosâ suppellectile, Calicibus, Crucibus, Candelabris argenteis, paramentisque phrygio opere variegatis, & altaribus affabrè factis eandem exornasset. Creditum est vulgo & talis à morte illius increbuerat rumor; Deiparam specialiter memorati Clientis sui delectatam affectu, ut desiderijs eius in ornamenta Domûs Imaginisque suæ totaliter effusis, obuiâ Munificentiam responderet, inopiam eius sapius submissâ præter spem pecuniâ, & miraculosis largitionibus subleuasse. Et verò fidem MARIANI huius fauoris facit, operum à dicto Reuerendo Felice perfectorum Magnitudo, cū angustis illius rebus, exiliq̃ue reddituum portione collata; quæ subducto calculo, nâ primis quidem tantorum Moliminum conatibus, pares sumptus exhibere poterat. Quis enim liberalem Deiparæ manum adfuisse Zelotæ huic suo diffiteatur? si præter gemina condita ab ipso Templo, (quorum prius ligneum cū edificaretur, submissos Diuinitus fuisse cooperatores binos equos superius adnotaui) ad alia eiusdem



dem magnifica facinora, vires facultatesque eius transcendentia animum aduertat; vt planè in iplo impletum videatur D. Pauli oraculum, quia *Magnus quæstus est Pietas cum sufficientiâ*. Fundauit primùm (ne in solis parietibus piâ eius hæsisse videatur sollicitudo) septem Presbyteros, qui vulgò Mansionarij nuncupantur, competenti cuique assignatâ dote; vt vice septem Spirituum, qui Ioanne S. teste *in conspectu Domini Throni sunt*, resonandis Deiparæ laudibus iugiter intenderet; & Officium eiusdem singulis diebus reuerenter decantarent. Collectis deinde tractu temporis maioribus summis, Ministros insuper Ecclesiæ, Organarium nempe, Cantorem, ac Ædituum celsu perpetuo annuâque pensione prouidit, ac Collegio dictorum Mansionariorum incorporauit: adeoque satagente Pijssimi Sacerdotis Prouidentia, impletum est in Ecclesia Zdziebouienfi Isaïæ vaticinium, *Occupabit salus muros tuos & Portas tuas laudatio*. Neque hîc stitit exæstuans in corde deuotissimi MARIANOPHILI, prouehendi eiusdem honoris cupido; ignis instar *qui nunquam dicit sufficit* noua continuò quæsiuit pabula, per quæ Empyream purissimi erga Deiparam amoris spargeret flammam: cui alendo opportunissimum subditurâ rarus fomitem Sacratissimi Rosarij Confraternitatem, ad eam inducendam animum adiecit,

I. Thim: 6.

Fûlat septem Mansionarios

Apoc: 1.

Isaïæ 60.

Prou: 30.

Introducitur  
Confraternita-  
tem Rosarij,



Arnol: Tract:  
de Laudibus  
Virginis.

Et alteram SS.  
Nominis IESV.

Apoc: 19.

Prou: 8.

Apoc: 7.

Et tertiam An-  
gelorum Cu-  
stodum,

Ad Hebr: 1.

iecit, ac Vexillum, Cappas, Crucem fratribus  
præferri solitam, sumptu proprio cōparauit. Quia  
verò (quemadmodum sapienter ratiocinatur Ar-  
noldus Carnotensis) *Vna est Maria & Christi ca-  
ro, vnus Spiritus, vnitas enim diuisionem non re-  
cipit, nec secatur in partes; & licet ex duobus fa-  
ctum sit vnum, illud tamen ultra scindi non potest,  
& Filij gloriam non tam communem iudico quam  
eandem: idcirco vt conformi ad hunc naturalem,  
imò Theandricum nexum ordine, simultanea Ma-  
tris ac Filij vigeret veneratio, alternisq; IESV  
ac MARIÆ Nominibus repercussa nouæ Basi-  
licæ atria personarent; Sacratissimo Rosario Con-  
fraternitatem Sanctissimi Nominis IESV socia-  
uit. Tandem ne deessent qui *Regi Regum &  
Domino Dominantium, Reginaeque illi per quam  
Reges regnant & Principes iusta decernunt, aspi-  
cerent: ad æmulationem cæli, vbi Omnes Ange-  
li stant in circuitu Throni, & ipse pulcherrimo  
Angelorum satellitio IESV & MARIÆ Ma-  
iestatem circumdedit; quando ad obsequia vtri-  
usque, Tertiam Confraternitatem Sanctorum An-  
gelorum Custodum, de licentiâ Admodum Reue-  
rendi Patris Fratris Petri Nigritij Ordinis S. Pauli  
Primi Eremitæ, per vtramque Poloniam ac Sile-  
siam Prouincialis adiunxit; vt per suffragia illo-  
rum, qui Omnes sunt administratorij Spiritus in-  
mini-**



*ministerium missi eorum qui hereditatem capiunt salutis*, plures famulos seruitijs Dei Filij, eiusque intemeratæ Matris manciparet.

Accendit Pia æmulatio Reuerendum Patrem Paulum Treterum, qui cupiens *Honorare Dominum* de sua *substantia* & sciens quod *cum simplicibus sermocinatio eius*, Quartam Confraternitatem in honorem *Sancti Isidori Agricola* erectam, in quam cooptarentur paris conditionis homines agris exercendis addicti, instituit; eamque probante Illustrissimo olim Andreâ Szoldrski Episcopo Pofnanienfi, applaudente verò incrementis Pietatis, Reuerendo Felice, solenniter in Ecclesiam Zdziesbouiensem paulò ante felicem eiusdem obitum introduxit; & non modò Altare memorato Diuo sacrum, sumptu proprio erexit; verùm etiam (comparatis ad dictam Confraternitatem omnibus necessarijs) calicem, Cassulas diuersorum colorum, & omnia ad sacrificium Missæ necessaria ornamenta coemit: Domum pro residentia Capellani construxit; summam deniq; duorum millium florenorum in vim reemptionis locauit, à quâ Censu annuus Altaristæ & Promotori Confraternitatis proueniret. Vir placidâ morum temperie conspicuus, & Principum etiam virorum amoribus, non minus propter senij quàm innati candoris reuerentiam insertus.

Prou: 4.

Prou: 3.

Quartam S. Isidori introduxit R. P. Paulus Treterus,



Ad Tit. 2.

Insignes R. Fe-  
licis virtutes.

i Petri 2.

Zelus Conuer-  
sionis anima-  
rum.

Verùm ad Reuerendũ Felicem regredior, in cuius virtutes iniurius essem, si eas segni silentio obnubilarem: *in omnibus si quidem* (iuxta monitum Apostoli) *præbuit se ipsum exemplum bonorum operum, in doctrinâ, in integritate, in gravitate*: & quod ore docuit, opere signavit. Orationi adeò deditus, ut totos dies cum Deo transigeret, præterquam si quando necessitas proximi auocaret; nam tunc ad impendenda egenti obsequia properus, atq; eò Numini gratior, de dilectione hominũ ad dilectionẽ Dei cum fãnore trãsibat; egregiè doctus Marthã sociare Mariã, Activã vitã cõtemplatiuã, labores causã proximi susceptos & beata Deuotæ Pietatis otia. In conuertendis peccatoribus, verè nomini suò consonus, & efficaciter Felix, multos è cæno vitiorum erutos, virtuti ac honestati auctoravit; dum quod suadebat faciendum verbo, factibile monstraret exemplo. *Forma factus gregis ex animo*: cumque primus à fugatã ex Oppido Borcensi Hæresi, corrupti fide ac vitã populi, Pastoralem curam suscepisset, tantã dexteritate reformationi institit; ut in nouam regenerati Creaturam Incolæ, non modò perfidiam Hæreticam, sed mores simul perditos exuerint; adeoque breui efflorescente religione ac Pietate, aliam se ipsa Ciuitas cum admiratione circumspexerit. Præcipuè intaminata Catholice fi-



cæ fidei puritas plantante Felice, incrementum  
 verò dante Deo, tam firmas illuc egit radices, ut  
 neminem Romanæ Ecclesiæ dissentaneum, popu-  
 lares in gremio sui patiantur. Charitate erga pau-  
 peres feruens, bona propria illorum vsibus vo-  
 luit esse communia; nescius quidquam petenti  
 denegare inopi, quem sic inopis afficiebat mise-  
 ria, ut magis alienis vreretur malis quàm suis. Il-  
 lo subueniente non esuriit famelicus; non aluit nu-  
 dus, inclementiam cæli & aspera viarum oblitus  
 est peregrinus. Sed præcipuè ecclesiarum amo-  
 re iefferbuit, quarum commodis totum deuouit,  
 quidquid sui immemor, commoditati propriæ  
 detraxit; ut meritò gloriari potuerit cum Psalte,  
*Domine dilexi decorem Domus tuæ, & locum ha-  
 bitationis gloriæ tuæ* *Psalm. 84.*  
 Ostentat Liberalitatis eius monumenta in  
 hodiernum diem, in primis Ecclesia Parochialis  
 Borcenlis; quæ rapaces Hæreticorum harpyarum  
 diutiùs perpeffa, vngues, & bonis spoliata omni-  
 bus, satagentè Reuerendi Felicis primi ab Hære-  
 si profligatâ Curati prouidentiâ, splendidiori lon-  
 gè quàm antea cultu refulsit. Nitent nunc in eâ  
 gemina Altaria, maius videlicet & S. Annæ, du-  
 ctilibus auri foliari, bracteis conuestita, sumpti-  
 bus Reuerendi Felicis magnificè structa: concre-  
 pant Diuinas laudes, suauimodulamine organa;  
 tinni-

Misericordia  
 in egenos.

Psalm. 84.

Liberalitas in  
 ornâda Eccle-  
 sia Parochiali.



Confraterni-  
tates in eadem  
erigit

Ecclesiam Xe-  
nodochialem  
ædificat.

Capellam Ma-  
riæ Magdale-  
næ erigit.

tinnunt graui sonitu trinæ iustæ magnitudinis  
campanæ; argentei calices, Cruces, Thuribula,  
lampades, & magni ponderis gestatorium Fercu-  
lum, Diuinissimæ Eucharistiæ dicatum, oculos  
intuentium euerberant. Addidit externo deco-  
ri, augustiorem Diuini cultûs adaucti Maiestatem,  
dum duas Confraternitates Literatorum sub titu-  
lo Deiparæ in cælos assumptæ, & S. Annæ in hac  
ipsâ Ecclesiâ plantauit, & dotalitio assignato cen-  
su stabiliiuit: atque vt esset qui languentes, seu  
mundanis occupationibus resolutos, in æterno-  
rum desiderium attolleret, torpentemque deuo-  
tionem; igniti eloquij flamine suscitaret, Eccle-  
siastem perpetuû, prouiso annuo reditu ibidẽ fun-  
dauit. Quid alia eius memorem opera? quæ  
nisi actu perfectæ cernerentur, perfici à paupere  
Sacerdote potuisse, stupefacta humani discursus  
illatio pernegaret: Ille Ecclesiam Xenodochia-  
lem S. Spiritus in suburbio Posnaniensi, ligneam  
quidem sed affabre cum imminenti turri structam;  
Ille Capellam S. Mariæ Magdalænæ in viâ Cosmi-  
num tendente, è cocto latere ædificare præua-  
luit; à Templorum Præside & incolâ Deo preci-  
bus mutuare, per arcana supplementa suetus,  
quod in Templorum ornamenta conferret.  
Tanta viri merita, & ingeniosam æquæ ac  
operosam in dilatando honore suo Pietatem, tem-  
pora-



porali etiam Deus muneratus est mercede, ac singulari tutatus protectione: nam sæpius Dæmonum furoribus infestato ( in quos tamen mirum exercere solebat imperium ) ac in maxima pericula coniecto, præsto Angelica ( vt pie creditur ) fuere præsidia. Vnde cum interdum ab infestis humani generis suisque hostibus, per ardua & abrupta Diuino permissu circumferretur, & aliquando in summum templi Parochialis apicem elatus fuisset; innoxio semper descensu, verius quam lapsu præcipitia euasit: succollantibus proculdubio Angelis, quibus Deus mandauit, vt fidelem suum famulum *in manibus tollerent, ne forte ad lapidem offenderet pedem suum.* Accidit & illud insigne Protectionis Diuinæ circa Reuerendum Felicem documentum, quod promiscuo Oppidanorum Borcensium memoratur ore: Decumbebat accisis per ætatem & assiduas cum energumenis luctas viribus, post modicam coenam vale-tudinarius senex; ne tamen quiescente corpore torperet animus, sed magis conticinia noctis, Diuinarum modulamine laudum rumperet; accenso tortili cereo, ac super pauperem tegetem posito, solitum horarum Canonicarum pensum ( quod nunquam maximis licet implicitus laboribus intermittebat ) persoluere caperat; cum ecce obrepens somnus sensum infirmo ac debili

K k

eripu-

Sraturum dor-  
mientis flam-  
ma correptum  
sed miraculo-  
se illatum.

Psal: 90:



eripuit; correptis pariter somno duobus ephēbis, qui dicti Reuerendi Felicis impensis enutriti, ac in arte symphoniacā erudiri iussi, eidem ab obsequijs fuerant; dormienteq; feniculo peruiabilem noctem alternare debuerant. Interim absumpto ellychnio tabescens igne cera, proxima puluinaria & ipsum stratum corripuit; sed cum vires sumere reperto pabulo flamma debuisset, non sine euidenti prodigio, compressā naturali edacitate, in ipsis suis fomitibus & alimentis suffocata est. Quod postquam excitus somno cognouit senecio, nouitate prodigij attonitus, & popularis famæ vanitatem subterfugiens, feuerō interdicto iuuenilem dicaciam compescuit; ne innoxij incendij lusus magis quàm æstus, durante vitā suā cuiquā propalarent; illo tamen vitā functo portentosum euentum vterque ( alteri Gaspar Boredzki, alteri Bartholomæus Zdziebyski nomen erat ) cuius spectatores fuerant, sub iuramento euulgârūt. Verū quid mirū coërcitum reuerentiā emeriti sacerdotis ignem, laesione abstinuisse? si quidem alienas etiam depascēti ædes frenum aliquando iniecit; cum enim domum cuiusdam Ciuis Borcensis Goniwiecha dicti ignis corripuisset, & crescente incendio elati in sublimē flammarum globi, cōmunem toti oppido rogam minarentur; mox vt Reuerendus Felix ad-

Solo Crucis signo  
extinguit  
incendium.



lix adfuit, & signum S. Crucis protensâ in aëre manu, formatum furenti igni obiecit, sinuosa illa flammarum volumina sublidere ceperunt; ac sensim dehiscencia, in fauillas tandem ac cineres, vicinis intactis vanuerunt.

Floruit insuper curationum gratiâ Diuinitus concessâ Rñdus Felix; nam præter plurimos Engumenos, à Dæmonum vexatione liberatos, nonnulli periculosè infirmi, ac in confinio mortis positi, resumptæ præter omnē spem vitæ beneficium, illius precib; acceptū retulere. Non minor in dissoluendis maleficijs Rñdi Felicis enituit potestas; quæ cum tractu illo ob frequentiam sagarum, in varias hominum pecudumque noxas crebrò erumpant, interuentu ac exorcismis Reuerendi Felicis noxiam vim semper amisere; singulare istud esto efficacis contra harum Eumenidum, Erebi filiarum machinamenta remedij, per Rñdum Felicem præstiti documentum; infecerant carminibus incantationibusque suis veneficæ Braxatorium quoddâ, adeo vt fruges coquedæ cereuisiæ aptatæ, sed virulentâ putredine per artem magicâ afflatæ in vermes degenerarēt: vocatus ad ferendâ opem Rñdus Felix, postquâ preces ad Deum fudit, mox corruptis frugibus & succus, & vigor, & integritas, nullo prioris tabis indicio redijt.

Tandem post continuos quadraginta an-

Kk 2

norum

Periculose æ-  
grotantes sa-  
nat,

Veneficia ma-  
leficarum pel-  
lit.



Meritur,

meliorum una

et illi videretur

v. 16

Illo momento  
Angelorum can-  
tus in aëre au-  
ditus,

et sic in aëre

et in omni loco

angeli videretur

v. 16

norum in regimine Ecclesiarū Borcensis & Zdzie-  
bouiensis exantlatos labores, indefessus honoris  
Dei ac Deiparæ assertor & vindex, cum magnam  
sanctitatis opinionem, apud omnes reliquisset,  
senio & labore confectus, placidissimè vitæ mor-  
talis cursum cōsummauit, vt ordiretur æternæ, die  
secundâ Ianuarij Anno 1642. Placuit Diuinæ bo-  
nitati, translationem fidelis famuli sui ex hac la-  
crymarū valle, festiuis cohonestare tripudijs: nam  
eâ ipsâ horâ, quâ Reuerendus Felix mortalita-  
tem expleuit, duo Presbyteri Ioannes Zytecus,  
& Andreas Mansionarij Zdziebouienses, intra se-  
pta eiusdem Ecclesiæ diuersas domos inhabitan-  
tes, de obitu Præpositi sui prorsus ignari, supra  
Capellam B. M. V. dulcissimum Angelorum con-  
centū resonātem audierūt; & simul capellā ipsam  
insolito lumine coruscare stupuerūt; collatis dein-  
de mortis ac cælestis melodix tēporibus, coinci-  
disse vtrāq; ex arcanâ Diuini dispensatione consilij  
deprehenderūt, ac postea interpositâ iurisiurandi  
religione firmārūt: eiusdē visionis particeps fieri  
& supernæ symphonix dulcedine pasci, hâc ipsâ  
horâ meruit Rñdus Nicolaus Zerkouius, qui defun-  
cto à Confessionibus fuerat; tametsi ab Ecclesiâ  
Zdziebouiensi longè dissitus, & circa Parochia-  
lem Borcensem tunc residens; quod fide iuratâ  
post mortem recognouit, idque publicè pro ro-  
stris



stris dum promiscuo planctu parentaretur optimo Parenti, orphanum solando populū, insignis per id temporis famā & facundiā Ecclesiastes, Actualis pro tunc Posnaniæ Sacræ Theologiæ Professor, Reuerendus Albertus Darowski Societ. IESV edisseruit; addiditq; inter cætera indultarum cælitus Reuerendo Felici gratiarum argumenta, singulare illud obtigisse, quod proximè ante mortem Deipara ægrotantem inuiserit; & luctantis cum ultimo agone Clientis sui æstus, iucundissimo spectaculo, sed multò iucundiore refouerit promisso; affuturam sese nimirum pollicita exeūti de luteo ergastulo animæ, illamque ante Filij conspectum securè stitutam; quam aparitionem ex ore dicti Zerkouij Confessarij sub conscientia recognoscentis excerptam, memoratus Reuerendus Darowski pro Concione publicauit. Nec verò primus iste circa vitæ suprema fuit MARIANÆ dignationis Clienti suo exhibitus fructus; etiam ante paribus benigne visitantis Deiparæ delibatus est solatijs; quandoquidem sicuti præfatio Confessario suo, certâ occasione adactus, rorantibus cum lacrymis aperuit, hospitē aliquādo Cæli Reginam Angelorū stipatā choris, Domi suæ cum ingēti gaudio excepit; atq; id ipsum circa suprema funeris officia Ecclesiastes palam promulgauit.

Hæc tamen omnia quæ tam de apparitionibus

Ante mortem  
apparet illi B.  
M. V.

Etiam in vita  
apparitionibus  
Deiparæ dignatus est.



nibus Deiparæ, quam de alijs circa Reuerendum Felicem gestis, communem Naturæ modum supergressis retuli, fide tantum humanâ assenro; & inhærendo Decreto Sanctissimi olim Urbani Octauï Papæ, in Sacrosancto Vniuersalis Inquisitionis Tribunali Anno 1625. lato, nullam publicam Auctoritatem scriptis meis de præfato Reuerendo Felice (imò & mox infra de alijs quoque virtute præcellentibus viris scribendis) conciliare me velle profiteor. In tumulo eius sequens Inscriptio Parentali lapidi incisa ita loquitur:

**Venerabilis in Christo Pater Felix**  
**à Szrem Duranius, Plebanus Bor-**  
**cenſis, Præpoſitus Zdzieſzouienſis, Obijt 2da**  
**Ianuarij Anno Domini 1642. hoc tumula-**  
**tus Sepulchro requieſcit. Orate Filii**  
**pro Fundatore, & attendite vobis,**  
**& Eccleſiæ Dei.**

Successit Mortuo Felici, Adamus Budziecki haud impar Athlanti illi suffectus Alcides, in quem pondus MARIANI Olympi inclinaret. Pluribus iam ante experimentis sublimis ingenij vim, ac virtutem testatam fecerat, cum absoluto Theologico cursu in Collegio Poſnaniẽ Societ: IESV, concionatorio primum, mox Pastoralis munere in Op-



in Oppido Iarocin functus, commissum sibi populum optimis moribus ac institutis, Ecclesiam verò antea squalore vetustatis horrentem, duabus muratis capellis & cultiore apparatu instruxisset: ut verò melius formare posset mores viuentium, secutus ipse oraculum Apollinis, cum mortuis habitare prælegit; adeò peruigil continuæ sacrorum librorum lectioni impallescens, & pænè immoriēs, ut vix quatuor vel quinque horas necessaria quieti somnoque concederet. Quin etiam medullam reconditoris in arbitrandis moribus actibusque humanis scientiæ, ex varijs haustam Magistris, ingenti labore in vnum Volumen congestit ac compilauit; Dignum utiq; prælo & Luce Opus, nisi ille umbratilis gloriæ negligens, in umbrâ illud latere maluisset, scire quàm sciri audior. Emergit tamen ad famam ipso famæ contemptu; & summi Nominis viris ex promiscuis primùm præconijs, mox ex usu probatus, dignus visus est, qui primarijs dignitatibus Ecclesiasticis, & ipso Cathedralis Polnaniensis Ecclesiæ Canonicatu, offerente vltro Illustrissimo Andrea Szofdrski ornaretur. Sed hominem meritorum consciētiâ subnixum, ast inanes ambitus pulchriore modestiæ ambitu circumscribentem, oblato- rum pompa honorum non abripuit; quibus submissè recusatis, ægrè tandem exoratus ab Illu-  
strissi-



Secundus Præ-  
positus Zdzie-  
szowieński: Re-  
uerendus Ada-  
mus Budzie-  
cki.

Ecclesiam per-  
ficit.

strissimâ Dominâ Annâ de Bnin Przyemska, Il-  
lustrissimi olim Stanislai Przyemski, Marschalci  
Curia Regni Consorte, Ecclesiarum in Zdzieś &  
Borek Patronâ & Collatrice, amoreque & sancti-  
tate Loci celeberrimi allectus, Præposituram su-  
cepit: & statim ad complenda Reuerendi Felicis  
destinata ac cepta progressus, Chorum Ecclesiæ  
maiores (cuius fundamenta Rhdus Felix iecerat)  
consumauit: Capellam Sponso Deiparæ Iosepho  
sacram erexit: tres campanas iustæ magnitudi-  
nis conflare curauit; Lampades, Calices, Pixidem  
asseruando Sacrosancto Eucharistiæ Sacramento  
seruituram, & duo paria candelabrorum ex solido  
argento fusa, proprio peculio comparauit. Au-  
ctus etiam per ipsum Sacrae Imaginis honor; nam  
primo statim regiminis sui anno, totam circum-  
ferentiam Sacrae Imaginis conuestiuit, ac inter-  
iectis argenteis floribus auro illitis, varioq; pre-  
tiosorum lapidum splendore coruscantibus, ve-  
nustatæ Iconi augustiorem venerationem inten-  
dit. Verum præcipua alendæ propagandæque  
Deuotionis Reuerendo Adamo cura; cuius incre-  
menta vt prouentu vberiore succrescerent, nu-  
merum Sacerdotum fouendæ Pietati idoneorum,  
ante omnia augendum ratus, captato Benefacto-  
rum fauore; septem Capellanos in Sacello S. Iose-  
phi in-



sephi instituit; qui præter obligationes Missarû ex præscripto Fundatorum absoluendarum, Prædicationi Verbi Dei, ac excipiendis confluentis populi Confessionibus intenderent: Ex his quinque suasu & impulsu Rñdi Adami, Generosus Dominus Albertus Mycielski cum suâ Coniuge Catharinâ Przedzinska, Sextum Generosa Dña Heduigis Konarska, vltimum Generosus Dñs Przybysławski addidère: Quorum maiori commoditari prospectum cupiens Generosus Dñs Stephanus Kaczkowski, Tria millia florenorum Polonicarum in augmentum Dotis, annuique prouentus donauit ac inscripsit. Aderat his omnibus præuius sanctæ profusionis ac prædux Reuerendus Adamus, & gnarus melius suaderi factis, quàm dictis, omne peculium quod ex fructibus Beneficiorum collegerat, diuenditis insuper cultioribus vestimentis ac utensilibus, in vsus dictorum Capellānorum impendit; in quorum sustentationem Prædium Strzyżewko nūcupatum coemit. Ad mansiones deinde, residentia Cleri (quem aggregauerat) accommodas animum sumptumque applicuit, & primū ades Præpositi de nouo erexit; binas deinde domos Ecclesiæ vicinas, sed personis secularibus hætenus habitatas, refuso Dominis illarum pretio, in vsus Sacerdotum transcripsit: potissima tamen, & magis polito opere spe-

Pœnitentiarios septem fundat.

Prædiū Strzyżewko pro illis emit,



Illius instin-  
ctu Sacerdoti-  
bus plures do-  
mos, circa Ec-  
clesiam confe-  
runtur.

stabilis, curâ & impensis eius assurrexit Domus pro Capellanis S. Iosephi, quorum vigilantia, ac in euoluēdis libris assiduitas, sacerque lucrands animabus apparatus, amēiores secessus, & aptam speculationi solitudinem postulabant. Certauē-  
re post hæc honestissimâ contentione, diuerso-  
rum Presbyterorum studia, in dilatandis Ecclesiæ  
Zdziebouiensis pomerijs: vnde & iam cum lau-  
de memoratus Rñdus Paulus Treterus, elegans  
ædificium sumptu proprio structum, perenni re-  
sidentix Patris Capellani S. Isidori dicauit; & si-  
mili dilatandi MARIANI honoris ardescens  
zelo, Reuerendus Thomas Costenouius, satis am-  
plum Patrimonij distracti pretium, in fabricam al-  
terius domus erogauit: sequutus horum exem-  
pla, Reuerendus Ioānes Brandwicz Parochus Bo-  
rzećinēsis, insignē curiam tribus cultioris structu-  
ræ mansionibus constantem, in areâ amplissimæ  
capacitatis construxit. Quin imò adeo succes-  
sive crescente religiosâ MARTIANOPHI-  
LORVM Liberalitate, Tecta Sacerdotalia in-  
creuēre; vt ab ipsâ oppidi Borcensis portâ, ad vs-  
que Ecclesiam Zdziebouiensem, totam ab vtro-  
que latere plateam frequentibus fastigijs occu-  
pauerint.

Non solum autem Domuum, sed Cleri  
quoque ipsius numerosior cum tempore facta est  
accessio



accessio; postquam & Sacellanus Imaginis Miraculosa, à Perillustri & Reuerendissimo Branecki, Suffraganeo & Archidiacono Posnaniensi erectus, Censu annuo florenorum Octuaginta prouisus; & alij duo, Maximæ videlicet Aræ, & S. Rochi Altaristæ, operante Fundatorum pietate Ecclesiæ Zdziebouiensi accreuere: quibus si adnumeres quatuor Vicarios, Ecclesiæ Parochiali Borcensi adscriptos, cum tribus Capellanis Borzeuianis, & duobus Altaristis Literatorum, & Contubernij Lationum, facile numerum Triginta trium Presbyterorum, rarâ etiam muratis vrbibus frequentiam, in vno oppido implebunt. Par sanè exhibuit sollicitus Reuerendi Adami zelus in Ecclesiâ Zdziebouiensi, atque olim *Simon Onia* filius in templo Solimæo spectaculum; quando diebus præsertim solennioribus astitit *circa illum corona Fratrum*, & quasi plantatio Cedri in monte Libano, sic circa illum steterunt quasi rami palma. Atque hi omnes non officijs modò proprijs ex Ereptione iunctis, sed etiam saluti proximorum incumbere ex vsu habent; & quodocunq; confluentis ac exomologesim poscentis multitudinis feruor exigit, alacrem excipiendis confessionibus operam nauant; ita vt interdum die vno, aliquot milia, accedente ipsorum ministerio, sacramento poenitentiae lustrata, redintegrato læsi Numinis

Auctæ præte-  
rea Fundatio-  
nes Presbyte-  
rorum.

Eccl: 504



favore, viuificis eiusdem dapibus pasci mereantur.

Labores indefessi R. Adami.

Deut: 15. &  
1. ad Corin: 9.

Liberalitas eius in pauperes.

Accendebat omnes exemplo, ad piam hanc lucrandarum animarum auaritiam Reuerendus Adamus, planè infatigabili laborum tolerantia, hærere in Confessionali (quemadmodum vocant) solitus; vt frequenter expiandis poenitentium noxiis intentus, vix circa vespas lasso corpori necessariæ refectionis solamen concederet. Rigor tamen hic, quo amore proximi macerabatur, in ipso solo stetit; nam Sacerdotes huius erronearum mentium aucupij cooperatores, instructis semper ad affluentiam mensis, lautoque conuiuio excipit; vt impleret mysticum illud ipsius Dei monitum, ab Apostolo iterum promulgatum: *Non alligabis os boni triturati*: imò cum ipse parcissimo vteretur cibo, & per tredecim integros annos ante mortem, vsu carniū nuncupato (vti opinio tulit) voto sibi interdixerit; nihilominus tam amicam sibi frugalis alimonie famem, copioso semper ciborum dato apparatu, ab alijs exesse amabat; largissimam humanitate, in hospitem tractamenta effusus. Patuit proinde Domus illius semper pauperi & Aduenæ; neue peregrini præsertim Religiosi vel Presbyteri, peregrinos se esse sentirent, officiosa Rndi Adami hospitalitas, plusquam domesticas comoditates, exceptis recto suppeditauit.

Tot



Tot virtutum meritorumque clarum insignibus, non promiscuus modò populi Amor, sed Magnatum etiam complexa est veneratio; unde bini Polnanienses Episcopi, Andreas Szoldrski & Casimir Florianus Dux in Klewan Czartoryski (cui postmodum Primatialis Dignitas obtigerat) præhabitis singularium ipsius dotum experimentis, & familiari conuiuii benignè adhibuere, & suam cum illo Potestatem partiri sustinuere: cum præter amplissimos absoluendi, dispensandi, Paramenta sacerdotalia benedicendi, Presbyteros excipiendis confessionibus idoneos approbandi concessos fauores, Ordinariæ insuper Iurisdictionis auctoritatem illi delegarunt; vt in omnem Ecclesijs Borcensi & Zdziesouensi adscriptum Clerum, ludicis munere fungeretur. Sed iam pluribus in honorem Dei patratis facinorib' illustrè, & laboribus perfunctum, ac insuper annis grauem, morbi etiam indiuisi teneaturis pedissequi prægrauare ceperant; Calculi enim, podagræ ac colicæ passionis coaceruatis doloribus, scamma variarum ægritudinum in ipso, de ipso digladiantium factus est: cum quibus plusquam semestri spatio conflictatus, quam inuictò emineret animo, dum languido dissoluebatur corpore, per raræ patientiæ documenta monstrauit. Accessit longè acerbior ex incrementis Hæreticæ prauitatis pro-

Patientia in  
morbis diuer-  
sis.



tis prognatus dolor; quæ Suetico in Poloniam in-  
uecta Leone, Leoninos planè rictus Templorum  
inhiano spolijs distendit, Leoninam rabiem in  
sacræ supellectilis prædam distrinxit. Quocirca  
astuans conseruandi reliqui thesauri Ecclesiastici  
anxiâ sollicitudine (nam magna eius pars ex in-  
dulto S. Sedis Apostolicæ in stipendia Militum  
cesserat) factâ tamen per Illustrissimos Dominos  
Andream Leszczynski Gnesnensem & Ioannem  
Tarnowski Leopoliensem Archiepiscopos Com-  
missarios Apostolicos, sufficienti cautelâ, præ-  
standæ compensationis (cuius authenticum in Ar-  
chiuo Zdziesbouiensi asseruatur) postquam detra-  
cta parietibus anathemata, aliâque sacra vasa ar-  
gento fabrefacta, ne Hæreticæ irritamenta fie-  
rèt cupiditati, opportunis latebris texisset; ad oc-  
culendum potiore Theaurum, quo sacratius  
Ecclesia Zdziesbouiensis imò tota maior Polonia  
ditescit, scilicet Miraculosam Imaginem animum  
curamque conuertit. Circumspicienti cuinam  
depositorio tam nobilem gazam inferret ac cre-  
deret? occurrit Celeberrimum in Silesiâ Monia-  
lium Sacri Ordinis Cisterciensis Trebnicense Mo-  
nasterium, Diuæ Hedugis Magnificentiâ, sed ma-  
gis ascetico secessu, & heroicarum virtutum e-  
xemplis nobilitatum. Ad hunc Parthenonem,  
Iconem Partheniam deuchi secretò placuit; vt  
Primi-

Imaginem B.  
Virg. grassante  
Sueco extra  
Regnum de-  
portat.

Trebnicij de-  
ponit.



Primiceria Reginaque Virginum, Virgineo stipata gynæceo, illas haberet Custodes, quas Liata puritatis habet sequaces.

Nec multò post exportatam extra Regni fines Sacram Imaginem, ipse finem vitæ inuenit; & morbis ærumnisque confectus, mortem tantquam optimum malorum omnium remedium, lubens suscepit; *Melius iudicans cum Iuda Machabæo mori, quam videre mala gentis sue.* Nurum olim Heli Sacerdotis prægnantem legimus, accepto declade Israelis, & interceptâ à Philistæis Arcâ Domini, tristi nuntio, irruentibus subitò partus doloribus oppressam expirasse; hâc vnâ (cùm iam supremum exhalaret spiritum) bis ingeminatâ querelâ. *Translata est gloria Domini de Israel, quia capta est Arca Dei.* Quodli vniùs Mulierculæ animum adeò perculit, illata ab hostibus Arcæ Fœderis iniuria; vt turbatis subitâ vertigine phantasmatibus, vitiatâque exinde humorum temperie, & vitalibus spiritibus nimia apprehensionis vi succilis ac prolapsis, exanimis corruerit; quàm violentum credimus dolorem inuasisse zelosi Sacerdotis pectus? quando grassante ad libidinem hæresi, & sese iniurijs spoliisque Ecclesiarum sagginante, actam ad tempus in exilium (sic disponente imperscrutabili Diuini consilij abyssu) illius Virginis vidit Imaginem, quæ sola omnes hæreses interemit

1. Machab.

1. Reg. 4.



Placidissima  
morre decedit,

teremit in vniuerso mundo. Piguit credo su-  
peresse terris, Sarmaticas terras linquente Virgi-  
ne; & non inuitus transferri ex huius mundi flu-  
ctibus eligit, cum fluctuante Regni Fortunâ, eue-  
tu præsentium mæstus, futurorum anceps & an-  
xius, ingemiscere coactus est; quia *Translata est  
gloria Domini de Israel*. Extinctus est placidissimo  
obitu Anuo 1657. nocte Sanctis Innocentibus di-  
catâ, perceptis ritè prius Ecclesiasticis Sacramen-  
tis, & confectâ vltimâ temporalium dispositio-  
ne, inter manus & complexus Sacerdotum defun-  
ctus; à quibus proximè ante mortem, erratorum  
in regimine veniam, humiliter iunctis manibus  
poposcit, & lacrymabundus ipse lacrymas adstan-  
tibus *Pretiosam iusti mortem* spectantibus elicuit.

Tertius Præ-  
positus Zdzie-  
szouienfis, R.  
Ioannes Trze-  
minski.

Tertius post depulsam Oppido Borcensi  
Hæresim, regimen eiusdem & simul Zdzieſzoui-  
ensis Ecclesiæ suscepit Reuerendus Ioannes Trze-  
minski, tunc cùm iterùm Hæresis Sueticis suc-  
cincta armis Polonorum inundasset; & felicibus  
primi Martis successibus ebria, contra Ecclesias  
furiarū rædisagi coepisset; ad expilandas statim aras  
Catholicas, arcasq; alienas nimis præcoci rapaci-  
tate intenta: breui enim experimento edocta, sen-  
sit verissimū esse Salomonis oraculū, quod postea  
ingulis Suecorū Lechici incidere acinaces: *Sub-  
stantia festinata minuetur*. Si quidem accensi pro-  
prio

Prouerb. 13.



prio dedecore, & direptarum Ecclesiarum dolore Poloni; postquam serò licet, detractâ Leonis Suetico vulpinâ (quam ad tempus sumpserat) pelle, sub ficto *Protektoris* titulo prædonem latere deprehendissent, arma corripuerunt; & tumentem non tam virtute suâ, quam nostrâ vecordi oscitantiâ hostem, tum Monarchiâ Polonâ, quam Scenicus Rex spe deuorauerat, tum præcipuarû legionum robore, quas diuersis prælijs turpiter amiserat, pessimè multârunt; ac denique ad suam Arcton, & pressos rigido Aquilone montes, inglorium pepulerunt. Vfus ergo partæ de Hæresi victoriæ gaudio Reuerendus Ioannes, primum eiusdem fructum Debellatrici Hæresum Virgini sacrandum putauit; reducendæ Imaginis percupidus, quam hostili furori & ludibrio, prouidâ Migratione Antecessor exemerat. Proinde Trebnicium delatus, ipso Diuæ Heduigis anniuersario solenni, quod illic multò populorum, ad visendum ipsius Sepulchrum turmatim venientium concursu colitur, postridie Festi, Imaginem publicæ omnium venerationi exponi fecit; & suggestu inscenso, post celebratas Deiparæ laudes, Monialibus tanti Thesauri custodibus meritas gratias persoluit: atque ita transmissio inter solennia lætitiæ die, nox quoque omnibus sacris Virginibus, tum primùm hospitantis apud se Ma-

Post fugatos  
Succos Imagi-  
nem reportari  
curat.



## MAGNALIA

tris Virginis notitiam adeptis (nam antea sola Abbatissa depositi huius conscia fuerat) insomnis, & per industriæ pietatis certamina, ac continuas preces acta est.

Vt primùm illuxit, numerosus Sacerdotum chorus, & simul ingens è vicinis regionibus multitudo, famâ abituræ Imaginis excita Templum impleuit; seu pium *Salve, Valeq;* simul tantæ hospiti dicere, seu in ultimo discessu, aliquid *MARIANÆ* gratiæ raptim decerpere humili supplicatione cupiens: Sacra verò Monialium Cohors, obtentâ à Reuerendissimo Ordinis Commissario licentiâ, ad normam prudentium Virginum, cum accensis vice lampadum facibus, extra Claustrum progressa, obuiam Diuinæ Sponsæ venit; ac solenni pompâ, delatam humeris Sacerdotum Imaginem antecedens, inter suauius modulamina, ac internæ dulcedinis entheos gustus, ad paratû effedum velut ad Triumphalem currum, eandem deduxit; opplentibus circumiectos campos omnium ordinum & statuû agminibus, quæ nouissimo illo obsequio, reducere ad propria Sacram Iconem honorare satagebât. Ipsa Reuendissima Dorothea de Bnin Bnińska Abbatissa uti Territorij Trebnice Ducissa, frequenter Baronum & Nobilium, Iurisdictioni illius subiectorum stipata coronâ, cum delectis Virginibus, ad usq; septimum milliarem Imaginem

Quâ pompâ  
Sacra Imago  
Trebnicio à  
Monialibus  
dimissa.

Moniales Pro-  
cessionallyter  
deducunt Ima-  
ginem B. V. ve-  
hendam in Po-  
loniam.



ginem prosequuta est; & adoratâ nouissimè Deiparâ reuertens, integram armatorum satellitum cohortem, honoris simul ac securitatis causâ, eidem deducendæ ad limites Sarmaticos, custodem circumdedit.

Postquam autem fines regni attigit re-  
dux ab Exilio Imago, innouatum vidisses Israeli-  
tarum in reducendâ Arcâ Fœderis feruorem; cer-  
tatim enim ex oppidis ac villis occursantes sup-  
plicatium turmæ, festiuis gratulationibus & plau-  
sibus, venientem in suâ Icone Deiparam excipie-  
bant; donec Pogorzeliū ventum, oppidum leu-  
câ vnâ Borkouiâ distans; vbi Imago tantisper sub-  
stitit, donec Illustrissimus Albertus Tholibowski,  
Episcopus Posnaniensis (qui consecrandæ Eccle-  
siæ Zdziebouiensi superuenerat) solēnia vnctio-  
nis solitosque circa dedicationes Templorum ri-  
tus expleret. Quibus peractis, postridie ipse-  
met Præsul aduentanti Imagini obuiam procel-  
sit; non solum lectissimâ Procerum Equitumq; Po-  
lonorum stipante coronâ, sed plurimis cuiusvis æ-  
tatis, sexus, ac conditionis effusis Myriadibus; per-  
strepente in argumentum lætitiæ, alternantibus  
canentium Choris æthere, & manâibus præ gau-  
dio ex oculis spectatorum lacrymis; qui manife-  
stè cernebant, æmulo iterum astu à Deiparâ vi-  
ctum esse Regem Hæreticum, atq; olim legimus

Lætitiæ & con-  
cursus popu-  
lorum in re-  
ductione Ima-  
ginis.



Visa tunc Tri-  
umphare B. V.  
de victis Hæ-  
reticis.

# M A G N A L I A

illusum Herodem Tyrannum; & artis fuisse quòd  
declinauerit non timoris; sacramenti non pau-  
ris; siquidem Deipara cessit tempori non Hære-  
si; neque hostem fugit, sed opportunâ Potentiæ  
occultatione, licentiosè ruentem in præceps ie-  
cit; vt gloriosius de insolescente victorijs Sueco,  
plenam victoriæ reportaret. Itaq; per calcata  
Hæreseos busta, Victrix Imago, Triumphali in-  
uecta pompâ, suas iterùm remeavit in sedes; da-  
to sæculis omnibus clarissimo documento, MA-  
RIANVM Honorem suppressi aliquândo ex ar-  
canâ Diuini consilij ratione posse, nunquam op-  
primi; & Mastiges illius protelare duntaxat debi-  
tas sceleribus pœnas, non euitare.

R. Ioannis  
Prepositi in  
ampliando  
cultu B. V. fer-  
uor.

Partâ hac insigni reductâ Miraculosâ Ima-  
ginis gloriâ Reuerendus Ioannes, totus ad pro-  
ferenda MARIANI cultus augmenta incubuit;  
cùmque cerneret Principibus viris multò inter-  
dum comitatu locum inuisentibus, apta in op-  
pido deesse diuersoria, amplissimam Curiam in  
tria infernè toridemque supernè capacia recepta-  
cula distributam, & eleganti opere spectabilem,  
cum adiectis commodissimis conclauius, ac ne-  
cessario vtensilium apparatu, eminentioris for-  
tunæ Hospitibus construi curauit: atque ipse ad  
officia hospitalitatis versus, necessitatibus con-  
uenarum occurrere; lassitudines refouere; indi-  
genti-



gentiam subleuare; & omnibus promptâ munificentiam sese partiri, inter præcipuas curas habuit; Vir comi candore, & vacuo fastus supercilio, promiscuam caritatem omnium promeritus, dum eandem omnibus præstat. Extat præterea singulare illius facinus, iure meritò memori sequentiū ætatum gratitudine prosequendum; siquidem occupatis multorū Procerum animis, allectisq; fauoribus, in Comitij Regni sub Serenissimo olim Poloniarum Michaelē Rege Varſauia celebratis, Donationem perpetuā Bonorū Villæ Raysko in Palatinatu & districtu Calissiēsi sitæ, in alimēta Sacerdotum sub signis MARIANIS ad Ecclesiā Zdziebouiensem merentium, accedente omnium Ordinum consensu obtinuit; prout Constitutio eonomine lata de Anno 1673 plenius obloquitur. Tentauit & Presbyteros dictæ Ecclesiæ per diuersa ministeria sparsos in vnius congregationis corpus redigere, conscriptisq; ad eum effectum opportunis legibus, ab Illustrissimo olim Alberto Tholibowski Episcopo Posnaniensi, per speciale rescriptum approbatis, communi nexu adunare: verum aliter Numini visum: exempto enim humanis Reuerendo Ioanne, Successor à Patronis & Collatoribus datus Reuerendus Stanislaus Grudowic quondam Academiæ Cracouiē Professor, Congregationis S. Philippi Nerij Presbyter,

Obtinet in Comitij Regni  
donationem  
Villæ Raysko.

Presbyteros  
omnes viuere  
conatur.



Post mortem  
illius, Ecclesia  
Zdzieſzoui-  
ſis PPbus Con-  
gregationis O-  
ratorij S. Phi-  
lippi Nerij  
cedit.

Moritur.

Recensentur  
inſigniores Ec-  
cleſiæ illius Be-  
nefactores.

Hebr. 13.

ter, mox accitos inſtituti ſui ſocios, in poſſeſſio-  
nem Eccleſiæ Zdzieſzouiſis immiſit; & potio-  
ra Munia, ac curas in aſſeclarum ſuorum hume-  
ros tranſtulit; veteranis emeritiſque Sacerdoti-  
bus, circa ſuas fundationes & Capellanas con-  
ſeruatis. Quo facto maiorine Eccleſiæ cōmo-  
do, & loci ſacri ornamento, ac Virginei cultus  
incrementis conſultum ſit? an ſequius? Opti-  
mus euentuum interpres Tempus monſtrabit.  
Vitâ functo Reuerendo Ioanni Cenotaphium a-  
mici poſuere.

Haſtenus trium Præpoſitorum recen-  
ſui Merita & Virtutes, quibus Eccleſia Zdzie-  
ſzouiſis originem debet & progreſſum; ſuper-  
eſt vt volante ſaltem pennâ, attingam laudes, &  
nomina perennitati conſecrem illorum Mæcena-  
tum; quos tametſi Sacerdotalis Characteris de-  
cus non inſigniuit, impenſa tamen adornandæ Ec-  
cleſiæ Zdzieſzouiſi Liberalitas, Sacerdotalis o-  
blationis fructu minimè priuauit. Placet nimi-  
rùm Deo præter Eucharisticam illam Viſtimam,  
quam Presbyteri quotidie riru incruento immo-  
lant, etiam religiola gratuita Largitionis, quæ à  
Munificâ litatur manu hoſtia, Sancto Paulo atte-  
ſtante qui inquit. *Beneficentia & communionis  
nolite obliuiſci, talibus enim hoſtijs promeretur Deus.*  
Primas in hoc oblationis genere tenet Illuſtriſſi-  
mus



# D E I P A R Æ.

mus olim Stanislaus à Przyima Przyiemski, Marschalcus Curia Regni, Generalis Gubernator Maioris Poloniae, Osiecensis, Koninensis, Capitaneus: qui aditâ Hæreditatis Borcensis possessione, hâc maximè sorte beatum se credidit, quod in sortem suam Indigena ditioris illius Deipara concesserit; ac positus in Ecclesiâ Zdziebouiensi Laribus, stabile domicilium intra ambitum territorij Borcensis, tam longo temporis tractu contraxerit. Lætus ergo incolatu Dominae illius, per quam etiam Reges regnant, vrbanißimo prodigæ liberalitatis cultu, aucupari gratiam ipsius & totum id abolere contendit, quicquid Hæretica Antecessorum incivilitas, vix non paganâ barbarie in Virginis Maiestatem deliquerat. Ac inprimis squalorem quo diutius Imago Deiparae oblita, per summam Iconoclastarû iniuriam panè obsoleuerat, abstersum compensatumque cupiens; totam Imaginis superficiem (quæ in longum duos cubitos, in latum vero paulò minori mensurâ extenditur) crassioribus laminis argenteis operuit; ita concinnè ad symmetriam picturæ adaptatis, vt elimatum docti artificis manu in vestimenta argentum, vndulato syrmate Lineamenti Imaginis responderet; solis duntaxat vultibus Divinae Matris ac Dei Filij in publicam venerationem patentibus. Addidit

281

Illustrissimi  
Przyiemski  
erga l. cum sa-  
crum liberali-  
tas,

Imaginem to-  
tam laminis ar-  
genteis vestit.

oôo



octo Cadelabra argētea magni pōderis, & lāpadem eodem metallo fufam, perēnis ante aras Virgineas ignis baiulam, seu nutricem; Paramenta prære-  
rea auro texta, & opere polymito eleganter variegata, in vſus ſacrificij ac Miniſtrorum. Denique cū multa alia donaria non tenuis pretij Eccleſiæ Zdzieſouienſi ſacrauiſſet, ſummā Quatuor millium florenorum penſioni cenſus annui ſubiectam, ſymphoniacis iure perpetuo in dotem adſcripſit; qui officia Diuina, & Laudes MARIA-  
NAS, iugi canore ſuauique melodiā perſonarent.

Coniunx illius  
legat ſex mil-  
lia pro fabrica  
Eccleſiæ.

Sequuta eſt exemplum Mariti indiuiſa quemadmodum vitæ ac fortunæ, ita Heroicarum facinorum ac gloriæ ſocia, Illuſtriſſima Anna de Bnin Coniunx; palmamque ſibi præripi, in tam glorioſo Pietatis agone non ſuſtinuit. Vnde & durante vitâ mariti, ditiora è mundo muliebri clenodia, Mundi Domina in ornamenta Imaginis tranſcripſit; & illo terris ſublato, multò inſignius Munificentia monumentum ſtatuit, cū ſummā ſex millium florenorum continuandæ fabricæ cōſignauit. Conſpirauit in eundem ampliandi Cultus MARIANI Zelum æmulâ contentione, Illuſtriſſimus Dominus Adamus Olbrachtus Przy-  
iemski, Supremus Caſtrorum Regni Metator, Illuſtriſſimi Dñi Marſchalci præmemorati, virtute æquè ac ſanguine germanus; qui conſono ad  
Nomi-

Illuſtriſſimus  
Olbracht? Fra-  
ter Marſchalci  
Summam pro  
aleo igne per-  
petuo inſcri-  
bit.



Nominis sui Etymon ( quod Illuminatricem vel Illuminatam sonat ) cupiens M A R I A M honorare obsequio, summam Mille quingentorum florenorum fouendo perpetuo ante aram ipsius luminis inscripsit, & in Bonis Hæreditarijs Cegelnia nuncupatis assecurauit: verè *Filius Lucis*, siquidem præstitis copiosè in alimenta perennaturæ Lucis impendijs effecit, vt legalis Figura in manifestationem, vmbra transiret in veritatem; dum ante Imaginem Deiparæ inextinctos ignes accendit, qui iam olim ante Arcam Foederis, indefessâ Sacerdotum nutriti curâ, in typo præluxerūt.

Transijt etiam ad posteros inclytæ Przyemscyorum Domûs, velut naturalis successione iure, officiosâ ad seruitia M A R I A N A promptitudinis hæreditas: nam Illustrissimus Petrus Przyiemski, Castellanus Szemensis, præfati Illustrissimi Stanislai Marschalci congeneranti Parentis Filius, attentis Virginei Sacelli angustijs, quod satiare vota populorum cupidine contuendæ in suâ Imagine Deiparæ anhelantium, commodè nequaquam poterat; & vix per turmas ac interualla, venientem multitudinem impedito difficilique aditu excipiebat; dignas Senatorio pectore concepit curas, vt augustius delubrum locandæ sacrae Iconi moliretur. Proinde erectâ officinâ lateritiâ, ple-

Ephes: 5.

Illustrissimus  
Petrus Przy-  
iemski nouū  
Sacellum Ima-  
gini molitur.

N n

nam



Ad eandem fa-  
bricam cōcur-  
rit Illustrissi-  
ma Coniunx.

nam absolutamque potestatem fecit cædendarum  
in sylvis hæreditarijs arborum, quæ non modò  
eoquendis lateribus, parandoque cémento, sed  
etiam restaurandis Presbyterorum ædibus suffi-  
cerent; ac insuper Duo millia florenorum, in ar-  
chitectos operasque eroganda consignavit. Ad-  
iecit consors illius de Illustrissimâ Domo & Fa-  
miliâ Opalinscianâ pretiosa Cimelia, tribus mil-  
libus florenorum æstimata; geminosque annulos  
rari fulgoris & valoris adamantibus coruscos,  
præter vnionum ab extremo oriente petitorum  
copiam, ornandæ Imagini dicatam; nobilissimâ  
sanè æmulatione, ne solus Coniunx inter Clie-  
ntes, seu veriùs Curiales Reginæ Cælorum Proce-  
res censeretur; sed quos Coniugalis vinxit amor,  
æquata piæ liberalitatis consortia, ad cælestes si-  
mul Curules prouherent. Idem dilatandæ Vir-  
ginæ Ædis eniheus ardor, afflauit Par aliud In-  
clytorum coniugum; Per illustrem nimirum Do-  
minum Stanislaum Pogorzelski vltimum Domus  
sue Hæredem in Pogorzel, Castellatum Calisiën-  
sem, suamque consortem de domo Smusheuianâ;  
quorum ille pulcherrimum monile solido auro  
græue, ac pretiosis distinctum lapidibus, vnâ cum  
aliquot centenis florenis; Hæc verò summam mil-  
le florenorum, in fabricam noui Sacelli, alacri mu-  
nificentiâ contulêre. Verum & plures alios a-  
nimo



nimo manuque liberali promptos, ad maturan-  
dam eiusdem structuræ compagem, Dia exci-  
uit Pietas; siquidem & Magnificus Dominus Ro-  
galinski, & Admodum Reuerendus Sebastianus  
Gostkowski Parochus Borzęcinensis, non modi-  
cas summas, in sumptus Sacelli Virginei largiti  
sunt. Cæterorum nomina tametsi defectus scri-  
pturæ, vel etiam vltione ipsorum ex contem-  
ptu gloriæ profecta suppressio, humanæ subdu-  
xit memoriæ; descripsit tamen in Libro vitæ il-  
le, qui & capillos suorum, maximè verò M A-  
RIANO PHILORVM in numero habet.

Restant adhuc cum laude memorandi Bene-  
factores, qui licet de terrestri ac tandem peritu-  
ro metallo, in ornamenta Loci Sacri affatim non  
congresserunt; sacratione tamen gazâ Ecclesiam  
Zdziebouiensem locuplerârunt; cum ipsam pre-  
tiosis Sanctorum Reliquijs *Quorum ossa ipse Domi-  
nus custodit*, nobilius adornârunt. Primùm in-  
ter hos locum tenet Reuerendissimus Dominus  
Ioannes Grzymuſkowski, Abbas Landensis, qui  
instinctu Illustrissimi Domini Andreæ Opaliński,  
Episcopi Poſnaniensis, Caput vnius è Legione  
Vndecim Millium Virginum, accedente expresso  
consensu & rati habitione Patrum & Fratrum Mo-  
nasterij sui, Ecclesiæ prænominatæ donauit. Si-  
mili munere ditauit eandem Ecclesiam Reueren-

Reliquijs di-  
uerforū San-  
ctorum Eccle-  
sia ornatur.



disimus Dñus Ioannes Ruřkowski Abbas Paradisiensis; nec enim contentus quæsitis à terrâ donarijs Aram Deiparæ adcomplisse; è cælestibus accersijt, quod in honorem Cæli Dominae transferret; cùmq; antea par candelabrorum argenteorum, vnà cum pelui & Aquali Argenteis, Ecclesiæ obtulisset, addidit potiozem ipsi splendorem, donatis insignibus particulis, ex illis Sanctorum corporibus quæ olim *fulgebunt sicut Sol in Regno calorum*: attexo Cathalogum harum Reliquiarum, vt magnitudo Muneris innotescat, In primis de Collegio vñdecim millium Virginum insignis Pars Omoplata. Medium cruris de eodem collegio. Ossa earundem integra de cubitis. Ex Socijs Sancti Zenonis insignis particula. Ex camisiâ B. Iosaphati particula sanguine eius tincta. Sancti Stephani Martyris non modica particula. Dens S. Honorati Mart. Dens S. Olympij Mart. Ex quadraginta Martyrum ossibus particula. Ex decem millibus Militum Crucifixorum pars satis magna de scapulâ. Reliquia S. Theodori M. ex Cemeterio Priscillæ. Reliquia de Ossibus SS. Innocentum. Capilli B. Iosaphati.

Auxit pretiosissimū hunc Sacrorū Lipsanorum thesaurū Gñolus Matthias Treterus Sacra Regiæ Maiestatis Secretarius; dū insignes Sancti Pacifici Martyris Reliquias tumbâ argenteâ inclusas, cum alijs



alijs SS. Primi & Feliciani Martyrum notabilibus particulis, Ecclesiæ donauit; præter Peristromata è Villoso holoserico coccinei coloris confecta, ac finibrijs lacinijſque auro intextis adornata, & alia non leuioris pretij, quæ vestiendis Sacelli Virginei parietibus deferuient, de labore manuum suarum liberaliter erogata: & quò maior Sanctorum Tutelarium, sub vmbra Reginæ illorum vigeret cultus; Tribus altaribus opere statuario in honorem Diuorum Isidori, Philippi Nerei, & Beati Ioannis Cantij, in Academiâ Cracouiensi Sacræ Theologiæ Doctoris, Præsbyteri secularis, de nouo erectis, eximium decus Basilicæ Zdziesbouiensi addidit. Verùm eminet Imago B. Ioannis Cantij, recenter in Beatorum numerum ab Innocentio XI. Papâ relati, ac solenni festo sub ritu duplici, per vniuersum regnum Poloniæ, ei-que annexas Prouincias, die decimâ nonâ Nouembris coli annuatim iussi, singulari artificio visenda; quam celebris æui huius Religiosus Pictor, rarâ etiam exterorum ingenijs, elegantia, in laminâ stanneâ affabrè, pænè ad stuporem intuentium depinxit.

Superessent plura de largitionibus Benefactorum, concursibus Populorum, Ordine ac Majestate Diuinorum officiorum, in Ecclesiâ Zdziesbouiensi peragi solitorum, cum fructu memoran-



Transumptal-  
maginis Zdzie-  
szouienſis Mi-  
raculis coru-  
ſcant.

da; quibus tamen conſultò abſtineo, ne prolixitate Operis ſaſtidioſum Lectorem grauem. Illud ſilentio nullatenus inuoluere debeo, quod inſignem Deiparæ erga hanc ſuam Imaginem li- quidò probat affectum; quia ſcilicet MATER ADMIRABILIS, non ſolùm ipſi Prototypo, ſed etiam pluribus ad normam eius depictis Iconibus, vim ac virtutem admirabilem indidit; eaſdemque pluribus Gratiarum oſtentis inſigniu- it. Celebris eſt prodigiorum gloriâ & magnitudine Poſnaniæ, apud Patres Ordinis Minorum Conuentualium exigua Imaginacula, hanc noſtram Zdzieſzouienſem ( prout ipſorummet Patrum e- iuſdem Conuentus teſtantur literæ ) lineamen- tis exprimens; quam Præter quidam eiuſdem Or- dinis Conuerſus, in argumentum amoris depin- gi curauerat, ac in Religioſæ Cellæ adſciſcens præſidium, priuato cultu proſequebatur; tot enim iam in publicum ſignis, ab Illuſtriſſimo Loci Ordinario legitime recognitis, & probatis inclaruit, ac tantos confluens illuc populus, inter- ueniēte Deiparâ Propitiâ Numinis haurit fauores; ut iuſtū Volumē implere poſſent, ſi per ſingula ſup- putari deberēt. Par Beneficentiæ MARIANÆ fulgor radiat circa aliâ Imaginem, ad huius æmu- lationem prototypi, artifice penicillo digeſtam; quæ in Sileſiâ in Monafterio Trebniçeſi paulò ante

memo-



memorato, vbi S. Hedwigis Ducissa & Patrona Poloniarum inclitum habet sepulchrum in magnâ veneratione habetur. Tû aliarum in Szrem, Kozmin, Krotoſynac Crac: apud PP. Ord: Min: de Obſ: in alijsq; pluribus locis extantes. quæ magnâ veneratione coluntur, & maiorem in dies per frequētissima gratiarum experimenta intendunt & propagant.

Sed iam ad imponendam Capiti huic Coronidem vocor, quam symbolo à Syluestro Sancta Petra mutuato adorno. Pinxit ille nubem roſcido vapore turgentem, cui oppositus Sol impactis radijs ſimillimam ſui effigiem impreſſit; alterumque ſolem ex incidentiâ repercuſſi luminis formatum, in aduerſâ nube parturiſt; additâ epigraphæ myſterij indice *Quia reſpexit*. Et Symboliſta quidem ad Increatum illum alluſit Solem *Qui ſolus* (Apoſtolo teſte) *lucem habitat*, *inacceſſibilem*: namque hic miro & inenarrabili modo irradians Sacraſſimæ Virgini, quam Nubis aſt nullo peccati pondere grauata nomine appellauit Iſaias dicens, *Ecce Dominus aſcendet ſuper nubem leuem*, in alterum ſeſe in Nube hâc, verum iam oculis humanis ſpectabilem replicuit ſolem; dum carne amictus à Virgine ſumptâ, in terris refulſit. Mihi tamen idem Hieroglyphicum non incongruè tholo Eccleſiæ Zdziekoſuienſis appingere liceat; vbi tot intaminatæ prohibitæ

Ingenium  
Syluestri  
Patrona  
Poloniarum  
inclitum  
habet  
sepulchrum

Symbolum Ec-  
cleſiæ Zdzie-  
koſuienſis, e-  
iuſq; Miniſtris  
Preſbyteris ac-  
commodatum.

1. Timothe: 6,



bitatis Sacerdotes, tot zelosi Mæcenates, operosissimo deuotæ sollicitudinis adnituntur ambitu, vt MARIANÆ gloriæ splendor, magis in dies rutilans sit semper in Auge. Nonne enim

Cant: 6.

ipso Spiritu Sancto vade, Deipara est *Electa* vt *Sol*: quæ dum benignos radios, in amica deuotorum Clientum pectora vibrat & iaculatur, tãquam in Diaphanas ac leues nubes incidit (his enim æquiparantur Iusti à Prophetâ dicente) *Qui sunt isti qui vt nubes volant?* atq; Diuiniore & Mystico artificio speciem illis suâ imprimit, quando arcanâ delineatione, virtutû suarum symmetriam in illis effingit ac effigiat. Gauisa est specioso hoc spectaculo, atq; etiam hodie gaudet Zdziesouien-  
 sis Ecclesia, cum Pastores olim suos Felices, Adamos, Ioannes, & tot alios spectatissimæ virtutis Sacerdotes exhibet; qui MARIANO illustrati à Sole, alterû solem induerunt mente, expresserunt conuersatione; vt euidenter Deipara in eorum non solum luceat cordibus, sed etiam moribus, idcirco *Quia Locum Personasque dilectas singu-*  
*lari gratiâ Resposxit* *Delibe* *Togis* *simis* *didit*

Apostrophe

gratulatoria ad

Patriam.

Non possum hîc temperare animo & calamo, quin Tibi gratuleri ô nimium dilecta Deiparæ POLONIA; cuius tantis circumfluis fauoribus, vt non modo Te pluribus Imaginibus Miraculorum gloriâ illustribus nobilitet; verum etiam



eriam Reginam se Tuam affectuosissimo ambitu  
 nominari amet; & inter potiores Titulos R E-  
 GIN Æ POLONI Æ appellationem numeret.  
 ac usurpet ( prout ipsamet Iulio Mancinello So-  
 ciet: IESV Sacerdoti, opinione sanctitatis clarò  
 indicauit.) Sub tantæ imperio Dominae secura, te-  
 mines vanas iratae Fortunæ minas; nulloq; splen-  
 dores Tui inhorrescent nubilo; nullâ attribun-  
 tur caliginē, quibus tam propitijs adlucet radijs,  
*Mulier amicta Sole:* & tantò fidentiùs Gentili-  
 tia tua A Q V I L A, coacta in exitum suum ri-  
 debit ex alto fulmina, quantò sacratius inter o-  
 mnes Christianis sacris initiatas nationes, Pen-  
 nas suas obsequijs illius commodauit; *Data sunt*  
*enim* Ioāne 8. teste *Mulieri ala duæ Aquila Magnæ.*  
 Fremat licet immensa armorum suorum ferox rabie  
 Othomanica Luna; & insatiabilem distringat ore-  
 xim, vt per Sarmaticas ruinas faciliùs *Totum com-*  
*pleat Orbem;* Victrici tamen *Fortis* huius *Mulieris*  
 conteretur calcaneo, iam enim olim cælo præfi-  
 gnante, visa est *Luna sub pedibus eius.* Habes non  
 dubiū eximæ erga Te dilectionis M A R I A N Æ  
 pignus; siquidem *Regina* hæc *Tua*, quæ *adstitit*  
*à dextris Domini in vestitu deaurato circumdata seu-*  
*tulatis,* vnum Tibi cælitus submisit, & muniminai  
 Tuo circumdedit S C V T V M, in Serenissimo  
 IOANNE TERTIO; sed nulli penetrabile

Apoc: 12.

Ibidem.

Prou: 33.

Apoc: 12.

Psal: 40. se-  
cundum ver-  
sionem 70. in-  
terpret.



## MAGNALIA DEIPARÆ.

Virg. Æneid.

ferro: vt illi meritò adscribi debeat, quod fa-  
buloso Æneæ musa Maronis accinit Clypeo,  
Ingentem Clypeum formant vnum omnia contra  
Tela Latinorum.

Psal. 114.

Hoc Clypeo Regina Tua MARIA obumbrabit  
super caput tuum in die belli; vt sub vmbrâ eius  
tutius degas ac perennes, quam Græcia sub inui-  
cto Aiæcis scuto. Illud interim toto Votorum

Virgil:

Tuorum satage apud Deiparam conatu; vt hæc La-  
pfa Ancilia calo, seris demùm exactis sæculis, re-  
petat idem quod dedit cælum; siquidem prote-  
geris contra omnes insani Æoli æstus ac procellas,

Hesiod.

æquipari Alcideæ Clypeo; cui olim Hesiodo  
attestante, Græcis literis incisa legeba-

tur Epigraphæ; PORTVS  
TVTVS INDOMITI  
MARIS.





# C O R R I G E N D A.

**P**lura in hunc Librum irrepserunt Errata, propter frequē-  
tem absentiam eius, qui Typo & Correcturæ inuigilabat.  
Potiora quæ sensum viciant, aut in Leges Latinæ Linguae gra-  
uiter impingunt, habes Beneuole Lector inferius connotata.  
Reliqua in quibus transpositione vel additione seu defectu ali-  
cuius Literæ vel etiam contra Orthographiam peccatur, ipse-  
met pro Tuâ humanitate corrige, & Typographo parce.

Pagina 13. v. 24. flammatis: lege flam-  
mantis.

Pag: 17. v. 4. Pameada: lege Pane-  
ada.

Pag: 19. v. 8. Cataphræum: lege Ca-  
taphrygum.

Pag: 22. v. 25. Effectū: lege Effectum.

Pag: 35. ad Mar. Debruius: lege Delrius.

Pag: 50. v. 10. Téporis: lege Teporis.

Pag: 58. v. 25 non pauca obliuit: le-  
ge non parca obliuit.

Pag: 60. ad margines Edit: lege redit.

Pag: 61. v. 2. Eiusq;: lege Eiusque.

Pag: 65. v. 4. Examine: lege Exani-  
me.

Pag: 80. v. 18. Rediā: lege Redactam.

Pag: 89. v. 11. Casu: lege Casus.

Pag: 95. v. 5. Obstetricante: lege Ob-  
stetricante.

Pag: 102. v. 8. aspergine: lege asper-  
gine.

Pag: 111. v. 1. Insinuerat: lege Insi-  
nuauerat.

Pag: 112. v. 8. Lucis: lege Luci.

Pag: 119. v. 10. Abijt: lege Abijt.

Pag: 126. v. 10. Tantū: lege Tantam.

Pag: 127. v. 13. Mixti: lege Mixtim.

Pag: 128. v. 15. Populis: lege Populo.

Pag: 141. v. 1. Sanils: lege Sanies.

Pag: 142. v. 17 succidiuis: lege sueci-  
duis.

Pag: 146. v. 17. Iuuenum: lege Iuue-  
nem.

Pag: 147. v. 4. Valeri: lege Valer.

Ibidem v. 6. Itinere: lege Itineri.

Ibidem v. 24. Doloris: lege Dolo-  
res.

Pag: 153. v. 7. Diui: lege Diuini.

Pag: 154. v. 13. Percullit: lege Percu-  
lit.

Ibidem v. 14. Triduani: lege Tri-  
duani.

Pag: 157. v. 13. Qui: lege Quæ.

Pag: 159. v. 26. Tentatatus: lege Ten-  
tatus.

Pag: 161. v. 26. Thragicus: lege Tra-  
gicus.

Pag: 164. v. 25. Corpore: lege Colo-  
re.

Pag: 166. v. 13. Festino: lege Festiuo.

Pag: 172. v. 13. Potu: lege Potus.

Pag: 187. v. 21. Vtensibus: lege Vten-  
sibus.

Ibidem.



Ibidem *¶* 25. solui lacrymas: *lege*  
*ge* solui in lacrymas.  
 Pag: 188. *ad Margines*; & incipien: *le*  
*ge* Glacie & incipiens,  
 Pag: 189. *ad Margines*; Prodigioso: *le*  
*ge* prodigioso.  
 Pag: 197. *¶* 7. Transcendere: *le*  
*ge* Transcendere.  
 Pag: 200. *¶* 21. Non destituit: *le*  
*ge* Non destituit.  
 Pag: 202. *¶* 18 Deletoriam: *lege*  
 Deleteriam.  
 Pag: 207. *¶* 10. Recipit: *lege* Rece-  
 pit.  
 Ibidem *¶* 14. Immomenti: *lege*  
 Immerenti.  
 Pag: 220. *¶* 4. Rei gesta, adde: serie  
 rei gesta.  
 Ibidem *¶* 14. Quo tunc: *lege* Qui  
 tunc.  
 Pag: 223. *¶* 15. Vbi: *lege* vel;  
 Ibidem *¶* 16. suppositione: *lege*  
 suggestione.  
 Pag: 224. *¶* 20. Concinarunt: *lege*  
 cecinerunt.  
 Ibidem *¶* 23. Palentes. *lege* Palan-  
 tes.  
 Pag: 240. *¶* 8. Tempore: *lege* Tem-  
 pero.

Pag: 246. *¶* 5. Erymnis: *lege* Ery-  
 mnis.  
 Ibidem *¶* 16. Representat: *le*  
 Representat.  
 Pag: 247. *¶* 8. Præbuisse: *lege* Præ-  
 buisse.  
 Ibidem *¶* 10. Eorum eo: *lege* Co-  
 ram eo.  
 Pag: 248. *¶* 25. Amavitque sinus: *le*  
*ge* Amavitque.  
 Eodem versu, Ortu: *lege* Ortus.  
 Pag: 250. *¶* 20. Corruscare: *lege* Co-  
 rruscare.  
 Ibidem versu ultimo, Et concessa:  
*lege*, & de concessa.  
 Pag: 251. versu ultimo, Vauis: *lege*  
 Nauis.  
 Pag: 252. *ad Margines*; suppeditaui:  
*lege* suppeditare.  
 Pag: 270. *¶* 21. Lagissimâ: *lege* lar-  
 gissimâ.  
 Pag: 274. *¶* 4. Eligit: *lege* Elegit.  
 Ibidem *¶* 20. Polonorum. *lege* Po-  
 loniam.  
 Pag: 285. *¶* 17. Locuplerarunt: *lege*  
 Locupletarunt.  
 Pag: 288. *¶* 12. Imaginacula: *lege*  
 Imaguncula.  
 Pag: 290. *¶* 20. Etiam: *lege* Etiam.





